

47.

DEFENSIO

IOHANNIS MARSILII,

IN FAVOREM

RESPONSI OCTO

PROPOSITIONES

continentis:

*Aduersus quod scripsit Illustriss. & Reueren-
diss. Dom. Cardinalis Bel-
larminus.*

Proverb. cap. I.

Frustra iacitur rete ante oculos pennatorum.




VENETIIS.

Apud Robertum Meictum.

M. D. CVI.

Cum licentia Superiorum.







P R O O E M I U M



V M nusquam viderem in lucem prodire defensionem octo Propositionum ab Illustrissimo Domino Cardinali Bellarmino impugnatarum, sicuti rumor erat intra paucos dies prodituram: ausus sum, eo zelo motus quem in fidelium corde accendit Christiana charitas, rem aggredi, certus hunc laborem nec Domino Deo displicere posse, qui est ipsissima veritas, pro qua scribere intendo: nec Serenissimæ huic Reipublicæ, cui inferuio pro pusillo eo talèto quod diuinæ Maiestati placuit mihi concedere: pro cuius defensione credendum sine dubio, octo illas propositiones constitutas fuisse: vt appareat, infamatam esse immeritò veram & Catholicam doctrinam, eiusque Authorem pro bono opere, vt ita dicam, lapidatum, (Ioh. 10.) quasi blasphemasset.

Hoc qua potero perspicuitate & synceritate, præstare conabor, vt ne vnus quidem sit qui non animaduertat valida cum ratione de his qui iustam & æquam Serenissimæ Reipublicæ causam impugnant, id dici posse quod ad rem eandem regius propheta dixit, Ps. 63. Sagittæ paruulorum sunt factæ plagæ eorum.

Respondebo ea modestia quam docet Apostolus, Philip. 4. ad ea omnia capita quæ Dominus Cardinalis immeritò reprehendit: nec magnus eorum numerus me terreat qui contrariam opinionem sectari possent, modò constantiæ adhaream Prophetæ Micheæ, Reg. 3. c. 22. siquidem veritas, modò

ædificium firmetur, cœlestis Architecti consilios
[Supra firmam petram,] (Matth. c. 7. Lucæ c. 6.)

Precor Dominum Deum, veri omnis hominis
fontem perpetuum & inexhaustum, vt mentem
meam illuminare velit ad causæ tam iustæ & æquæ
defensionem.

Beatissimam item Virginem, sanctissimam ipsius
matrem, vt religiosissimæ suæ Ciuitatis rationes, si-
cut antea semper, velit protegere: nam si meritò
Roma vocatur [Ciuitas Petri,] hæc etiam, quòd san-
ctissimæ Annunciationis ipsius die fundata fuerit,
& ob perennia ab ipsa, omni occasione accepta be-
neficia, quòdque semper in Religione & libertate
Virgo fuerit, meritò [Ciuitas Virginis,] nuncupari
potest.

Gloriosum denique Euangelistam S. Marcum,
sub cuius alis militamus, scriptorem peculiarem; &
præconem magnificum Triumphi Christi Saluator-
is nostri; vt protectione sua continuâque interces-
sione nobis adesse velit, quò liberi à periculis, ea pa-
ce frui possimus; quam ipse Dei nomine in illo suo
semper aperto nec vnquam clauso libro nobis pol-
licetur.

De Artificiis Domini Cardinalis.

Primum artificium fuit, non priùs dictum tra-
ctatum editum fuisse, quàm à Dominorù Car-
dinalium conuentu Romæ ad res consimiles depu-
tato, è quorum numero est Dominatio sua Illu-
strissima, prohibitis fuerit, cum omnibus illis scri-
ptis quæ tunc temporis prodierunt, circa re Domi-
norum Venetorum; nullam dictæ prohibitionis
peculiarem causam adducendo, sed tantùm genera-
les quosdam titulos & respectus. At ne sana & Ca-

Man j

tholica doctrina sepulta maneret, cum infamatio-
ne perpetuâque ignominia nominis nondum co-
gniti Catholici eius doctrinæ authoris: arcanum &
altissimum Dei iudicium permisit vt ab vna parte
celebris & magnus impugnator suscitaretur: ab al-
tera verò propugnator nō minùs humilis ac demis-
sus quàm Catholicus: qui altissimū Charitatis præ-
ceptum prohiberi non posse cognoscens, nec mi-
nùs illud inculpatæ tutelæ, quod ab humana aliqua
lege iuxta diuinam conceditur, & in multis casibus
titulo præcepti imperatur, doctrinam illam defen-
dendam suscepit, non solùm ne ipse author, eiusque
doctrina sine defensione manerent, verùm etiam
quia cùm liber ille speciatim causæ suæ, ipsam Chri-
stianissimæ Reipublicæ Venetæ, omniumque Prin-
cipum Christianorum causam adnexam habeat, iu-
dicauit, nulla ratione prohiberi posse, vt dum Do-
mini quidam Cardinales in potestatis ac iurisdic-
tionis eorum præiudicium & diminutionem scri-
bunt, ipsorum etiam fideles serui ac subditi defen-
sionem suscipere, totisque viribus ipsorum autho-
ritatem firmare non possint, non secus ac dicti Do-
mini Cardinales Pontificis Romani autoritatem
modis omnibus augere & ampliare contendunt,
cùm multò magis quod suum est defendere, quàm
alienum captare, purgare suum factum, quàm of-
fendere concedatur.

Iam vt hoc iuxta meam obligationem, æquissi-
mumque meum optatum fiat, ab ipso limine, vt om-
nem, etiam apparentem hoc opus prohibendi oc-
casionem tollam, Protestor corā Sanctissimæ Tri-
nitatis Consistorio, corā immaculata Virgine Dei
matre, totaq; cœli aula, coram eo tribunali quod de
operibus

operibus meis, & maximè occultis ac reconditis
 meis cogitationibus iudicium feret, mihi in hoc o-
 pere non esse animum aliam quàm Catholicam &
 Oecumenicam doctrinam tenendi, méque non so-
 lum vlli Sacræ & Canonice Scripturæ textui à Do-
 mino Cardinali allato, alitèrve, nō repugnaturum,
 sed neque vlli Ecclesiæ vniuersalis definitioni, tan-
 quam de fide, quinimò non dicturū me quicquam
 quod à Catholicis Doctoribus dictum, defensum,
 & confirmatum non sit, ipsorum sententiam, quan-
 tum potero résque postulabit, ad verbum adducen-
 do: quūque per imprudētiā secus facerē, quod,
 Deo dante, non futurum spero, hac de re monitus,
 promptus ero ad retractandum, gloriæ adscribens,
 quum in scriptis meis errarem, id facere quod plu-
 ribus libris fecit illud tam humile quàm ingenio-
 sum huius nostræ Occidentalis, Ecclesiæ lumen
 splendidissimum, D. Augustinus. Secundum est,
 dum verbis Authoris. expositionem sensui eiusque
 menti contrariam tribuit, vt inde conclusiones eli-
 ciat quos reprehendat modò vt hæreticas, modò vt
 schismaticas, modò vt erroneas, modò vt temera-
 rias, modò vt scandalosas, modò vt fatuas: idque hac
 loquendi formula, si author sic intelligat, benè lo-
 quitur, sin hoc alio modo, propositio est hæretica,
 erronea &c. qua ratione quis non videt posse repre-
 hendi non scriptorem ordinarium, sed omnes Sa-
 cræ Scripturæ textus, vt exempli gratia dixit Do-
 minus noster Iesus Christus (Ioh. c. 14.) quia Pater ma-
 ior me est, aliquis ad imitationem Domini Cardi-
 nalis dicere posset, si hanc propositionem intelligat
 de Diuinitate, est hæretica, nam qualis Pater, talis
 Filius: Symb. Ath. verum si de humanitate intelli-

gat, verissima est & Catholica : atque sic pergere in singulis, quærendo, ut dicitur, in scirpo nodum. Quum propositio dubia videtur, solet semper, quoad fieri potest, in meliorem partem accipi, iuxta sinceritatem charitatēque Christianam, quod etiam ipse Dom. Cardinalis docet, de Gersone loquens fol. 81. suæ Responsionis, ubi sic ait: Quamuis verum sit potuisse Commissarium ea verba prætermittere, censuram tamen adeo rigidam non merentur, qualis hæc Gersonis, qui in malum sensum accepit quod in bonum accipere poterat. Hæc sunt Domini Cardinalis verba, quæ miror ipsum octo propositionibus respondendo non observasse, eoque magis quod ubique legitur Apologia suæ Dominationis Illustrissimæ, quamvis manuscripta contra Carerium, in qua sæpe obliquit ei, quod immeritò ipsum reprehenderit, propositiones suas in malum sensum detorquendo, cum eas in bonum accipere & interpretari potuerit.

Tertium est, dum materias confundit: unde è tanta confusione similes conclusiones emergunt: ut exempli gratia Author de Principis secularis potestate verba faciens, ait posse illum in omni materia leges condere, temporali videlicet, & iuxta suum finem, quæ vltima verba quamvis non dicantur, necessariò tamen subaudiuntur, quandoquidem pro more præsupponit Si est, & quid est quod dicitur, ut res notas, nimirum dari potestatem temporalem, & hoc nomen res tantum temporales, non verò spirituales complecti: quam rem sua Dominatio Illustrissima simulans non intelligere, concludit, Si Princeps temporalis potest

rest in omni materia leges condere, ergo potest leges constituere, vt Sacerdotes nubant, item de modo celebrandi missam, & eiusmodi: hac autem ratione quis non videt doctrinas veneno infici, vt refutentur? Sed author, quantum ex attenta ipsius operis lectione agnoui, nulla alia in re laborat, praterquam in duabus hisce potestatibus, temporalis nempe & spiritali distinguendis: aded vt de vna loquens, in alterius limites non excurrat: & materiam, acta, muniâque vnius describens, ea non confundat cum materia, actis, & muniis alterius, doctrinam scilicet obseruans, à Domino Cardinali aliisque nescio qua de causa hodie neglectâ, Nicolai primi Papæ, in epistola ad Michaelē: [Cum ad verum ventum est,] loquens de Christo Salvatore nostro, [vltra sibi nec Imperator iura Pontificatus arripuit, nec Pontifex nomen Imperatoriuni usurpauit:] quem locum explicans Illustrissima sua dominatio, lib. 5 de Rom. Pont. c. 5. dicit, [Nicolaus primus in Epistola ad Michaelē disertè docet Christum distinxisse actus, officia, & dignitates Pontificis, & Imperatoris, ne aut Imperator iura Pontificis, aut Pontifex iura Imperatoris presumeret usurpare.] Eapropter Illustrissimam suam dominationem has potestates nunc confundere miror, siue dum sinistrè authoris verba exponit, siue (quod peius) dum has duas potestates, vt dicitur, in Pontifice Romano vult confusas esse, vi & iure Pontificatus, quæ omnino distinctæ sunt, non solum excitato textu, sed etiam eo quod pius Bernardus dicit de Consid. ad Eugenium Papam l. 2. [Apostolis interdicitur dominatus, ergo tu, & tibi usurpare audes, aut dominans Apostolatui, aut Apostolus do-

minatum? Forma Apostolica hæc est, interdicitur dominatio, indicitur ministratio:] atque etiam superius dubium illud soluens quod fieri solet, esse adhuc Papam prouinciarum suarum Principem temporalem, ex quo has duas potestates in ipso confusas esse colligitur, respondet idem Bernardus, [Esto ut alia quacunque ratione hæc tibi vendices] (de temporali Papæ dominio loquens) [sed non Apostolico iure, nec enim ille dare, quod non habuit, potuit:] quod responsum Illustrissima sua Dominatio valdè probat, lib. 5. de Rom. Pontif. cap. 10. adeò ut non possint nec debeant hæ duæ potestates confundi, siue ad authorem redarguendum, siue ad ostendendum Pontificis potestatem esse illimitatam, contra ipsiusmet Domini Cardinalis sententiam, Sincerè alibi propositam explicatamque, nunc verò derelictam.

Quartum est, dum dicit Authorem ignorare Logicam, & quinque primas Propositiones ad rem non facere, ut nempe lector eas tales esse putans, in iis expendendis non moretur, atque illud quod tribus ultimis concluditur, portentosum ipsi videatur. Interim tamen Author cœu bonus Logicus Aristotelis præceptum obseruat, firmans in suis argumentis ac euidenter demonstrans præmissarum veritatem, ut inde validissimas conclusiones educat, illius axiomatis non nescius, [Propter quod vnumquodque tale, &c.] adeò ut cum sint primæ quinque propositiones, præmissæ è quibus validè tres ultimæ eliciuntur, absque quòd author ambages quærat, ut ait Illustrissima sua Dominatio, eas firmat ac demonstrat, ut bonum decet Logicum.

Quintum

Quintum est circa typographica quædam errata, quæ, non ut vulgò fieri solet, typographo, sed authori adscribens, digressiones in ea ipsius Domini doctrina & autoritate non dignas facit, ut in eo numeri errore Innocentij III. in quo Typographus I. omisit, ut sit IIII. & in illo alio Nouellæ 83. vbi Typographus pro 3. posuit 5. & in eo D. Pauli, vbi dicit, sunt enim Ministri Dei, quod Authoris sensui sufficiebat, addidit, ut quidem puto per imprudentiam, vocem, ad tributa, quæ in multis exemplaribus pennâ correctâ legitur, quamuis mediocri etiam iudicio præditis non fuerit eiusmodi correctio necessaria, cum ipsa per se cognita esset facilis.

Sextum est dum per hypotheses procedit, exempli gratia ponit Papam in temporalibus supremam in Christianos auctoritatem habere, Potestatem temporalem, quâ potestatem spiritali subordinari, & id genus alia, quæ non solum pro certis ponit absque probatione, sed affirmat hæresim esse secus dicere, non ostendens aduersus quem scripturæ locum, aut Ecclesiæ definitionem, tanquam de fide, sint eiusmodi propositiones.

Septimum est dum sæpe citat Authores prohibitos, dicens modò sibi videri placuisse authori eorum opinionem, modò hæreticas opiniones illum innouare, nec, ut suprà dictum est, affirmatiuè dicit hanc opinionem esse hæreticam, quia repugnet certo Scripturæ loco, vel certæ Ecclesiæ definitioni. Quot res dixerunt ac dicunt authores hæretici, quæ à Catholicis dictæ sunt & singulis horis dicuntur? non est improbata doctrina, quod eâ hæreticus dixerit,

Min iiij

sed quidem quia sit hæresis, quod minimè probatur, dicendo simpliciter, Authorem illum eam pronuntiassse, verùm addere oportet eiusmodi doctrinam in illo authore pro hæresi ab Ecclesia damnatam esse. Hic modus loquendi Dom. Cardinalis, plebem & ignaros terrere potest, non verò prudentes & oculatos, qui artificium hocce animaduertentes, non modò similibus epithetis fidem non adhibent, sed nec illis, erronei, temerarij, scandalosi, seditiosi, & noui Theologi, siquidem alio non nituntur quàm maledicentia & licentia, quam Illustrissima sua dominatio, & Dom. Cardinalis Baronius sibi arrogarunt non modò Catholicorum scriptorum nomen lacerandi, sed ipsorum etiam Principum, de quibus, & cum quibus ipsimet sancti Pontifices, antiquis & scelicissimis temporibus, cum incomparabili quadam reuerentia, ac epithetis eminentissimis semper loquuti sunt, ipsi verò vicissim correspondentes, diuitiis, priuilegiis, & honoribus Pontificiam dignitatem ampliarunt.

Existimans huc vsque sufficienter esse detecta cauto & Christiano lectori artificia Domini Cardinalis, contra miserum hunc propositionum authorem, ad secundum caput obiectionum, quas in suo procemio facit Illustrissima sua dominatio, transiret.

RESP.



RESPONSIO
DOCTORIS THEOLOGI
AD EPISTOLAM SIBI SCRIP-
TAM A REVERENDO
AMICO SVO:

*De Monitorio Censurarum à Sanctitate Pon-
tificis Pauli V. promulgatarum contra
Domino Venetos.*

Et de nullitate illarum Censurarum è sa-
cristis literis, sanctis Patribus, aliisque
Catholicis Doctoribus
desumpta.

Reuerende Domine



PISTOLAM tuam legi, &
valde miratus sum, quod ipse
prima quæ occurrunt nuntia
semper à te accipere solitus,
speciatim verò ubi me de re
quapiam consulendi sese of-
fert occasio, hoc tempore, quo
in ciuitate vestra tot rerum maximi momenti ru-
mores vigent, ultimò à te monitus fuero: interim
tamē sollicitè adeò petis à me quid sentiam de mo-
nitoriis istis Pontificiis aduersus Rempublicanæ

vestram editis, ac de protestationibus nullitatis harum Censurarum ab ea in sui defensionem, suarumque rationum fulcrum exhibitis. Ego, licet possem non hallucinari in causa concipienda huius tuæ moræ, eamque materiæ difficultati adscribere, licet persuadere mihi non possem quis animum tuum scrupulus torquere posset: nihilominus tamen in tui gratiam, ab insolitis quas dicis occupationibus excusationem tuam desumam, tibi que pro more gratificari volens, me etiam ea quam optare videris acceleratione utendo tibi satisfacere posse arbitrabor: cum ad id præsertim paratum me videam ob exactissimam considerationem quam totis hisce diebus super proposita materia serio adhibui. Scire igitur optas si bene mentem tuam assequor: An Censuræ à Sanctitate D.N. Pontificis Pauli V. promulgatæ contra vestros Dominos Venetos, sint inuvalidæ ac nullæ, sicut in ipsorum Manifesto declaratur, adeo ut cum nullæ sint, in Ecclesia tua possis in sanctissimorum Sacramentorum celebratione, ac in illorum omnium sacrorum diuinorumque mysteriorum exercitatione pergere, quæ ante harum censurarum promulgationem exercebas, idque citra vllum conscientie scrupulum.

Ut igitur distinctè & perspicuè respondeam his tuis quaesitis, octo propositionibus id omne complectar quod super materia proposita dici poterit, ex Theologorum more, quarum doctrina, sicut ab omni proprio compendio vel adulatione erit aliena, sic etiam sacris literis, sanctorum patrum dictis expositionibusque & omnipotenti veritatis rationisque robore nitetur, ut nullus nisi proteruus, eam impugnare audeat.

RESPON.



RESPONSIO
CARD. BELLARMINI
AD LIBELLVM
INSCRIPTVM:

Responsio Doctoris Theologi ad epistolam sibi
scriptam à Reuerendo amico suo, de Monitorio
Censurarum à Sanctitate Pauli V. promul-
gatarum contra Dominos
Venetos.

BELLARMINVS.

NOV A isthæze licentia edendi Vene-
tiis libellos, sine Authorum nomi-
ne, sine superioris Ecclesiastici per-
missu, nec tempore, nec Typogra-
phiæ loco expressis, manifestum est
indiciu, inobedientiam cum euidenti fidei peri-
culo in dies augeri. Non enim aliam ob causam sa-
crum generale Concilium Tridentinum sessione
4. sub pœna excommunicationis statuit ne libri sa-
cris de rebus imprimantur sine Authoris nomine,
sine Ordinarij approbatione, in libri frontispicio
apposita, quàm ut aditus hæresibus occludatur, quæ
eiuscemodi libellis in Civitates & Prouincias facile
introduci solent. Quisquis itaque hoc tempore vi-
det Venetias flocci pendere autoritatẽ sacri Con-
cilij, excommunicationem ab eo comminatam, ac

præfens periculum hæreseos: & quotidie libellos prodire erroribus plenos, sine authorum nomine, sine vlla approbatione, quid inferat aliud, quàm ciuitatem illam peste hæretica (quæ non solum animæ, cui fundamentum salutis aufert, perniciofa, sed etiam totius status perturbatio & ruina est) sensim breuique tempore infectum iri? Sed quia tanto malo remedium efficacius adferre non possum, illud quanquam exiguum non intermittam, vt scilicet eiusmodi libellos, quum ad manus veniunt, refutem: sperans alios me doctiores idem facturos, & quò non peruenierit vna responsio perueniet alia, eodémque sanctæ charitatis Spiritu, fratribus nostris opitulari conabimur, Deum omnipotentem orantes, vt oculis misericordiæ aspiciat cos, qui se iusto eius iudicio in sensum reprobum datos ostendunt.

Incidit in manus meas cuiusdam libellus qui se Theologiæ doctorem nominat, & respondet, aut saltem fingit se respondere amico cuidam Sacerdoti, à quo interrogatus fuerat, an censuræ à Paulo V. aduersus Venetos publicatæ validæ aut inualidæ sint, & vtrum non obstantibus istis liceat sibi in sua Ecclesia celebrare diuina mysteria, & administrare sacramenta, prout antea solitus erat. Respondet verò supradictas censuras & nullas & inualidas esse: ac proinde Sacerdotes Venetos, & alios eiusdem dominij, posse vt antea solebant, illæ sâ conscientiam Missas celebrare, diuina officia peragere, & administrare sacramenta. Quò verò procedat Theologicè (vt ipse ait) reuocat totam hanc materiam ad octo propositiones. Has singulas fideliter proponemus, & ad singulas subiungemus responsionem, occasio-

nem

nem daturi hominibus iudicio præditi, vt considerent Theologus-ne sit doctor iste, an potius seductor:& vt conqueri nequeat à nobis aliquid prætermissum esse verba quoque ipsius subiungemus.

De obiectionibus Dom. Cardinalis in suo proœmio.

CAP. II.

Marsilius.

DVas facit obiectiones Dom. Cardinalis in suo proœmio. f. rima est editos esse Venetiis libellos contra formulam à sacro Concilio Tridentino præscriptam sess. 4. & hoc amplificat dicens hîc prodire quotidie eiusmodi libellos. Secunda, Venetiis inobedientiam augeri, cum evidenti fidei periculo: quibus ordine respondebo. Et vt à prior exordiar, quæ falsa nititur amplificatione, quâ fieri potest vt vera sit ea hyperbole? Siquidem quo tempore scripsit Illustrissima sua Dominatio, non prodierant in fauorem Serenissimæ Reip. nisi duo parui libri, vnus sub nomine Authoris, nempe Ioh. Gersonis vniuersitatis Parisiensis Cancellarij, alter hic quem defendimus. Verum est, ne de Gersonem dicam, hunc octo propositionum libellum sine authoris nomine editum esse (vbicunque fuerit impressus) hoc igitur tantum-ne est malum? quot quæso libri in omnibus prouinciis extra Italiam, ab iis qui obseruant sacrum Concilium Tridentinum, leguntur sine authoris nomine & sine temporis notatione, iusta de causa omisissis? Quot libelli spirituales in Italia editi leguntur, sine authoris nomine, & sine tempore, speciatim verò celebre illud confessionarium, cuius initium, Quia confessio &c.

quod nullus vnquam legere dubitauit? Illa Spongia equitis Poloni edita Neapoli, etiam sine Authoris nomine, ab omnibus vulgò legitur. Sacrum Concilium sub pœna Excommunicationis, iubet vt in e-dendorum librorum limine ponatur authoris nomen & licentia Superiorum: nihilominus tamen hæc duo aliquando, & non ita pridem, Romæ prætermiffa fuerunt. Dictæ obiectiones, ne quid aliud dicam, minimi sunt momenti apud eum qui scopum & mentem intelligit sacri Concilii: quod magno cum iudicio, suæ ordinationis præuaricatores non excommunicat ipso facto, sed minatur tantum, perinde ac si iustas ob causas supradictæ conditiones omitti possint: atque vt alias taceam, sacra congregatio super Indice, declarauit Authoris nomen omitti posse, causa humilitatis, vel ob iustas alias causas. Denique, sacri Concilij scopus est, vt in libris qui eduntur errores non sint vllius generis, ac speciatim in fide, qui cùm non sint in hoc libello, sicut apertè demonstrabitur, cùm præsupponere debeam ipsum antequàm ederetur, perlectum fuisse, & approbatum à viris doctis, nullo sui compendio motis, Catholicis, quique talem autoritatem habent, non video cur hæc actio ab Illustrissima sua Dominatione tantoperè debeat reprehendi: eam sanè tunc redarguerem quando foret in contemptu clauium, sed cùm tendat in bonum finem, iustas ob causas, laudem potius quàm reprehensionem mereri mihi videtur. Hic libellus, non nego, clauis est, at non aperit, vt inquit Dom. Cardinalis, sed claudit portam hæresibus: videor enim mihi agnoscere illius fabrum eam hoc fine in suæ charitatis fornace fabricare potuisse: quandoquidem hæresis maxime omnium

omnium hodie disseminata quæque est in Italix limine, & Reipublicæ dominiis contigua, est ea sacramentarium, qui sacramentorum vsum, Ecclesiarum & Missæ frequentationem, Religio... exercitia, & externum Dei cultum prohibet. Cum autem religiosæ hæ operationes ab Interdicto prohibita sint, si per octo tantum dies continuos in Dominio Veneto id observatum fuisset: huiusmodi hæreseos pestis in dies serpere & introduci potuisset contra Reipubl. Religiosissimæ & maximè Catholicæ voluntatem: enimverò populus qui non causas sed tantum effectus considerat, cum iidem sint hæreseos & interdicti, in pietate negligentior fieri, conscientia libertatem sumere, veramque Religionem deserere cœpisset, ipsæque à multis verba hæc non sine admiratione audiui, Pontifex cuius esset hortari ad missam, ad sanctissimæ communionis frequentationem, & ad Ecclesias, prohibere pietatis exercitia non deberet, quæ si ab hæreticis prohibeantur, sanè à Catholicis, multoquæ minus à Pontifice prohiberi non debent. Præterea Venetiis, antiqua & recenti memoria, nunquam Interdictum ob gravem illam causam observatum fuit, nec visum est unquam à diuino cultu vlllo pacto cessatum fuisse. Huc respexit, quantum ipse arbitror, octo propositionum author, non ignorans multa damna quæ ab Interdictis contingunt, & cap. Alma Mater, recensentur, vnde Sotus 4. dist. 22. dicit illa non nisi per paucum tempore durare debere, quia vergunt in periculum diuini cultus: sed malorum malum est hæresis, cui remedium adferens hic liber, cur clavis hæresibus portam aperiens, non verò eam claudens dici debeat nescio. Tandem iudicare non possum, quod

omni cum modestia, profundissimâque humilitatē dictum sit, vtrum in periculosis hisce temporibus esset melius, Serenissimam Rempublicam leues ob causas ac temporales excommunicasse ac interdicto inultasse, vel aditum patefacere doctrinâ cōmuni, quomodo possint homines absque peccato & schismatis periculo, Dei gratiam retinere, nec tamen interdictum obseruare, cū longē facilius à diuina omnipotentia animi Principum placamentum sperari possit, quôdque aliis modis sedentur illi motus, quàm Venetiarum Principi facilitas in hæresi profliganda vbi semel in suum dominium irrepsit.

Quoad secundam obiectionem, certum est Dei præceptum de obedientia Superiori exhibenda in temporalibus aut in spiritualibus, cum limitatione intelligi, iusta præcipienti: nam si Superior aliquis rem mihi imperaret contra legem Dei, parēre illi non teneor. Oportet obedire magis Deo quàm hominibus, ait D. Petrus, Act. cap. 4. primus Papa post Christum Dominum nostrum. Nunc, cū serenissima Respublica Deo iurauerit, se defensuram & conseruaturam in sua libertate illæsum illud Dominium quod à suis Antecessoribus accepit, ab illicita omni subiectione, contra naturæ legem, quini-
mò contra Iustitiam & Sacramentum faceret, si præcepto Pontificis acquiesceret, quo antiquam suam libertatem lædit, Dominium eius minuit, & cui non solum obedire non tenetur ex citato loco, quia oportet obedire magis Deo quàm hominibus, verum modis omnibus resistere tenetur cuilibet eam ad obediendum cogere volenti, siquidem ut rectè Cicero de officiis de Iniustitia loquens,
Iniustitiæ

Iniustitiæ genera duo sunt, vnum eorum qui inferunt, alterum eorum qui ab his quibus inferitur si possunt, non propulsant iniuriam. Ergo Domini Veneti non modò non sunt inobedientes, verùm si secus facerent quàm faciant, aut facere certò statuerint, summo namque suæ libertatis zelo tenentur, peccarent peccato iniustitiæ. Huc multùm facit quod Dom. Cardinalis Baronius dicit tomo 10. anno 878. de S. Ignatio Patriarcha Constantinopolitano, aduersus quem cùm Papa Hadrianus duo monitoria publicasset, vt Episcopos quos in Bulgariam miserat, reuocaret, quia munus hocce non ad ipsum, sed ad sedem Apostolicam Romanam spectabat: vltimò Papa Iohannes VIII. tertium monitorium emisit, vt intra spatium triginta dierum ab hac oblata eos reuocaret, alioqui censuris se addictum sciret, & à Catholica Communionē separatum, Si Ignatium, eiusve successores vnamquam paruisse nescitur: vnde post mortem maxima edidit miracula, & Sanctus habetur, ab Ecclesia tum Græca, tum Latinā canonizatus, cuius festum 23. Octobris celebratur. Huius Sancti factum ab Authore supradicto, hac ratione excusatur. [Neque est quod quis ob litem hanc Ignatium fuisse animo in Apostolicam sedem inenso existimet, vel ingrata, cùm quæ iuris essent suæ Ecclesiæ defendere iuramento teneretur, obstrictus etiam æternæ vitæ dispendio: non enim aliena retinere, sed sua possidere ex possessione prædecessorum ipse iustum putauit, cui haud dubium sponte cessisset, si id facere sibi licuisse credidisset. Probatum vas igne erat, excoctumque fornace omni ruginē carens.] Non est igitur peccatum ad Sancti

huius imitationem Sanctitati suæ non obedire quò
 retineatur illa Iurisdicctio, in cuius defensionem iu-
 rauit Respublica, cùm eam à maioribus suis accepe-
 rit. Id ipsum dicit P. Richeomus Iesuitarum Pro-
 uincialis in sua Apologia Lugduni Gallorum edita
 hoc anno 1606, ca. 24. de excommunicationibus &
 pōtificiis Interdictis verba faciens, ait (inquit ille de
 suo aduersario) [nos admodū cauere vt dicam⁹ quid
 acturi, quid inolituri essemus, si adeò iratum nu-
 men haberemus vt ad se Clementē (scilicet octa-
 uum) extinctum accerferet, vt Bonifacios octauos,
 vt Benedictos decimos tertios, vt Iulios secundos
 induceret, qui christianissimos Gallix Reges excō-
 municarunt, ipsosque regno suo interdixerunt,] *O-*
cceum, respondet ille, *Olabe*, quid ageremus? [audi si
 pilum habes hominis sani, nempe vt breui dicam,
 quod in illo tempore probos ac bonos francos,
 quod moderatos, ac frugi Ecclesiasticos cum Rege
 Philippo Pulchro, cum Ludouico duodecimo ac-
 cepimus fecisse, qui ius suum ac regni cūm mordi-
 cus tuerentur, nunquam propterea à Sancta Sede
 Apostolica descuerunt, recognouerunt in spiritua-
 li dominatione Pontificem officij Christiani potis-
 simas partes deferuere nunquam. Ecce, vult hic
 author nec Reges Christianissimos Philippum Pul-
 chrum & Ludouicum duodecimum, nec subditos
 tam laicos, quàm Ecclesiasticos, inobedientiæ pecca-
 tum cōmisisse, qui vt tuerentur, sicut ipse loquitur,
 mordicus iura Regni, duorum illorum Pontificum
 censuris non obediuerunt: quinimò ipse Dominus
 Cardinalis, de Conciliorum authoritate lib. 2. c. 19.
 ad quā rem etiam citat Turrecrematam li. 2. c. 106.
 addit, si Pontifex Christianæ Reipublicæ pacem tur-
 baret

baret, non quòd velint aliqui ipsum non habere iudicem superiorem, in eiusmodi casibus Ecclesiam fore solam sine remedio, sed post preces ad Deum Dominum nostrum, vt ipsum conuertat, post modestas admonitiones, licere repugnare, & vim repellere, & armis: ad resistendum enim & vim repellendam, non requiritur, vlla authoritas. Igitur siue non obediendo, siue resistendo viriliter Pontifici, ex supradictis rationibus & authoritatibus, & ad potestatis suæ temporalis defensionem, non verò in contemptum clauium, dici non potest Serenissimam Rempubl. vlla ratione malè facere, vel in ipsa culpam esse inobedientiæ, quæ cum non adsit, multò minùs eam crescere dici potest.

Cætera quæ in hoc procæmio continentur, quia sunt potiùs calumniæ & maledicentiæ, non forè à malo animo Illustrissimæ suæ Dominationis oriundæ, sed potiùs à magno affectu erga suam opinionem, qui veritatem, æquitatēque causæ videre non sinit, omittenda censeo, vtpote cum aliud ei responsum dari non debeat, quàm illud quòd in Propositionum fauorem hac tota Defensione adducitur.

Defensio prima Propositionis.

CAP. III.

Prima Authoris Propositio.

Potestas quam habent Principes sæculares, imò & ipse Pontifex, tanquam Princeps temporalis statuum & prouinciarum quas possidet, est ipsis à Deo immediatè absque vlla exceptione cōcessa. Pro

Nn ij

intelligētia & explicatione huius Propositionis aduertendum est, de iure gentium dominium & seruitutem, imperium Principis, & obedientiam subditi, quatuor modis introducta esse, scilicet electione, hæreditate, donatione, aut iure belli: ideòq; omnes ij Principes qui vno quatuor horum modorum ad thronum principatus euecti sunt, aut eum hoc tempore possident, legitimi & iusti sunt domini. Tales dico qui potestatem habent à Deo imperandi, condendi leges, exigendi tributa, iudicandi, plectendi & castigandi subditos absque vlla exceptione.

OBJECTIONES.

Bellarminus.

Prima hæc propositio euidentissimos duos errores continet. Primus est in verbo immediate, secundus in alio, sine exceptione. Ordiam à secundo, quia manifestior est. Si verbum hoc, sine exceptione, intelligatur sine exceptione subditorum, erronea est propositio: In clericos enim Principes sæculares potestatem non habent, cum saltem iure humano sint immines omnium Catholicorum sententia, licet etiam immunes sint iure diuino, vt inferius dicemus. Si autem intelligatur sine exceptione potestatis, propositio hæretica est, nulla enim potestas est Principis vllius Christiani, quæ potestati Vicarii Christi aliquo modo subdita non sit, cum Vicarius Christi sit Pastor vniuersalis, & caput omnium Christianorum, siue Principes ij, siue priuati sint. Si intelligatur sine exceptione rerum & negotiorum, propositio similiter hæretica est, nam secundum sacras scripturas,

ras, sacrorum Conciliorum decreta, res spirituales laicis subiectæ non sunt, sed solum Ecclesiasticis: hac in re conueniunt Doctores omnes tam Theologi quàm Canonistæ. Adeo nunc alium errorem in verbo immediatè. Hoc verbum bifariam intelligitur: vno modo quòd Principes, quatenus superiores immediatè habeant à Deo potestatem imperandi suis subditis, hoc est quòd præceptum obedientiæ sit immediatè à Deo, & hoc verum est & à nemine negatur, neque enim superior erit, si imperare nequit, nec subditus si ad obediendum non sit obligatus: hoc Deus in sacris literis iubet, hoc lumen naturale dicat, vt quilibet subditus obediatur suo superiori. Altero modo quòd Principes sæculares habeant à Deo immediatè pro subditis, hos aut illos populos, v. g. Rex Christianissimus Gallos, Rex Catholicus Hispanos, Respubl. Veneta Venetos, & consequenter potestatem habeant in hos populos. Et hoc falsum est manifestè, & ipse huius libelli author propriis suis verbis hoc ipsum fateri cogitur. Declarans enim suam Propositionem ait, quatuor modis acquiri principatus, electione, hæreditate, donatione, & iure belli, hoc est titulo iusti belli. Certum est autem hos titulos non esse diuinos sed humanos, qui igitur hisce modis acquirit dominium & potestatem in hos aut illos populos, non habet potestatem à Deo immediatè, sed interveniente electione, vt Imperator aut Rex Poloniæ, aut successionem hæreditaria, vt Hispaniæ, & Franciæ Reges, aut donatione, vt sunt feudatarij Principes, aut bello iusto, vt olim Godefridus, aliique Domini terram sanctam acquisuerunt. Ac proinde qui à Rege Christianissimo

seiscitaretur:quo iure Franciam possideat, non respondebit iure diuino, sed titulo successionis hæreditariæ, & qui Duce[m] Venetorum rogaret quo titulo suum Principatum obtineat, non respondebit iure diuino, sed titulo electionis humanæ. Fit hinc discrimen conspicuum inter Principatum Ecclesiasticum Papæ, & principatum Principum sæculariũ & politicorum: quod Papa non solum titulo communi à Deo ordinato, vt superiores subditis suis imperent, præcipere & imperare possit, sed à Deo illi immediatè concessum sit, omnes Christianos pro subditis habere: & licet Papa à Cardinalibus eligatur, nihilominus ab ipsis potestatem non habet, sed à Deo, qui Petro, & in ipsius persona, omnibus successoribus eius dixit, *Pasce oues meas.* Quamquidem euidentissima ratione demonstrari potest. Papa enim à primatu Apostolico nullam prouinciam, nullam ciuitatem, aut personam alienare potest, nec fieri potest vt verus sit Papa, & non sit superior omnium Christianorum, & hoc idè quia titulus potestatis suæ diuinus est. Reges autem & Principes possunt suos perdere, aut omnes, aut partem eorum alienare ciuitates aut prouincias, alterive Principi subiicere, atque ita amittere potestatem in has aut illas ciuitates & prouincias, quia titulus potestatis eorum non est diuinus, sed humanus. Similiter nemo potest Pontificiam potestatem imminuere, siue illud Collegium Cardinalium, siue Concilium generale, siue ipse Pontifex sit, cum enim Pontificia potestas à Deo immediatè originem trahat, arbitrio creaturarum subiecta non est. Contrarium videre est in Principatibus sæcularibus, sæpius diminucorum potestatem,

tem, nonnunquam à populis, nonnunquam à Principibus superioribus, atque hunc in modum Principatus monarchici, Respublicæ liberæ fiunt : & è contrario Respublicæ liberæ, Principatus Monarchici : & hoc solùm quòd potestas horum non à Deo immediatè, sed ab hominibus emanet. Quòd si Principes sæculares non habeant potestatem à Deo immediatè in laicos, multò minus in clericos habebunt, qui ut mox dicemus iure diuino & humano immunes sunt. Vera igitur propositio hæc erit: Principes sæculares non habent potestatem à Deo immediatè in laicos sibi subditos, sed per viâ iusti tituli humani, in clericos autem in eorum dominiis habitantes, nec diuinam nec humanam habent.

D E F E N S I O.

Majilius.

PRO tutela primæ Propositionis, tria demonstrabimus, Primum has duas particulas, immediatè & sine exceptione, à Domino Cardinali reprehensas, verissimas esse, ab Authoribus Catholicis, imo etiam ab ipso Domino, eodem quo author sensu usurpatis, propositas & approbatas. Secundum, non esse modum quem in refutando seruat, christianæ charitatis, ut par esset, consonum. Tertio loco, errorem indigitabo quos in ipsius tractatione adnotat. Ad primum, exceptionem personarum ecclesiasticarum in delictis, rebûsque temporalibus, non esse à Deo in vlllo sacræ scripturæ loco præscriptam, docet expressis verbis Medina, author solidissimus & Catholicus, de Restitutione q. 15. cu

Nn iiij

ius hæc sunt verba. [Videtur oppositum esse verum scilicet quod non sit de iure diuino, post legem veterem abolitam, obligante, Clericos, seu personas Ecclesiasticas à potestate seculari esse exemptas, sed hanc exemptionem dicerem clericos ex concessione potestatis secularis obtinuisse, & obtinere. Quod validissimis argumentis pro se probat, & aduersam argumentis apertè respondens, speciatim concludit.] Denique hac ratione vnica videtur tenendum quod dicimus, quia scilicet, nil debet dici esse de iure diuino, quod ex ipso iure diuino ostendi non possit: cum ergo præfata clericorum exemptio non possit ex iure diuino ostendi, sequitur &c.] Quod facillimè probat ea omnia loca resoluendo, quæ vult in contrarium adduci solent. Hæc sententia fuit etiam Couarruiaz lib. Practicarum questionum, cap. 31. incus. 2. cuius hæc sunt verba: In rebus temporalibus, & in criminalibus quæ spiritalia non continent, clerici & eorum res non sunt iure diuino à iurisdictione Principum secularium exempti: Et quamuis hic author à Domino Cardinali reprehendatur, cum in Sereniss. Regis Catholici iurisdictionem nimis inclinans, defendi posset vicissim dicendo, Dom. Cardinalem quoque in iurisdictionem Ecclesiasticam nimis inclinare: mihi sufficit esse illum Catholicum solidumque Doctorem, ac pro sententia sua, præter multa validaque argumenta, citat Innocentium de maiest. & obed. cap. 2. Ferrariensem in pract. tit. de Confessione, §. plenam, col. 1. Alciatum cap. cum non ab homine, col. 2. de iudiciis. Lugdunensem in additionibus ad consilia Alex. 8. lib. 1. Huius eiusdem sententiæ sunt victoria, Sotus, fuitque antea Dom. Cardinalis lib. de clericis,

de clericis, cap. sub hoc titulo, an exemptio sit de iure diuino, aut de iure humano: sed quid immoror in recensendo ipsum Dominum alibi hoc dixisse cum hoc ipso loco, etiam nolens, id fateatur, videlicet secundum auctores omnes Catholicos exemptionem esse saltem de iure humano? fateatur itaque censere Auctores Catholicos, non esse illam de iure diuino, ut dicit Author, & præter hoc S. Iohannes Chrysostomus clarè loquitur, dicens, [Manifestum est quòd ista omnibus imperentur non solum secularibus, sed etiam sacerdotibus,] nec igitur à Deo nec à D. Paulo est exemptio, qui de seculari potestate per os Dei loquitur. Hinc certò constat particulam illam, sine exceptione à Deo, doctrinam esse bonam, sanam, & Catholicam, Authorum multorum Catholicorum, imò ut in tota defensione probabo, verissimam & solidissimam.

Secundò arguit particulam, immediatè, quam ponit Nauarrus Doctor solidissimus & Catholicus, cap. Nouit, de iudiciis, notab. 3. in definitione potestatis laicæ, quinimò collationem eandem instituens, quam Dominus Cardinalis, inter potestatem laicam & Ecclesiasticam, dicit, Potestas laica prædicta, immediatè à Deo, est sic scilicet quòd Deus indidit hominibus rationem naturalem per quam concluditur esse debita in hominibus talis potestas, propter bonum regimen eorum. Vbi etiam asserit pro sua sententia Durandus, Iohannem Parisiensem, Almaynum, Gersonem, aliosque auctores Catholicos, unde concludit quòd sicut præceptum de non occidendo est de iure naturæ immediatè à Deo, ita Principis laici autoritas de occidendo pro Reipublicæ quiete, immediatè sit à Deo. Verum quidem

est, hæc potestaté, vt ait Author, hoc obtinere, nõ ve-
 rò illud, humano modo, siue hæreditate, siue electio-
 ne, siue donatione, siue iure belli, sed hoc nõ prohibet
 quin immediatè sit à Deo, vel facit vt sit ab homini-
 bus, quẽadmodũ dicit D. Cardinalis: primò quidẽ
 ab hominibus esse nequit, nã D. Paulus hoc apertè
 dicit, ad Rom. c. 13. Omnis potestas est à Deo: hæc
 est potestas ergo à Deo: præterea nullus homo aliũ
 obligare potest in cõscientia ad ipsius leges obser-
 uandas: Prinçeps secularis suos subditos obligare po-
 test in cõsciẽtia ad ipsius leges obseruandas: ergo nõ
 habet authoritatẽ ab hominibus sed à Deo: & hoc
 ibidem dicit D. Paulus, qui potestati resistit, non di-
 cit hominis, sed Dei ordinationi resistit: qui au-
 tem resistunt, ipsi sibi damnationem acquirunt.
 Iam verò, quemadmodum iuxta Dom. Cardinalem
 nemo negat Pontificiam potestatem esse à Deo im-
 mediatè, quamuis electio fiat ab Illustrissimis ac
 Reuerendissimis Dominis Cardinalibus, qui homi-
 nes sunt: ita negari non debet, quamuis humanus sit
 ad Principatum laicum euectionis modus, potesta-
 tem eius à Deo esse immediatè: quod exemplo phi-
 losophico patefaciam. Certum est animam rationa-
 lem à Deo in corpus humanum prius non infundi,
 quàm omnia organa, instrumenta, & dispositiones
 insint, quæ corpus illud ad eam recipiendam aptum
 reddant: & hoc totũ dicitur à philosophis conditio
 sine qua nõ, an igitur propterea dicere quis audeat,
 animã rationalem non immediatè creari & infundi à
 Deo in corpus humanũ, sed mediantib. dispositio-
 nibus? procul absit à Christiano talis blasphemia: sic
 igitur, licet modus, quo hic vel ille Prinçeps obtinet
 Principatũ, sit humanus, nepe conditio sine qua nõ
 quædam

quouis tamen modo potestatem immediatè accipit à Deo ob rationes dictas. Veritate conuictus fatetur itidem Dom. Cardinalis, esse illam immediatè à Deo, dicens, Hoc verbum immediatè, bifariam potest intelligi, primò quòd Principes quatenus superiores immediatè habeāt à Deo potestatem imperandi suis subditis, hoc est quòd præceptū obedientiæ sit immediatè à Deo, & hoc verum est: & quamvis vocem potestatis cum voce imperij velit confundere, idem tamen iuxta ipsum significant: ac per vocem autoritatis aut iurisdictionis meliùs explicaretur, ad tollendam enim homonymiam ita verti debet græca vox *ἐξουσία*, quæ potestatem, id est imperandi autoritatem significat. Authoris igitur doctrina in duabus illis particulis, sine exceptione, & immediatè, sana est, Catholica, atque etiam ab ipso Dom. Cardinali approbata, quam licèt, nescio in quem finem, reprehendere simulet, iusto tamen Dei iudicio, non modò eam non reprehendit, sed probat.

Ad secundum, quod attinet, sibi pro arbitrio Illustriissima sua Dominatio fingit expositiones ab Authoris mente, quantum cum ratione colligi potest, remotissimas, dein ab his elicit contumeliosa illa epitheta, hæretici, erronei, &c. Vt doctrina hæretica sit & erronea, debet expressè asseri ac pertinaciter ab eo defendi qui eam proponit, siue contra Sacras literas, siue contra Ecclesiæ definitionem de fide, siue per necessariam consequentiam eliciatur, quæ alicui sacræ Scripturæ loco, vel dictæ definitioni aduersetur. Contumelia insuper est maior quàm vt homini, nedum Catholico inferri queat. Vnde etiam Abbas Moses, vt legitur in vitis Patrum, lib. 3.

honorem vitare volens, quo Iudex ille ipsum afficere volebat, cum in illum, cui adhuc erat ignotus, incidisset, dixit ei Abbatem hæreticum esse: iudicans nimirum hoc summum esse peccatum & maxime infame quod in homine redargui posset: ideoque Iudex honoris ipsi tribuendi loco, magnoperè illū apud se despexit, nec ampliùs eum quæsiuit: hæc igitur agendi ratio Dom. Cardinalis non admodum benè sapit, dum ad suum arbitrium expositionem affert, vt deinde redarguat illum qui verba non dixit nec dicere potuit eiusmodi expositionem admittentia.

Præterea modus ille longum parallelum, vel potius prolixam collationem faciendi inter laicam, & Ecclesiasticam potestatem, sanè necessarius non est. Enimverò qui dicit laicam potestatem esse à Deo immediatè, & sine exceptione in temporalibus, nō negat Potestatem Ecclesiasticam immediatè esse posse à Deo, & sine exceptione in spiritualibus: talem igitur collationem instituere superfluum fuit ac minimè necessarium. Accedamus nunc ad errores, & Illustrissima sua Dominatio ignoscet mihi, si vocibus illis utar, errat, & error, non enim ostendere possum Authorem rectè loquutum esse, ipsique iniuriam fieri, quin simul demonstrem, Dom. Cardinalem immeritò eum offendere, & consequenter errare, nec in eum finem mitiora his verba, & ab iis qui de re quapiam pro & contra disputant, vstatiōra inuenire potui. Quales postea sint errores illi quos designabo, cuius scilicet speciei, an in Theologia, an in fide, in philosophia, in historia, &c. lectoris iudicio committam, vt maledicentiam & dicteria vitem.

Errat

Errat I. quia cùm sit certissimum, duo contradi-
ctoria non posse esse simul vera, ipse ambo ea pro
veris amplectitur, & primò sic dicit: Principes qua-
tenus superiores, immediatè habent à Deo pote-
statem suis subditis imperandi. postea consilium
mutans ait: Si Principes seculares potestatem im-
mediatè non habeant à Deo in laicos, multò minùs
eam in clericos obtinent: & paulò inferius. Igitur
propositio vera hæc erit: Principes seculares pote-
statem in laicos sibi subditos non habent à Deo
immediatè. Harum propositionum aut alteram esse
veram & alteram falsam, aut eum qui ambas pro
veris habet, grauiter errare necesse est.

Errat II. quoniam has duas voces confundit: ti-
tulum potestatis, & potestatem ipsam: quæ duo
planè discrepant, titulus enim est conditio sine qua
nō acquiritur potestas, sed potestas, est ea autoritas
& iurisdictio, quam Deus immediatè dat Principi,
qui ab hominibus titulum illum accipit, quod ani-
mæ rationalis exemplo manifestè probatū fuit, id-
que Dom. Cardinalis concedere cogitur, nam ad-
mittit vt verum, Pontificis electionem licèt sit ab
hominibus, ipsum tamen potestatem à Deo imme-
diatè accipere, ergo à pari, &c.

Errat III. quia dicit hæresin esse, affirmare Deum
temporalem potestatem spiritali non subiecisse:
cùm nullus sit scripturæ locus, aut Ecclesiæ defini-
tio, quæ dicat Principem, quàm Princeps esse Pon-
tifici subiectum, sed quàm Christianus. Quando
nullus erat in Mundo Princeps Christianus, sanè
Principatus ratione, nullus erat subiectus Pontifici,
sed contrà, S. Ioh. Chrysostomus dicit Principi infi-
deli Pontificem subiectum fuisse in temporalibus,

etiam si Apostolus sis, etiam si Euangelista, neque tamen pietatem, id est religionem, iuxta vocem græcam *εὐσεβείαν*, subuertit ista subiectio. Igitur potestas laica spirituali non subiecta est, ratione potestatis: eatenus enim Princeps laicus Pontifici in temporalibus est subiectus, quatenus est Christianus, neque in hoc à priuato differt. Itaque potestas laica, qua talis, subiecta non est vel subordinata Ecclesiasticæ, sed tantum quatenus Christianus qui eam exercet, reliquis est similis. Potestas autem Summi Turcæ, potestas Persarum Regis, aut magni Canis, nihil cum Pontificia commune habent, attamen sunt potestates: ideoque forsitan Dom. Cardinalis vocem Christiani adiunxit, sed hoc perinde est ac si diceret, omnes subiectos esse non ratione potestatis, sed Christianitatis; atque ita quod proponit non probat.

Errat III. quia cum duntaxat de temporali potestate author esset loquutus, sibi fingit, quasi de spirituali loquutus esset, dicens, Hæresin esse, asserere negotia spiritualia laicæ potestati subiecta esse, quis de hoc dubitat? Verum author ne somniauit quidem, quantum existimo, de spiritualibus negotiis loqui, dum de alio non agit quam de potestate temporali, hanc verò quis nescit, per se non nisi ad temporale extendi, non ad spirituale?

Errat V. quia dicit Principem interrogatū quam ob causam Regnum possideat, non dicturum iure diuino, sed vel hæreditate, vel iure belli, ex quo infert, Igitur immediatè à Deo potestatem non habet. At ego dico non responsurum illum hoc modo, verum petenti ab ipso vnde potestatem & auctoritatem habeat subditis illis imperandi, eam se à Deo imme-

immediatè habere dicturum, sciscitanti autè à quo titulum illum aut eiusmodi potestatis inuestituram habeat, ab hominibus se habere responsurum. Hæc duo, Potestas & Titulus, tantopere inter se discrepantia, confundi non debent: author, ut constat, de titulo, qui mera est conditio, non loquitur, sed de Potestate, de autoritate, & iurisdictione, quæ à Deo est: quis autem ignorat Galliarum Regem, ut in exemplo maneam Dom. Cardinalis, interrogatum cur aliquem morti addicat, cur leges condat quæ obligent in conscientia, non dicturum, se hoc facere iure hæreditario, sed autoritate quam immediatè habet à Deo, hæreditas enim potestatem non tribuit, sed est conditio in eo homine necessaria, cui Deus immediatè autoritatem daturus est.

Errat VI. quia dicit Principem non habere immediatè à Deo pro subditis omnes in sua Ditione degentes & Pōtificem immediatè habere pro subditis omnes Christianos: existimo authorem bonū fuisse Logicum, quamuis Dominus Cardinalis aliter sentiat, & arbitror illum sciuisse correlatiua, esse simul natura. Si igitur imperandi potestas immediatè sit à Deo in Principe laico, subditorum obligatio suo Principi obediendi immediatè est à Deo: & quemadmodum ob titulum subditi huic Domino, vel ob delictum in eò commissum, subditus fit eius Principi, ita Christiani character Pontifici me subditum facit. Ac velut hic non meus est Princeps, nisi vel hæreditate, vel electione, &c. ita nemo est Pontifex, quin priùs à Cardinalibus electus fuerit: iam ut baptismalis character hominem

in Spiritualibus Papæ subditum reddit, ita nasci aut delinquere in Dominio Veneto, Reipublicæ Venetæ subditum facit, nasci aut delinquere in Regno Gallico, subditum facit Regis Galliarum, nec in hoc ullius generis discrimen video.

Errat VII. quia pro certo ponit quod adhuc inter Catholicos Doctores dubium est, an Pontificis potestas, ipso moriente, remaneat in Ecclesia, an verò cum morte Pontificis Ecclesia spoliatur eiusmodi potestate, adeò ut volentes opinionis Romanæ sectatores, ut eum Nauarro loquar, (cap. No-uit.) ut Episcoporum potestas emanet à Pontifice ipso moriente, ad hoc argumentum respondere nesciunt, Igitur Episcopi sine autoritate manent, sed ambages agunt, omnino existimantes, & in Ecclesia potestatem non remanere, & eam remanere, ea dicendo quæ intelligi nequeunt. Quòd autem Dom. Cardinalis pro certo habeat, potestatem in Ecclesia non remanere, clarum euadit: nam dicit moriente Principe auctoritatem remanere in Communitate, saltem in iis qui electione facti sunt: sed moriente Papa, in Cardinalibus qui ipsum eligunt, vel in Ecclesia potestatem non remanere. Hinc opinionem licet tueantur Gaetanus, & Romani, contrariam tamen ob supradictum argumentum, aliàque multa, defendunt Parisienses, ac percelebre Sorbonæ Collegium, speciatim verò Ioh. Maior, Iacobus Almaynus, & Gersonus, ut refert Nauarrus, c. No-uit. de iudic. not. 3. qui authores Catholici sunt, ipsæque Nauarrus, qui ceu dubiam hanc opinionem proponit, quam Dom. Cardinalis hoc loco pro certa habet, licet eam ipse alibi dubiam constituat.

Errat VIII. quia dicit, vocem, pascite oues, D.

Petro

Petro dictam esse, non Ecclesiæ, & tamē iuxta multos Doctores, tam vox, pascere oves, quàm ea, tibi dabo claves, dictæ quidem fuerunt D. Petro, sed nomine totius Ecclesiæ, ut probant Parisienses, nec quia D. Petro dictū fuit, pascere, vel tibi dabo claves, idem reliquis Apostolis dictum non fuit, concedentibus omnibus Apostolos æqualem auctoritatem habuisse, quamvis Petrus ob eam confessionem, & ob patefactum peculiarem amoris effectum, præminentia titulum inter alios Apostolos meritis sit. Hoc quàm sit verum elicitur è loco D. Matth. ad 18. ubi loquens Christus Dominus non solum cum omnibus Apostolis eadem verba dixit quæ D. Petro. [Quæcunque alligaveritis super terram, erunt ligata & in cœlis, & quæcunque solveritis super terram erunt soluta & in cœlis:] quem locum explicans Dom. Cardinalis, lib. 11. de Rom. Pontifice, cap. 12. dicit, [est igitur communis expositio Hilarij, Hieronymi, Anselmi, & aliorum in hunc locum, nec non Augustini, tract. 22. & 49. in Ioannem, Dominum loqui de potestate clauium, qua Apostoli & eius successores ligant & solvunt peccatores:] quam paulò post dicit tum de ordinis tum de Iurisdictionis potestate intelligi, quam loco citato Apostolis promissam esse vult; sed datam Iohannis 20. ubi Saluator omnibus Apostolis dicit, [Pax vobis, sicut misit me Pater, & ego mitto vos,] eam scilicet quæ est Iurisdictionis: quæ verò est ordinis, in ultima cœna. Quòd deinde verba D. Petro dicta tibi dabo claves, & pascere, dicta sint etiam Ecclesiæ, id asserunt D. Augustinus tract. 50. in Ioh. [Si in Petro non esset Ecclesiæ Sacramentum, non ei diceret Dominus, tibi dabo claves Re-

gni cœlorum, si hoc Petro dictum est, non facit hoc & Ecclesia, si autem hoc in Ecclesia sit, Petrus quando clauces accepit, Ecclesiam sanctam significauit,] quas accepit, quum ei dictum fuit, pascue oues meas: quo in loco D. Augustinus eandem conceptionem resumit. S. Leo sermone 30. de Anniversario suæ assumptionis explicando locum, [tibi dabo clauces: Transiit in alios Apostolos vis potestatis istius, & ad omnes Ecclesiæ Principes, Decreti huius constitutio committitur.] S. Cyprianus, lib. de simplici Prælatorum, [Erant & ceteri Apostoli, quod fuit Petrus pari consortio præditi, & honoris & potestatis, sed exordium ab unitate proficiscitur, & primatus Petro datur, ut Ecclesia una monstratur.] Ex his & similibus multis S. Patrum Doctorumque locis, elicitur auctoritatem D. Petro datam, reliquis omnibus Apostolis & Ecclesiæ pariter datam fuisse, sufficit innuisse non adeo certum esse quod D. Cardinalis innuit, vocem pascue, dictam esse D. Petro, & non Ecclesiæ, cum promissio, [tibi dabo clauces,] æquæ ac promissionis exequutio, videlicet [pascue,] de aliis etiam Apostolis & Ecclesiis, iuxta S. Doctores, intelligatur.

Errat IX. quia dicit Pontificem à spiritali sua Iurisdictione nullam Prouinciā alienare posse, nam Pontifex eorum qui sunt in aliqua prouincia non est dominus, quod sint eius prouinciæ, sed Pastor est eorum, quia sunt Christiani, & ideo prouincias aut personas alienare nequit: primum quia non sunt omnes prouinciæ Christianorum: secundum, quia licet Christiani agnoscat illum pro Superiore, hæc tamen Superioritas nullo Dominio nititur, ac proinde ubi non est dominium, nec alienatio esse potest, (de illis prouinciis loquor quæ Pontifici subiectæ non sunt in temporalibus.)

Quod

Quòd autē summus pōtifex nō sit dominus, ea ver-
 banō sunt atēdenda quibus eodē titulo quo Chri-
 stus, simpliciter appellatur, Nostri domini, sed po-
 tius titulus quē in suis literis sibi tribuit, seruus ser-
 uorū Dei, spectandus venit. Et quoniā Saluator Lu-
 cæ 22. dū lis erat inter Apostolos, quis eorū videretur
 esse maior, dixit, [Reges gentiū dominantur eis,
 vos autem non sic. Qui inter vos maior est, fiat sicut
 ministrator:] idē contrariū statui debet. Propterea
 etiā S. Ioh. 20. dixit eis, [sicut misit me Pater, & ego
 mitto vos, nō in potestate magna & maiestate,] vt
 veniet secūdo Aduētū, sed vt primo venit in humi-
 litate, iuxta S. Bernardū sermone primo de Aduētū.
 Hinc idē D. Petrus, quale sit Ecclesiæ pastorū mu-
 nus innuere volens, epist. 1. c. 5. [pascite,] ait, [qui in
 vobis est gregē, nō coactē, sed spōtaneē, non turpis
 lūcri gratia, sed volūtariē, nō tanquam dominantes
 in cleris, sed forma facti gregis ex animo.] Quo ni-
 titur doctrina citata S. Bernardi ad Eugenium pa-
 pam: [Apostolis interdicitur dominatio, indicitur
 ministratio.] Nec Saluator dixit D. Petro, [pasc o-
 ues tuas,] sed, [pasc oves meas:] ipse enim est su-
 premus Pastor, summus Sacerdos, qui, vt ait Apo-
 stolus Heb. 7. [semper habet sacerdotiū,] supremus
 est Iudex, [Vnus est legislator, & Iudex Christus Ie-
 sus,] Iacobi 4. Sed pōtifex aliq; p̄lati Ecclesiastici,
 sunt dispensatores mysteriorū Dei, 1. Cor. 4. Cū i-
 gitur Sūmus pōtifex nil habeat suū iure pōtificatus,
 nil etiā alienare potest, quinimō quia potestas eius
 spiritualis est & in animas, eas à Christi D. N. Ec-
 clesiæ capitis dominio alienare non posset, nisi ad
 fidei abnegationem illas cogendo: quod hor-
 renda est blasphemia, non enim aliam in animas

potestatem habet Pontifex quàm spiritualem, eas conuertendi, ad vitam æternam dirigendi, quæ superioritas quamvis sit de iurisdictione spirituali & eminentissima, cum tamẽ dominium adnexum nõ habeat, hinc à se nullam animam alienare potest, quod sæcularis Princeps de bonis suis facere potest, res enim possidet alienabiles, licet ne hoc quidem Princeps in rebus magni momenti facere possit, nisi in euidentem vtilitatem, &c.

Errat X. quia dicit Principẽ secularem suos subditos amittere posse, at suos Pontificẽ non posse amittere: quod vtinam esset verum, sed quot populi ab Ecclesiæ Romanæ obedientia descuerunt? sufficit dicere illam arborem quæ tegebat vniuersam terram, nunc vix duos tresve ramos habere.

Errat XI. quia dicit Pontificis potestatẽ à Concilio vel à Cardinalibus imminui non posse, at secularis Principis potestatem à subditis posse minui: dixi iam semel. nolle me disputare utrũ Pontificia potestas, moriente Põtifice, maneat in Ecclesia, vel an sit Concilium supra Papam, hoc certum est in causa hæreseos esse supra Papam, & ratione delictorũ scandalosorum, remedia in Ecclesia non deuenire: sed ratione agamus: quis populus Principis absoluti potestatẽ imminuere potest? nullus sane: quo iure? quis doctrinã eiusmodi proponet? populus igitur suum Principẽ deiicere potest? eius potestatẽ imminuere, &c. Principes igitur nõ ampliũ Principes erunt, sed subditi? cum suo arbitrio populus ipsis è capite coronã, sceptrũ è manibus, purpuram ex humeris demere, eosq; è solio Regio deturbare possit? hæc est ratio accedendi rebellionũ, seditionũ, & cõiurationũ facẽ: ad hæc tã euidentia horrendæ pestilentiæ se-
mina-

minaria nolo respōdere, Principū est suam causam tueri. Nō tamen nego Principē absolutam suam potestatem moderari debere iuxta sua consilia, suiq; dominij leges, sicut Pontifex suam debet regere iuxta consilium Dominorū Cardinalium, qui procul sint à cōpendio & excecante animi affectu, quique de ipsius & Ecclesiæ bono sint solliciti iuxta Canones, iuxta Concilia: etsi enim fortè Princeps nō tenetur suis legibus quoad obligationem, tenetur saltem quoad directionem, &c.

Errat XII. quia dicit in Principibus laicis mutationes videri Rerumpubl. in Principatus Monarchicos, quod in Ecclesia videri posse negat: ac primò si sermo sit de supremo Ecclesiæ Pastore, Christo Salvatore nostro, certū est Monarchiam sibi nūquā ablatum iri, nā Regni eius non erit finis, neque hoc accidit ob titulum aut non titulum, vt inquit Dom. Cardinalis, sed quia in ipso locum nō habet vis, quæ istiusmodi mutationum causa est: verū si de ipsis ministris intelligatur, quis negare potest sanctam Ecclesiam ad Reipublicæ formam cœpisse regi? legatur c. 15. Actorum Apostolicorum, vbi D. Petrus narrat, [sicut narravit Cephas:] D. Iacobus iudicat, [ego autem ita iudico,] & edictum omnium nomine vulgatur, [Apostoli, Seniores, Fratres: Fidelibus, Salutem. Visum est Spiritui sancto, & nobis, &c. An tunc Petrus primatum obtineret, sicut Venetiarum Dux, qui licet magnam habeat præminentiam, toti tamen Reipublicæ subditus est, ei discutiendum relinquo ad quem spectat: hoc mihi sufficit, Edicta scilicet quæ in primitiua Ecclesia Reipublicæ nomine prodierunt, nunc vnus tantū nomine fieri, quod an mutationem denotet, dicat ille ipse Do-

minus qui id negat.

Errat vltimò, quia dum rationem discriminum inter vtramque potestatem afferre nititur, hanc affert, quòd nempe titulus vnus immediatè, titulus verò alterius immediatè sit à Deo: dico illum errare bifariam, quia si per titulum intelligat potestatem, nō ita est, potestas enim non est titulus, nec titulus est potestas: sin per titulum, modū intelligat obtinendi potestatem, æquè humanus est vnus ac alter, nec inueniunt conuinci mendacij Conclauistæ: quamuis etiam potestas Ecclesiastica nō sit adeò immediatè à Deo, vt secularis, est enim in Christo homine tanquam in capite Ecclesiæ, cui Deus eam immediatè communicat: [Data est mihi omnis potestas in cœlo, & in terra,] Ioh. 20. ipse deinde cōmunicat eam Pontifici: cū sitigitur ipse, vt ait Apostolus, 1. ad Timoth. 2. Mediator Dei & hominum, dici debet Deum superioritatem Ecclesiasticam dare Pontifici mediatè, id est per Christum mediatorem: quæ potestas non est principalis, sed vicaria, nec Dominium, sed ministerium potius ac seruitutem denotat: ideò magna cum ratione ipsemet dedecori hoc non adscribit, sed supremo illo titulo Serui Seruorū Dei se ornat, vt & Pastoris & Episcopi, qui omnes tituli Ministerium potius quàm Dominium, humilitatem potius quàm maiestatem denotant, hæc siquidem non in domibus Pontificis, quā talis est, sed in domibus Regum sunt, iuxta Saluatoris dictum: Matth. c. 11. Lucæ c. 7.

A V T H O R.

Hæc doctrina non est mea, sed D. Pauli Apostoli, in epistola ad Rom. cap. 13. imò ipsiusmet Spiritus S. qui per os eius loquutus est, & penna eius

eius scripsit. Verba autem Apostoli hæc sunt : Omnis anima potestatibus sublimioribus subdita sit, non est enim potestas nisi à Deo. In expositione huius loci S. Chrysostomus ita loquitur : Fecit hoc Apostolus, vt ostendat Christum, leges suas non ad hoc induxisse, vt politicas euerat, sed vt ad melius instituat, ostendens quòd istæ omnibus imperentur, & Monachis & Sacerdotibus non solum secularibus, id quod statim in initio declarat: Omnis anima potestatibus sublimioribus subdita sit, etiamsi Apostolus sis, etiamsi Euangelista, etiamsi Prophetas, siue tandem quisquis fueris, nec tamen pietatem subuertit ista subiectio.

O B I E C T I O N E S.

Bellarminus.

Locus D. Pauli c. 13. ad Rom. est de potestate vniuersali, & docet diuinam institutionem esse vt subditus obediat superiori, non autem docet Principes sæculares iure diuino immediatè subiectas habere has aut illas personas. Et verissimum est omnem potestatem à Deo esse, sed quædam est immediatè à Deo, qualis erat Moysis & Aaronis, & hoc tempore Papæ: quædam verò mediante successionē, aut electione, aliòve humano titulo. Ad testimonium S. Ioh. Chrysostomi in Paulum respòdeo: Sanctum Chrysostomum non dicere Sacerdotes & Monachos, ob authoritatem D. Pauli obligatos esse ad obediendum Principibus sæcularibus, sed suis superioribus, qualescunque ij sint. Verum tamen est Ecclesiasticos obseruare debere leges illas ciuiles quæ contrariæ non sunt Ecclesiasticis, & ob

Oo iij

commercium laicis & clericis communia, necessariae sunt: sicut enim scribit Papa Nicolaus ad Imperatorem, in negotiis rerum saecularium siue temporalium, Ecclesia utitur legibus Imperialibus, nihilominus ad hanc observantiam legum Principum saecularium, Ecclesiastici sunt tantum, quantum ad directionem, non quantum ad vim scilicet vi rationis non legis: exempli gratia: Si Princeps saecularis pretium frumentis statuit, obligati sunt Ecclesiastici illud, pretio à Principe constituto, venundare & emere, non quod hac lege teneantur, sed quia obligati sunt ad emendum & vendendum illud iusto pretio, & hoc loco ratio dicitur, illud esse pretium iustum, quod à Principe est constitutum. Si autem casu Ecclesiasticus aliquis eam legem non servet, idcirco non est vocandus ad iudicium, nec puniendus à Principe laico, cuius subditus non est, sed solum à superiore Ecclesiastico.

DEFENSIO.

Marsilius.

IN his paucis verbis Illustrissima sua Dominatio quatuor obiectiones proponit, quas distinctè nitar solvere, ut constet non prevalere auctoritatem ratione destitutam.

Errat primò, quia dicit locum D. Pauli ad Rom., c. 13. [Omnis anima potestatibus sublimioribus subdita sit,] de potestate in genere, non Principum saecularium intelligi: vellem mihi huius dicti rationem aliquam attulisset, quod fieri potest ut D. Paulus de potestate in genere loquatur, cum scribat hoc caput ad os eorum obturandum, qui Christianos seditione-

2 riosos esse, doctrinamque scandalosam prædicare
 1 diuulgabant, se nimirum ad obediendum Principi-
 1 bus sæcularibus non esse obligatos, sed ab eorum iu-
 1 risdictione immunes esse? ad hoc Paulus respon-
 1 dēs dicit. Omnis anima Potestatibus sublimioribus
 1 subdita sit, nempe Sæcularibus, qui magnificè vi-
 1 uunt, imò per epithetum, *sublimioribus*, vocem, *Pote-*
 1 *statibus*, limitat. Hanc verò esse D. Pauli mentem, le-
 1 gatur perspicuè apud D. Ioh. Chrysostomum, apud
 1 D. Thomam, apud D. Augustinum, apud Theophi-
 1 lactum, eius loci expositores, qui vñanimi consen-
 1 su dicunt loqui Apostolum de Principibus sæcula-
 1 ribus, & hoc negare audet Dom. Cardinalis, dicens,
 1 loqui ipsum de potestate in genere, & speciatim de
 1 Pontificia, quæ tunc non sublimis erat, sed penes
 1 pauperem, simplicem, & humilem Apostolum.
 1 Præterea si de potestate in genere loquatur, quo-
 1 modo potestati in genere, aptatur illud quod sub-
 1 iungit, [cui tributum, tributum? non enim sine cau-
 1 sa gladium portat &c.] Maritus in uxorem, pater in
 1 filios, præceptor in discipulum potestatem habent,
 1 an igitur hi tributum exigere, subditos suos morti
 1 addicere debent? Vt saluator ostenderet Regnum
 1 suum non esse de hoc mundo, sicuti Pilato dixe-
 1 rat, nec sublimem, id est mundanam esse potesta-
 1 tem, hoc vsus est argumento, Iohan. 18. [Si Re-
 1 gnum meum esset de hoc mundo, vtique ministri
 1 mei pro me decertarent, iam verò (scilicet quia mi-
 1 nistri mei pro me non decertant) Regnum meum
 1 nō est hinc.] Ita proprium est Principis sæcularis tri-
 1 butū exigere, gestare, vel ipsius ministros, gladium
 1 in vindictam malorum, vt alteri cuiuslibet Potestati
 1 non competat. Ac licet quæ D. Paulus dicit, vi-

deatur allegoricè, & sèsu spirituali aut mystico applicari posse Præfuli, spirituali quod v.gr. verbi diuini aut excommunicationis gladium gesset, quòd lacrymarum & pœnitentiæ tributum exigat: nihilominus tamen quum de dogmate agitur, non est ad eiusmodi sensus, multoque minùs quando sunt contrarij, vt in hoc nostro casu, recurrendum. Ideoque Zuinglio, qui in his verbis, [Hoc est corpus meum, explicat verbum, *est*, per, *significat*, quia de imagine dicimus, Hoc est crucifixum, hoc est Domina, id est, significat Crucifixum, significat Dominam, audacter respondetur opinionem ipsius hæresim esse, quia licèt vsitata sit hæc loquendi formula, tamen quum agitur de dogmate tanti momenti, quale est sanctissimi Sacramenti, eiusmodi expositiones non sunt afferendæ, sed literali adherendum, scilicet vocem, *est*, denotare, *est*, & non, *significat*: (Concil. Trident. sess. 13.) ita cùm hæc doctrina plurimùm faciat ad Principis secularis auctoritatem in orbe Christiano stabiliendam non ad allegorias confugere, sed sensui proprio & literali adherere oportet.

Post rationem, ad auctoritatem accedamus. Glossa interlinearis, in capit. 13 ad Roman. verba explicans, [Omnis anima Potestatibus sublimioribus subdita sit, dicit, id est secularibus, bonis vel malis:] & paulò pòst, [in hoc quod sublimis, id est, mūdānis.] S. Iræneus lib. 1. cap. 24. [Non diabolus determinauit huius sæculi regna, sed Deus: Regis enim cor in manu Dei,] & per Salomonem, prou. c. 8. ait, [per me Reges regnant.] Et Paulus hoc ipsum ait, [omnibus Potestatibus sublimioribus subiecti estote.] Tertullianus lib. de Idololatria c. 25. [Quod
attinet

ætinet ad honores Regum vel Imperatorū, satis præscriptum habemus in omni obsequio esse nos oportere, secundum Apostoli præceptum. subditos magistratibus & principibus.] D. Augustinus in expositione quarundam propositionum epistolæ ad Romanos, [Quod autem ait, Omnis anima potestatibus sublimioribus subdita sit, non est enim potestas nisi à Deo: rectissime admonet, ne quis ex eo, quod à Domino suo in libertatem vocatus est, factus Christianus, extollatur in superbiam, & non arbitretur in huius vitæ itinere seruandum esse ordinem suum, vt potestatibus sublimioribus, quibus pro tempore rerum temporalium gubernatio tradita est, existimet non se esse subdendum. Cum enim anima constemus & corpore, quamdiu in hac vita temporali sumus, & rebus tēporalibus, ad subsidium degendæ huius vitæ vtimur, oportet nos ex ea parte, quæ ad hanc vitam pertinet, subditos esse potestatibus, id est hominibus res humanas cum aliquo honore administrantibus.] In quo loco tria animaduerto: primum, D. Paulum secundum expositionem D. Augustini de Principe seculari speciatim loqui, & non in genere, vt ait Dom. Cardinalis: secundum, D. Augustinum cum esset Episcopus, dicere, [nos oportet subditos esse potestatibus:] tertium, vti illum voce, *oportet*, quæ præcepti necessitatem arguit. Hinc constat quàm à Sanctorum, speciatim verò à D. Augustini Theologorum luminis doctrina, remotum sit quod Dom. Cardinalis dicit. D. Thomas Aquinas in cap. 13. ad Rom. lectione prima. [Circa primum considerandum est quod quidā fideles in primitiua Ecclesia dicebāt terrenis potestatibus se subiici non debere, propter libertatē, quā

consecuti erant à Christo, secundum illud Ioh. 8. si filius vos liberauerit, verè liberi eritis, sed libertas per Christum concessa, est libertas spiritus, qua liberamur à peccato, sicut suprà cap. 8. dictum est, lex Spiritus in Christo, Iesu liberauit me à lege peccati, & mortis. Caro autem adhuc remanet seruituti obnoxia, sicut suprà cap. 7. dictum est, & ideò tunc nulli subiectioni homo per Christum liberatus, erit obnoxius, nec Spirituali scilicet, nec carnali, vnde dicitur 1. Corinth. 15. Cum tradiderit Christus Regnum Deo Patri, & euacuauerit omnem Principatum & Potestatem: interim autè dum corruptibilem carnem gerimus, oportet nos dominis carnalibus subiacere, vnde dicitur ad Eph. 6. Obedite dominis carnalibus, & hoc etiam est quod hic dicit Apostolus, Omnis anima potestatibus sublimioribus subdita sit. Potestates sublimiores hinc dicuntur homines in Potestatibus constituti, quibus secundum Iustitiæ ordinem subiici debemus. Primæ Petri 2. subditi estote omni humanæ creaturæ propter Deum, siue Regi quasi præcellenti, siue Ducibus tanquam à Deo missis: dicit autem indefinitè Potestatibus sublimioribus, vt ratione sublimitatis officij eis subiiciamur etià si sint mali, vnde 1. Petri 2. subdit, subiecti estote non tantum bonis & modestis, sed etiam discolis.] Erat quoque S. Thomas religiosus, qui dicit, [oportet nos subditos esse &c.] qui commentum non admittit, & clarè loquitur, estque Scholasticorum & Catholicorum Doctorum Princeps. Doctor etiam Catholicæ Ecclesiæ D. Ioh. Chrysostomus, homil. 23. in epistolam ad Romanos. [Omnis anima potestatibus sublimioribus subdita sit, facit hoc ideò vt ostendat Christum leges suas nō ad hoc

hoc induxisse vt politias euertat, sed vt in meli⁹ instituat: Jadedò vt loquatur D. Paulus de Potestate politica. Sed quia locū hunc inferiùs exponemus, eum designasse sufficiat. Probatum itaque manet tum ratione, tum Glossæ & Sanctorum autoritate, locum D. Pauli non de potestate in genere, vt ait Dom. Cardinalis, adedò vt Pontificiam aliàsque complectatur, sed de potestate seculari intelligi. Qualis deinsuper sit error Scripturam exponere ex suo sensu, & contra vnanimem consensum Patrum, in Concil. Trident. ipsa Scss. 4. ab ipso Domino Cardin. citata, legendum mitto.

Errat II. quia dicit potestatem quam hodiè Pontifex habet, esse immediatè à Deo, & non mediante Cardinalium electione, vt omnino fuit Moysi & Aaronis potestas. Quotiescunque ostendetur Deum alicui à Dominis Cardinalibus electo Pontifici loquutum esse, ad faciem in rubo ignis, aut in virga, vt Moysi & Aaroni loquutus est, Exod. cap. 3. Num. cap. 17. eius quoque electionem non verò potestatem solū immediatè à Deo esse dicam: & si Deus loquutus est, semperque loquitur iis qui Pontifices eliguntur: vt ait Dom. Cardinalis, ad quid Conclauia, ad quid tot artes & monopolia, & cetera quæ sequuntur? non igitur opus est vt Pontificem eligant Illustrissimi Dom. Cardinales, quia immediatè à Deo eligitur, sicut Moyses & Aaron electi fuere: quæ est doctrina hæc noua? Deus ceu prima causa, permittit vt causæ secundæ agant suo modo, & quamuis in Pontificis ac Principum electione speciali modo adsit ad bonum vniuersale, non idedò cogit eligentium libertatem, aut expressè declarat, loquendo de ordinario modo, quando de reuelatio-

ne non constat, velle se vt hic & non ille eligatur, vt fecit erga Mosem & Aaronem, imò permittit aliquando in peccatorum nostrorū pœnam, vt Princeps malus, aut Pontifex similis eligatur, sed absoluta electione legitima, Vicariam potestatem à Christo institutam dat Pontifici, eam verò dat Principi quæ ab humanæ naturæ authore cū ipsa natura instituta fuit. Nec discrimen illud video quod Dō. Cardinalis instituit, Principē videlicet ab hominibus, Pontificem à Deo, & non ab hominibus eligi, vt Moses & Aaron electi fuerunt.

Errat III quia cū D. Iohannes Chrysostomus de Principibus & Magistratibus politicis clare loquatur, de quibus etiam, vt probatum est, D. Paulus speciatim agit, ipse liberè dicit de his illum non loqui, sed de potestate in genere. Qui fieri potest vt D. Iohan. Chrysostomus de potestate in genere loquatur? si vel vnā coniecturam Dom. Cardinalis attulisset, non parū mihi satisfecisset: verū quia suæ responsionis aliam rationem non affert quàm ipsammet responsionem, non erit abs re errorem eius rationibus, & Sancti eiusdem Doctoris autoritate demonstrare. Ac primò si D. Paulus, vt probatum est, de Principibus secularibus speciatim eo capite loquatur, quomodo fidissimus eius interpres de imperandi potestate in genere loquetur? Secundò, quas D. Paulus sublimes potestates vocat, ille has toto suo Sermone Principum & Magistratuum nomine designat: eorum inquam Principum & Magistratuum qui leges politicas condunt, ac Reipublicæ onus sustinent, quibus dari tributum iubet Apostolus, quia pacem conseruant & in Ciuitate abundantiam, bella gerunt
ad

ad subditos protegendos, seditiosos malosque ciues plectunt. Qui-nam sunt, quæso, hi, nisi Principes seculares? Tertio, non-ne dicit D. Paulum. quod sparsus esset rumor Apostolos seditiosos esse, ac ne Principibus, communibusque legibus pareretur eos prædicare, hæc ideo scripsisse, eiusque capitis dogmata sub præcepto iniunxisse? Quarto nõ-ne dicit Apostolum tum hoc loco, tum alibi, velle, vt quem admodum famuli suis dominis subiecti sunt, ita qui in certis prouinciis degunt, suis Principibus sint subiecti? Quinto, verba illa, [facit autem hoc ideo, vt ostendat Christum leges suas non ad hoc induxisse vt Politias euertat, sed vt in melius instituat,] nempe iubendo vt illis pareatur, tributum sol-uatur &c. non-ne aperte demonstrant, ipsum hoc speciatim intelligere de Principibus secularibus, quibus debetur obedientia secundum politicas leges? Denique hæc conclusio omnem fugæ viam Illustrissimæ suæ Dominationi præripit]: Ostendens quod ista imperentur omnibus, & Sacerdotibus, & Monachis, non solum secularibus, id quod statim in ipso exordio declarat, quum dicit, Omnis anima potestatibus supereminentibus subdita sit] : quales sint potestates supereminentes, præter id quod suprà dictum est, declarat idem D. Iohan. Chrysostomus, modò Principes, modò Magistratus eas vocans: vnde argumentum suum corroborans, subdit, etiamsi Apostolus sis, etiamsi Euangelista, etiamsi Propheta, siue quisquis tandem fueris, neque enim pietatem subuertit ista subiectio, id est Religionem Christianam,] vt ijs responderetur, qui Christianos Principibus secularibus obedire indecens esse dicebant, v.

bi non dicit Principem Apostolis subiectum esse in temporalibus, at verò dicit Apostolos qui omnes æqualis potestatis, Principi subiectos fuisse. Hoc ad eò evidens est, ut gravissimè sim erraturus, si in eo patefaciendo diutius immorer. Hoc tantum monere volo, D. Ioh. Chrysostomum ut subditorum suo Principi obediètiã Reipublicæ vtilè esse probet, pro more suo demonstrare inferioris subiectionem superiori, omnibus modis vtilem esse, ut est vxoris subiectio ad maritum relata, filij ad patrem, discipuli ad præceptorem, iuuenis ad feriem, cuius vtilitatis participes sunt aues quæ ducem vnâ sequuntur, ipsique pisces, in qua enumeratione cū posset de subdito loqui respectu Præsulis Ecclesiastici, abstinuit, ob id forsan, quod ab eodem Spiritu S. edoctus, D. Bernardus dixit, [Apostolis interdicitur dominatio, indicitur ministratio:] sed eã superiorum & inferiorum enumerationem non adfert, non quia D. Paulus de omnibus in genere loquatur, verum ut ostendat cū, sicut in omnibus illis exemplis patet, vtilis sit inferioris superiori subiectio, existente Principe superiore, subdito inferiore, obediètiã ei deberi in omnibus à D. Paulo expressis in persona Principis, [omnis anima potestatis sublimioribus subdita sit.] Diuinam illam homiliã legi velim, quæ est 23. in epistolam ad Romanos.

Errat I V. quia dicit Clericos ad obediendum Principi eiùsque legibus obligatos non esse, vi legis, sed tantum vi rationis. D. Paulus dicit, [qui Potestati resistit, Dei ordinationi resistit: bonum fac, & habebis laudem ex eo, si malum feceris times, nam minister Dei est in iram ei qui malè agit,] ac
de

de omnibus, ne vno quidem excepto, loquitur. At Dominus Cardinalis quem vult, liberat, & à subiectione eximit: ego verò, vt verum fatear, maiorem D. Paulo, & linguis pennisque Spiritus Sancti fidem adhibeo, quàm omnibus reliquis Mundi scriptoribus: quotiescunque Illustrissima sua Dominatio Euangelij, Canoniarum epistolarum, aut librorum eiusmodi locū adducet, qui apertè dicat Clericos in temporalibus, Magistratum politicorum legibus obedire non teneri, quum ab iisdem Magistratibus exemptionis priuilegium non haberint, sicut ei apertum locum D. Pauli ostendo; sic à D. Ioh. Chrysostomo; à D. Augustino; à D. Thoma; aliisque intellectum; illos nempe ad obediendum obligatos esse, dabo manus: Me omnino victum dicam: Ac sanè clericos in causis spiritualibus & ecclesiasticis exemptos esse par est: sed in secularibus politicisque negotiis quam ob causam? an fortasse quòd clericalem aut Sacerdotalem characterem acceperint? minimè: quia nec minùs ij qui Baptismi Sacramentum, & characterem accipiunt, à Principum infidelium, aut dominorum, si mancipia fuerint, potestate manent liberi: igitur à fortiori; qui nascuntur, vel sunt ratione delicti, Principis alicuius subditi, à subiectione non liberantur; quòd clericalem characterem acceperint, iuxta regulam; [Si non de quo magis, ergo neque de quo minùs:] & huius ratio est quam affert D. Io. Chrysostomus, [neq; enim pietatem subuertit ista subiectio:] eaq; D. Thomæ, quia Christiana libertas est ipsius Spiritus & contra peccatum, non carnalis & de seculari iurisdictione. Sed dato, non concessio, quòd obedire teneantur nō vi legis, sed vi rationis, scire cupio

quid illa vis rationis denoter. Existimo ipsum vñā cum aliis omnibus intelligere Rationis legem cum lege Naturæ eandem esse, quòd si ita sit, in quem finem tot Monitoria, tot Excommunicationes? cur non parent Ecclesiastici Serenissimæ Reipublicæ Legibus, quæ adeò iustæ sunt? vt probatum est in libro quem hac de re doctissimè scripsit R.P. M. Paulus Ordinis Seruorum, Theologus eminentissimus. Naturæ lex multò maiorem habet vim quàm lex Magistratus, igitur etiam diligentius obseruanda. Verùm dicat Domin. Cardinalis, numnam parendum sit, Principis secularis non esse disquirere, sed Ecclesiastici. Hoc non tollit quin Reipublica Veneta, multorum Principū Christianorū imitatrix, politicas leges possit condere, quæ gubernationis politicæ gratia, Ecclesiasticos comprehendant, quia saltem, iuxta D. Cardinalem, seruare has tenentur vi rationis. Sed plus dico, cum de legis præuaricatore iudicium ferre, qui legem potest condere, Princeps secularis legem potest condere quæ omnes obstringat in temporalibus, & in conscientia, ergo & ipse iudicium ferre potest. Ordinis character ad hoc facit, vt in iis quæ ad Sacrum Ministerium spectant, & cum eo iuncta sunt, Præsuli suo subditi sint Clerici: at verò quòd in temporalibus, Principis subditi nascentes, vbi primùm sacris initiati sunt, à subiectione liberi euadant, monstrum mihi videtur, non solùm in Euangelica Doctrina, vbi tantoperè commendatur humilitas & subiectio, sed etiam ratione luminis naturalis, quòd amissis etiam scriptis omnibus legibus, ipsum nobis esset lex, ad Rom. cap. 2. Si hæc Dom. Cardinalis persua-

persuasio vera esset, cur non est de iure diuino, vt Clerici non nubant? Possent summi Pōtīfices id absolute quod Bonifacius VIII. facere tentauit, qui declarauit eos omnes qui primam tonsuram haberent, vel quatuor minores, licet coniugatos, Ecclesiæ subditos fore, cui malo sanctissimis legibus occurrerunt omnes Principes, & meritò, fuisset enim hæc essetque Sux Sanctitati ratio facilis, totius Christiani orbis etiam in temporalibus dominium acquirendi, efficiendo nempe vt omnes vertice insignirentur, vel in quatuor minorum ordinem referrentur: libertas hæc à subiectione Apostolica est admodum aliena.

A V T H O R.

VNde in antiqua Lege, quamuis Leuitæ habuerint Sacerdotem summum, id est Aaronem, nihilominus in negotiis & iudiciis tēporalibus subiecti manserunt Mosi Principi temporali eorum, vt rectè probat Couarruias cap. 31. qq. Practicarum, concl. 2.

O B I E C T I O N E S.

Bellarminus.

MOses erat summus Sacerdos vnà cum Aaronē, & per extraordinariam dispositionem maior erat ipso Aaronē. Et quamuis contrarium dicat Couarruias, plus sacræ scripturæ & sanctis Patribus credere oportet, quàm Couarruiæ, qui in iurisdictionis materia in alteram partem nimis inclinare semper visus est. Psa. 98. dicitur apertè Moses & Aaron in Sacerdotibus eius, id est, Moses

Pp ij

& Aaron erant Sacerdotes Dei. Exodi c. 40. offert Moses Deo incensum, quod principale erat officiū summi Sacerdotis. Leuitici cap. 8. consecrat Moses, ut summus Sacerdos, fratrem suum Aaronem, filiosque eius Sacerdotes cōsecrat, sacrificiūque in eorū consecratione offert. Vnde doctissimus Philo Hebræus de vita Mosis lib. 3. sub finem ait, Mosem & Pontificem, & Regem, & Prophetam fuisse. S. Gregorius Nazianzenus oratione habita coram Gregorio Nysseno, ait: Moses erat Sacerdos Sacerdotum, & Princeps Principum. Et D. Augustinus q. 23. in Leuiticum, dicit ambos Mosem & Aaronem sacerdotes fuisse. Id ipsum repetit tract. in Psalm. 98. Ita etiam D. Hieronymus l. 1. contra Iovinianum, & ante hos omnes Dionysius Areopagita c. 5. de Hierarchia Ecclesiastica. Cū itaque Moses summus Sacerdos fuerit, mirū non est Leuitas, qui ea ætate Ecclesiastici erant, ei tanquam proprio iudici & capiti fuisse subiectos.

DEFENSIO.

Marsilius.

NON erat quòd Dominus Cardinalis in demonstrando multis patrum autoritatibus laboraret, Mosem Sacerdotem fuisse, ac primò Aaronem summo Sacerdotio donasse, ut melius administrationi politicæ incumberet, aut summū Sacerdotē illum fuisse: cū istud à Couarruua, vel ab Authore non negetur, quod vox illa, manserunt, significat: hoc autem Couarruias, Author, alique Doctores dicunt, signum scilicet euident Leuitas in rebus iudicialibusque temporalibus, non summo Sacerdoti, sed Principi

Principi temporali subiectos fuisse, hoc esse, quòd cum Moses omnem summi Sacerdotij, rebusque sacris omnibus incubendi autoritatem, in Aaronem transtulisset Leuitas & Sacerdotes in temporalibus iudicandi autoritate se omnino non spoliarent: ex quo euincitur hanc autoritatē summo Sacerdotio minimè adnexam fuisse: si enim adnexa fuisset, eam illi quoque dedisset, tum ne injuriam ipsi faceret, tum quia, cum, vt ait Dom. Cardinalis, sit exemptio de iure diuino, iudicium ordinario Iudici relinquere debebat, tū ēt quia in politicis aliis rebus tractandis liberior fuisset: præterea licet Moses fuerit Sacerdos, & ante Aaronem summus Sacerdos, dicere non conuenit, duos eodem tempore fuisse summos Sacerdotes, quoad exercitiū, maximè cum in Scriptura, quando Summi Sacerdotis fit mentio, nō de Mose, sed de Aarone hoc dicatur: in d. D. Paulus ad Hebræos cap. 5. de Pontifice loquens non dicit, [Qui vocatur à Deo tanquā Moyſes, sed qui vocatur à Deo tanquam Aaron: [Sancti præterea qui eū, illis titulis ornant, designant qualis fuerit, sed nemo dicit, ipsum Aarone summo Sacerdote factō, summum etiam sacerdotem fuisse quoad exercitiū, nā Ecclesia vna cū duobus capitibus in spiritualibus, monstrūiſſet, ac vnitatē Ecclesiæ & Christi parū significasset, insuper si Dominus Cardinalis ita pro certo habeat, Leuitas à potestate & iudicio tēporalis Principis in temporalibus immunes fuisse, cur apertum locum qui hoc demonstraret, non attulit, sicut Author ei duos affert, hunc Moſis, illum Salomonis, 3. Reg. c. 2. de quo dicetur suo loco, & quamuis locum aliquem adferret, cū antiquæ legis præcepta ceremonialia & iudicialia abrogata sint,

ad rem non faceret, nos enim immunitatis præceptum in Euangelica lege quærimus, nec ideo reprehensionem author meretur, quòd non ex propria sententia loquatur, sed autoritate Couarruiæ argumentetur à simili, ob rationem superius allatam.

A V T H O R.

ET in primitiua Ecclesia distinctio fori non fuit: nam Iustinianus Imperator primus fuit qui rogatus ab Episcopo Constantinopolitano Ecclesiasticis concessit, vt in ciuilibus causis à suis Præsulibus iudicari possent, ipso tamen non impedito, quo in casu & in delictis criminalibus permittit vt Ecclesiastici subiecti sint Principi, & ministris Principis temporalis, vt videre est in nouella constitutione 85. (corr. 83.) Iustiniani Imperatoris.

O B I E C T I O N E S.

Bellarminus.

OMnino contrarium reperio in scriptura & sacris Conciliis: tempore enim primitiue Ecclesie D. Paulus demonstrat Episcopum habuisse suum tribunal, & subditos suos Ecclesiasticos iudicasse, vt ex verbis cap. 5. primæ epistolæ ad Timotheum Episcopum Ephesinum constat. Aduersus Presbyteros accusationem noli recipere, nisi sub duobus vel tribus testibus. Et in Concilio generali Calcedonensi, quod ante natum Iustinianum Imperatorem celebratum est, canone 9. ita habetur: Si clericus aduersus clericum habeat negotium, non relinquat Episcopum suum, & ad secularia iudicia non recurrat. Qui dicit ergo notus hic Theologus in primitiua Ecclesia fori distinctionem non fuisse, & Iustinianum Impera-

peratorem primum permisisse Ecclesiasticis, vt à suis Præfulibus iudicari possent? Neq; solum Calcedonense concilium, sed etiam Agathense can. 32. id ipsum docet: clericus ne quenuquam præsumat apud secularem Iudicem Episcopo non permittente pulsare, & si pulsatus fuerit, non respondeat, nec audeat criminale negotium in iudicio sæculari proponere: & Concilium 3. Carthaginense centum triginta annis antiquius temporibus Iustiniani Imperatoris, canone 4. Item placuit, quisquis Episcoporum, Presbyterorum, Diaconorum, seu Clericorum, si derelicto Ecclesiastico Iudicio publicis iudiciis purgari voluerit, etiam si pro ipso prolata fuerit sententia, locum suum amittat, & hoc in criminali actione in civili verò perdat quod euit &c. Concilium Mileuitanum similiter antiquissimum, vti Carthaginense quoque can. 18. dicit: placuit vt quicumque ab Imperatore cognitionem iudiciorum publicorum petierit, honore proprio priuetur. Ecce quàm falsum sit à tempore primum Iustiniani factam esse fori distinctionem. Verùm quia Iustinianus magnam sibi vsurpabat autoritatē in iudicandis negotiis Ecclesiasticorum, ideo Menna Patriarcha Constantinopolitanus petiit ab Imperatore vt saltē Episcopis permitteret cognitionem causarum civilium, quod Imperator indulxit. Et verum esse nimiam sibi Iustinianum autoritatem vsurpasse clarè apparet, quia non solum ausus est Clericis leges præscribere in negotiis temporalibus, sed etiam in spiritualibus, vt legenti titulum de sanctissimis Episcopis, & alium de sacrosanctis Ecclesiis clarum fiet. Et multò dilucidius hac de re Nomocanon Photij: cum tamen omnes Theologi, &

Canonistæ, quin & ipse Covarruias, doceant, indicia negotiorum spiritualium, iure diuino solum ad Episcopos & Summum Pontificem, tanquam supremum Iudicem pertinere. Vnde non solum ante, sed etiam post Iustiniani tempora, prohibent Concilia Clericis, ne se à iudicibus sæcularibus iudicari permittant, vt videre est in Concilio Toletano 3. canone 13. & aliis: Atque vt quilibet cognoscat quàm exiguum & fragile fundamentum, in ea constitutione nouella 83. (non 85. vt malè author citat) struatur, attendendum est Imperatorem in ea ipsa constitutione dicere, iudicem sæcularem non posse punire Ecclesiasticum, nisi prius ab Episcopo dignitate clericali spoliatur, & vtitur hisce verbis: prius hunc (spoliari à Deo amabili Episcopo sacerdotali dignitate convenit, & ita sub legum fieri manu. Si igitur Ecclesiasticus non est sub manu legum, id est, subiectus non est legibus sæcularibus, nisi prius ab Episcopo exauguretur: quomodo igitur à Iudice sæculari iudicari potest, quamdiu clericalem dignitatem retinet. In ea etiam cōstitutione ait is ipse Imperator: Leges imperiales non designari sacros Canones. Cùm igitur sacri Canones decreuerint, Ecclesiasticos iudicandos esse à suis superioribus, quomodo poterit obseruari ea constitutio quæ contrarium determinat? Addo demum tam iniquam iudicatam fuisse hanc Iustiniani determinationem, vt Fridericus Imperator hanc & alias liberati Ecclesiasticæ contrarias Iustiniani constitutiones reuocarit. Ita enim legimus in prima eius constitutione: Sanè infidelium quorundam & iniustorum aded abundauit iniquitas, vt non dubitent contra Apostolicā disciplinā, & sacros Canones sta-

nes sta-

nes statuta sua cōfingere contra Ecclesiasticas personas, & Ecclesiasticam libertatem. E ptauld inferius: Item statuimus vt nullus Ecclesiasticam personam in criminali vel ciuili quaestione, trahere ad iudicium seculare præsumat contra constitutiones imperiales, & canonicas sanctiones. Quod si fecerit Actor à iure suo cadat, & iudicatum non teneat, & iudex sit tunc iudicandi potestate priuatus. Et multò ante Fridericum Imperatorem Basilius abrogauit legem quandam Nicephori Imperatoris contra libertatem Ecclesiasticam, dicens ex ea lege infinitas calamitates Reipublicæ contigisse. Legatur Balsamon in Nomocanonem Photij, vbi primum Canonem Concilij primi & secundi Constantinopolitani declarat. Et hæc ad authoritatem Iustiniani dicta sufficiant.

D E F E N S I O.

Marsilius.

NOuella Iustiniani Imperatoris 83. quam Author non malè citauit, sed eius numerum male Typographis adposuit, tria continet, primum à Patriarcha Constantinopolitano, Menna dicto rogatum Imperatorem priuilegio concessisse, vt in causis pecuniariis, quas Author iuxta communem usum, ciuiles vocat, possent Ecclesiastici à suo Præfule iudicari, non ex scripto, sed breuiter, nisi ex partium consensu aliquid scribere necesse esset: verum si rei natura vel difficultas formariam hanc decisionem non pateretur, vt actoribus liberum esset ad secularium iudicium ordinariorum forū recurrere.

Verba Imperatoris hæc sunt: [Petiti sumus à Menna Deo amabili Archiepiscopo huius felicissi-

mæ Ciuitatis, & vniuersali Patriarcha, Reuerendissimis clericis hoc dare priuilegium, vt si quis habet aduersus eos quàmlibet pecuniarum causam, prius ad Deo amabilem Archiepiscopum pergat sub quo cōstitutus est, & interpellet eum, & ex non scripto iudiciū mereatur, & si hoc fiat, nec inquietet eū, nec tradat ad auditoria ciuilia, neque à sacro eum vacare faciat ministerio, sed ex non scripto examinetur negotium sine damnis, & accipiat formam forsan etiam scriptam, si hoc partes voluerint, & poposcerint, & liberentur alterutro certamine. Si vero propter causæ naturam, aut propter quandam difficultatē, non fuerit possibile Deo amabili Episcopo decidere negotium, tunc licentiam esse & ad Ciuiles iudices pergere, & priuilegiis omnibus custoditis, quæ reuerendissimis Clericis sacra præstant constitutiones, ligare, examinationem fieri, & terminū imponi liti.] Hic multa animaduerto: primò Patriarcham priuilegium petere, ergo non habet illud de iure diuino, alias enim peccaret in eo petendo: secundò non absolutè illi Imperatorem forum concedere, sed vt iudicet sine strepitu, & ex non scripto: quod valdè repugnat consuetudini quæ viget in Curiis Ecclesiasticis, vbi interdum maior est strepitus iudiciarius, plures sunt notarij, plures lictores, plures pro scripturis solutiones, quàm in Curiis Principum secularium: tertio reddi ab Imperatore rationem ob quam priuilegium concedat, ne scilicet clerici in huiusmodi strepitibus occupati, sacra ministeria intermittant: quarto, non absolutum sed conditionale priuilegium concedi.

Secundum quod Nouella continet, est, In causis crimina-

criminalibus civilibus, id est, temporalibus & non spiritualibus, id quod explicat Couarruias his verbis, [quæ spiritualia non attinent,] Clericos iudicari debere Constantinopoli à secularibus Iudicibus competentibus, & in toto imperio à Prætoribus, hac limitatione ut lis intra duos menses terminetur, & cum Prouinciæ Præses Clericum iudicauerit, non prius pœnâ infligi patiatur, quàm ab Episcopo pro more exauguratus, & sacerdotali dignitate spoliatus fuerit: Verba Imperatoris hæc sunt: [Si tamen de criminalibus conueniantur, si quidē civilibus id est non Ecclesiasticis, hîc quidem competentes Iudices, in Prouinciis autem earum Præsides, siue Iudices non transcendēte lite, mensium duorum spatium, ex quo litis contestatio fit, quatenus breuis imponatur causæ terminus, illud palam est si reum putauerit esse eum qui conuenitur Prouinciæ præsides, & pœna iudicauerit dignum prius hunc spoliari à Deo amabili Episcopo Sacerdotali dignitate, & ita sub legum fieri manu.] In quibus verbis plura itidem notanda sunt: primò dari delicta criminalia civilia, id est politica, quæ cum clericali ordine nil commune habent: secundò, hæc à temporalibus Iudicibus iudicanda esse & punienda: tertio Iudicem temporalem posse ob talia delicta Ecclesiasticos morte punire: quartò Imperatorem se suosque ciuitatis Constantinopolitanæ Iudices non obstringere ut Sacerdotes primò exauguratos Iustitiæ Ministro tradant, sed tantum Prouinciarum Prætores: aded ut ipse ceu Princeps supremus, cum Iudicibus suis Constantinopolitanis, ab ea obligatione delinquentem primò exaugurandi, liber maneat: ita-

dem notandum, præcedere iudicis secularis iudicium, dein sequi exaugurationem prius quam sententiæ fiat executio, nam manus legum, iustitiæ est executor, unde elicitur quàm sinistrè Dom. Cardinalis hunc locum intellexerit, qui dicit delinquentem iudicari & exaugurari debere primò ab Episcopo in eiusmodi delictis, postea à Iudice seculari, eo quod dicat, tunc sub legum fieri manu. Nam Imperator clarè loquitur, Iudicis nempe secularis iudicium præcedere, deinde exaugurationem, ac tandem sententiæ executionem sequi debere, id verò in Provinciis, non in ciuitatibus Imperialibus.

Tertium quod prædicta Nouella continet, est, clericorum delictum si fuerit Ecclesiasticum, quod pœna Ecclesiastica puniri debet, hoc ab Ecclesiastico Præsule fieri debere, secundum sacras diuinâsque regulas, quas leges Imperiales hac in parte sequi nō dedignantur. Imperatoris verba hæc sunt: [Si verò Ecclesiasticum sit delictum egens castigatione Ecclesiastica, & multa, Deo amabilis Episcopus hoc discernat, nihil communicantibus clarissimis Provinciæ Iudicibus: neque enim volumus talia negotia scire ciuiles Iudices, cùm oporteat talia Ecclesiasticè examinari, & emendari animas delinquentium per Ecclesiasticam multam secundum sacras & diuinas regulas, quas etiam nostræ sequi nō dedignantur leges.] In his verbis multa sunt etiam notatu digna. Primum, delicta dari Ecclesiastica, id est ordini clericali adnexa; Secundum, sacros Canones de hisce delictis, quum eos à Præsulibus puniri debere dicunt, ipsamque sacram Scripturam loqui: tertium, iudicium hoc & pœnam non cum strepitu

COR-

corporali esse debere, sed ut animas emendet, & per paternam correctionē, quæ pœna est Ecclesiastica, cum eiusmodi aliis & non corporalibus. Iam verò quoniam hæc delictorum, iudicium, pœnarum, fori, distinctio, apud nullum ante Iustinianum legitur, ob id rectè dixit author distinctionem huiusmodi in primitiua Ecclesia non fuisse, & quia per vocem fori, ciuile intelligitur & contentiosum, certum est, antequam hoc Mennæ Patriarchæ Iustinianus concederet, neminem in similibus causis ad Præsules ceu Iudices publicos, recurrisse, sed ad Iudices seculares. Postquàm ostendimus quàm solidè ac verè author dixerit forū in politicis causis ac delictis de quibus agitur, in primitiua Ecclesia distinctum non fuisse, priusquàm id Iustinianus priuilegio distinxerit, errores demum detegendi tempus est.

Errat I. quia D. Pauli locum adferens cap. 5. ad Timoth. supponit habuisse Timotheum tribunal ad delicta quæ non essent ecclesiastica & spiritualia, & tamen D. Paulus de forma iudiciaria non loquitur, sed de paterna & Ecclesiastica correctione: dicit enim, [Aduersus Presbyterum accusationem noli recipere nisi sub duobus vel tribus testibus, peccantes coram omnibus argue, ut ceteri timorem habeant.] Vox, *argue*, non significat ut illos in carceres detrudat, in exilium mittat, vel eos suspendendos curet, sed ut eos reprehendat, priuatim, si priuatum peccatum, publicè si publicum commiserint, quem locum explicans D. Augustinus secundum glossam, ait, [aliquando debes corripere peccantem inter te & ipsum solum, ut dominus in Evangelio, aliquando coram omnibus, ut ceteri timeant.] Vnde colligitur D. Paulum de Tribunali-

bus non loqui, vt Dom. Cardinalis ait, sed de Ecclesiastica correctione, quæ propria est Euangelistæ non Iudicis, iuxta eiusdem Apostoli verba, 2. ad Timoth. c. 4. [Argue, obsecra, increpa in omni patientia, & doctrina:] & paulò post, [opus fac Euangelistæ, ministerium tuum imple.] Non nego tamen quin pro personarum titulis, & atrocitate delictorum, non possit ab eo qui talem auctoritatem habet, Ecclesiastica correctio fieri, vt idem scribit Apostolus, ad Titum c. 2. cum omni Imperio, id est citra timorem. Sed qui hoc vult facere, præter conditiones præfatas, eas quoque boni Præfulis habere debet, ad Timoth. c. 3. [Oportet autem Episcopum esse irreprehensibilem, &c.] Hoc enim est discriminē inter eum qui iudicat, & eū qui arguit vel corrigit, vt is qui iudicat, licet prauus sit, utilis tamen sit eius sententia: sed qui corrigit, nihil promoueat, quando prædicat non furandum, & ipse furatur: Rom. 2.

Errat II. quia per testes, homines intelligit qui iuridicè debeant examinari, & tamen ad paternam admonitionem sola verba sufficiunt, ne ad Presbyterum corrigendum facilè moueatur Episcopus, sed magna cum ratione, à duobus vel tribus testibus de totius rei veritate certior factus. Huc respiciens D. Ambrosius in glossa dicit, [Quoniam verò non facile credi debet de Presbytero crimen, si probetur tamen, aut sit manifestum quatenus irreuerenter versatus est, publicè præcipit arguendum, vt cæteri terreantur, quod non solum ordinatis proficit, sed & plebi, quando vident dignitosum virum erroris causa corripit:] Intelligit itaque in delictis conuersationis proprio statui irreuerentis: quæ omnia non designant Forum, ne dum Fori distinctionem, sed pater-

paternam correctionem denotant.

Errat III. quia D. Paulus non dicit Clericos in causis omnibus temporalibus ac delictis ad Iudicē Ecclesiasticum confugere debere, quod esset fori distinctionem adferre, sed tantum accusationem aduersus Presbyterum non debere nisi duobus vel tribus testibus ab Episcopo recipi: quod ad rem nostram non facit: nam siue ad paternam correctionem, siue in causis Ecclesiasticis ad Episcopum spectantibus iuxta citatam Nouellam, non debet Episcopus accusationi contra Presbyterum fidē adhibere, nisi à duobus tribusve testibus probetur: ideo tamē non concluditur D. Paulū Tribunal Ecclesiasticum constituisse, coram quo, & non coram Seculari, iudicentur ciuilit̃er delinquentes Ecclesiastici, de quo loquitur Author.

Errat IIII. quia Concilij Calcedonenſis locus nō pro ipſo, sed pro nobis facit, cū in eo nec de tribunali, nec de fori distinctione agatur, sed dicatur tantum, vt ad Iudicem ſecularem prius non eatur quā de re coram Episcopo, aut arbitrariis iudicibus ab vtraque parte electis actum fuerit: volens Concilium dare operam, ne Presbyteri aduersus se inuicem tota die per Curias cursitarent, atque ita diuina ministeria intermitterēt: quia verò D. Cardinalis omnia Cōcilij verba fideliter non citat, ea proponā: [Si Clericus aduersus Clericū habet negotium, nō relinquat suum Episcopum, & ad ſecularia iudicia nō concurrat. Sed prius negotiū agitur apud propriū Episcopū, vel certē si fuerit ipſius Episcopi iudiciū, apud arbitros ab vtraq; parte electos audiatur negotiū.] In quo Canone est notādū:

primò sermonein esse de negotio inter duos Clericos, adèd vt si vnus fuerit clericus, alter secularis, locum non habeat Canon: secundò de iis causis agi quas possint arbitri componere: tertio, de foro iudiciòve publico non agi, sed de amico iudicio omnibus concesso: quarto, non prohiberi ne Clerici eant ad secularem iudicem, sed tantum ne ad illum prius eant quàm inter se conuenire tentarint, non ratione iudiciaria, sed amica & arbitraria. Nunc verò quid superius dicta commune habent cum hoc, quod fori differentias Concilium constituit, de quo foro, vel de quo publico iudicio agitur in Concilio? imò ex ipso Concilio contrarium colligitur, nam præsupponit debere Clericos ire ad seculare iudicium, sed eos monet vt primò in charitate conuenire tentent coram Episcopo, vel iudicibus ab ipsis electis, non verò absolūtè dicit ne ad secularem iudicem concurrant, sed vt ante hoc, conuenire inter se modo præscripto in charitate conètur. Nec Dom. Cardinalis solus, malè hunc Canonem citauit: sed multos hac in re socios habuit, qui fortè ipsi erroris causa fuerunt, quem, credo, si legisset textum, non commisisset.

Errat V. quia dicit Concilium prohibere ne Clerici ad seculares iudices confugiant, contrarium tamen præsupponit Concilium, vt nempe ad eos cōfugiant, sed non priusquàm viderint an coram Præsule possint inter se conuenire, quem ipse dicit iudicem competentem à Concilio vocari, in eo tamen hæc vox non reperitur.

Errat VI. quia Concilium Agathense, præsupponens Clericos, pro criminalibus delictis, ad secularem Iudicem confugere solitos esse, aut accusandi

aut

aut se defendendi gratia, aliquo criminaliter eos accusante, prohibet ne hoc fiat ob periculum incurrendi in irregularitatem, non permittente Episcopo. Quod etiam hodie in usu est: sed inde non colligitur Fori distinctionem fuisse, quin potius contrarium; aliud quàm secularis principis forum non fuisse; ad quod cum ire debeant Clerici ob causam criminalem, ne in Irregularitatem incurrant; vult ut id permittat Episcopus: quod Authoris doctrinæ non aduersatur, sed potius fauet, præter hoc quod illa Concilia secularis principis consensu celebrata fuere: nec quod hîc dicitur, Fori distinctionem probari.

Errat VII. quia Concilij Carthaginensis Canon tertius id non dicit quod Illustrissima sua Dominatio citat. In eo namque iudicialis fori distinctio non fit, sed prohibetur ne illi Episcopi aut Clerici qui erant coram iudicibus secularibus Christianis; electis ad aliquam controuersiam; iuxta dictum Apostolicum; ab ipsis discedant ut ad iudices competentes eant; & non electos, qui scilicet erant à Principe constituti, sed ut eorum determinationi acquiescant, ne scandalum præbeant. Ut melius hic Canon intelligatur, sciendum est; primitiue Ecclesiæ tempore, in quibusdam controuersijs quæ inter partes oriebantur, Christianos inter se conuenire, & vtraque parte consentiente iudices arbitrarios infideles eligere solitos esse; quod notat Apostolus in Corinthiis c. 6. epist. 1. [Secularia igitur iudicia si habueritis, contemptibiles qui sunt in Ecclesia illos constituite ad iudicandû: ad verecundiam vestram dico, si nō est inter vos sapiens quisquam; qui non possit iudicare fratrem suum.] In quibus

verbis, licet paucis, multæ sunt considerationes ad rem facientes: prima est, Apostolum de secularibus negotiis loqui: Secunda, de Iudicibus illis agi, qui possunt à quouis eligi suntque arbitri, nec tribunal aut forū habēt, dicit enim, *hos constituite*. Tertia, vel le ipsum vt hi non sint Episcopi, sed qui ad eiusmodi ministerium parū apti erant, quos contemptibiles vocat: quem locum explicans D. Ioh. Chrysostomus, ait, [Apostoli talibus non vacabant,] id est, [Iudiciis secularibus, quia prædicando circumibāt, sed Sapientes, qui tamē sunt minoris meriti.] Et D. Gregorius secūdum Glossam: [terrenas causas examinent, qui exteriorum rerum sapientiam perceperunt, qui autē spiritualibus donis donati sunt, terrenis non debent negotiis implicari.] Vltima cōsideratio est, D. Paulum cū Pontificiam potestatem haberet, non dixisse, *constituo*, sed electioni quam partes facerent, rem commississe, dicendo, *constituite*. Nec verò de Presbyteris, Sacerdotibus, aut Episcopis loquitur, sed de fidelibus in genere, qui à Principis tribunali, saltem seculares, immunes non erant, iuxta omnium sententiam. Hoc hodie in Africa observatur, & quia multi Episcopi, Presbyteri, & Ecclesiastici, postquā hoc modo iudicari cœpissent, ad seculares deinde iudices & competentes confugiebant, Concilium vt huic malo obuiam iret, Canonem illum 9. à Domino Cardinali citatum fecit, qui sic habet: [Item placuit vt quisquis Episcoporum, & Diaconorum, seu Clericorum, cū in Ecclesia ei crimen fuerit intentatum, vel ciuilis causa fuerit commota, si relictō Ecclesiastico iudicio, publicis iudiciis purgari se voluerit, etiam si pro ipso fuerit prolata sententia, locum suum amittat, & hoc

& hoc in criminali iudicio, in ciuili verò perdat quod euicit, si locum suum obtinere voluerit. Cui enim ad eligendos iudices vndique pater auctoritas, ipse se indignum fraterno consortio iudicat, qui de vniuersa Ecclesia malè sentiendo, de iudicio seculari poscit auxilium, cùm priuatorum Christianorum causas Apostolus ad Ecclesiam deferri, atque ibidem determinari præcipiat.] In quibus verbis primò apparet vt Dom. Cardinalis textum mācum attulerit. Secundò constat non de foro publico, nec de Iudice competente, aut Præsule verba fieri, sed de iudiciis arbitrariis & secularibus, ac de priuato iudicio. Tertiò Concilium rectè facere, dum Ecclesiasticè punit priuatione loci eos, qui, cùm sint Ecclesiastici, hoc scandalum præbent. Quartò, non iubere vt eligantur illi arbitri, sed vt cùm fuerint partes coram ipsis, acquiescant eorum determinationi. Quid autem hoc totum commune habet cum fori distinctione, cum eo, quod sit duplex forum, quòd dētur iudices ordinarij & competentes, vnus pro secularibus, alter pro ciuilibus causis & criminalibus Ecclesiasticorum?

Errat VIII. in adducenda Concilij Mileuitani auctoritate. Eiusmodi enim concilium iuxta dictum Apostolis; quòd debeāt Episcopi in secularibus causis inter se conuenire; iubet vt nullus Episcopus in iudiciis publicis, vbi seculares causæ tractantur, ab Imperatore iudicem petat, sed si ab Imperatore iudicē Ecclesiasticū obtineat, ei nō cōtradicator. Canonē adducimus: Placuit vt quicūq; ab Imperatore cognitionē iudiciorū publicorū petierit, honore proprio priuetur: si autē Episcopale iudiciū ab Imper.

postulauerit, ei nihil obfit.] Quibus verbis, primum prohibetur Episcopo ne publicum seculariorum iudicium petat: sed non prohibetur ut vocatus compareat. Secundò conceditur ut possit ab Imperatore petere iudicium Episcopi, & hoc superius dictum est: unde contrarium planè colligitur eius quod præten- dit Dom. Cardinalis, nempe fori distinctionem non fuisse, at seculares omnes causas tum secularium, tum Ecclesiasticorum in iudiciis publicis aut privatis tractari non debuisse absque Imperatoris venia: quinimò iubet idem Conciliū Canone 16. à gloriosissimis Imperatoribus postulari, quò iudicibus suis imperent ut Ecclesiasticis patronos vel defensores aliquos dare velint, qui Ecclesiæ causas defendere valeant apud ipsos seculares iudices, ex quo Canone manifestò colligitur Ecclesiæ causas coram Imperatoris iudicibus tractari solitas fuisse.

Errat IX. quia dicit Iustinianum sibi nimium arrogasse in suis illis constitutionibus fabricandis: ego verò dico sexcentorum Conciliorum & Pontificum iudicium, ac speciatim illud Adriani IIII. ut inferius dicitur, ipsius contra Christianissimum Imperatorem determinationi prævalere, qui tale quid dicere ne cogitarunt quidem, sed eius omniumque primitivæ Ecclesiæ Principum constitutiones, etiam in rebus Ecclesiasticis, magna cum humilitate approbatæ fuerunt, ut apud populos maior esset sacrorum Canonum ab Imperialibus auctoritatibus confirmatorum observantia. Ac ut sexcenta exempla prætermittam, legantur S. Leonis Papæ litteræ, quibus Concilij Calcedonen- sis confirmationem ab Imperatore Martino petit, qui eam ipsi conce-

concedit. Quum Pontifices & Ecclesia Romana Principes Christianos eo quo par est pretio haberunt, in magna fuit veneratione Ecclesia: quum, verò hæc Principes despexit, quas calamitates non experta est? quos contemptus non est passus? Legantur vite Bonifacij octavi, Alexandri tertij, Gregorij septimi, Iulij secundi, Sixti quarti, Clementis septimi, Pauli quarti, & hinc quam vtilitatem Ecclesia reportarit à contemptu Principū constabit. Hoc scio, Iustinianū in legib. doctissimū fuisse, & sumæ doctrinæ viros apud se habuisse: cuius autoritas pluris fit in toto terrarū orbe, quàm iudiciū cōtra ipsū à quouis datū.

Errat X. quia per legum manum, secularem Iudicem intelligit, & tamen hoc de sententiæ executione intelligi probauimus: nec de illa nouella quicquam amplius dicam, quòd eam superiùs fusè explicarim, & quàm malè ab illustrissima sua Dominatione intellecta fuerit ostenderim.

Errat XI. quia dicit leges Imperiales, sacros sequi Canones non dedignari, idque in genere accipit: cū tamen Imperator de meris caulis Ecclesiasticis & spiritualibus loquatur.

Errat XII. quia dicit constitutionem & sacros Canones simul obseruari non posse: nam sacri Canones obseruari debēt, sed in temporalibus auctoritate carent, nisi ex Privilegio Principum, eam verò si habent, ex aliquo sacre Scripturæ loco ostendi deberet: velle enim suæ Potestatis limites transgredi sine partium consensu, nec Deo placet, nec hominibus: quamuis etiam citatos Canones Nouellæ non repugnare ostenderim.

Errat XIII. quia Fridericum II. qui heri fuisse dici potest, opponit Iustiniano, qui fuit quum in

Ecclesia florerent disciplina & Sãctitas, Imperatorẽ parũ doctũ, maximo Iuriscõsulto qui vñquã fuerit, illum denique qui licet per simulationem, constitutionem eam fecerit, nullus tamen Ecclesiasticã libertatem magis ipso depressit, vnde à Gregorio I X. Honorii successore, excõmunicatus, depositus, Imperiõque priuatus fuit, Iustiniano, de quo Adrianus I V. in Epistola ad Fredericum primum, sic loquitur: [Filius noster per illam viam incedat quam Iustinianus, & alij Catholici Imperatores incessisse noscuntur: exemplo siquidem & imitatione illorũ & honorem in terris, & sc̃licitatem in Cœlis sibi poterit cumulare.] Et ibidem non modò Catholicum fuisse, sed in cœlis Sanctum esse dicit: hanc epistolã pbat citatq; D. Cardinalis l. i. de trãf. Imp. c. 5.

Errat XIV. quia esto Fridericũ I I. Iustiniani cõstitutioni derogasse, & cẽu Imperatorẽ, omnia quæ potuit privilegia, Ecclesiasticis concedere voluisse, Basilium itidẽ, & aliũ quemuis post Iustinianum: inde tamẽ non infertur fuisse in primitiua Ecclesia, ante Iustiniani tẽpora, fori distinctionẽ, ab ipso factã in sua Nouella. Optimẽ igitur propositionis author est loquutus, nec eius doctrina expugnari potuit.

Errat vltimò, quia licet Basilius in odium Nicephori hoc fecerit, eius tamen legem abrogando, illam sui patris suique aui confirmauit, quæ Ecclesiasticis damnosior erat lege Nicephori. Prætereà Emanuel Comenus, vt ait Nicetã, Basilij reuocationem aboleuit, ac Nicephori legem confirmauit: quod miror non vidisse Dom. Cardinalem, qui tamen historiis delectatur. Verba Nicetæ lib. 7. hæc sunt: [Templum D. Irenæ maximum & pulcherrimum, à Martino Imperatore conditum, & incendio

cendio absumptum, instaurare aggressus, cum par-
 tes quasdam ex fundamentis extruxisset, desistit, &
 monasterium in Ponti faucibus, loco qui Catasee-
 pe dicitur, Archiducis Michaëlis nomine extruxit:
 in quo celeberrimos quosque & præstantissimos
 Monachos collocavit, ea ratione, ut solitariam &
 quietam vitam sine ulla sollicitudine possent dege-
 re. Cum enim Monachos possessionibus, & nego-
 tiis turbatos, & tranquillitate animi, & Dei cultu
 excidere intelligeret: nullas eis vineas, nullos agros,
 nullas possessiones, quas nec eorum professio ad-
 mittit, assignavit: sed ex fisco tantum pendi iussit,
 quantum ad victum & cultum opus esset. Videtur
 nimirum immodicam cupiditatem struendi mo-
 nasteria improbasse, & exemplum prodere posteris
 voluisse; quo pacto templa condenda, & quæ vi-
 uendi ratio eremitis, pauperibus, & à terrenis re-
 bus se abstrahentibus proponenda sit. Tantum
 autem abfuit ut eorum institutū laudaret, qui mo-
 nasticam vitam professi, & opibus afluunt, & mul-
 titudine curarum magis distrahuntur, quam ij qui
 huius vitæ deliciis occupantur: ut sanctionem Ni-
 cephorī Phocæ, fortissimi & cordatissimi Impe-
 ratoris, olim abolitam, de non augendis monaste-
 riorū latifundiis, quasi postliminio reuocaret: neque
 patrem, auum, ceterosque cognatos suos omnes, qui
 monasteriis amplissima prædia donarant, inculcare
 destiterit: nō quod de suis opibus Deo aliquid cōse-
 crasset, sed quod rē bonā malè administrasset. Nam
 cum Monachis habitationes in abditis, & desertis
 locis, in antris & mōtiū cacuminibus assignandæ ef-
 sent: & Constantinopolis tanquam Sirenum cantus
 vitanda: gloriola ductos in crustata sua sepulchra, &

vario marmore exornata, ijs qui templa ingrediantur, spectanda proposuisse, & mortuos quoque coronari se, & hilari splendidoque vultu conspici voluisse, & in foro ac triuijs monasteria ædificasse: & ibi nullo cum delectu virtutis velut in cauea inclusisse eos, qui monachos non vltra tonsuræ capillum, & mutatum habitum, promissamque barbam exprimerent. His igitur de causis, siue vt Monasticam sanctimoniam nutantem, ac potius humi ferè prostratam fulciret, siue metuens, ne ea ipse facere diceretur, quæ reprehenderet: rationem à suis maioribus diuersam est secutus. In his verbis multa pro Serenissima Republica notanda occurrunt: primum, Imperatorem Emanuelem à Nicetæ laudari ceu valde pium: secundum, ipsum, vt Monastica disciplina reformaretur, abolitam Nicephori legem renouasse, quod non fecit odio in Ecclesiam, sed vt Ecclesia reformaretur: tertium Nicephori legem à Basilio abolitam renouasse, quod eam Nicephorus prudenter tulisset, Cordatum Imperatorem eum vocans: quartum, neminem oblatam eiusmodi legem de ipso conquestum esse: quintum, ex hoc facto, non minus quam ex eo Basilij, Nicephori, & aliorum, colligi Principes eiusmodi leges condere, esseque ex privilegio Principum immutabilitatem, vt dicit Author: tandem notandum sumere ab authoribus Dom. Cardinalem quod pro se facit, quod verò est contra se, præterire, ipsumque parui momenti locis, & abolis privilegiis niti, ac optimorum & Christianissimorum Imperatorum exempla, legesque sanctissimas, & privilegia nunquam à consuetudine, vllòve superiore abolita, prætermittere.

A. V.

A V T H O R,

NEc ideo quod Constantinus Magnus Imperator, cum ei lites quædam aduersus Ecclesiasticos oblata fuissent, hæc verba protulerit, vos à nemine iudicari potestis, quia ad Dei iudicium reseruamini, vt scribit Gratian. cap. Ficturam 12. quæst. inde colligi debet Ecclesiasticos Principi seculari subiectos non esse. Fuit enim excessus hic aliquis Imperatoris, vt se erga Ecclesiam, pium & benignum ostenderet, non quod reipsa ita sentiret. Si enim verum esset quod Constantinus dixit, nec à suis Præsulibus Ecclesiastici iudicari possent, dicendo, ad Dei iudicium reseruamini, qui error grauissimus esset.

• O B I E C T I O N E S.

Bellarminus.

EXimiam sanè laudem Constantino Imperatori hic author tribuit, vt enim benignum & pium faciat, mendacem facit. Sed vt constet quàm hæc verba Constantini pio Principe digna sint, ad scribamus de verbo ad verbum id quod scribit Rufinus lib. 10. histor. Ecclesiasticæ, cap. 2. Dixit Constantinus ad Episcopos, Deus vos constituit Sacerdotes, & dedit vobis potestatem iudicandi nos, vos autem ab hominibus iudicari non potestis, ideo inter vos expectate iudicium solius Dei, & quæstiones vestras reseruate ad illud examen: vos enim nobis tanquam Dij dati estis, & non est conueniens vt homo iudicet Deos, sed solus ille de quo scriptum est, Deus stetit in synagoga Deorum, in medio autem Deos diiudicat. Vbi notandum est quod quemadmodum Principes seculares, Dij dicuntur respectu

populi, vt inferiùs videbimus, ita Sacerdotes, Deos esse, respectu laicorum etiam Principum, vt ait, hîc Cōstantinus, & ex hoc fundamento optimè colligit Imperator, Sacerdotes posse iudicare Imperatores, hos autem non posse iudicare Sacerdotes. Si Imperator, Mundi fatetur se Sacerdotes pro diis venerari, sêque eos iudicare non posse, iudicari autem ab illis debere, quanto magis verbis & facto id fateri deberet Dux Venetus? Nec verò ex hoc sequitur Sacerdotes non posse iudicari à suis Præsulibus, sed potiùs contrarium. Superior enim semper Dei nomine & authoritate iudicat, à quo habet potestatem, in dō Deus ipse mediantibus ministris iudicat. Atque ita dum Episcopus iudicat Ecclesiasticum inferiorem, aut Papa Episcopum, Deus ipse per ministrum suum iudicat. Ad hunc modum Constantinus ait, Episcopos, quia Dij sunt respectu laicorum, non posse iudicari à laicis, qui homines sunt, & non dij, respectu Sacerdotum. Verùm quòd Deus solus iudicare debeat Episcopos, illud intelligitur mediantibus eis Vicariis. Quemadmodum etiam Principes seculares, respectu hominum priuatorum, non possunt iudicari ab hominibus priuatis, sed solùm à Deo, mediante suo Vicario qui est Sacerdos, & idèò Deus dicitur respectu Principis secularis: atque ita Mosi dixit Deus, Fecite Deum Pharaonis, vt ipsum iudices & castiges. Quòd autem verissimè Constantinus crediderit, Papam Episcopos iudicare posse, apparer in negotio Cæciliani Episcopi Carthaginensis à Donatistis accusati, quem Cōstantinus iudicare ausus nō fuit, sed remisit eum Romain ad Papam Melchiadem, & licet sub finem ipse etiam Constantinus Imperator eandem causam iudica-

iudicari, fecit hoc tantum ad confundendum Donatistas, & animo petendi veniam ab Episcopis, quod necessitate coactus in eam causam se immiscuerit, ut scribit Optatus Milguitanus lib. 1. contra Parmenianum, & D. Augustinus epist. 48. 162. & aliis multis.

DEFENSIO.

Marsilius.

NVnc primū audio amoris vel laudis excessum, quantumvis in bonū finē, mēdaci j titulo insigniri, maxime cum ipse D. Cardin. Theodosij Canonē *Quicumque*, explicet hoc modo, scilicet pietatis excessum fuisse. Sed ad rem: non nego sicuti Principes in secularibus causis, Dij vocari possunt, ita in spiritualibus Sacerdotes, Deos posse nuncupari, quantumvis locus, [Deus stetit in Synagoga Deorum de Principibus secularibus, non de Sacerdotibus intelligatur, sed quia Ruffinus ita Constantinum explicasse refert, valeat quantum valere potest: hinc tamen non inferitur, verba Constantini, [ad Dei iudiciū referuamini, id est, Prælati,] debere intelligi, quia iudiciū Dei exercet: siquidē clarē loquitur Constantinus, [Soliūs Dei iudiciū expectate, quæstiones vestras ad examen illud referuate, vos enim nobis tanquā Dij dati estis, & nō est conueniens ut homo iudicet Deos, sed solus ille de quo scriptū est, Deus stetit in Synagoga Deorū.] In quibus verbis primò aduerto, Constantinum proculdubio de spiritualibus causis agere, nam loquitur de Ecclesiasticis, non ut homines sunt, sed ut Dij, ob spiritualem soluendi ligandique potestatem, secūdo, ipsum loqui de futura vitæ iudicio: tertio non loqui de illo Deo qui vnus est in Synagoga, sed de illo qui stetit in Synagoga

Deorum, qui iudex est supremus: hic igitur est Constantini excessus, ut dictum est, nec Dom. Cardinalis responsio valet, quando Prælatus iudicat, Deum iudicare per ipsum, ideóque dici debere non hominem sed Deum iudicare: nam hoc modo quum iudicat Princeps secularis, non hominem iudicare, sed Deum, dicere oporteret, quia Dei minister est in iram ei qui malè agit, ut ait D. Paulus: præterea cum errare possint Prælati omnes, ipsèque Summus Pontifex, ut pluribus in locis censet Dom. Cardinalis, estque opinio communis, imò cum sæpius Pontifex errarit in iudiciis facti, absolutè non est dicendum, quando ipsi iudicant, Deum iudicare. Deus enim errare nequit: huic Constantini verborum expositioni, siue Constantini verba fuerint, siue Rufini per excessum in intelligibili dictorum, superstruit Dom. Cardinalis errores aliquot.

Errat I. quia dicit Ducem Venetum pro superioribus suis in spiritualibus Sacerdotes non agnosceret: ad hoc respondetur Ducem Venetum, Catholicum esse ac pium Principem, ad pedes confessoris ire pro absolutione, sacris officiis adesse omni cum reuerentia, nec bonitate, integritate, innocentia, veróque Religionis zelo cuiquam cedere, quantumvis in mundo eminenti.

Errat II. quia licet verum sit, in causis in quibus Sacerdotes à Constantino Iudices vocantur, non debere ipsos à Duce iudicari, non inde tamen inferatur, eos in temporalibus ac secularibus causis, in quibus subditi sunt, ab ipso iudicari non posse.

Errat III. quia dicit Deum effecisse ut Moses Pharaonis iudex esset, eò quòd illi dixerit, [Feci te Deum Pharaonis], nec enim Mosi Pharaonem iudicandi, auctori-

authoritatem dedit, nec eam ut Sacerdos habebat, siquidem Hebræorum erat Sacerdos, nec in Pharaonem, Egyptium & Idololatram ius habebat: sed quoniam virgâ edebat miracula quæ mortalium nemo, nisi virtute diuina edere potuisset, idè ipsum vocat Deum.

Errat ultimò, quia dicit Papam, Cæciliani Carthaginensis Episcopi causam iudicare potuisse, quia commiserat eam Imperator Papæ Melchiadi: non nego causas etiam ciuiles & criminales ab Ecclesiasticis iudicari posse, quando sic volunt Principes, nec minùs in causis merè Ecclesiasticis, Papam Episcopos, & Episcopos subditos suos debere corrigere: sed dico in causis criminalibus & ciuilibus merè temporalibus Principem Ecclesiasticos iudicare posse, quum se hac authoritate non spoliauerit: quod Constantini exemplo confirmatur, qui primò Cæciliani causam Papæ commisit, quod authoritatem denotat, postea publicè eum iudicauit: sed de hoc dicitur in Tractatu particulari de omnibus legibus, iudiciisque legitimis Principum supra Ecclesiasticos, vbi D. Augustini & Ottalij loca, quæ nobis admodum fauent, explicabuntur.

A V T H O R.

Sunt igitur omnes Ecclesiastici & seculares, iure diuino subiecti Principibus secularibus: Omnis anima potestatibus sublimioribus subdita sit. Ratio autem est, quemadmodum enim nemo exceptus est ab obedientia Deo debita, ita nemo quoque exceptus est ab obedientia debita Principi, subiungit enim Apostolus, Omnis potestas à Deo est. Vnde Reges & Principes à Dauide Propheta Dij nomi-

nantur: Deus stetit in synagoga deorum, in medio autem Deos diiudicat. Vt enim explicat Iosaphat Rex Paralip. 2. c. 19. Iudices seculares non hominum, sed Dei iudicia exercent. Hunc ipsum locum, de Principibus secularibus loquendo, citat Christus Ioh. 20. & confirmat illis conuenire nomen Dei, Si illos dixit Deos, ad quos sermo Dei factus est, vt doctè notat Cardinalis Bellarminus capit. 3. de laicis.

OBIECTIONES.

Bellarminus.

SI contrarium concluderetur, nempe, Non sunt Sigitur Ecclesiastici, nec seculares, de iure diuino, subiecti Principi seculari, sed seculares solum de iure humano, Ecclesiastici verò nullo, optimè ex præmissis deduceretur hæc conclusio. Demonstrauimus enim Principes, dominos euasisse huius vel illius populi, iure humano, non diuino: & si hoc verum non est, ostendat aduersarius locum aliquem scripturæ, ex quo colligi queat Venetos Patavinæ, Veronensis, aliarumque ciuitatum dominos esse. Quòd si de regno Cyprilis ageretur: quem titulum allegarent Veneti? an fortè aliquem Scripturæ locum? certum est eos alium titulum non allegaturos, quàm donationis, vel antiquæ possessionis titulum, aut similes res humanas. Igitur si nequeunt probare titulum in laicos Patavinos, & Cyprios, esse iuris diuini, quando monstrabunt illum in Clericos sibi competere? Verùm vlteriùs pergo, & assero, de iure diuino omnes laicos, etiam Principes, subiectos esse Sacerdotibus, & ex ipso iure diuino,
Sacer-

Sacerdotes non esse subiectos Principibus laicis, ut paulò superius fassus est Constantinus Imperator: quia secundum sacram scripturam, quæ est ius diuinum posituum, Sacerdotes sunt pastores, Laici autem, etiam Principes, oues sunt: Sacerdotes patres sunt, laici autem filij: & secundum lumen naturale, quod est ius diuinum naturale, omnis subiecta est pastori, non pastor oui: filius subiectus est patri, non pater filio. Et elegantissima est comparatio quam instituit inter potestatem Ecclesiasticam & secularem Gregorius Nazianzenus, in oratione ad populum timore perculsum, & Principem irascentem, quam sequuntur communiter sacri Theologi, & talis est: quòd quemadmodum in homine ratio & caro insunt, quæ simul unitæ componunt hominem, ita in sancta Ecclesia est potestas Ecclesiastica siue spiritualis, & potestas secularis siue temporalis, ambæ componunt corpus mysticum Ecclesiæ: & sicut in homine ratio est carne superior, non caro ratione, nisi quum ei rebellis est, ratio manu ducit & regit carnem, eidemque imperat, quandoque eandem ieiuniis & vigiliis domat & castigat, caro autem nec ducit, nec regit, nec imperat, nec castigat rationem: ita potestas spiritualis superior est seculari, atque idè eam potest ac debet dirigere, regere, eidemque imperare, & pœnas infligere dum malè operatur. Potestas autem secularis spirituali superior non est, neque eam dirigere nec regere potest, nihil eidem præscribere, nihil pœnæ infligere, nisi de facto per rebellionem & tyrannidem, ut quandoque etiam Principes gentiles & hæretici fecerunt. Ad auctoritatem Diui Pauli respondimus suprà, & verum est omnem po-

testatem à Deo esse, sed immediatè aut mediatè: & quemadmodum nemo exceptus est ab obedientia Deo debita, ita nemo exceptus est ab obedientia debita Principi, quando subditus est illius Principis, & in rebus in quibus subditus est. Verum est etiam Principem, quia Princeps est, locum Dei tenere, ac proinde illi ceu Deo obediendum esse, in rebus ad suam potestatem spectantibus, ut ait D. Paulus in epist. ad Ephes. cap. ultimo, Serui obedite Dominis carnalibus, sicut Christo: & Cardinalis Bellarminus, quando scripsit Principes seculares vocari Deos in Scriptura, id fecit ad confundendum hæreticos Anabaptistas, qui docent in Ecclesia Dei non admittendos esse Principes seculares, nec tribunalia, nec iudicia, neque similes status politicos: & idem author, sicuti dixit Principes seculares respectu subditorum, Deos esse, ita etiam dixit Sacerdotes Deos esse respectu Principum secularium. Videatur cap. 7. lib. 1. de summo Pontifice & alia similia loca: & idè si voluisset author imitari Cardinalem Bellarminum, debuisset uti doctrina sua adversus hæreticos, & non contra Ecclesiam, fingendo venenum ceu araneus ex flore vnde apes mel exsugunt.

DEFENSIO.

Marsilius.

HAnc Domini Cardinalis mentem non percipio: vult ut ex authoris præmissis sua educatur conclusio: si Author augur fuisset, & Dominum Cardinalem suam doctrinam confutaturum cogitasse, duas fecisset conclusiones, vnam veram, & de veris soliis que suis præmissis manantem, alteram falsam

falsam ex præmissis Illustris. suæ Dominationis collectam? sed quia non fuit augur, pro ipso respondebo ex Authoris præmissis conclusionem suam elici, & ex iis Dom. Cardinalis suam itidem inferri, & sicut illa vera est, quod à veris præmissis nascatur, ita illam Dō. Cardinalis falsam esse, quod eliciat ex falsis præmissis, nempe ex doctrina ab ipso allata, & à nobis confutata: vnde

Errat I. quia dicit ut aliquis Principi sit subiectus de iure diuino, oportere ipsum pro subiectionis eius titulo aliquem scripturæ locum adferre: res sunt diuersæ, titulus & potestas: hæc est à Deo, quæ necessariò sequitur titulum: adeò ut Rex Galliarum non imperet in Gallia, hæreditatis iure, sed quia auctoritatem habet à Deo: nec Venetiarum Princeps, qui Rempublicam significat, quamuis id multo artificio simulet ignorare Dom. Cardinalis, eo modo imperat Parauij, quo illius vrbs factus est dominus: sed cū humano modo factus sit illius vrbs dominus, imperat deinde potestatis ratione quæ habet de iure diuino, ut dictum est: nec in hoc discrimen est inter ipsum & Papam, qui interrogatus cur sit Papa, dicit quia ad Papatum legitimè fuit electus à Dominis Cardinalibus, nec vllum sacræ Scripturæ locum adducet, at interrogatus cur det indulgentias &c. dicit habere se à Deo potestatem. Si hanc similitudinis rationem ignorarem, non amplius scribere, nec in doctorum virorum conspectum venire vellem.

Errat II. quia ut probet Principes Sacerdotibus esse subiectos de iure diuino, dicit ius diuinum esse ius naturæ, & iure naturæ ouem pastori esse subie-

Rr j.

etiam, inferens ergo de iure diuino princeps sacerdoti subiectus est: ad hoc argumentum Principem non esse ouem sacerdotis pastorem Christi: non enim dixit Christus D. Petre oues tuas, sed *pasce oues meas*, unde si quicquid cludat argumentum, concludit esse illum & non sacerdoti subiectum, quinimò sacerdoti quis in temporalibus, Principi est subiectus. suos omnes subditos oues vocauit. [Si ego steti, qui oues sunt, quid fecerunt?] 2. Regum, Et D. Palus ait, Rom. 13. [Omnis anima potestatem sublimioribus subdita sit.] Itaque si verum Domini Cardin. argumentum, subditum princeps ad obediendum superiori obligatum esse diuino, cum Principis temporalis subditi sint in temporalibus, ad ipsius legibus obedire sunt obligati de iure diuino.

Errat III. quia dicit patrem filio non esse subiectum. Si quis Rex aut Papa electus patrem an-non pater vt homo, vt Christianus, filio aut Papæ subiectus esset? licet filius eum ceu reuereretur: pater à filio Sacerdote absolui & filius Sacerdos à patre seculari corrigi: errare non vult, titulos & personas distingui oportet. Ita Princeps in spiritualibus filius, in temporalibus esse pater.

Errat IIII. quia licet corporis & animarum potentia vera sit aliqua in re, nimirum quod Potestas temporalis sit per se in corpora, Potestas spiritualis Sacerdotis in animas, in omnibus non vera est, Potestas enim temporalis si non subordinatur in spiritualibus, nisi quia eam Christianus exercet, vt contra Sacerdos

ditus in temporalibus, Principi temporali subordinatur: non bona est hæc argumentandi ratio: Potestas temporalis est in corpora, spiritualis in animas, ergo ut corpus ab anima regitur, non anima à corpore, ita quod habet potestas temporalis, ab eo quod habet Spiritualis, regi debet: nam ex corpore & anima fit compositum, nempe homo: sed ex potestate corporali & spiritali non fit vnum corpus, sed duo fiunt, & duo capita &c. Et in omnibus planè differunt, nec subordinatio inest quatenus Potestates sunt, ut superius probauimus, nec D. Gregorius contrarium asserit, neque hoc dicit quod Dom. Cardinalis, ut eum legenti patebit, sed probat sicut anima corpore est nobilior, ita nobiliorem esse potestatem spiritualem temporali, quod non negatur.

Errat vltimò, quia dicit Authorem illum ipsius doctrina uti contra Ecclesiam, quæ uti deberet contra hæreticos, araneo similem dum venenum ex flore sugit, ex quo apes mel exsugunt: errat, inquam, primò, quia qui verum dicit, non loquitur contra Ecclesiam, sed contra eos qui plus æquo sibi arrogant: secundò Ecclesia est regnum cœlorum, at ipse loquitur de regno terrarum, quod sanè de Ecclesia non est, nisi per accidens, & ex donatione fidelium: cuius amplitudinem ipse etiam cum illa aliorum omnium Dominiorum Temporalium firmat. Tertiò quia utilis est doctrina non modò ad confutandum hæreticos, sed etiam eos qui falsa proponunt, siue sint hæreses, siue alij errores, quamuis author hæresin esse putet textui Diui Pauli contradicere. Quartò &

Rs ij

ultimo, quia is est araneus qui telas aranei
 das muscas textit, quique doctrinas veneno
 suarum expositionum inficit : sed hic Au
 instar apis ex doctrina Sanctorum aliorum
 ctorum, mel veritatis exsugit, non ægè fe
 dicatur mel suum quandoque venenum ef
 sitatem extinguendam.

AUTHOR.

Pergit Apostolus, & dicit, Qui potesta
 Dei ordinationi resistit. Ecce auth
 quam habent Principes seculares, condend
 quacumque materia, quæque omnes obl
 iuxta illud quod in Salomonis Prouerbiis
 ubi Deus sic ait : Per me Reges regnant,
 conditores iusta decernunt. Hinc factum
 Christianissimi Imperatores, Iustinianus &
 dosius in codice multas leges, ad Ecclesiast
 na & disciplinam Ecclesiasticam spectante
 derint sub titulis, de Episcopis & Clericis,
 sanctis Ecclesiis &c. Hisce legibus iubet
 lus obediendum esse, non eis resistendum,
 talibus resistunt, ipsi sibi damnationem acc
 est, peccatum mortale committunt, in q
 riantur, æternis barathri flammis adscribere

OBJECTIONES.

Bellarminus.

Mirabilis est Logica huius hominis,
 locis conclusiones deducit. Et ubi
 dixit Apostolus, Principes seculares posse
 quacumq; materia statuere, quæque sing
 stringant? Poterunt igitur Principes secul
 tuere leges de modo dicendi missam, & ob
 uinum, obligare sacerdotes vt vxores duc

co Breuiarij. gladium gestent, & obedire omnes tenebuntur, cum potestatem habeant statuendi leges in qualibet materia quæ singulos obstringant. Et quando Principes infideles præcipiebant vt omnes Christum abnegarent, sacrificarent idolis, tenebantur Christiani sub pœna peccati mortalis obedire, dum enim Paulus præcipiebat obediendum esse Principibus, erant Principes omnes infideles, & iuxta noui huius interpretis doctrinam, ex Pauli præcepto deducitur, Principes seculares habere potestatem condendi leges in qualibet materia, quæ omnes obstringant. Non-ne aduertis quot pullulent errores ex tuis verbis? & nihilominus adiungis hoc consonum esse Salomonis prouerbiis, non aduertens Salomonem contrarium planè asserere: quia dum introducit loquentem sapientiam diuinam, Per me Reges regnant, & legum conditores iusta decernunt, manifestè docet iustas leges à sapientia tantum diuina deriuari, alias verò quas sæpius Principes in rebus ad se non spectantibus, aut in personas non subiectas, aut alio titulo iniustas statuunt, à semetipsis facere, nec à Deo probari. Ad hoc quod adtingit Iustinianum & Theodosium statuisse leges ad personas Ecclesiasticas, bona, & disciplinam Ecclesiasticam pertinentes, responsum est eos hac in re potestatis suæ limites excessisse. Et quādo addis Apostolum velle huic legi obediendum esse, euidentissimā & grauissimam falsitatem profers. Loquitur enim Apostolus vniuersaliter vt subditi pareant superioribus, & quū paulò inferius exemplum adducit Principum secularium, de Principibus loquitur qui tunc infideles erant, atque adeò intelligi non potest Apostolum velle Christianos obedire eiusmodi Principibus, si

Rr ij

sermo sit de legibus ad cultum diuinum & disciplinam Ecclesiasticam pertinentibus, sed solum in legibus ciuilibus, ac de rebus temporalibus, quibus legibus oportebat Christianos obedire, vel ad scandalum vitandum, vel ad seruandam pacem, & vniorem, ne videlicet gentiles sibi persuaderent legem Christianam gubernationi politicæ aduersari.

DEFENSIO.

Marfilus.

His obiectionibus vno verbo respondetur Authorem intelligere, statui posse leges à Principe in omni materia Temporalis, vt suprà diximus, pro bono publico & ciuili, quæ iustæ sint, præsupponitur enim obediendum non esse nisi iusta præcipienti: adeò vt consequentiæ quas inde educit Dominus Cardinalis, ex falsa intelligentia nascantur: enimuerò quum Author dicit posse Principem temporalem leges cõdere in omni materia, intelligitur vt iustæ sint, & ipsius potestati maiorumq; & aliorum Principum exemplo conformes, atque hic semper fuit Authoris sensus. Ad hoc quod dicit de Iulianiano & Theodosio, respondere sufficit ipsorum leges esse sanctissimas, & pro talibus haberi, ac partim de rebus temporalibus, partim, ad maiorem tantum obseruantiam, de spiritualibus, pro bono publico sancitas esse, nec vllum vnquam Pontificem de iis conquestum esse, sicuti nunc conqueritur D. Cardinalis. Tandem ad causam quam affert, ob quã Christiani subditi Principibus infidelibus obedire tenebantur, respondere mihi sufficiet, D. Paulum dicere ad Rom. cap. 13. vt obediamus [non solum propter iram, sed propter conscientiam, & qui potestati resistit, Dei ordinationi resistit, & qui resistunt,

stant, ipsi sibi damnationem acquirunt: nec ad loca perspicua noui sensus adferendi sunt, cum infidelitatis & hæresis periculo, maximè cum D. Ioh. Chrysostomus nobilissimum illud faciat argumentum à minori Hom. 23. nempe, si iubet Apostolus ut infidelibus obediamus, quanto magis fidelibus Principibus obedire debemus?

A V T H O R.

Vlteriùs præcipit Apostolus ab omnibusandum esse tributum, qui enim Principi tributum dat, Deo dat, cui vectigal, vectigal, cui tributum, tributum: sunt enim ministri Dei ad tributa. (dele ad tributa.) Quem locum explicans Angelicus Doctor S. Thomas Aquinas, omnium Theologorum magister, sol vnicus scholæ Christianæ, dicit Clericos si à tributo liberi sunt, hoc non habere iure diuino, ut quispiam sibi persuadere posset, sed ex priuilegio Principum, & loquitur de Principibus secularibus. Denique de authoritate Principis cum D. Paulo concludo: Non enim sine causa gladium portat. Ecce authoritatem secularis Principis, ut pœna sanguinis punire possit. Quam quia Præsules Ecclesiastici non habent à Deo, propterea postquam maleficos clericos exaugurarunt, & clericali dignitate indignos declararunt, vlteriùs nō pergunt: sed morte afficiendos seculari brachio tradunt. Et ne quispiam arbitretur, verba eius consiliū & nō præceptū cōtinere, ad confirmanda hæc omnia adiungit Apostolus: Ideo necessitate subditi estote, non solū propter irā, sed etiā propter conscientiā: ita ut ex conscientia quoq; in rebus omnibus supradictis à D. Paulo instructi, Principibus secularibus obedire teneamur.

Rr iij

DEFENSIO OBIECTIONES.

Bellarmini

IN his verbis primò notatũ est, authorem pro arbitrio suo scripturas effigere: nullibi enim apud D. Paulũ reperitur ea sententia: sunt enim ministri Dei ad tributa, nec etiam altera, Dei enim minister est ad vindictam. Et quamvis huius ultimæ sententia adsit, nihilominus citanti scripturas non licet eas immutare, maximè quum non est imperfectus sensus, ut est illius sententiæ: sunt enim ministri Dei ad tributa: nam D. Paulus non dicit Principes Dei ministros esse ad recipiendũ tributũ, sed ad procurandũ publicã quietẽ, tã enim S. Chrysostomus aliique Sancti hæc verba exponunt: Ministri enim Dei sunt, in hoc ipsum serviens. Nec S. Thomas, quo nititur author, contrarium docet: ait enim tributũ, velut stipendiũ esse, quod Principibus datur pro labore quem perferũt in gubernandis populis: certũ est stipendium non dari Deo, atque ideò non sunt Principes ministri Dei ad recipiendũ tributa, sed ad gubernandũ populos. Vnde quando S. Thomas ait, hoc ipsum, id est, pro ipso, nõ significat pro Deo, sed pro recipiendò tributo serviens, ubi author deceptus est. Quantum ad illud quod postmodũ author citat D. Thomã, ad probandũ Ecclesiasticos privilegiis Principum, exemptos esse à tributo dando: hoc ipsum verè dicit D. Thomas, estque historis congruum, ut inferiũs dicemus. Illud autem non dicit D. Thomas quod ipsi author adfingit, eos iure diuino hoc privilegium non habere: sed potius contrariũ: docet enim D. Thomas Principes suis privilegiis Ecclesiasticos à tributo exemisse, quia hoc

hoc naturali æquitati consentaneum erat, volens dicere, in hoc Principes ius naturale quod similiter diuinum est, confirmasse. Vltimò, quòd hic author neget, Ecclesiam habere potestatem puniendi pœna mortis, nescio vbi tale quid legerit: nisi fortè apud hæreticos Valdenses, Hussitas, Marsilium Patavinum, & eiusmodi farina homines, qui Ecclesiam vtrumque gladium habere negabant. Verum est Ecclesiã materiali gladio non uti, nec reos pœna mortis afficere, verùm non ideò quod nequeat, sed quia mansuetudini Ecclesiasticæ consentaneum nõ videtur, atque ideò eiusmodi delinquentes Iustitiæ seculari committit. Audi S. Bernardum l. 8. de consideratione ad Eugenium sic loquentem: Vterque ergo Ecclesię, & spiritualis scilicet gladius & materialis, sed is quidem pro Ecclesia, ille verò & ab Ecclesia exercendus est: ille sacerdotis, is militis manu, sed sanè ad nutum sacerdotis & iussu Imperatoris. Hanc D. Bernardi doctrinam approbavit Papa Bonifacius in extrauaganti Vnam sanctam, de maior. & obedient. finit author dicens, D. Paulũ, dicitur obediendum Principibus, non cõsiliũ, sed preceptum dare: quod verũ est, sed intelligi debet modo suprà explicato, obedire, nempe eos debere Principibus, qui iusto titulo sunt eis subiecti, & in iis negotiis ad quæ eorum autoritas se extendit, vnde sequitur Ecclesiasticos non esse obligatos ad obediendum Principibus secularibus, immunes enim sunt, sed tantũ laicos, & hoc quidem in ciuilibus negotiis ac Deo non contrariis. Ex quibus videre licet quantum hoc tempore Deum ostendat Respublica Veneta, quæ non solũ Ecclesiasticos in carceres coniicit, sed laicos pariter & Ecclesiasticos vi

cogit ne summi Pontificis interdictū obsequium
negotium hoc merè sit spirituale & Ecclesiasticum

DEFENSIO.

Marsilius.

Iam dictum est cap. primo, hanc vocem, *ita*, Typographicum errorem fuisse, & quia ita non esset, pro Authore dici potest D. Theodorus explicare, pro ipso recipiendo seruientes, eodem est ac, ad tributa: esse tamen errorem typographicum aperte constat, quia Authori dicitur, *sunt enim ministri Dei, & vos, ad tributa, re* vt hanc ab Authore dedita opera positam' dici nequeat. Non mirum videri debet typographicam dictionem illam, ad tributa, per incuriam per aliquem Domini Cardinales super Indice impresso hoc anno 1606, declarant multa videri errorem typographi posita fuisse, dicendo *in* Appendice secundæ classis sub litera I. Io. Bodini Andegauensis Dæmonomania prohibetur: liber verò de Republica & Moribus ad facilem historiarum cognitionem, tam diligenter habita sint, quousque ab Authore expurgati approbatione Magistri Sacri Palatii prodierunt quidem fortasse per errorem librarij factum: unde si tot verba posita esse possunt per errorem librarij, multò verisimilius credendum est hac in propositione per errorem librarij posita fuisse. Voces, *[ira & vindicta]*, *[e]adem* sunt, *[et]* vox, *[et]* vindicta, Apostoli multorumque Sanctorum patrum sensui magis congruit, Author ea videri iam accedamus ad errores.

Errat I. quia dicit tributum Deo non dari sed id quod Ministris datur qui Deum repræsentant

Deo dari: sicut de eleemosyna quæ fit pauperi, dicit Saluator die iudicij, Matth. cap. 25. [Quod vni de minimis meis fecistis, mihi fecistis: & eodem modo de eleemosyna & sacrificio Deus loquitur, Matth. 9. [Misericordiam volo, & non sacrificium:] quò respiciens D. Hieronymus in Glossa supra hunc locum, dicit, [per hoc enim quod illis tributa datis, Deo seruitis: sunt enim Ministri Dei.]

Errat II. quia concedit D. Thomam dicere Clericos tributum non soluere, ex priuilegio Principum, qui hoc æquitate quadam concedunt, deinde dicit ipsos illud non soluere quòd sint immunes priuilegio Principum, sed quia sunt immunes de iure diuino. Huc vsque non probauit Dominus Cardinalis hanc immunitatem, sicut erat pollicitus. Cur D. Thomas dicit Clericos non soluere tributum ex priuilegio Principum, si immunes sint de iure diuino? dicere sufficiebat eos tributum non soluere quia sunt immunes de iure diuino, sed quia cap. Genes. 47. citat, vbi legitur Regem Sacerdotes Ægyptios à tributo exenisse, qui sanè exempti non erant de iure diuino, erant enim idololatæ, concludit à pari, Clericos etiam à tributo exemptos esse, priuilegio Principum, & non de iure diuino: imò D. Iustinus Martyr secundum Gloss. contrariū innuit, quòd nempe soluere tributum, sit de iure diuino: [Vectigalia, tributq; à vobis, Imperatores, instituta vbiq; ante omnes conamur pēdere, sicut nos ipse Christus docuit, nā cū sciscitarentur ab eo nū oporteat tributū dari Cæsari, respōdit, reddite quæ sunt Cæsaris, Cæsari. Propterea D. Ambrosius Mediolani Archiepiscopus scribēs ad Episcopū Vercellensē lib. 5. epistolarū, ep. 32. [Si tributū

petit Imperator, nō negamus, Agri Ecclesie tributum, si agros desiderat Imperator, p habet vendicandorum, tollat eos si libitur peratori non dono, sed non nego:] quid d Ambrosius in præsentibus hisce occasione nemini quicquam tollitur? Si Principem v re potestatem tollendi, sibi que vendica ecclesiæ pro suo arbitrio, absque quod ipse sul erat, ei resistere debeat? Denique tan fecit Ecclesia, bono publico, etiam cum d Ecclesiasticorum sumptu, subuenire, vt in Lateranensi legatur, quemadmodum cita [Clericus tametsi à tributorum præstatione tamen si ad id necessitas adegerit, pro bonis parcendum non est, quatenus Reipu luti consulatur.]

Errat III. quia strictum gladium ma tradit in manus Pontificis, quod in D. Pet stus reprehendit, quum ei dixit, Ioh. 18. [m dium tuum in vaginam: ac sine prolixo hñ ne opus esset, at ne tedium pariam, monere Deum noluisse Dauidem ipsi ædificare te 2. Reg. c. 7. quia erat vir Sanguinum, & mu ciderat, sed ipsum à pacifico Salomone ed f luit: vt nempe ostenderet quàm alienus gl terialis vsus esse debeat ab Ecclesiastico ex eos qui gladio vtuntur, irregulares esse, ob i rem Dauidem Christiani typum, armis S matum contra Gigantem Goliath ire non p sed cum funda & saxis, quæ sunt verbum D hoc non solum facit mos Christianorum, q Cardinalis probat, vt tradatur brachio sæcu etiam diuina verba S. Ambrosij epist. 2. ad V

nianum Imperatorem, vbi dicit, [Dolere potero, flere potero, gemere potero, aduersus arma, milites Gothos: lacrymæ meæ arma mea sunt, talia enim munimenta sunt Sacerdotis, aliter enim nec debeo, nec possum resistere:] vbi vox illa notanda, *nec debeo*. Tandem Dom. Cardinalis robur sumit à textu D. Bernardi, qui contra ipsum Cardinalem facere mihi videtur, loquitur Bernardus de Ecclesia cum eius oppositis, quæ ex Secularibus & Sacerdotibus, ex militibus & Clericis est composita, in qua potestas adest temporalis & imperatoria, dignitas spiritalis & pontificia: Iam ait D. Bernardus: [Vterque ergo Ecclesiæ & spiritalis gladius & materialis,] at non ambo sunt cuiuslibet: [sed hic quidem,] scilicet materialis, [pro Ecclesia: ille verò.] nempe spiritalis, [ab Ecclesia exercendus: ille sacerdotis, is militis manu.] Ecce Sacerdotem gladiū non gestare: [gladium non portat, sed sanè ad nutum sacerdotis, & iussu Imperatoris.] Quæ duæ dictiones oppositæ sunt, ac ostendunt eum qui iubet vt quis occidatur, non esse Sacerdotem, sed Imperatorem, ergo ipse, & non sacerdos, habet potestatem gladij, ad cō vt [ad nutum] significet non ad iussu, sed quòd postquam aliquem Sacerdos exaugurauit, tradendo brachio seculari, velit intelligi quam mereatur pœnam hoc tradendi actū, quem vocat nutum, quia nec verbis illud vrgere potest, nec imperio facere vt sententia sortiatur effectum. Si Bonifacius aliud nō dicat præter id quòd D. Bernardus, conuenimus. An D. Bernardus, an D. Ambrosius sint hæretici, an rationes & authoritates adductæ sint hærefes, prudēti Lectori considerandum relinquo. Deinde volentes Domini Ecclesiastici maiorem authoritatem eā

quæ ipsis competit, si gladij autoritas ipsis competeret, eam exercerent, at non exercent, ergo ipsis non competit: hoc argumento vtuntur seculares, eoque validissimo, nam frustra est potentia, quæ non reuocatur ad actum, præsertim ab iis qui talem se auctoritatem habere iactant.

Errat vltimò, quia cùm adhuc non probarit Clericos in causis ac negotiis temporalibus immunes esse, imò cùm rationibus iam dictis contrarium ostenderimus, concludit, solos laicos obseruare D. Pauli præceptum teneri. Cur postea non malè fecerit Princeps, vt vim vi repelleret, dum sub grauibus pœnis iniunxit, ne in suo Dominio interdictum obseruetur, sub finem defensionis opportuniùs dicemus.

Manet igitur probatum Primæ huius propositionis doctrinam Catholicam esse, sanam, bonam, & Oecumenicâ, ac in nulla eius particula Dominum Cardinalem eam refellere, aut eius veritatem imminuere potuisse.

D E F E N S I O S E C V N D Æ

P R O P O S I T I O N I S.

Cap. IIII.

Secunda Authoris Propositio.

CHristus Saluator noster, licet tanquam Dei Filius æqualis Patri, Rex sit Regum, & Dominus Dominantium, nihilominus cùm vestitus esset carne nostra mortali, nec ante mortem, nec post sanctissimam eius resurrectionem, vnquam exercuit Principis tēporalis potestatem. Nō habuit regnum tēporale, vt Pilato dicenti, Rex es-tu? tu dicis, respōdit: verum aduerte, licet Rex sim, nihilomin' regnū
meum

meum non est de hoc mundo, id est temporale. Id-
eò quum populi illi ab eo miraculosè quinque pa-
nibus & duobus piscibus pasti, eum Regem facere
vellent, aufugit ne raperent, & facerent eum Re-
gem. Nec vllum iudicare voluit, vnde cupientibus
vt Sententiam in quadam eorum controuersia fer-
ret, respondit: Quis me constituit iudicem supra
vos? Imò ministrum Cæsaris Pilatum pro suo iudi-
ce agnouit. Non haberes in me potestatem, nisi tibi
data esset de super, vt notat D. Thomas in epistola
ad Romanos.

O B I E C T I O N E S.

Bellarminus.

HÆc secunda propositio nil commune habet
cum præsentì negotio, in quo non de regnis
temporalibus, sed de Ecclesiasticis sermo est, & so-
lùm ad authoris peruersum animum errorésque
patefaciendum valet. Dico igitur verum esse, quòd
Christus, quà homo mortalis, secularis Principis
potestatem nò exercuerit in hoc mūdo: venit enim,
vt ipse ait, pati & seruire, mundum docere rerum
temporalium & honorum contemptum, & exem-
plo humilitatis & obedientiæ, monstrare superbis
& inobedientibus viam paradysi. Filius hominis
non venit ministrari, sed ministrare, & dare ani-
mam suam redemptionem pro multis, Matth. 20.
Filius hominis non habet vbi caput suum reclin-
et, Lucæ 9. Discite à me, quia mitis sum & hu-
milis corde, Matth. 11. Scitis gratiam Domini nostri
Iesu Christi qui propter nos egenus factus est, cùm
esset diues, 2. Corinth. 10. Humiliauit semet-
ipsum, factus obediens vsque ad mortem, mortem

autem crucis, Philipp. 2. Sed debebat hic adiunxisse, Christum etiam ut hominem, si potuisset rerum omnium temporalium de assumere, se Regem facere aut Imperatore officium magis allubuisset. Ut enim ait Dominus c. 11. Omnia ei dedit pater in manus, & Iulius cap. 1. epist. ad Hebr. Quem constituit in vniuersorum. Neque dicere debuisset, post resurrectionem non exercuisse potestatem Principis temporalis, quin adiungeret, post resurrectionem, etiam ut hominem, gessit se totum mundum, non ut Principem temporalem sed ut Principem æternum, superiorem cunctis Principibus temporalibus, ut D. Iohannes in initium Apocal. Qui est primogenitus mortuorum & Princeps Regum terrarum. Et ipse Christus mihi omnis potestas in cœlo & in terra, Mactat quæ potestas propriè temporalis non est, sed æterna, nihilominus est supra res omnes temporales & æternas. Christus enim, etiam quædam summus erat Pontifex, cum ex ceteris iudeis potestatem quinimò caput erat hominum & Angelorum Superiorem non habebat in terris, nec alio iure iudicari poterat, sed tantum de facto, ipse id fieri permittebat. Atque hoc significat stolus, dum dicit: Humiliauit semetipsum, 2. Vnde ad ea verba: Non haberes potestatem uersus me ullam, nisi tibi data esset de superis, videtur Christus Pilatum pro iudice sibi à Iudeis agnoscere, respondetur per potestatem permissionem intelligi, estque eius loci sensum nil potuisse facere aduersus Christum, id non permisisset, quo etiam modo locus

telligitur: Hæc est hora vestra, & potestas tenebrarum; Lucæ 12. Et hæc responsio est sanctorum patrum; Chrysostomi & Cyril. in expositione cap. 19. D. Iohannis. Verum quia D. Thomas in cap. 13. epist. ad Rom. intelligit eum locum de potestate quam habent Principes à Deo, dicimus potestatem Pilati, vt Cæsaris ministri, fuisse à Deo, à quo legitima omnis potestas descendit: Sed quòd hæc potestas ad Christum se extenderit, factum esse ex ignorantia Pilati, qui Christi dignitatem nesciebat, eumque ideo, ceu priuatum eius patris ciuem, iudicabat: Quemadmodum si hoc tempore Clericus sub nomine, & habitu laici sisteretur iudici seculari, ea potestate iudicari posset qua reliqui laici iudicantur: non ideò tamen sequitur Clericos, laicorum iudicio subiectos esse, aut Christum subiectum fuisse Pilati iudicio.

D E F E N S I O.

Marsilius.

NEgat Dom. Cardinalis, agi in præsentibus negotiis de regno temporali, attamen de alio quæstionem non esse constare. Pontifex duo prohibet Serenissimæ Reipublicæ. Primum; ne iudicare possit Ecclesiasticos qui delicta commiserunt, merè temporalia, quæ vt Couarruias ait, spiritualia non attinèt. Secundum, ne leges ferre possit de bonis vllis immobilibus ab Ecclesiastico Dominio nondum possessis, in quæ bona nondum ipsis est ius quæsitum. Peto qua authoritate Summus Pontifex hæc prohibeat: sanè non Principis temporalis authoritate, quia non est ditionis Venetæ dominus in temporalibus, eà igitur quam habet vt Pastor vni-

Si j

uerſalis. Iam autem quoniam authoritatem illam, quā Paſtor eſt vniuerſalis, habet vt Chriſti Vicarius, neceſſe eſt quam Chriſtus authoritatem in temporalibus exercuerit oſtendere: ipſius enim authoritas eſt norma eius authoritatis quam habet Pontifex, iuxta eiſdem Chriſti verba, Ioh. cap. 20. [ſicut miſit me Pater, & ego mitto vos,] quibus verbis Iuriſdictionis authoritatem Petro & Apoſtoliſ communicauit, vt fatetur Dom. Cardinalis: & prætereà, quia non eſt diſcipulus ſupra magiſtrum, neque ſeruus ſuper Dominum ſuum, Lucæ cap. 6. & ex verbis, Paſce oues meas, colligitur quòd ſicut Chriſtus non fuit Paſtor in temporalibus, ſed in ſpiritualibus: ita Pontifex, iure Pontificatus, vt ait D. Bernardus, authoritatem non habet vel dominium in temporalibus, & ſpeciatim quum leges temporales non impediunt curſum ad vitam æternam, imò ciuilem pacem ſtabiliunt, ad illius Domini conſeruationem ac libertatem diriguntur, in quo peculiaris fit Religionis Catholicæ & Pietatis profeſſio, atque etiam eò tendunt vt Iuſtitia foueatur, cuiuſmodi ſunt leges omnes Dominorum Venetorum à 200. Senatoribus bonitate & religione claris obſignatæ, ac ſecretis ſuffragiis confirmatæ. Quamobrem ſi Author vt hæc omnia probet, laborat primùm in probando quam Chriſtus Dominus noſter poteſtatem exercuerit in temporalibus, valdè ad rem loquitur, & non temerè, vt ait D. Cardinalis. Iam ad errores accedamus.

Errat I. quia dum fatetur Chriſtum, nullam in hoc mundo temporalem poteſtatem exercuiſſe, quod etiam dicit Author, ait tamen illum dicere debuiſſe, quòd eam exercere potuiſſet, ſi voluiſſet. Et

set. Et quamuis verissimum esse fatear quod dicit Illustrissima sua Dominatio, quia Christus non solum homo erat, sed Deus, & ambæ naturæ in vno supposito vnitæ erant, & actiones, iuxta regulam Philosophicam, sunt suppositorum, & Idiomata communicantur, iuxta Theologos, nihilominus tamen ad id quod dicitur, hunc totum Authoris sermonem ad rem non facere, respondetur quæstionem nostram esse de facto, non de possibili, quandoquidem cum Pontificis autoritas, Christi supremi Pastoris exemplo nitatur, vt rectè dicit & affirmat D. Cardinalis, dicere sufficiebat quibus vsus sit actionibus ad pascendum suas oues, non verò tractanda erat illa quæstio, quibus actionibus vti potuisset, si voluisset: nā potuisset etiā extraordinaria quadam potētia Mūdū cōuertere, omnes vno nūu sãctificare absq; sanguinis effusione, &c. Siquidē, nō est impossibile apud Deum omne verbū, Lucæ 1. sed quia nō valet argumentū à possibili ad factum, ideò non tractauit Author quid Christus facere potuerit in temporalibus, sed quid reuera fecerit.

Errat I I. quia præsupponit Christum Dominum nostrum, vt hominem mortalem, habuisse dominium in temporalibus, attamen doctè Maldonatus etiam Iesuita cap. 27. Matth. explicans ea verba, [Regnum meum non est de hoc Mundo,] contrarium validè probat: dicit enim, tribus modis dici posse, Christum temporale Mundi dominium habuisse, vt homo erat, hæreditate, electione, aut quia in pluribus Scripturæ locis Rex vocatur, vt homo: quod denotaret ipsū huius mūdi regē fuisse, aut naturali iure, id est hæreditate, aut humano, id est electione, aut diuino, quia hoc Scriptura dicit: sed ipse

Rex non fuit hæreditate, quia licet è regia stirpe Iuda fuerit, tamen regnum illud in Ieconia finiit, prout Deus minatus fuerat, ac peculiari quodam modo regnavit, nec ullius Regis filius aut hæres fuit. Non fuit Rex electione, ignoratur enim illum vnquam à populis Regem electum fuisse, imò quum id tentarent, aufugit. Superest igitur vt Rex temporalis fuerit, licet potestatem suam non exercuerit, quantum ex scripturis colligere est: verum Scripturæ non de regno temporali sed de Spirituali loquuntur, vt explicat D. Augustinus tract. 15. in Ioh. ipsèque Maldonatus, secundum bonorum omnium Theologorum sententiam, locorum eorūque validissimorum partem maximam huc adducens: igitur vt homo mortalis temporale dominium aut potestatem non habuit, idēque tale dominium non exercuit: vnde concludit optimè, [Qua verò parte Christus homo erat, non erat vniuersi orbis terrarum temporalis Rex, vt & Augustinus eo loco quem modò nominauimus, & omnes boni Theologi sentiunt, aut enim naturali, aut diuino, aut humano iure Rex esset: naturali non erat, quia Regis filius non erat, quod est naturalem esse Regem: diuino non erat, quia omnia sacrarum literarum testimonia, quæ de eius loquuntur Regno, vt Augustinus ait, & omnes boni Theologi affirmant, de spiritali intelliguntur: humano non erat, quia non fuerat orbis terrarum consensu Rex electus, & cum Iudæi vellent eum rapere, vt Regem facerent, aufugit: Ioh. 6.] Igitur cum tēporale Dominium, vt mortalis homo, non habuerit, illud nec potuit exercere, nā nō est actus, vbi nō est vlla potentia ad illum actum, iuxta regulam:

lam: quod debet intelligi, qua parte homo erat, & vt loquitur Dom. Cardinalis, vt mortalis homo: nā vt Deus, dubium non est, (idque fatetur Author,) quin sit Rex Regum, & Dominus Dominantium: nec opus est verba facere de Christi Domini nostri potestate æterna, prout eam vocat Illultrissima sua Dominatio, quæ post Resurrectionem ei data fuit: nam de temporali potestate quæstio est, non autem de æterna, quam sanè Vicario suo non dedit.

Errat III. in horum duorum locorum expositione, [Sciens quoniam omnia dedit ei Pater in manus: &, Quem constituit hæredem vniuersorum,] ea de Regno temporali intelligens, cum tamē Maldonatus, D. etiam Augustini, bonorūque omnium Theologorum autoritate, affirmet ea intelligi, vt reuera debent, de spirituali Christi regno, quod in Euangelio, Regnum cœlorū dicitur: quod si verba illa de Regno temporali possent intelligi, mendacium protulisset Christus, quod absit, quum dixit, [Regnum meum non est de hoc mundo, & Regnum meum non est hinc.] Ioh. cap. 19. siquidem quod affirmabant Scripturæ, negasset, ipsum nempe Regem esse temporalem. Quamuis, vt dixi, dato nō concesso, Christum vt hominem, habuisse Dominium temporale, vt vt sit, illud non exercuit, quemadmodum fatetur ipse Dom. Cardinalis, quod Authori sufficit.

Errat IV. quia dicit locum illum Ioh. 19. [non haberes in me potestatem, nisi tibi datum esset desuper,] nō de ordinaria Iudicis potestate, sed de permissiua intelligi: primò quia Christus Pilato ad rem non respondisset, qui de potestate iudiciaria loquebatur, [nescis quia potestatem habeo dimittere

SS iij

te, &c.] Secundò, quia potestatem permissiuam habuit non solùm Pilatus, sed omnes etiam Iudæi, de qua verum est locum illum intelligi, quem citat Dom. Cardinalis, [hæc est hora vestra, & Potestas tenebrarum,] quæ ideò tenebrarum esse dicitur, & non data desuper. Tertiò, quia Potestas Permissiua dici nequit data, sed potiùs non negata, aut certè non impedita desuper. Quartò, quia Potestas Permissiua ea dicitur, qua Deus permittit ut quis in peccatum incidat, sed hanc ei non dat desuper, aliàs enim ad peccatum concurreret, quod est falsissimum: ob id S. Thomas dicit, fateturque Dom. Cardinalis, de ordinaria Iudicis, ut ministri Cæsaris, potestate locum illum intelligi: neque id Illustrissima sua Dominatio negare potest. Imò D. Augustinus locum illum explicans, non haberes in me potestatem, nisi tibi datum esset desuper, dicit, [Discamus ergo quod dixit,] nempe Christus, [quod & Apostolum docuit, quia non est potestas nisi à Deo: quicquid sit de actu malè ventis ea. Et quia plus peccat qui innocentem occidendum Potestati liuore tradit, quàm ipsa potestas, si eum timore alterius Potestatis maioris occidit, talem quippe Deus dederat illi Potestatem, ut esset etiam [sub Cæsaris Potestate:] vnde alius illustrissimæ suæ Dominationis error colligitur, quia Pilati ignorantia tribuit, quod D. Augustinus, aliique omnes timori non offendendi Cæsarem adscribunt: & D. Bernardus in epistola ad Archiepiscopum Senon. ait, [Romani Præsulis Potestatem Christus super se quoque fateretur fuisse ordinatam:] & in eadem epistola ad eundem: [Quid secularitatem contemnitis? Secularior nemo Pilato, cui

to, cui Dominus astitit iudicandus, non haberes, inquit, in me Potestatem, nisi tibi datum esset desuper: iam tunc pro se loquebatur, & in se experiebatur, quod post per Apostolos clamauit in Ecclesiis, Non est Potestas nisi à Deo.

Errat IV. quia non negant D. Ioh. Chrysostomus & D. Cyrillus, Christum de Potestate iudiciaria ordinata loqui, sed solum dicunt, Christum, cum vitare posset iudicium illud, siue abscondendo se, vt forte quando ipsum lapidare voluerunt, siue vt Deus, ad se vocando duodecim Legiones Angelorum, dictam tamen iudiciariam potestatem non impeduisse: ex quo non arguitur, potestatem illam à Deo non fuisse, sed potius oppositum. Hoc propterea intelligitur à Theologis de impediendi potestate Christi, absoluta, non ordinaria, nam oportuit Christum pati, & ita intrare in gloriam suam, Lucæ cap. 24.

Errat V. quia rationis loco assert quod est in questione, videlicet Summum Pontificem à nullo iudice temporali iudicari posse in temporalibus, ergo Christus, qui summus erat Pontifex, à Pilato iudicari non potuit, in eo quod ipsi imputabatur de usurpata Iurisdictione: hic modus argumentandi vocatur Petitio principij: aliquis enim contrario potius modo argumentaretur, nempe, quia Christus Dominus noster, Principis temporalis iudicium non vitauit, imò dixit, illam Potestatem esse datam desuper, & quouis modo erat Summus Pontifex: ergo Romanus Pontifex eam in eiusmodi casibus vitare non debet. Actiones Christi debet esse regula actionum Romani Pontificis, non

Sc iiiij

verò actiones Romani Pontificis, actionem

Errat VI. quoniam ad D. Thomæ ver-
tione non affert, quæ est ipsius sensui contraria
doctoris Angelici doctrinâ indigna, cui ab
Magistro dictum fuit, [Benè scripsisti de
ma],] & hoc loco teneor etiam pug-
patria, pro Præceptore & conterraneo me
sanctam & catholicam doctrinam, in mat-
ribus Theologicis, potissimum verò in his
teor: Verba ipsius D. Thomæ hæc sunt: [C
enim communiter de Deo & de creaturis
Deo in creaturas derivatur. Potestas autē de
hominibus dicitur Iob. 36. Deus Potestates
cit, cum ipse sit potens, vnde consequens est
[omnis humana potestas sit à Deo: Danieli
minabitur excelsus in regno hominum, &
quæ voluerit, dabit illud: & Ioh. 19. non
potestatem aduersum me ullam, nisi tibi da-
set de super: Itaque de iudicandi potestate, q
muniter dicitur de Deo, & de creaturis, non
de Permissiua loquitur.

Errat vltimò dum Presbyteri detenti in
laici, & coram seculari iudice adducti, ex
proponit, qui se Presbyterum esse sciens, no-
ret iudici, exemptionem prætendens, illum
lo potestatem in se habere, sed contrarium
[tu non habes in me potestatem de super:
cum hoc non dixerit Christus, sed contrariu
iusmodi prætensionem non denotauit: vbi
notandum, Dominum Cardinalem inducen-
byterum lapideum in habitu laico, qui se Pre-
rum esse prætendens, id nesciat dicere, vel bu-
stendere: scio contrarium fieri, nam in illis d

bus in quibus Principes exemptionem à potestate sua clericis concesserunt, in criminalibus causis, multi ad vitandum seculare iudicium, falsas clericatus bullas sibi fieri curant, & Dominus Cardinalis vult, vt qui reuera eas habet, id nesciat dicere, vel eas ostendere, sed contrarium fateatur, Iudicem nimirum ordinariam in ipsum potestatem habere: hæc non modò falsa sunt, verùm quæ vix credantur.

A V T H O R.

TAndē iussit vt Principi seculari tributū daretur, id est Cæsari: reddite quæ sunt Cæsaris Cæsari. Alii qui opponunt se huic propositioni, dicentes, licet Christus soluerit tributum pro se & Petro, subiunxisse tamen se soluere non teneri. Nunquid filij debent soluere tributum? quibus verbis Principis temporalis auctoritatem ostendit, qui à tributo est immunis. Ad hoc dubium respondetur indigenas, vt aiunt Doctores quidam, filiorum nomine designatos, huic tributo minimè obstrictos fuisse, cumque ipse & D. Petrus ex ea regione ortum ducerent, dixisse ipsos non teneri persolvere, aut potius ob sanctissimam eius Diuinitatē, innuere voluisse se ad tributū illud non obligari: Verùm quia hanc reddere causam, altum nimis erat & occultum sacramentum, cuius illi Principis exactores capaces non erant, ideò dixisse, Sed ne scandalizentur: vnde constat quanti duxerit Christus, Principis ministris scandalum non præbere, veram & realem, ab ipsis tamen non intellectam exemptionem allegans. * Alii vt huic propositioni contradicant, aiunt Christum è templo eiecisse ementes & vendentes, sed hoc ceu Propheta, zelo fecit, vnde ad

hanc rem citat Euangelista Daudis verba, zelus domus tuæ comedit me. Alij dicunt ipsum quando discipulos misit vt asinam & pullum adduceret, in-
iunxisse illis vt domino dicerent, quia Dominus his opus habet, id est totius mundi dominus. Sed hic locus ita non est intelligendus, vt inde Principis
authoritas eliciatur: verum vt innuat cœli & terræ Dominū adeo modis omnibus pauperem fuisse, vt
ipsum animalia illa mutuò petere oportuerit, sicut Doctores exponunt. Nec ratio deest, nā si Principis
authoritate vti voluisset, non dixisset, his opus ha-
bet, sed quia Dominus ita præcipit, aliòve modo.
Tandem qui hanc nostram propositionem proba-
tu difficilem iudicant, dicunt omnes, Christum,
quando triumphans die Palmarum, in Ierosolymā
intrauit, Principis temporalis authoritatem exer-
cuisse: vnde Euangelista Prophetiam citat, Ecce
Rex tuus venit tibi, mansuetus sedens super asinam,
& super pullum filium asinæ. Sed rem attentè per-
pendenti demum innotescit Saluatorem, licet pro-
missus esset Rex & Messias, dum tamē vtili hoc ab-
iecto que modo Ierosolymam ingrederetur, Princi-
pis temporalis authoritatem non exercuisse, quin
potius significasse ipsius regnum non esse, vt Pilato
dixit, de hoc mundo, at spirituale & æternum: ete-
nim Reges temporales alio apparatu in Regnorum
suorum ciuitates intrant, quàm quo Christus, qui
Ierosolymam pauperrimè est ingressus, sedens su-
per asinam, & pullum filium asinæ. * (à Bellarmino
prætermisum.)

OBIE-

OBJECTIONES.

Bellarminus.

Christum iussisse vt Cafari tributum daretur, verum est, sed non ad rem, cum nemo neget soluendum esse tributum Principibus, ab illis qui obstricti sunt, vt inquit D. Paulus: Reddite omnibus debita, cui tributum, tributum, cui vectigal, vectigal &c. Rom. 13. Sed quantum ad tributum quod pro se & Petro soluit Christus, videtur tibi arrisisse hæresis Marsilij Patauini, qui dixit Christum non condescensione, sed necessitate coactum persoluisse tributum. Quæ hæresis condemnata est à Papa Iohanne XXII. in extrauag. licet, vt refert Cardinalis Turrecremata in summa de Eccles. lib. 4. part. 2. cap. 37. Non enim aliam exemptionem affers, vt probes Christum ad dandum tributum obligatum non fuisse, quàm quia erat indigena ac tales filiorum nomine designabantur: & quia diuinitatem habebat, secundum quam erat filius Dei, & vt talis soluere non tenebatur. Prima ratio est planè futilis & vana, quia non solum indigenæ non erant exempti, verum ipsi soli tributum illud dare tenebantur, vt Exodi c. 30. apparet, vbi impositum fuit tributum omnibus filiis Israel, vt quilibet dimidium scli persolueret, id est duas drachmas. Hæc tributum postea sibi vendicauerunt Romani, vt scribit Iosephus lib. 7. de bello Iudaico, c. 26. Secunda ratio Christum eximit vt Deum, non vt hominẽ, ideo que vt homo secundum te obstrictus erat: hoc asserbat Marsilius Patauinus, & id ipsum ex tuo sermone colligitur, vis enim probare Christum non fuisse Principem tempora-

lem, quod ut probes, pro vltima & præcipua ratione addis Christum iussisse ut Principi seculari tributum solueretur: quæ ratio nullius est momenti, nisi Christum soluisse tributum addideris. Quoniã autem vis tui argumenti in his consistit, ideò stans obiectionem aduersus te ipsum, dum dicis aliquos opponere, Christum obligatum non fuisse ad soluendum tributum, sed soluisse, ne tributum exactores scandalizaret. Modò igitur ab te peto. Christus ut homo, erat-ne ad soluendum tributum obligatus, nec-ne? Si dicis fuisse obligatum, declaras te assecclam Marsilij, qui tanquam hæreticus condemnatus fuit: si ais non fuisse obligatum, fatearis necesse est argumentum tuum nullum esse, teque ad rem non loqui: Res ita habet, Christum etiam ut hominem, vnâque Apostolos ad tributum dandum obligatos non fuisse: Christus enim ut homo, non erat persona humana, sed diuina, nec erat filius adoptiuus, sed naturalis Dei, qui Rex est super omnes Reges, atque ideò nulli Regi soluere tributum tenebatur. Et quia quum Princeps aliquis ad quippiam dandum non est obligatus, neque familia eius est obligata, ideò nec Apostoli Christi familiares, eiusque domestici ad reddendum tributum obligati erant. Atque hinc D. Hieronymus in cap. 17. Matth. & Augustinus 1. lib. quæstionum Euangel. q. 23. colligunt Clericos obligatos non esse ad soluendum tributum Principibus secularibus, quia sunt familiares Christi, & ob honorem Christi exempti. Intermitto reliqua tua verba referre circa secundam hanc propositionem, sunt enim leuia, nec responsione opus habent, cum aduersum nos non pugnent.

DEF.

DEFENSIO.

Marsilius.

Ratio ab authore allata, est ad rem, nam si Christus Rex temporalis fuisset, non iussisset Cæsari tributum solui, sed dixisset, reddite mihi, quia Rex sum temporalis, non verò Cæsar: diuersimodè, postea Dom. Cardinalis in hac obiectione errat.

Errat I. quia Authorem hac voce, *Tu*, compellat, quod ipsum non credo facere honestatis defectu, aut quòd ignoret ciuilitatis terminos, aut per contemptum, sed per iram. Ita fit, vt quum lis oritur & contentio, initium sumatur ab his titulis, Vestra Excellentia, aut dominatio, & ab hoc, in vulgari lingua vsitato, *Vos*, deinde finis sit per hanc compellationem, *Tu*.

Verum est neminem debere pati se ab ira, aliòve prauo affectu vinci, sed Apostolum imitandum esse, [Modestia nostra nota omnibus hominibus:] licet non mirer, Illustrissimam suam dominationem per vocem, *Tu*, illum compellare, qui etsi non nisi bonus est Catholicus, ipse tamen modis omnibus eum censet hæreticum, vnde

Errat II. quia cùm dixerit, vt fertur, Marsilius Patavinus, Christum necessitate coactum soluisse tributum, dicit ipse idem ab Authore proponi, cùm tamen Author contrarium asserat, Christum nempe, cùm vt Dei filius tributum soluere non teneretur, illud nihilominus soluisse ne Principis Ministris scandalum præberet: qui hoc dicit, non asserit Christum illud soluisse necessitate coactum, sed condescensione, nempe ad vitandum scandalum.

Errat III. quia certò determinat tributum de quo

agitur hoc loco, illud esse quod Deus in templo solui iussit, Exodi c. 30. atque hoc Exodi, illud esse quod Augustus imposuit, & Christi Domini nostri tempore exigebatur, & ad hoc probandum citat Iosephum l. 7. cap. 26. sed Iosephus de tributo quod Augustus imposuit, non loquitur, sed de illo quod imposuit Vespasianus, qui multis annis post Christi & Augusti mortem vixit.

Errat IV. quia cum inter Doctores dubium sit, quale esset tributum illud Templi, ut ait D. Hilarius, an scilicet illud Augusti, ut volunt Recentiores, in singula capita, quod census dicebatur, an illud Primogenitorum, ut ait D. Iohan. Chrysostomus, an verò aliud exteris, aliud ciuibus esset impositum, ut ait Titelmanus, determinatè affirmat Dom. Cardinalis, tributum de quo agitur hoc loco, esse illud Augusti, absque quod ullam rationem adferat, imò falsum Iosephi locum citans, & addens tributum Augusti cum templi tributo, idem fuisse.

Errat V. quia cum author veræ expositioni adhæreat, Christum ad soluendum tributum obligatum non fuisse, quia Dei filius erat, & filij tributum non soluunt, quod ipsorum Patris Regis nominè exigitur. Domin. Cardinalis ex hac negatiua enunciatione, affirmatiuam educit, contra dialecticas omnes regulas, dicens, Ergo Author censet Christum, ut homo erat, ad soluendū tributum obligatū fuisse: cum, si quis dicat Romanos non debere Sanctitatis suæ, ut Christi vicarij, præceptis resistere, non ideo sequatur ipsi, ut principi temporali, esse resistendum: siquidem qui vnum negat, alterum non

non affirmat, quando non sunt contraria ; sed disparata, vt in casu nostro : verum scio cur hoc dixerit, vt Marsilium Patauinum commemoraret, sed id faciendum tempestiuè: Authori enim rationem adducere sufficit, quam Christus adfert , ipsum vt Dei filium ad tributum soluendum obligatum non fuisse, vt nempe soluatur argumentum, non ab ipso Authore, sed ab aliis in contrariam partem allatum: nec propterea dicit Christum Dominum nostrum obligatum fuisse vt hominem , ad tributum soluendum.

Errat VI. quia cum Christus Dominus noster vt probaret se exemptum esse à tributo , dixerit se Dei filium esse, vltèriùs ipse progreditur , addens D. Petrum exemptum fuisse, eo quod esset è familia Christi, qui Dei filius erat: verum Christus non de familia, sed de filio loquutus est , nec famulos habuit, sed discipulos, & quamuis filij Regis famuli quamdiu ipsi inseruiunt , à tributo sint immunes, tamen discipuli non erant famuli Christi, [non dixi seruos vos, sed amicos, non veni ministrari , sed ministrare.] Quinetiam hæc eius expositio repugnat textui, Publicani enim præsupponentes D. Petrum soluere teneri tributum, ab illo tantum petierunt an eius quoque Magister solueret , qui pro ambobus illum soluere voluit, pro se , ne præberet scandalum Publicanis, & pro D. Petro , quia tenebatur: vbi animaduerto primò D. Petrum nec Sacerdotem nec Papam tunc fuisse: secundò, urgente necessitate Ecclesiasticos etiam Priuilegio Principum exēptos, vt inquit D. Thomas, tributū soluere debere, stater enim quo D. Petrus tributum soluit,

in ventre piscis repertus fuit, vt significaretur Ecclesiasticos debere in Principum subsidium, tributum soluere, de bonis illis quæ à Piscibus, id est à fidelibus Christianis per eleemosynam acceperunt: quod iam superius cum Glossa diximus:

Errat V II. quia vim argumenti authoris non vult intelligere, siquidem authori, vt probet Christum non exercuisse Dominium temporale, hoc sufficit, vt nempe Christus dixerit, [Reddite quæ sunt Cæsaris, Cæsari:] sed quia nonnulli eo argumento vtuntur, non contra verba, [Reddite quæ sunt Cæsaris, Cæsari:] sed contra totum sermonem in genere, vt ostendant Christum idè regem temporalem fuisse, quia dixit se tributum soluere non teneri, respondet author, Christum hoc idè non dixisse quòd esset rex temporalis, sed quia Dei filius erat. Optaret Dom. Cardinalis nos esse hæreticos, & alij quidam magnoperè id cupiunt, [ex abundantia cordis, os loquitur,] Lucæ cap. 16. [Nauseat anima eorum super cibo illo leuissimo.] Num. cap. 21. Interim tamen manna est ipsa Ditionis populique Veneti Religio, sed non sumus, non erimus, Deo iuante, quales nos esse Illustrissimæ suæ Dominationes optare videntur.

Errat VIII. quia falsò citat locum D. Hieronymi, qui planè oppositum dicit: Sancti illius verba hæc sunt: [Dominus noster secundum carnem, & secundum Spiritum filius regis erat: vel ex David stirpe generatus, vel omnipotentis Verbum Patris; ergo tributa quasi regum filius non debèbat, sed qui humilitatem carnis assumpserat; debuit adimplere omnem iustitiam, nòsque infelices,] (& de se loquitur qui erat Presbyter, & vt quidam volunt, Cardinalis)

nalis)[Christi censemur nomine, & nihil dignum facimus tanta maiestate, ille pro nobis crucem sustinuit, & tributa reddidit, nos pro illius honore tributa non reddimus, & quasi filij Regis à vectigalibus immunes sumus?] quo loco non solum non dicit immunitatem esse de iure diuino, sed valdè conque-ritur, vt ait Iansenius, quòd Ecclesiastici pro honore Christi illud non soluerent, quasi Regis essent filij, nempe immunes iure diuino: quis non videt quàm fuèrit alienus Sanctorum animus à nostrorum temporum prætensionibus? sed hoc me imprimis malè habet, rem Sanctis velle imponere cuius contrarium dicant. Legatur Iansenius, qui dicit in hunc locum immunitatem esse Priuilegium Principum secularium, & non iure diuino.

Errat IX. quia itidem peccat in citando loco D. Augustini l. 1. qq. Euangelicarum, q. 23. cuius hæc sunt verba: [Quod dixit ergo, liberi sunt filij, in omni Regno intelligendum est liberos esse Regis filios, non vectigales, multò ergo magis liberi esse debent in Regno terreno filij illius Regis, sub quo sunt omnia Regna terre.] Hunc locum explicans D. Thomas Aquinas, 2. 2. q. 104. art. 1. ad primum, ita loquitur: [Ad primum, Respondeo, illos qui facti sunt filij Dei per gratiam, liberos esse in quolibet Regno, secundum mentem, à seruitute, scilicet peccati, non autem liberos esse à seruitute corporali:] In quibus verbis tria aduerto: Primum, de Ecclesiasticis non loqui D. Augustinum, vt ait Dom. Cardinalis, sed de omnibus Christianis: secundum, non loqui de libertate vel immunitate ab oneribus corporalibus, sed de spiritus libertate, & seruitute peccati, tertium, D. Thomam colligere ex hoc

loco nullam esse à Deo libertatem, quæ nos à Regis temporalis dominio, in temporalibus, immunes reddat, iuxta id quod idem D. Thomas & D. Augustinus Ecclesiæ Doctores scripserunt in cap. 13. epist. ad Romanos.

Quamvis Iansenius verborum D. Augustini (in quibus videtur asserere omnes Christianos à tributo liberos esse, de Ecclesiasticis non loquendo, vt dicit Dom. Cardinalis) meliorem & magis literalem expositionem adferat, quia dicit, ipsum argumentari in numero plurali, vt Christus argumentatus est: nihilominus tamen intelligi debet in singulari numero, nempe de solo Christo: exempli gratia, si Regis Galliæ filius diceret, Si in omnibus Regnis liberi sint à tributo, Regis filij: ergo multò magis liberi esse debent in Regno Galliæ, Regis filij, id est, ego. Sic ait D. Augustinus dixisse Christum D. Petro: [In omni Regno liberi sunt Regis filij, nō vte gales, Ergo multò magis liberi esse debent in Regno terreno filij illius Regis, sub quo sunt omnia Regna, id est, ego, [sed ne scandalizentur, &c.] Hæc vera est eius loci expositio, vbi quis euidentissimum Dom. Cardinalis errorem non videt? sanè apud nullum Sanctum inueniet immunitatem esse de iure diuino, sed contrarium potius, vt superius dictum est, & inferius dicetur occasione sumpta ab hisce duobus citatis locis tam alienis à sensu de quo agitur, Lectorem monere volo, vt suspectos habeat hos magni momenti locos, quum à Dom. Cardinali citantur, nec eorum verba referuntur, vt in his ab ipso Domino pro se citatis, aliisque contrà facientibus euidenter constat.

Defensio

Defensio tertiæ Propositionis.

CAP. V.

Tertia Authoris Propositio.

CVM Christus Iesus Dominus noster Principis temporalis auctoritatem non exercuerit, dicendum non est eum hanc auctoritatem Petro, & successoribus qui eius Vicarij sunt, concessisse, non est enim Vicarius maior principali suo. Vnde Sotus lib. 4. Sentent. tractans hanc materiam, & Cardinalis Bellarminus de auctoritate Papæ, rectè dicunt, se mirari Canonistas quòd sine vlla ratione, vel Noui Testamenti auctoritate affirmare ausi sint Papam esse dominum totius orbis directè in temporalibus: doctrina verè scandalosa & parùm solida. Scio equidem nonnullos, præter Canones, qui ceu leges humanæ, conturrentibus diuinis, parem auctoritatem habere non possunt, citare D. Thomam Aquinatem de Regimine Principum c. 10. & 19. eiusdem libri, vbi dicit: Summus Pontifex est dominus totius orbis in temporalibus, verùm hic liber non est D. Thomæ, vt rectè ostendit Cardinalis Bellarminus lib. de Potestate Papæ: * quia præter certissimas alias coniecturas, hæc vna est, quòd scilicet lib. 3. c. 20. successionis meminerit Adolphi Imperatoris post Rudolphum & successionis Alberti post Adolphum, quæ contingere, prima quidem anno 1292. altera anno 1299. & D. Thomas obiit anno 1274. Citant deinde alium locum D. Thomæ, lib. 2. Sentent. distinct. 44. vbi ait esse in summo Pontifice apicem vtriusque potestatis, temporalis & spiritualis: qui textum legit, secus D. Thomam sensisse agnoscit: siqui-

dem postquam dixit in temporalibus obediendum esse potius Principi temporali, quam spirituali, & in merè spiritualibus, spirituali potius quam temporali, concludit, nisi esset, summus Pontifex, cui, cum in suis prouinciis vtramque habeat iurisdictionem, proprii subditi non minus hoc quam illo modo obedire debent. *(à Bellarmino prætermissum.)

OBJECTIONES.

Bellarminus.

Tertia hæc propositio similis est secundæ, nihil enim facit ad præcipuum authoris scopum, & solum valet ad malam ipsius mentem, & exiguam in citandis authoribus sinceritatem patefaciendum. Ad rem non facit, nam vult ostendere excommunicationis & interdicti sententiam à Papa Paulo V. Domino nostro intortâ, nullam & inuolidam esse: ad hoc probandum, dicere Pontificem non esse mundi regem temporalem, perinde est ac si diceret, Regem Galliarum neminem ad triremes adigere posse, quia non sit episcopus: ad infligendum enim excommunicationem & interdictum, non requiritur auctoritas regia & temporalis, sed pontificia & spiritualis: sicuti ad poenam triremium infligendam, non est necessaria potestas spiritualis, cum sufficiat temporalis. Exigua sinceritas in citandis authoribus, in eoprehenditur quod è Soto & Bellarmino citat: neuter enim terminis tam immodestis utitur, ut dicant mirari se Canonistas, quod ausi sint, absque vlla ratione vel autoritate Noui Testamenti, asserere, Papam esse dominum totius orbis directè in temporalibus, quæ doctrina verè scandalosa est &

est & parum solida. Hæc admiratio ab ipso excogitata, nostris in scriptis nullibi inuenietur, multò minùs quòd dixerimus doctrinam illam Canonistarum absolutè scandalosam, & absque ratione esse: quin nec diximus absolutè Canonistarum eam esse sententiam: nouimus enim ipsos etiam Canonistas hac in re discrepantes esse: & Sotus pro se citat Iohannem Andream, Bellarminus verò pro sua opinione Turrecrematam & Nauarrum, ac poterat etiam citare Innocentium IV. in cap. Nouit. de iudiciis, & glossam eo in loco, ubi adiungit distinctionem, directè & indirectè. Differentia porrò quæ est inter hos authores, non consistit in eo ut tribuant vel auferant Papæ potestatem supremam in negotiis temporalibus, omnes enim eam concedunt, exceptis hæreticis: Sed consistit in modo, quòd pars eorum credat Papam habere potestatem illam eo modo, quo eam habent Principes sæculares: pars altera autem existimet potestatem Papalem, propriè & in se spiritualem esse, posse tamen in ordine ad res spirituales, plenissima autoritate de temporalibus rebus disponere, ut inter alios diuinè demonstrat author opusculi de regimine Principum lib. tertio capit. 11. & 13. siue ille Diuus Thomas sit, siue alius. Bellarminus enim non negat absolutè illum librum esse Diui Thomæ, sed refert aliquos de ea dubitare, & non sine causa: refertur enim in eo opusculo historia quædam, quæ post mortem Diui Thomæ contigit, & ipse Bellarminus ait fieri posse ut illa historia postmodum in eo libro inserta fuerit ab alio, atque ideò non subsistens in eo responso,

Tt iij

librum illum non esse D. Thomæ, aliud addit solidius, scilicet eius libri sententiam cum aliis eiusdem exponendam esse. Sed magna authoris temeritas non impunis relinquenda est, qua utitur dum de sacris Canonibus loquitur, & ait: Scio equidem aliquos præter Canones, qui ceu leges humanæ, cum diuinis collatæ parem authoritatem habere non possunt, citare D. Thomam &c. Hic est magnus sacrorum Canonum contemptus, qui ab ore viri catholici nunquam prodiit: quantum enim apparet, is author nihili facit, an doctrina sua sacris Canonibus consona sit, necne, sed nec etiam eos proponenti dignatur respondere, ac si nullius essent authoritatis: deinde hos appellans absolutè leges humanas, ac si ductu Spiritus S. facti non essent, loquitur modo sanctis Patribus inusitato, qui eos semper sanctos, & sacros à Deo inspiratos nominât. Audi hac de re S. Leonē ad Anatoliū. Nimis hæc improba, ait, nimis sunt praua, quæ sacratissimis Canonibus inueniuntur esse contraria. Demū quū addit sacros Canones, diuinis concurrentibus, parē non posse habere authoritatem, Significat Canones in hac materia contrarios esse legibus diuinis, atque idē parui faciendos esse: quæ reprehensio non solum authoribus Canonū, ac si leges Deo contrarias statuerint, sed etiā toti Ecclesiæ iniuriosa est, quæ eosdem Canones ceu regulas à Spiritu S. per summos Pontifices aut sacra Concilia datas veneratur.

DEFENSIO.

Marfilius.

SI verum vnquam fuit illud adagium, Tuo te gladio iugulas, est hac occasione verissimum,
nam

nam Dom. Cardinalis suomet exemplo manet confutatus: dicit Regem Galliae, si quem adigat ad triremes, id facere potestate temporali, non verò spirituali, quā non habet: peto autem si Pontifex Paulus V. prohibeat ne Serenissima Respub. Veneta leges eas condant, de quibus est controuersia, quā potestate id facit? non spirituali, hæc enim ad iudicia, bonaque temporalia non extenditur: ergo temporali, at hanc non habet, ergo eas leges prohibere nequit. Et quemadmodum Rex ad triremes adigit, quia Rex est, non quia Episcopus: ita Pontifex cum sit Papa, & non Rex temporalis ditionis Venetæ, eas leges prohibere nequit quas prohibet, & dum hoc facit, nec ei obedientia exhibetur, qui non obedit, non peccat, quia imperandi in eiusmodi rebus potestatem non habet. Iam veniamus ad errores.

Errat I. quia authoris scopum suo modo exponens, ait illum abs re loqui & temerè. Verum est authoris scopum esse, probare Censuras Pontificis nullas esse, sed quia ut hoc faciat, oportet eum primò probare Serenissimam Reipublicam non peccare, siquidem Censura in eum qui non peccauit, nulla est: ideò scribit hanc Propositionem, in qua probans Pontificem imperandi auctoritatem non habere, concludetur Reipublicam obedire non teneri, & non obediendo non peccare.

Errat II. quia putat velle authorem probare Censuras nullas esse, ex defectu auctoritatis spiritualis. Author probat censuras esse nullas, quia Domini Veneti suam Iurisdictionem retinendo ac defendendo, non peccant quod in Pontifice defectum arguit auctoritatis non spiritualis,

Tt. iiij

sed temporalis: Authoritas spiritualis facit ut possit excommunicare, sed defectus authoritatis temporalis Censuram nullam reddit, quia nemo obedire tenetur ei qui in ipsum auctoritatem non habet, & non obediendo non peccat, & non peccando in ullius generis Censuram non incurrit.

Errat III. quia negare non potest Illustrissima sua Dominatio, quin Author hac in propositione verum dicat in re, quamvis sermonem eius & citationes reprehendat. Igitur dicere non potest ipsi malam esse mentem: Is malam habet mentem qui [de nocte confurgens,] ut ait Spiritus S. Prouerb. c. 27. [cum falsitate benedicit proximo suo voce grandi,] sed omnino maledicenti similis erit, nam quomodo probatur in conflatorio aurum, & in fornace argentum, sic probatur homo ore laudantis.] Prouerb. 27. Ideò sub finem, [Melius est à sapiente corripì, quàm stultorum adulationibus decipi.] Eccl. 7. Itaque satius est verum dicere, & ab hominibus reprehendi, quàm adulari, & à Deo puniri, secundum Apostolum, ad Gal. capit. 1. [Si adhuc hominibus placerem, Christi seruus non essem.]

Errat IV. quoniam admirationem vocat immodestiam, & Soti ab ipso citati admirationem, cum Authoris epiphonemate confundit: nam verba illa, quòd ea doctrina sit scandalosa & parum solida, nam sunt Soti aut Bellarmini, sed authoris, quæ verba, sunt laudes, si conferantur cum eo quod dicit Dom. Cardinalis de Auctoris doctrina, attamen authorem reprehendit, & doctrinam in concreto, ipse verò author de doctrina loquitur in abstracto, quod conceditur, nam quod maius scandalum,

lum,quàm cùm de homine perfectò dixerit Saluator,Matth.c.19.[Si vis perfectus esse,vende omnia quæ habes,& da pauperibus: non est discipulus super Magistrum:] contrà determinare,illum,qui alio quouis Episcopo ad perfectionem, & pauperis Christi imitationem magis est obligatus, esse Dominum totius orbis in temporalibus? Præterea quale fundamentum,doctrina, verbis & exemplo Christi contraria habere potest?

Errat V. quia negat Sotum mirari Canonistas, & tamen Sotus distinct.25.quæst.i.art.i. citat Augustinum Triensum, Sylvestrem, & Panormitanum,qui sunt iuris periti,vt ipse ait, vel Canonistæ, eorûque opinionem de potestate Papæ directè in temporalibus,Commentum vocat, id est fabulâ,cuius ipsos patronos esse dicit,id est defensores,ac speciatim de Sylvestro conqueritur, & miratur quòd à D.Thomæ, præceptoris sui opinione discesserit, quæ etiam est Theologorum: Domino Cardinalis non modò Sotum citat, sed in manuscriptis suis lectionibus primisque libris, Soti verba legebantur,quod si iam non concedit, neque dixisse vult, parùm refert, in ipsius libris sexcentæ mutationes quotidie deprehenduntur,sufficit, hoc dicit Sotus ab ipso citatus: quamuis hoc ad præcipuam quæstionem parùm faciat:id dixisse velit,necne,mihi perinde est,modò Sotus id dixerit, cuius doctrina, imò phrasis,verbæque ipsa,quantoperè Domino Cardinali arriserint,notum est.

Errat VI. quia magna cum subtilitate, non vult opinionem Canonistarum eam dici, quam plures Canonistæ docuerint, licèt vnus sit inter eos Theologus, nec Theologorum eam quam

plures Theologi dixerint, quamuis vnus sit Canonista. Theologiæ initiati hoc norunt, quod appellatio & denominatio fit à maiori parte: quinimò ipse Dominus Cardinalis cùm hac distinctione pergit, & quæstionis titulum, vt reliqua argumenta prætermittam hoc modo proponit: probatur opinio Theologorum: igitur contraria est Canonistarum, inter quos licet in vltimis hisce exemplaribus Nauarrum citet, qui est Canonista, non Theologus, tamen ob rationem dictam, nihil refert. Eorum opinio qui dicunt Pontificem esse Dominum in temporalibus, dicitur Canonistarum, quia scripturæ authoritate non nititur, quibusdam Canonibus exceptis, id est legibus in Decretis, & Decretalibus, sed opinio contraria, est Theologorum, quia verbo Dei, & scriptura nititur.

Errat VII. quia dicit omnes concedere summo Pontifici potestatem supremam temporalem, hæreticis exceptis: ergo, vt multos omittam. Nauarrus in c. Nouit, est hæreticus, nam hæc habet verba: [Quare dicendum est Papam, nullam habere Potestatem laicam à Deo, neque supremam, neque mediam, neque infimam.] Quod ad me attinet, hæresin cenſeo illam opinionem quæ expresse est contra sacram scripturam, qualis sanè est eius qui dicit Papam habere supremam authoritatem temporalem. Christus Dominus noster dicit, Matth. c. 16. [Tibi dabo clauēs Regni cœlorum,] & ipse dicit, [regni terrarum.] Christus ait, (Matth. c. 20. Lucæ c. 22) [Reges gentium dominantur eis, vos autem non sic,] ipse verò, [vos autem sic.] Christus dicit, Ioh. cap. 19. [Regnum meum non est de hoc mundo,

mundo,] ipse verò, [imò est de hoc mundo, & totius mundi.] Christus ait, loh.20. [Sicut misit me Pater,& ego mitto vos,] ipse verò,[Non sicut misit me Pater,ego mitto vos.] Duæ sunt supremæ potestates,duo Christiani orbis capita, vt ait Vgo de Sâcto Victore,l.2.de sacr.p.2.cap.4. [Terrena potestas caput habet Regem : spiritualis Potestas habet Summum Pontificem.] Et Gelasius Papa in epist. ad Anastasium Imperatorem, quæ legitur in Decreto,dist.96.Can.Duo sunt. [Duo sunt Imperator Auguste, quibus principaliter mundus hic regitur, Authoritas sacra Pontificum, & Regalis Potestas.] Hoc etiam adeò certum fuit apud Innocentium III. cap. Nouit, vt hæc dixerit : [Cum Rex superiore in temporalibus neminem recognoscatur:] igitur vt verum est quod dicit Dom. Cardinalis, recognosci à Rege Pontificem, dicendo ipsum supremam habere potestatem temporalem? Fateor me ad hæc verba obstupescere, nam illi qui in Pontifice authoritatem indirectam concedunt, in hunc excessum non prorumpunt, sed eam mitigant, dicentes illud, *indirectè*, esse spirituale, non per se, sed per accidens, & accessoriè, urgente necessitate, maximè ex consensu partium : sed dicere supremam esse ac temporalem, fateor scandalum esse mihi : stante non solùm vera doctrina, sed illa etiam ipsius Dom. Cardinalis, l.5. de Rom. Pont. c. 3.& 4.

Errat IX. quia non dicit Author, quòd censeat Dom. Cardinalis librum illum non esse D. Thomæ, sed dicit ipsum satis ostendere non esse D. Thomæ,atque hoc tam rectè probat Author vt ipsi

nil opponi queat: ob id forsā Dom. Cardinalis, rationem Authoris adferre omisit, quod neque hoc loco, neque alibi facere debuit, cū sinceritatem esset pollicitus, sed nos omnia proponemus, & speciatim illud quod prætermisit inter duos asteriscos. * Insuper illud effugium, quod Dom. Cardinalis recens addidit in suis operibus, eam nempe historiam libro illi insertam esse, præter hoc quod sit improbable, quia nullam coniecturam aut rationem adfert, cur voluisset quispiam, historiam dictam libro illi inserere? in quem finem? à quo tempore inserta est? qui hæc audet proponere, omnem historiis fidem detrahet. Eadem habet respōsa Dominus Cardinalis Baronius, quando argumentum ab historia solutū non facile deprehēdit, dicens, hæc aut illa verba inserta fuisse: Trecenti sunt & plures, anni, librū illum legi, nec vllus vnquam animaduer- tit, vel dicere ausus est verba illa ab aliquo interpo- sita fuisse: & iam Dom. Cardinalis, ad Pontificis au- thoritatem in temporalibus augendam, eamque su- premam reddendam, citra rationem aut coniectu- ram vllam, inserta hæc fuisse asseuerat.

Errat X. quia licet verborum D. Thomæ expo- sitionem tradat, quam ipse ore proprio solidiorem appellat, tamen haud facit illud responsum, vt liber sit D. Thomæ, imò non est necessarium, dicere nā- que sufficiebat non esse D. Thomæ, vt ostendere- tur, illum sibi met non aduersari, quod erat in quæ- stione.

Errat XI. quia temeritatem irremissibilem & ve- nia indignam illud vocat, quod si temeritas est, e- tiam competet Illustrissimæ suæ dominationis, nam Canones, qui in hac materia adferuntur, duo sunt.
Canon,

Canon, [Quicumque litem,] Can. [Quaecunque cō-
tentiones,] 11. q. 1. quos citans Dom. Cardinalis lib.
5. de Rom. Pont. c. 5. primò nō appellat sacros, dein-
de eos reiicit cū nullius authoritatis, sic dicēs, [Re-
spōdeo ex illis Canonibus priorem esse Theodosij
Imperatoris, qui ex pietate, non ex debito, id hono-
ris Ecclesiæ detulit:] Id ipsum scilicet quod dixit
author de Constantino, fuitque ob id reprehensus
ab Illustris. sua dominatione, & paulò post, [quem
iam esse abrogatum per alios Canones, Glossa ibi-
dem asserit.] Præterea fuit Canon à Gratiano malè
citatus, nam Theodosius quod in Canone dicitur,
non concessit: [Posteriorem Canonem perspicuum
est non esse alicuius Principis qui posset leges con-
dere.] Cū igitur cū Authori sermo sit de duo-
bus hisce Canonibus, dum ita loquitur, nec eos sa-
cros vocat, tātoperè clamat Dom. Cardinalis, vo-
cans istud peccatum irremissibile, ac si esset in Spi-
ritum sanctum, eiusmodi exaggerationes, scriptori-
bus fidem & authoritatem penitus tollunt.

Errat XII. quia Canones quos ipsemet refutat,
factos esse dicit ductu Spiritus S.

Errat XIII. quia dicit dandum semper esse Ca-
nonibus sacrorum epithetum: ipsemet verò dicens
Canonem illum, *Quicumque* abrogatum esse per a-
lios Canones, vocem sacrorum prætermittit, & de
probatissimis loquitur.

Errat XIV. quia cū sit epithetum, sacri, tum
civilibus, tum Canonicis legibus commune, ut in
civilibus, ita & in Canonicis legibus, sæpe omitti-
tur, imò non citatur sacer Canon. *Quicumque*, sed Ca-
non *Quicumque*.

Errat XV. quia licet Conciliorum & Ecclesiæ

quæ errare nequit, definitiones, de fide, sacræ sint, & Spiritus S. ductu factæ, tamen sexcenti alij Canones de rebus particularibus, sine errore in fide dici nequeunt facti ductu Spiritus S. ipse enim Ioh. 16. [docet nos omnē veritatem,] & Pontifices in Canonibus particularibus sæpè errarunt, & errare possunt, nec vllus de hoc dubitat, idque Dominus Cardinalis concedit sæpius in suis libris de Potestate Romani Pont.

Errat X V I. quia author eos Canones attulit, qui ab aduersariis adferri solent, sūntque iam dicti, & similes, ipse verò dicit illum loqui de omnibus Canonibus, & in omni materia.

Errat X V I I. quia concurrentiam vocat contrarietatem, & tamen possunt concurrere duo iura, nec vnum alteri aduersari, exempli gratia, præceptum de audienda Missa, cum eo concurrat de iuuando ægro, non obseruatur illud de audienda Missa, vt obseruetur hoc de iuuando ægro, iuxta Christi præceptum, [misericordiam volo, & non sacrificium.] An igitur vnum alteri est contrarium? quis vnquam hoc dixit? ita sunt multi Canones, qui vbi obseruari possunt absque maioris obligationis, iuris nempe diuini & naturalis, præiudicio, benè est: Sed quum hoc fieri nequit, cédunt Canones naturæ legi, neque hoc, contrarietas, sed subornatio appellatur.

Errat vltimò, quia Canones indifferenter vocat Regulas à Spiritu S. per Pontifices & Concilia, præscriptas, sine vlla distinctione, qua in re illos omnes promiscuè authoritate æquales facit Sacræ Scripturæ, quæ est diuinitus inspirata, & Ecclesiæ quæ non potest errare definitionib' de fide, imò dat eis istud epithetum:

epithetum: interim tamen in multis Canonibus errores deprehensi sunt, ac reuocantur, & qui eos constituit, etiam abrogare potest: cum contra in Sacra Scriptura, & in definitionibus de fide, talia non reperiuntur, nec ibi quicquam emendari, aut reuocari possit: & huius alia non est, quam authoris ratio, quod nempe sacra Scriptura sit à Deo inspirata primo loco, secundo loco definitiones de fide supradictæ: verum Canones, qui errores continent, vel continere possunt, leges sunt humanæ. Qui contra hanc doctrinam loquitur, à veritate Catholica est admodum alienus.

A V T H O R.

AD infringendum robur nostræ huius Propositionis, dicunt quidam Alexandrum VI. Papam Indias Hispaniarum & Portugalliæ Regibus distribuisse, ipse enim vt Christi vicarius, earum Princeps erat temporalis: & Leonem III. eadem ratione Carolo Magno dedisse Imperium occidentis: verum hi toto cælo aberrant: siquidem Alexander non tanquam dominus *Indiarum* (à Bellarmino prætermissum) Sed tanquam iudex compromissarius, ab ipsis Regibus, ad sopiendam & extinguendam dissidiorum flammam electus, per iudicium determinauit maria diuidenda esse, & vt classis vnus per hoc, alterius per aliud mare nauigaret, & quod quisque acquireret, hoc iure belli suum esset, iuxta diuisionem ab ipso factam, vt referunt historici * illorum temporum Leonem I I I. verum est cum à populo Romano de Sede Apostolica

deturbatus, & à Carolo Magno ad eandem restitutus fuisset, effecisse ut populus eum Imperatorem proclamaret, ut ait Platina: quod factum Historici modò populo Romano adscribunt, qui Imperium videns à Græcis malè gubernari, antiquo iure alium Imperatorem elegerit, modò dicunt, Carolum cùm Rerum esset dominus, ab Irene & Nicephoro Imperatore comparasse titulum: modò Irenem & Nicephorum hac diuisione contentos fuisse. Ut sit, certum est Pontificem è sede Apostolica detrusum, nihil possideantem, Carolo nō dedisse Occidentis Imperium, quod iam habebat, eiusque iure belli erat Dominus. * An verò absolutè titulum ipsi cōcesserit, etiam incertum est: licet ad hoc & id genus alia quæ aduersus Propositionem nostram adduci possunt, responderi debeat, Pontificem cùm auctoritatem à Christo in temporalibus non habuerit, ut dictum est, & in sequenti Propositione clariùs dicetur, si auctoritatem illam exercuerit, vel id fecisse ex legitimorum Dominorum consensu, vel quòd ipse potestatem etiam aliquam temporalem haberet, vno è quatuor supradictis modis: verùm per id non probatur ipsum auctoritatem habuisse directè in temporalibus à Christo Salvatore nostro: præterea multa fiunt à quibusdam, de quibus si quæretur quo iure fiant, non sit inuentu facile. * à Bellarmino prætermissum.

OBJECTIONES

Bellarminus.

Quemadmodum propositio non est ad rem, ita nec etiam rationes pro & contra: in detegendis itaque huius Neotheologi erroribus tantum inmo-

immorabor. Dicit itaque Alexandrum VI. maria diuissse Regibus Hispaniæ & Portugalliæ, & decreuisse vt quicquid iure belli acquirerent, hoc ipsorum esset. Vbi si verba hæc, iure belli, significant iustum bellum, quod præsupponit acceptā iniuriam ab eo cui bellum inferitur, vt docet August. l. quæstionum in Iosue, q. 10. benè dicit: si autem denotāt bellū inferri posse infidelibus Indianis, licet Christianos non infestent, solum ad acquirendas terras, non benè loquitur, & cōtra meliores omnes Theologos, vt sunt Card. Caietanus in com. 22. quæst. 66. Sotus l. 5. de Iustitia & iure q. 3. art. 5. & in 4. Sent. distinct. 5. q. 1. art. 10. & Victoria 2. relationum de iure belli: qui dicunt infideles veros esse prouinciarum suarum Dominos: vt enim D. Thomas docet 22. q. 10. art. 10. Fides & gratia non destruunt naturam, atque ideo non tollunt iustum dominium, quod homines habent antequam fidem accipiant, nec licet ad Prouincias acquirendas exire, vt ad capiendas feras irracionales venatum exiri solet. Eapropter Sotus dicit Alexandrum VI. Indias non assignasse Castiliæ & Portugalliæ Regibus, sed tantum concessisse vt cum Prædicatoribus in nouas illas insulas euntibus, armatam manum mitterent, qua Prædicatores nouique Christiani defenderentur. Quibus etiam addi potest, Alexandrum VI. Pontificem, tanquam Christiani orbis caput, cum belli periculum ob commercium cum Indis, inter Principes Christianos prospiceret, voluisse solum Castiliæ Regem nauigare ad Indias Occidentales, Portugalliæ verò Regem ad Orientales. Attingit postmodum hic author translationem Imperij factam à Papa Leone III. & cum nō ignoraret cōtrouerſiam

quæ est hac de re inter Matthiam Illyricum hæreticum Lutheranum, & Bellarminum, voluit vt semper ad deterio rem partem inclinat, hæretici errores sequi: vnde ait Carolum Magnum à populo Romano imperium habuisse, aut titulum à Nicephoro & Irene comparasse, aut Nicephorum & Irene in diuisioni Imperij consensisse, ac summationem certum esse Pontificem Occidentis Imperium, Carolo Magno non dedisse. Cùm tamen Bellarminus autoritate triginta trium Historicorum, decem Imperatorum, & omnium Imperij Electorum, septem Summorum Pontificum, & euidentibus rationibus, omnes titulos quibus Imperium aliquod acquiritur, examinans, probet Carolum Magnum à Papa Leone III. Summo Pontifice Imperium accepisse: Vnde Illyrici & noui huius Theologi opinio, in historia hæresis, & in Theologia temeritas vocari potest, siquidẽ historicis omnibus & sacris Canonibus aduersatur. Et vt omittantur alia loca, Innocentius III. cap. Venerabilem, de elect. sic ait: Romanum Imperium in personam Magnifici Caroli Sedes Apostolica à Græcis transtulit ad Germanos. Et Clemens V. vnà cum Generali concilio Viennensi in Clement. quæ incipit, Romani Pontifices, id ipsum repetit. Quomodo igitur temerarius nõ est qui duobus summis Põtificibus, & integro Generali Concilio contradicit? Nec verũ est Platina contrarium scripsisse, nã solũ dicit: Papa decreto & precibus populi Romani creauit Carolum Imperatorem, significare volens, populum decreuisse rogandum esse Papam, vt Carolum Imperatorem facere dignaretur. Nec esse potest vt Carolus iure belli Romanum Imperium acquisierit, cùm aduersus Romanos bellum

nun-

nunquam gesserit. Minus verum est ipsum ab Irene & Nicephoro titulum comparasse, quæ sunt Matthiæ Illyrici figmenta absque vlllo fundamento. Nec verum est Carolum à populo Romano habuisse imperium, nunquam enim Populus Romanus aut Senatus habuit hanc potestatem, & omnes antiqui Imperatores, aut ab exercitu aut ab antecessore electi fuerunt, ac proinde Maximus & Balbinus, Imperatores à Senatu electi, subitò à militibus occisi fuerunt: dedignabantur enim accipere Imperatorem à Senatu, vt refert Herodianus cap. 8. historiæ suæ. Ideò etiam D. Hieronymus epist. 85. ad Euagrium, inquit, Imperatores eligi ab exercitu. Demum non obstat Papam Leonem non possedisse Imperium quum Carolo Magno illud commisit: non enim possessionem, sed titulum solum & ius dedit, quibus fiebat vt legitimus esset Princeps earum Prouinciarum, quas Imperatores Occidentales gubernare solebant, & dignitates ac prerogatiuas haberet, quas alij Imperatores habuerant. Vt autem hoc fieret, Pontificè Imperium possidere minimè opus erat, sed eum esse Pontificem sufficiebat, ac proinde potestatem Apostolicam habere, quæ, prout orbi Christiano vtile est ac necessarium, de Christianorum Regnis & Imperiis disponere potest, vt summi Pontifices sæpe factitarunt.

D E F E N S I O.

Marsilius.

Dixerat author Pontificem iure Pontificatus temporale Dominiū exercere nō posse, quia Vicarius nō sit maior suo Principali: & quoniā Christi

Vv ij

Domini nostri actiones, esse debent actionum sui Vicarij regula, ideò valdè ad rem adducit nunc duo aduersariorum argumenta à facto, ad veram in iure doctrinam impugnandum, alterum Alexandri V I. alterum Leonis I I I. qui duo Pontifices temporale Dominium exercuisse videntur, ille Indias Hispaniæ & Portugalliæ Regibus diuidèdo, hic verò Imperium in Occidentem transferendo, vel potius Carolum Magnum Occidentis Imperatorem declarando, quæ duo argumenta, sola hac ratione soluit, quòd nempe id non fecerint iure Pontificatus. Postea rationem reddit facti, non ex propria sententia, sed iuxta Historicorum sententiam: quod an ad rem faciat, nec-ne, prudenti Lectori considerandum mitto: & præterea recentiores omnes Doctores qui de hac materia disputant, hæc duo proponunt argumenta: sed tam exigua est Illustrissimæ suæ Dominationi, Propositionibus contradicendi cum veritate, occasio, vt non mirum sit si sepius quod non est, impugnet.

Errat I. quia digressionem facit de bello iusto, ac de modo conuertendi Indos: quam præterire poterat, aut aliam facere de nauigatione, quia dicit Author illam diuisionem à Pontifice factam fuisse, ne alter alterius nauigationem & acquisitiones impediret. An Reges Hispaniæ & Portugalliæ iustas fecerint acquisitiones, nec-ne, hic non est dicendi locus, maximè cum de Catholicis illis & Christianissimis Principibus cogitari non debeat, eos non nisi magna cum ratione, & religione omnia fecisse: hic agitur tantum de Marium diuisione ab Alexandro facta. Author deinde præsupponit, tam nauigationem quàm acquisitiones, legitimas esse debuisse, id est iure

est iure belli, vt reuera fuerunt, nec in dubium res certas reuocare opus est: quod in Catholici Regis Hispaniæ Philippi III. naturalis mei Domini defensionem dictum sit, qui dominia illa iusto titulo possidet.

Errat I I. quia dicit Alexandrum, eiusmodi fecisse diuisionem, nec dicit an de iure, vel de facto, sed dicit eam fecisse vt Christiani orbis caput, & tamen habet omnis Christianus duo capita, vnum in Spiritualibus, Pontificem, alterum in temporalibus, naturalem scilicet ac legitimum Principem temporalem huius aut illius ditionis: non fecit eam Alexander vt Princeps temporalis, igitur vt spiritualis, sed vt spirituali, iam probatum est, de iure non competere eiusmodi potestatem, & quando competeret, non erant illæ Christianorum, sed infidelium regiones, ergo factum excusare oportet sicut Author illud, vnâ cum historicis excusat, quod nempe hoc fecerit vt Iudex à partibus electus, & compromissarius. Verum quidem est, hoc iudicium ipsi potius, quàm aliis comittendum fuisse, quod esset Christi Vicarius, & supremum eorum caput in spiritualibus, neque hîc Pontifici denegatur illud indirectè, quod ei concedunt multi Theologi, nam illud, indirectè, non denotat auctoritatem, vel iurisdictionem absolutam in temporalibus, sed accessoriè, casu, consulendo, admonendo, arguendo, in omni patientia & doctrina: propterea Nauarrus cap. Nonit. de iudiciis, solidique omnes Doctores, quum de his & similibus Pontificum actis loquuntur, vbi indirectè miscuerunt se negotiis secularibus, partium simulque prætendentium consensum requirunt, quo primaria nititur autho-

ritas exercendi dominium in re quapiam temporalis, & non iure Pontificatus.

Errat III. quia dicit Alexandrum id fecisse, ut Christiani orbis caput, & contra communem opinionem, circa factum illud loquens, non probat quod dicit: prætereà regiones infidelium diuidere, non spectat ad caput Christiani orbis, [quid mihi de his qui foris sunt iudicare?] ait D. Paulus, 1. Corinth. 5. c. 3. Insuper Caput erat in spiritualibus, non in temporalibus.

Errat IV. quia cùm fideliter author citet quod de Leonis III. facto referunt Historici, ipse dicit, illum in hæresim in historia incidere, quia refert quod dicit Illyricus. Primò quia hæresis esse nequit in historia, quæ profana est, & non è Sacra Scriptura: secundò, quia dictum Illyrici non probat, & ut Catholicus eum non nominat: tertio, quia author responsa illa non adducit ex propria sententia, sed tantum ut ostendat Leonem quod fecit, non fecisse iure Pontificatus, siquidem Historici non conveniunt, dum scilicet hic ad vnam, ille ad aliam causam id refert.

Errat V. quoniã Illustrissima sua Dominatio præsupponit ostendisse in tractatu suo de Translatione imperij, Leonem id fecisse iure Pontificatus, attamen Historici quos adducit, Imperatorum & Pontificum dicta, non de iure loquuntur, sed de facto: prætereà plerique illi Historici, ne dicam omnes, intelligi possunt de vñctione, de coronatione, ac de omnibus illis ceremoniis, quas personæ sacræ faciunt in Regum coronationibus, ut

bus, vt Rhemorum Archiepiscopus in Christianissimi Coronatione, qui ob id non propriè eum creat, & Regem facit: Patriarcha Constantinopolitanus Imperatores Orientis coronabat, nec idè ullus vnquam dixit, quòd eos faceret Imperatores. Sed esto vt præter hoc, Leo cum populo concurrerit ad Carolum Imperatorem proclamandum, eique titulum tribuendum, non propterea cõcluditur, id fecisse de iure, vel autoritate quam haberet id faciendi. Hac occasione liceat mihi circa hoc factum sententiam meam cum omni synceritate aperire. Certum est Pontificem, cùm Imperatorem Constantinopolitanum titulo Imperatoris Occidentis spoliare vellet, in maius orbis Christiani bonũ, vt id fecisse dicit Dom. Cardinalis, primò illum canonicè monere, ac modo solito citare debuisse, quod non legitur vnquam fecisse Leonem. Secundò, titulum illum possedisse, eumque cui vellet dare potuisse quod certum est in ipso non fuisse, nam vt Papa, iure Pontificatus, non est dominus similium titulorum, nec ullus ex antecessoribus res ciuiles fecerat. Tertiò fuisse simpliciter necessarium ad Christiani orbis conseruationem, Carolo dare hũc titulum, debile est & mancum: sufficiebat enim vt Carolus esset Rex Occidentis, & Catholicus, ad bonam administrationem, præter hoc quod titulus non facit vt quispiam suos populos regat, vt par est, sed Potentia, Prudentia, & Religio. Quartò, illum potuisse titulum Imperatori, cuius erat, tollere, neque hoc dici debet, nã [nō eripit mortalia, qui regna dat cœlestia.] Superest igitur, vt ipse Leo vidēs Carolum Occidentis esse dominum iure belli, quia

omnes ei obediebant, licet bellum cum omnibus non gessisset, cum speciatim designatus esset scito populi Romani, eum coronarit, & vnixerit Romanorum Imperatorem, precibus eorum motus: ad hoc faciendum inductus fuit, vt ait Platina cum aliis, scito populi Romani, & precibus: quod licet ab ipso factum fuerit iuxta omnes hasce considerationes, non ideo tamen existimo, Carolum apud se planè certum fuisse se titulum illum de iure possidere, donec annis 12. ab hoc facto, fuerit à Michaelē Imperatore Constantinopolitano vocatus Imperator Occidentis: qui hac ratione cessit iuri suo, & suas omnes prætensiones in Carolum transtulit, cum antecessores eius ad illud vsque tempus, alium Carolo, quàm Regis titulum non dedissent. Igitur si Christianè, iustè, legitimè, hanc de translatione Imperij causam adferre possimus, cur ad emendicatas doctrinas confugiemus? Nec mirum est, quòd in huius translationis principio non ea sit iustitia, quæ requireretur, nam omnia Imperiorum titulorumque temporalium principia quum transferuntur inuitis Dominis, hoc defectu laborant, cui postea remedium adfertur, vel pacifica possessione, vel partium consensu. An verò illa Michaelis cessio innueret Papam in posterum aut populum Romanum, aliòsve potestatem habituros creandi Imperatorem Occidentis, hic non est de eo disputandi locus.

Errat VI. quia dicit authorem Pontificum & Concilij dictis aduersari, cum tamen non ita sit: Author enim solum dicit, id non fecisse Leonem iure Pontificatus: illi autem Pontifices & Concilium de facto loquuntur, & forsan de alio iure humano, de quo non agit author.

Errat

Errat VII. quia cū superius Illustrissima sua Dominatio in sua ad Primam propositionem response dixerit, auctoritatē eligendi Principem, urgente necessitate esse penes subditos & populum, iam negat populum Romanum, Carolum Imperatorem eligere potuisse.

Errat VIII. quia Imperatoris electionem ab exercitu factam probat, cū tamen esset violenta electio. Augustus qui tribuniciam potestatem habuit post Cæsarem, legitimum Romanorum Principem, ab exercitu electus non fuit, sed à populo, à quo etiam Consularem dignitatem accepit: electio verò faciebat exercitus, violenta erat, cui tamen populus Romanus, cū aliter non posset, consentiebat. Diuus Hieronymus autem de facto loquitur, sed non dicit hunc, & non alium fuisse modum legitimum Imperatores eligendi: Vespasianum à Populo eligi voluisse cum eadem Augusti potestate, certum est, ut in celebri illo Capitolij marmore legitur, titulo legis Regiæ &c.

Errat IX. quia factum militum eorum probat qui Maximum & Balbinum interfecerunt, hac tamen fuit actio violenta, & quia Senatus eos elegerat, spectante ad Populum electione, cū Romanorum status esset Democrazia.

Errat X. quia cū Platina & alii dicant Pontificem magna voce Carolum Magnum Imperatorem declarasse, eūque coronasse scito & precibus populi Romani, ipse decretum illud interpretatur, non quòd populus decrevisset ut Pontifex eum proclamaret & coronaret Imperatorem, sed quòd eum rogasset, ut ipse propria auctoritate id faceret: qui

hanc verborum detorsionem non videt, dicere potest Romanum populum, cum necessitatis casu iure ad se potestatem eiusmodi peruenisse existimaret, decretum illud fecisse. Ipse verò præter rationem, & verborum sensum, vult rem Pontifici tribuere, quam iure Pontificatus facere non potuit: atque interim rationes ordinarias, probandi factum Pontificis, deserit, ad extraordinarias & imperceptibiles confugiens.

Errat XI. quia per illud quod est in questione, probationem instituit: ait enim sufficere ad Imperia transferenda, esse Pontificem, & hoc probat, quòd pauci quidam Pontifices tale quid facere ausi sint, quorum plerique tentarunt quidem, sed eis non benè cessit: & licet paucis quibusdam, & rarò benè cesserit, hoc non probat Pontificem id facere, aut facere posse, quia sit Pontifex: argumentum enim à facto ad ius non valet, maxime quum ius facto repugnat, enim uerò cum Pontificatus quàm Pontificatus, neque Christi Domini nostri, neque omnium Pontificum exemplo, per multa secula, neque ex vlllo Scripturæ loco, adnexum habeat istius Dominiij exercitium, quando Pontifices id exercuerunt, vt reddatur huius ratio, non ad Pontificatum, sed ad humanum aliud præscriptum, aut violentiam, aut titulum, confugere oportet.

Errat vltimò, quia dicit Authoris doctrinam, quòd scilicet Pontificatui iure diuino, nullum temporalis Dominiij exercitium, adnexum sit, in Theologia errorem & in historia hæresim esse: ego verò dico errorem esse in historia, & veræ Theolo-

ræ Theologiæ parùm consonum, contrarium asserere, vt superius probatum est.

Defensio quarta Propositionis.

C A P. V I.

Quarta Authoris Propositio.

Authoritas à Christo Salvatore nostro, promissa Diuo Petro sub clauium metaphora, est merè spiritualis: Tibi dabo clauēs regni cœlorum, non dicit regni terrarum. Et ratio id dictat, quod in hymno Ecclesiæ legitur: Non eripit mortalia, qui regna dat cœlestia. Nam quo pacto regnum temporale & Monarchia gubernanda sint, iam ab initio Mundi, autoritate Magni illius Monarchæ totius vniuersi, nempe Dei, constitutum erat, itaque Christus Saluator noster monarchiam temporalem non fundauit, superest igitur vt fundarit spiritualem, quod apertè videre est in Diuo Iohanne capit. 20. vbi cùm dixisset, Data est mihi omnis potestas in cœlo, & in terra, omnino eandem Apostolis vnà cum Diuo Petro limitatam concedit: Insufflauit in eos, & dixit, accipite Spiritū S. quorum remiseritis peccata, remittuntur eis, & quorum retinueritis, retenta sunt. Quo in loco ex ipsa actione quam Christus exercet, & ex verbis quæ profert, colligitur summi Pontificis autoritatē spirituale esse, & de peccato, & in animas tantum, iuxta orationis Ecclesiæ verba ad D. Petrum, Qui beato Petro potestatem animas ligandi atque soluendi tradidisti: quæ limitata est, vt dixi. Quinimò autoritas excommunicandi data D. Petro, est con-

ditionalis, Matth. 18. Si peccauerit in te frater tuus, & Ecclesiam non audierit, sit tibi sicut ethnicus & publicanus, Quo loco Saluator excommunicandi auctoritatem concedit, verum peccato, & in eo pertinaciâ præsuppositis.

O B I E C T I O N E S.

Bellarminus.

A Deò in minuenda Pontificis dignitate hic author pergit, vt in suspicionem veniat credendi Pontificem esse tantum simplicem aliquem Sacerdotem & Parochum, aut nullam iurisdictionem habere, nihilque aliud posse, quam ad legis diuinæ obseruationem hortari, quod Concionatoris officium est, baptizare, confessiones excipere, quod Parochorum est: quæ in re videtur renouare velle hæresim Valdensium, Marsilij Patauini, & Iohannis Hus, quam hac ætate recentiores omnes hæretici amplectuntur: Sed accedamus ad eius verba. Primò ait potestatem Pontificiam merè spiritualem esse. Ad quid illud merè? non-ne melius erat dicere, principaliter spiritualem esse. Nauarrus quem tanti facis, & legi vis, in capit. Nouit. de iudiciis, & solidissimum Doctorem appellas, dicit quidem Pontificis potestatem non merè esse temporalem, sed non dicit merè spiritualem esse, ac si nullo modo rerum temporalium dispositionem attingere possit. Quinimò dicit potestatem esse eminentissimam, quæ cum in se spiritualis sit, ac proinde temporali superior, possit ac debeat dirigere temporalem, quum aberrat, vt superius dictum

ctum est. Nec obstat Christum dixisse, Tibi dabo claves regni cœlorum ; non verò, Tibi dabo claves regni terrarum , neque dictum Ecclesiæ, Non eripit mortalia , qui regna dat cœlestia, fuisseque Monarchiam temporalem iam fundatam. Per hæc enim significatur Christi regnum, cuius claves Petrus habuit , non esse regnum temporale, quod acquiri non possit, quin aliud illud amittat: sed eiusmodi regnum esse quod omnia Regna gubernat , ita ut iis dominium non tollat qui iure ipsum possident : aliàs enim dicere etiam posses, nec Deum habere potestatem in res temporales , quia non eripit mortalia, qui regna dat cœlestia. Dicit secundo, Christum Apostolis ac Diuo Petro dedisse potestatem limitatam, supra peccatum scilicet, Iohan. enim 20. Insufflauit, & dixit : quorum remiseritis peccata, remittuntur eis. Hæc planè est eorum hæresis, qui omnem Pontifici & Ecclesiæ iurisdictionem tollunt: quæ hæresis verbis ipsius Christi eodem loco , paulò antè citata verba , damnatur : nam priusquàm diceret , quorum remiseritis peccata, remittuntur eis, dixit, sicut misit me pater, & ego mitto vos. Quibus verbis absolutam potestatem & illimitatam dedit , loco sui Ecclesiam gubernandi , atque idè aiunt Theologi, cum his verbis potestatem iurisdictionis, aliis verò verbis potestatem ordinis dedisse, & quando postmodum capite sequenti Diuo Petro dixit: Pasce oves meas, certum est non restrinxisse potestatem ad absolutionem peccatorum , sed potestatem amplissimam dedisse gubernandi regendique totam Ecclesiam : hoc enim verbum , Pasce,

idem est quod in Græca lingua in qua scripsit Iohannes, cum eo quod est Apocalypſ. 19. Et ipse reget vos in virga ferrea: & illo Micheæ 2. iuxta translationem septuaginta Interpretum: ex te exibit mihi Dux, qui regat populū meum Israel: adeo ut iuxta modum loquendi Scripturæ, D. Petrum pastorem creasse, idem fuerit ac eū totius Ecclesiæ rectorem, gubernatorem ac Principem constituisse. Quum verò dixit ei Matth. 16. Quodcumque solueris, & quodcumque ligaueris, non restrinxit ad peccata potestatem, nec etiam ad personas, quia non dixit, quemcumque solueris aut ligaueris, sed quodcumque: volens scilicet exprimere potestatem quandam vniuersalem ligandi & soluendi, id est, imperandi, condendi leges, atque etiam liberandi & soluendi, prout opus fuerit, ad ducendum & introducendum fideles in regnum cœlorum, cū habeat plenissimam auctoritatem præscribendi omnibus ea quæ credenda & facienda sunt, remouendi etiam obstacula omnia, quæ in via salutis occurrere, nōsque morari possunt, vt fusiùs libr. 1., de Pontifice ostendimus. Dicit tertio Pontificem habere tantū potestatem in animas, & hoc colligit ex oratione illa: Deus qui beato Petro animas ligandi atque soluendi potestatem tradidisti. Si valet hæc ratio, Principes etiam seculares non nisi in animas potestatem habebunt, quia D. Paulus dicit, Omnis anima potestatibus sublimioribus subdita sit. Vnde hic author aut nimium rudis est, non attendens, in Scriptura animam accipi pro toto homine, aut simplices, verbis Ecclesiæ malè intellectis decipere voluit. Ac fortasse diuina prouidentia ad tollen-

tollen-

tollendam viam eiusmodi deceptionibus, Breuiarij reformatoribus inspirauit, vt ex illa oratione vocem hanc, animas, auferrent, vt neque antiquitus in ea fuit, nec esse debet, cum oratio ex verbis Euangelij deducta sit: Quodcunque ligaueris, & quodcunque solueris. Addit demum, excommunicandi potestatem conditionalem esse vt quæ peccatum & in eo pertinaciâ præsupponat. Quæ doctrina noua est & falsa, nec author vllus adduci poterit qui tale quid dicat. Verum est præsupponi peccatū, & in eo pertinaciâ: cum enim excōmunicatio pœna sit grauissima, sine culpa eaque grauissima, qualis est peccatum mortale, infligi nequit. Verum etiam est præsupponi inobedientiam, aut potius contumaciam, nec sufficere quodcunque peccatum ad excommunicandum, nisi adiungatur pertinaciâ, dixit enim Dominus, & si Ecclesiam non audierit. Vnde excommunicari aliquis non potest, quia fur sit vel adulter, nisi prius admonitus obedire recuset. Sed multum inter se differunt, fieri enim potest vt aliquis in peccato quopiam sit pertinax, de quo ab Ecclesia non sit admonitus, & eiusmodi, licet pertinax, excommunicari non potest: & è contrario fieri potest vt aliquis sit inobediens, & excommunicari possit, etiamsi in inobedientia postmodum pertinax non sit, & verba Domini, si Ecclesiam non audierit, significant inobedientiam, non pertinaciam, propriè loquendo. Nec opus est vt in probatione huius multum laborem, sunt enim hisce authores pleni: aduersarius autem assertionem suam non nisi vnica authoritate malè intellecta probauit.

DEFENSIO DEFENSIO.

Marfilius.

ESt adeò perspicua hæc propositio, vt maxime
 mirer Dom. Cardinalem inuenisse quod ei op-
 poneret, tamen vt solide respondeatur, eam prius
 explicare necessum est. Nō loquitur Author de om-
 nibus Potestatibus quas à Christo Domino nostro
 Dominus Petrus eius Vicarius accepit, duæ namque
 fuerunt, altera ordinis, & altera Iurisdictionis: hoc
 loco eius quæ est ordinis non meminit author, Iu-
 risdictionis modò potestatem definiens, quam di-
 cit esse merè spiritualem. Primò quia Christus Do-
 minus noster nullam Iurisdictionem temporalem
 exercuit, hæc Iurdictio quam Christus D. Petro
 dedit, pars est illius quam Christus ipse exercuit, er-
 go nullo modo est temporalis, sed merè spiritua-
 lis. Maior syllogismi superiùs fusè est probata, mi-
 nor ex verbis quæ habet Ioh. 20. clara est: [sicut mi-
 sit me pater, & ego mitto vos.] Certa igitur est con-
 sequentia, quòd nempe hæc Iurdictio nullo mo-
 do sit temporalis. Ergo est merè spiritualis. Secun-
 dò, hæc Iurdictio vel Potestas, non est omnis ea
 quam habuit Christus, vt Ecclesiæ caput, Aposto-
 lis enim Excellentie Potestatem non communica-
 uit, iuxta omnes Doctores, nec eam quoque Re-
 gni sui spiritualis, quæ à Dom. Cardinali æterna
 dicitur, sed omnino habuit initium, quamuis in
 æternum sit duratura, hac suam Ecclesiam occul-
 to quodam modo gubernat: eam enim solus in
 cœlo exercet: ergo Ramus est eius Potestatis, de
 qua Saluator dicit, Iohan. 20. [Data est mihi omnis
 potestas.] Christi siue vt summi Sacerdotis, siue vt
 Regis

Regis, potestas est merè spiritualis ; vt Diui Aug-
 gustini , bonorúmque omnium Theologorum
 authoritate probatum est : ergo ramus eius, nìmi-
 rum potestas Petro data, est merè spiritualis. Ter-
 tiò, Potestas data Diuo Petro, est soluendi, & ligan-
 di potestas, id est ; remittendi & non remittendi
 peccata: Potestas remittendi peccata, est merè spi-
 ritualis: Ergo Potestas data Diuo Petro, soluendi &
 ligandi, est merè spiritualis. Quartò qui definit
 habitum ex fine, cum optimè definit: Sic Aristo-
 teles virtutem definit, [est quæ bonum facit ha-
 bentem,] finis Potestatis Pontificis, secundum om-
 nes, est vita æterna : qui merè est spiritualis : ergo
 qui dicit Potestatem eius esse merè spiritualem, re-
 ctè dicit, quia definit eam ex fine suo. Vltimò, si
 Potestas Iurisdictionis à Christo data Diuo Petro,
 non esset merè spiritualis, sed temporalis, tunc ma-
 teriales clauēs sumpsisse , eique & aliis Aposto-
 lis dixisset, Accipite clauēs, quorum remiseritis
 &c. sed cum spiritualem illam fecerit actionem,
 insufflauit, dicens accipite Spiritum Sanctum, dubio
 procul ostendit Potestatem non esse temporalem,
 sed merè spiritualem, & hoc ipsum dicit author, ex
 actione scilicet Saluatoris , & ex verbis quæ pro-
 tulit, colligi esse merè spiritualem. Iam ad etrores
 accedamus.

Errat I. quia argumentatur à genere ad spe-
 ciem, sic dicens, Potestas Pontificis iuxta autho-
 rem, est merè spiritualis, Ergo vix credit Pon-
 tificem esse simplicem Sacerdotem, aut Paro-
 chum. Hoc planè est illius argumentum qui di-
 ceret : Dicis Leonem esse animal, ergo dicis Leo-
 nem esse formicam : & huius , Dicis potestatem

Regis Christianissimi esse temporalem, ergo dicis Regem Christianissimum esse patremfamilias : qui dicit Potestatem Pontificis esse merè spiritualem, non dicit eam ad vnā familiam contrahi, vel sine iurisdictione esse, vt est ea Parochi, sed concedit eam esse in omnes animas ipsi subditas.

Errat II. quia dicit hæresim esse si quis dicat Pontificis Potestatem esse merè spiritualem, at ego dico huius contrarium, non esse admodum Sacræ scripturæ consentaneum : non enim conuenit cum loco D. Iohannis, cap. 20. [Sicut misit me pater, & ego mitto vos.] Potestas quam Saluator exercuit à Patre missus, fuit merè spiritualis, vt probatum est. ergo cum sit Pontificis potestas, ramus potestatis quam Christus exercuit, est merè spiritualis. Verum quidem est eam in omnes proprios subditos extendi de iure diuino, quod quia authores nominati à Dom. Cardinali negarūt, condemnati fuerunt, non verò quòd dixerint esse merè spiritualem, aliud enim est dicere Pontificem non habere iurisdictionem, & aliud iurisdictionem eius merè spiritualem esse.

Errat III. quia dicit Nauarrum scripsisse Pontificis potestatem non esse merè temporalem, quod perinde est ac si dixisset, Pontificis potestatem esse temporalem, sed accessoriè spiritualem: hoc denotant illa verba, non est merè temporalis: at Nauarrus errorem adeò grauem nunquam scripsit: planè oppositum dicit. Verba Nauarri hæc sunt numero 41. [Credimus autem id quod Notabile hoc nostrum tertium habet, scilicet Romanum Pontificē, quatenus solūm est Romanus Pontifex, & Vicarius Christi

Christi summus, nudus ab omnibus privilegiis, & donariis humanis, nullam habere potestatem laicam, neque summam, neque mediam, neque infimam, neque actu, neque habitu: habere verò id quod nostra conclusio affixa valuis habuit, scilicet Potestatem Ecclesiasticam nouè à Christo Seruatore N. institutam, qualis nunquam ante illius institutionem in orbe fuit, quæque est species potestatis distincta à Laica, & longè nobilior ea, vt aurum est species metalli distincta à specie plumbi, & nobilior ea, quæque directè solùm amplectitur supernaturalia, indirectè verò eatenus naturalia, quatenus sunt necessaria ad consecutionem finis supernaturalis, ob quem sunt instituta. In quibus verbis plura deprehendo. Primum ne suspicionem quidem esse eius quod Dom. Cardinalis ascribit Nauarro, Pontificis nimirum potestatem merè temporalem non esse, imò planè contrarium dicere. Secundum, potestatem omnem laicam quam habet, eam privilegiis ac donariis humanis habere, non vt Christi Vicarium. Tertium, ipsum, vt est Christi Vicarius, nullam potestatem laicam habere, nec supremam, nec mediam, nec infimam. Quartum, non habere eiusmodi potestatis actum, neque habitum, id est facultatem exercendi eam, licèt non exerceat, & vt nonnulli dicunt, gladium in vagina. Quintum, potestatem eius esse Ecclesiasticam, eam scilicet quam Christus instituit, quæq; nunquam in Mundo fuit, prius quàm Christus eam institueret, Sextum, nihil eam commune habere cum laica potestate, imò penitus ab ea distinctam esse, sicut aurum à plumbo planè differt: & quemadmodum aurum non est plumbum, neque plumbum est au-

rum, ita Pontificis potestas nullo modo est temporalis, & Potestas laica nullo modo est Pontificia. *Septimum*, directe illam amplecti supernaturalia, id est gratiam, quam dat per Sacramenta, quæ supernaturalis est. *Octauum*, indirecte illam uti rebus naturalibus à Christo, in finem supernaturalem institutis, nempe aqua ad baptizandum, oleo ad extremam unctionem, pecuniis ad eleemosynam, præcipiendo ut (1. Corinth. cap. 9.) qui seruit altari, uiuat de altari, & non alligetur os boui trituranti, prout Christus instituit, ad finem supernaturalē assequendum. Hæc est potestas quam dicit Dominus Cardinalis Nauarrum vocare non merè temporalem, an loquitur vsquam de potestate temporali? imò nec de ea loqui somniauit, & quamuis spirituales potestatem dicat uti rebus naturalibus, eas tamen seculares, temporales, aut ciuiles non vocat, sed naturales, quas etiam restringit ad eas quæ sunt in finem supernaturalem institutæ, & non quatenus naturalia sunt, sed quatenus spiritualia, id est bonitate finis amicta, qui supernaturalis est, iuxta Christi institutionem.

Quomodo igitur verum est, quod Dominus Cardinalis dicit, Nauarrum Pontificis potestatem, laicam & temporalem appellare, quamuis non sit merè laica & temporalis, ipsūque se ingerere posse, quatenus Pontifex est, ad exercendum dominium & iurisdictionem temporalem? sed Illustrissimæ suæ Dominationi non est insolens, ut sæpius vidimus, Authores pro quadam opinione citare, qui planè contrarium dicant.

Errat I. quia dicit Regnum Papæ, omnia alia Regna gubernare, nescio an etiam Regnum magni Turcæ

Turcæ, vel Tartari, aut Chinæ Regis gubernet: Pontifex Regna non gubernat, Pastor est Christianorum, tempus demum est auellendi ex animo Catholico fixam hanc regnandi cogitationem, non est discipulus super Magistrum, neque seruus super dominum suum.

Errat V. quia Pontificem Deum fingit, qualem Philosophi agnouerunt, nempe Causam primam, dicit enim, sicut Deus omnia Regna gubernat, nec Regibus ea tollit, ita Pontificem omnia Regna gubernare, ea propriis Dominis non auferendo. Est adeò enorme hoc dictum, tam amplum Idololatriæ aditum præbet, vt ita leuiter illud præterire nequeam. Igitur Pontifex est omnipotens, omniscius, est vbique per præsentiam, essentiam, & potentiam: gubernat enim immediate omnia Regna, vt ea Deus gubernat. Nescio quâ fieri possit, vt in humana & Christiana mente radices egerit eiusmodi cogitatio.

Errat VI. quia dato, non concesso, Pontificem regna gubernare, vt ea Deus gubernat: causas secundas finit Deus operari, concurrunt modò cum eorum operationibus, cum bonis positiuè, cum malis permissiuè: cùm igitur sint bonæ Dominorum Venetorum operationes, cur eos Pontifex operari non finit? ne mihi dicat malas sibi videri, vellèque ob id remedium adhibere, nam si malis omnibus mederi aggrederetur, primò Deum non imitaretur, qui dissimulat, eaque permittit: secundò oporteret vt alia cœpta maiora sibi proponeret, quàm hæc sint velle duos captiuos, nimirum vt Summo Turcæ Regnum auferret, Indias omnes conuerteret, omnes ad vnitatem Eccle-

fiæ reduceret, & similia, quæ dum nequit Pontifex peragere, faciliè constat non ita se habere quod Dominus Cardinalis dicit ipsum omnia Regna gubernare, vt ea Deus gubernat.

Errat VII. quia dicit quòd sicut Deus omnia Regna gubernat, nec tamen ulli Regnum aut Potestatem aufert, ita summus Pontifex omnia regna gubernat, Regibus potestatem non auferens. Primò quoniã verba illa dicit Ecclesia de Christo homine & non de Deo, vt ait Dominus Cardinalis, à quo sibi Herodes metuebat, ne Regnum sibi auferret: [Hostis Herodes impie, Christum venire quid times? Non eripit mortalia, Qui regna dat cœlestia.] Deinde quia nemo temporalem potestatem in alterius regno potest exercere, vt Princeps independens, quin eam eius Regni Principi tollat: nemo, nisi alterius paupertate, diues euadit.

Errat VIII. quia dicit hæresim esse, si quis dicat iurisdictionis potestatem Apostolis datam, eam esse quam Christus ipsis dedit, Ioh. 20. Nescio quo alio loco Christus Apostolis Iurisdictionis potestatem dederit, siquidem omnes Doctores aiunt, in id & ipsemet dicit, Christum eo loco hanc eis dedisse, vbi Saluator tria dicit, primum est, Ioh. cap. 20. [Data est mihi omnis potestas in cœlo & in terra:] quod affert, vt ostendat se potestatis suæ partem, ipsis communicare voluisse. Secundum, [sicut misit me Pater, & ego mitto vos,] id est, à Patre missus sum ad tollendam delendumque peccata, & omne illud faciendum (quod Dominus Cardinalis dicit, contra secundam Propositionem scribens) atque ita mitto vos, ô Apostoli, ad idem faciendum: quibus verbis omnem suam spirituales potestatem

cis

eis non communicauit, non enim dedit eis potestatem absoluendi sine Sacramentis, nec instituendi Sacramenta &c. neque Regnum suum Spirituale & cœleste: ergo intelligitur hoc, *sicut*, limitatè, & non illimitatè, vt dicit Dominus Cardinalis. Tertium, [Insufflauit in eos, & dixit, accipite Spiritum sanctum, quorum remiseritis peccata, remittuntur eis, & quorum retinueritis, retenta sunt:] vbi limitat vocem (*sicut*) nempe Do vobis iurisdictionem Spirituale in animas & peccata: & hoc ita esse, dubium non est, quia promissionis est adimpletio: promissio facta fuit D. Petro, & Apostolis, sub metaphora ligandi & soluendi, cum clauibus in carcere claudendi, & cum eisdem liberandi: certum est peccati seruitutem, eam esse à qua nos Christus liberauit: vt in prima Propositione est probatum, igitur libertas est gratiæ. Propterea Saluator, quod sub metaphora promiserat, Matth. 18. verbis propriis Iohan. 20. explicat, dicens, [quorum remiseritis peccata, remittuntur, quorum retinueritis, retenta sunt,] nam liberare cum clauibus, & claudere, ligare, & soluere, remittere, & retinere peccata, verba sunt idem significantia, quædam propriè, quædam metaphoricè.

Errat IX. quia dicit Pontificis potestatem esse illimitatam, nec vllam rationem vel auctoritatem adfert, interim tamen nescio vt stet hæc Propositionio: solus enim Deus potestatem habet illimitatam. Principalis potestatem habet illimitatam, non autem Vicarius: præterea credo esse contra fidem, dicere omnem potestatem quam Christus habuit, vt Ecclesiæ, caput, quàmque

Xx iij

nunc in cœlo retinet, Pontifici cōmunicasse, quod proculdubio asseritur, dum dicitur Pontificis Potestatem esse illimitatam.

Errat X. quia cū de sola Iurisdictionis potestate loquatur author, quam Saluator dedit Ioh. 20. cum illis verbis, [accipite spiritum sanctum &c.] ipse transit ad vocem illam, *Pasce*, quæ ambarum potestatum, ordinis nempe & Iurisdictionis, exercitium complectitur.

Errat XI. quia cū Author Pontificis potestatem, ad hos vel illos subditos non restrinxerit, sed in genere loquutus sit, omnem eam Iurisdictionē spiritualement ipsi concedens, quam ei Christus reliquit: dicit eum Pontifici denegare Iurisdictionem. Existimo Dominum Cardinalem putare se cum stipitibus loqui, qui vel minimam ratiocinationis scintillam, aut super eo quod dicitur considerationem non habeant, sed fallitur.

Errat XII. quia citra vllam occasionem transit ad explicationem illius, *Pasce*, dicens Græcè significare, Rege: non nego Christum spiritualement esse Regem & Pastorem Ecclesiæ, & quemadmodum Reges temporales in Scriptura vocantur Pastores in temporalibus: ita Christum Pastorem, esse quoque Regem in spiritualibus: ac Pontificem esse Christi Vicarium, Pastorem, & Proregem, cum Potestate limitata in spiritualibus, quæ omnino est eminentissima, cū sit in animas & Christianos: sed hinc non nascitur Pontificem esse Regem temporalem, aut spiritualement, vt est Christus, vel habere ipsum potestatem vllam temporalem iure Pontificatus. Quinimò D. Iohannes bis vtitur ea voce Græca *Βασις*, & semel hac *ἀρχιποιε*, quam per illas duas

duas explicat, quæ sine controuersia, significant *pascere*, imò *procurare* propriè significat, *pascere*, vt hoc loco, & per metaphoram Rege, vt in Apocalypsi, quod contra ipsum facit: sed explicemus vocem *Pascere*, cum SS. Patribus: [Ter dictum est *Pascere*, ad significandum, quod habentes curam animarum debent subditos pascere pastu verbi Dei, & boni exempli, & prout potest etiam subsidio temporalis: sed illud quod hîc dicitur *pascere*, aliqui mali mutant in *tonde*, quia multum student circa subditos exactiorem temporalium exercere, & de pastu dicto triplici non curare.] D. Iohan. Chrysostom. Homil. 87. [Perpende verba, *pascere agnos meos*, id est fideles meos non tuos, non vt rem tuam, sed vt meam tracta, propterea petui an me amares, quia rem meam tibi commendare volui, & à te tanquam meam tractari, quem amorem erga me profiteris, erga illos exerce, ipsisq; exhibe, *pascere* autem non te, sicut illi faciebant pastores, de quibus dicitur Ezech. 34. Væh pastoribus Israel qui seipso pasciebant, ille se ipsum pascere dicitur, qui propriam vtilitatem, gloriam, & commodum, non ipsorum fidelium quos gubernat, non Dei gloriam ex regimine quærit.] D. August. in tract. 132. in Iohan. [Qui hoc animo pascunt oves vt suas velint esse, non Christi, se conuincuntur amare, non Christum, vel gloriandi, vel dominandi, vel acquirendi cupiditate, non subueniendi, non Deo placendi charitate: contra hos igitur vigilat toties inculcata vox Christi, quos Apostolus gemit, sua quærere, non quæ Iesu Christi:] & in eodem loco: Sicut oves meas *pascere*, non sicut tuas, gloriam meam in eis quære non tuam, lucra non

non tua, hoc idem docuit ipsemet Petrus, i. epist. cap. 5. Pascite, inquit, qui in vobis est gregem, providentes, non coactè, sed spontaneè, non turpis lucrì gratia, sed voluntariè, neque dominantes in Cleris, sed forma facti gregis ex animo.] Hæc sunt veri Pastoris exercitia, sic intelliguntur voces, *Pasce*, &c. non verò quòd pascere sit Pontifici regnare temporaliter, & in Reges omnes temporales: imò Sancti planè contrarium dicunt, illum nempe vitare debere lucra, acquisitiones, gloriam, dominium. &c.

Errat XIII. quia hoc, [quodcumque solueris,] de re omni intelligit: hoc modo Pontifex omnem modum posset solvere, omnes carceres aperire, omnia Regna transferre, mancipia quæcunque sunt in Turcico dominio liberare, pro suo arbitrio, imò difficultates omnes in qualibet materia solvere, quis doctrinæ huius falsitatem non deprehendit? Christus venit ad animas liberandas à servitute peccati, & ut Redemptor, ut omnes Theologi dicunt: hoc Pontifici incumbit, cooperari, in hac redemptione, solvere, & ligare peccata: non opus est falsis istis opinionibus colorem inducere, ut inde concludatur, Pontificem esse rerum omnium dominum, nec enim ita res se habet.

Errat XIV. quia cùm vox, *anima*, modò pro toto homine, modò pro anima sumatur, secundum materiam qua de agitur, ipse ab vno loco ad alium argumentatur, sine vlla similitudine: quia D. Paulus de temporali Dominio loquitur, vox, [Omnis anima,] intelligitur de potestate in hominum corpora, & in temporalibus: quia verò Christus spiritualem potestatem dedit D. Petro, vox, *animas*, in oratione Ecclesiæ, animam significat, non verò corpus in

pus in spiritualibus, & non in temporalibus.

Errat XV. quia dicit eos qui ex Breuiario vocem, *animas*, abstulerunt, à Spiritu S. inspiratos fuisse: nescio an Spiritus S. dissidiorum sit author, hoc scio, vnum è donis & fructibus ipsius, esse pacem. Orationis illius authores sibi proposuerunt explicanda verba hæc, [quodcunque ligaueris,] per vocem, *animas*, ex illo loco [quorum remisistis peccata,] siquidem peccata sunt in anima, non in corpore, ne scilicet vllus crederet, Pontificem esse Dominum in temporalibus & spiritualibus, bonorum scilicet corporum, & animarum, omniâque soluere & ligare posse, vt videtur credere Dominus Cardinalis, idque explicarunt per vocem, *animas*, ex qua explicatione, ad omnia dissidia quæ inter Papam & Principes, de meo & tuo, oriri possunt, remedium desumitur: v contra, qui vocem illam è Breuiario nuper abstulerunt, denuò dissidiis ac litibus fomentum pararunt: insuper notum est omnibus, è Conciliorum, Canonum, aliorumque Doctorum libris, ex ipsis etiam Breuiariis & Missalibus ablata esse, & adhuc auferri ea quæ Principibus Laicis fauent, vt periculum fiat num sensim, & progressu temporis stabiliri possit opinio de illimitata Potestate Pontificis in temporalibus: adeò vt qui libros anno 1530. vel 1550. editos, cum hodiernis confert, siue Concilia, siue alia describant, vindemiâ manifestò deprehēdat, vnde mirū est nos post vindemiam paucos aliquot racemos in Serenissimi Principis nostri defensionē inuenisse. Hæc est ratio, qua successu temporis, fides scripturis omnibus abrogabitur, & Ecclesia Dei evertetur, quod per occasionem mihi à Domino Cardinali oblatam,

dictum sit, & charitatis gratia, tum quòd in primis optem ne amplius hoc modo scripturæ deprauentur, quod itidem omni cum humilitate & reuerentia dictum sit.

Errat X V I. quia dicit, in antiquis Breuiariis, *vocem, animas*, non adfuisse: at ego vidi Breuiaria manuscripta, plusquam ducentorum annorum, & alia edita ante centum, in quibus adest vox, *animas*, & quando non adesset, inseri deberet, ad tollendas dissidiorum occasiones.

Errat vltimò, quia vocem inobedientiæ, cum pertinaciæ voce confundit: certum est, si quis legi cuiuspiam non obediat, cum excommunicari non posse, ut etiam certum est aliquem in peccato pertinacem, nisi fuerit monitus, excommunicari non posse. Verùm Author neutrum dicere somniauit: dicit modò, ad aliquem excommunicandum, oportere illum peccasse, & sæpiùs monitum non resipiscere, quod, quid est aliud, quàm in peccato pertinacia? enimverò si quis peccasset, & monitus resipisceret, non posset excommunicari: sed quia persistit, etiam monitus, ob id excommunicari potest: adcò ut pertinacia, sit vltima causa excommunicationis, cuius signum est evidens, quòd monitus non resipiscat, vnde non omnis inobedientia, materia est excommunicationis, nec omnis pertinacia, sed ea quæ monitionem præsupponit, de qua authori sermo est: & cùm de hac Doctores omnes loquantur, non est authoris doctrina aut noua, aut falsa: quia verò non est immorandum in rebus manifestis ad quintam Propositionem transeamus.

DEFEN-

IOH. MARSILII.
DEFENSIO QVINTÆ
PROPOSITIONIS.

333

Cap. VII.

Quinta Authoris Propositio.

Licet aliqui sint, qui nescio quo fundamento nixi, asserunt personas & bona Ecclesiastica, exempta esse à potestate Principis iure diuino, nihilo minus contraria opinio, nempe de iure humano tantum exempta esse, melior est, & sacra diuinæque scripturæ, dictis sanctorum patrum, & historiis magis consona.

O B I E C T I O N E S.

Bellarminus.

SI hic author alicuius esset reuerentiæ erga sanctam Ecclesiam, nunquam ita liberè & absolutè loqueretur, personas & res Ecclesiasticas iure solum humano exemptas esse. Concilium enim Tridentinum generale, sess. vltima, cap. 20. clarè docet immunitatem Ecclesiasticam ordinatione diuina, & decretis Ecclesiasticis institutam esse. Quis igitur Christianum se huic & tantæ authoritati opponere audeat? neque hæc authoritas sola est, prius enim Colonienſe Concilium parte 9. cap. 20. illud ipsum verbis hisce declarauit: Immunitas Ecclesiastica est res antiquissima, & introducta iure pariter diuino & humano. Et in Concilio Lateranensi sub Leone X. sess. 9. sic legitur: Nullo nec diuino nec humano iure habent laici potestatem aliquam in personas Ecclesiasticas. Quæ verba propriè contraria sunt huius authoris verbis, qui dicit Principes laicos iure diuino habere potestatem in personas

Ecclesiasticas. Ex quo magna nimis huius noui Goliath temeritas apparet, qui se huic agmini exercitus Dei, quale est Concilium generale, audet opponere. Et antè hæc Concilia, Bonifacius Papa in capit. Quinquaginta de censibus, hac de re ceu planè nota, & ab omnibus recepta, scripsit, quòd personæ & res Ecclesiasticæ à potestate seculari, iure diuino liberæ sint. Ante hunc Pontificem, Iohannes VIII. referente Gratiano d. 96. can. Si Imperator: scripsit, Deum omnipotentem ordinasse vt Sacerdotes & alij Clerici non ordinentur vel iudicentur à potestate seculari, sed solùm à Pontifice. Quod Pontifex hic de personis, multò antè, Papa Symmachus vnà cum toto Romano Concilio III. in eius præsentia celebrato, de bonis Ecclesiæ dixit. Hoc autem cum sacra scriptura conuenit: legitur enim Genes. 47. quòd Ioseph Patriarcha, cùm esset Vicarius generalis Pharaonis, excemerit Sacerdotes ab oneribus, quæ reliqua plebs ferebat: & 1. Esdræ, cap. 7. ab eisdem Artaxerxes Persarum Rex similiter Sacerdotes Hebræos absoluit: lumen enim naturale, quod immediatè est à Deo, dictat hoc esse conueniens. Vnde Alexander III. Papa in Concilio Lateranensi pulcherrimam hanc protulit sententiam: Non æquum est Ecclesiam Dei, tempore Christianorum Principum, minùs liberam esse, quàm fuerit tempore Pharaonis, cap. Non minùs, de immunit. Eccles. Sed videamus quibus argumentis suam probet sententiam hic author, dum dicit sententiam eorum qui asserunt exemptionem personarum & bonorum Ecclesiasticorum de iure humano esse, Sacræ Scripturæ, Sanctis do-

his doctoribus, & historiis magis consonam esse.

DEFENSIO.

Marsilius.

PEruenimus ad clauem veri sensus Catholicæ & solidæ authoris doctrinæ: ideò priusquàm ad eius defensionem transeamus, operæ precium est, aliquot Propositionibus declarare in quonam authoris opinio differat ab opinione Domini Cardinalis, eorúmque qui vulgò sub hereticorum titulo citantur.

Prima propositio. Magnum est discrimen inter hæc duo verba, non esse subiectum & esse immunem: is enim Principi alicui non est subiectus, ad quæ potestas illius Principis non extenditur, exempli gratia, Gallus qui vulgò degit in Gallia, non est Venetorum Principi subiectus, quoniam huius Principis potestas non extenditur ad eos qui Galli sunt, & in Gallia degunt: sed qui Venetus est, & Venetiis degit, si Venetorum Principi, eiusque legibus non pareat, & hoc ei permittatur, non dicitur id facere quia non sit Principi subiectus, sed quia vel à Deo, omnium domino, vel ab ipso Principe exemptus sit: adeò vt quum dicit author, exemptionem vel immunitatem Ecclesiasticam non esse de iure diuino, non intelligat in causis, in rebus, in delictis Ecclesiasticis & Spiritualibus, in his enim Clerici à potestate legitimi & naturalis ipsorum Principis immunes dici nequeunt, cum in his ei subiecti non sint. Superest igitur vt intelligat in bonis illis, in causis illis & delictis, quæ intra potestatis Principis terminos continentur, qui sunt temporales & politici: ex quo

multorum error elicitur, & speciatim illustriſſimæ ſuæ Dominationis, quæ ex hoc quod author dicit non eſſe Clericos à Principis naturalis poteſtate immunes iure diuino, infert, Ergo Princeps leges poteſt condere de Re diuina facienda, de Sacerdotum coniugio: non enim valet conſequentia, non ſunt immunes à poteſtate temporalī, ergo ſunt ſubiecti in cauſis delictiſque ſpiritualibus: vitanda eſt hac in materia homonymia, quæ multis olim, & etiamnum hodie errandi occaſionem præbet: itaque quum loquitur author de exceptione, exemptione, immunitate à poteſtate ſæculari, neceſſariò id accipiendum in illis cauſis, bonis & delictis, in quibus, dempto omni priuilegio diuino vel humano, aliquis Principi ſæculari neceſſariò ſubiectus eſſet.

Secunda propoſitio. Quatuor ſunt opiniones in hac materia hæreticis tributæ, quæque ceu damnatæ, reiiciuntur. Prima eſt Marſilij Patauini, & Ianduni; qui dixerunt, vt fertur, Chriſtum ſoluiffe tributum, neceſſitate coactum. Secunda Caluini, qui dixit, in omnibus cauſis, exceptis merè Eccleſiaſticis, Clericos Principi ſæculari ſubiectos eſſe ex officio: vnde negat poſſe illos eſſe immunes, aut vll. m. immunitatis priuilegium eis prodeſſe poſſe.

Tertia eſt Petri Martyris, qui dicit, Principes nullū poſſe Clericis exemptionis priuilegiū concedere, quod ſi fecerint, peccare, quoniam eiufmodi conſeſſio eſt contra ius diuinum. Quarta eſt Brentij & Melanchtonis, qui dicunt Clericos, etiam in cauſis merè Eccleſiaſticis, Principi ſæculari ſubiectos eſſe. Hoc totum deſumptum eſt ad verbū lib. I. cap. 28. de Clericis, Dom. Cardinalis: vnde colligitur

colligitur quàm fuerit vel affectata ignorantia, vel supina malignitas illius qui dixit in authoris doctrina esse Brentiana dogmata, Calviniana, & Martiana Patauiana: siquidem author non asserit cū Marsiliana Patauina, siquidē author non asserit cū Marsilio Patauino, si modò fuerit opinionis illius damnata, Christum soluisse tributum, necessitate coactum, sed ne scādalum præberet. Nec dicit cum Caluino subiectos esse clericos, in causis omnibus & delictis criminalibus, sed in iis à quibus exempti non sunt, quæ exemptio non est de iure diuino, sed priuilegio principum. Non dicit cum Petro Martyre, eiusmodi exemptionem à Principibus concedi non posse, imò contrà, ab ipsis concedi. Demum non dicit cum Brentio, clericos in spiritualibus causis subiectos esse, potestatem enim distinguit in temporalem, & spiritua-lem: & quando de subiectione, vel exemptione clericorum loquitur, intelligit tantum in rebus temporalibus, ad quas dicta potestas extenditur, non verò in rebus merè Ecclesiasticis & spiritualibus, nisi per accidens.

Tertia Propositio. Authoris sententia hæc est, clericos à Principis secularis potestate non immunes esse iure diuino, sed priuilegio Principum, vel expresso, vel tacito, id est receptis Canonibus ritè publicatis, multoque usu approbato in hac materia. Hanc esse Catholicam opinionem fatetur eodem loco dominus Cardinalis, qui censens in vltima hac editione, exemptionem esse de iure diuino, contra id quod in aliis suis libris crediderat de hac materia, loquens de Medina & Cauarrunia, Catholicis authoribus, & qui cum Authore

veram sententiam hac in parte sequuti sunt, quamuis dicat eos liberè loquutos esse, ita scribit: [Sed operæpretium erit ad eas obiectiones breuiter respondere, quas Didacus Couarruuias, & Ioh. Medina, C. de Restit. q. 15. (qui liberius aliis locuti sunt) in medium protulerunt: obijciunt enim primò extare legem diuinam, qua clerici eximantur à iurisdictione Principum Laicorum &c.] respondet ad eorum argumenta, ceu ad Catholicorum Doctorum argumenta, quamuis alioquin ea non soluat, vt vltimam hanc ipsius additionem legenti patebit: Sed quid in hoc immoror? Si ex iis quæ in prima & secunda propositione dicta sunt, constat D. Thomā huius opinionis expressè fuisse, non solùm in epistola ad Romanos, explicando verba hæc, [cui tributum, tributum: & illa, ergo liberi eritis:] sed etiam in 2.2. q. 104. arg. 1. ad primum, D. Augustini auctoritatem explicando in qq. Euang. q. 23. D. Chrysostomum & D. Augustinum, explicantes epistolam ad Romanos cap. 13. Hoc etiam non minùs quàm Medina, expressè dicit Cornelius Iansenius in sua concordia, verba illa explicans cap. 17. D. Matth. [ergo liberi sunt filij:] qui doctor est Catholicus & solidissimus. Nec mirum est non adesse hîc authorum catenam, quia pro cōtraria opinione sunt etiam paucissimi, estq; in scholis nouum hoc dubiū, & si quis liberè scribat, semetipsum retractare cogitur, vt cōtigit domino Cardinali, vel deletur è libris, quod ad hanc rem facit, vel minæ iactantur, adeò vt Sotus sub finem huius materiæ, quamuis libere loquutus esset, quia tamen clausulam sine fundamento adiecit, quæ totum illud destruebat quod solidè superius

perius

perius dixerat, cum aliter non posset, quæstionem suam terminauit, dicens, [Seruū hominem multa decet sentire, & pauca loqui.] Ac sanè author ipse Propositiones illas nō scripsisset, nisi fuisset necessitate coactus, propter euidens periculū animarum, & pro defensione Principis adeò Catholici, vt est Venetus: multa vigente pace reticetur quæ litium & contentionum tempore, non possunt non dici veritatis gratiā: probatum itaq; manet, exemptionis sententiam Catholicam esse ac solidam, multisq; pro se Catholicos authores habere, & quāuis liberè prolata fuerit, hoc adductis causis adscribi debet, nec ideo quòd author ab aduersariis arguatur, & odio habeatur, malè fecit: cum verissimum sit Comici dictum: [Obsequium amicos, veritas odium parit.]

Quarta Propositio. Authoris sententia eò solidior est & verior, quia nullus Scripturæ locus, vt fatetur ipse dominus Cardinalis, imò nullum concilium, nullus Canon, nullus è Sanctis Patribus, contrarium censet, vt in defensione dicitur: ac de D. Augustino, de D. Hieronymo, iam dictum est, qui citari solent pro contraria sententia, quæ est paucorum tantum Canonistarum, Can. Si Imperator, D. 96. & in cap. Quanquam, de censibus, in 6. & Ioh. Driedonis l. 1. de lib. Christiana, c. 9. qui licet dicant clericorum immunitatem esse de iure diuino, non intelligunt quòd sit de iure diuino scripto, nec minùs de iure naturali, nec per consequentiam necessariam, sed per quandam probationem, nimirum quòd cum legatur in Scriptura Pharaonem Ægypti Sacerdotes qui erant Idololatra, & Artaxerxem quoque populi

Israëlitici Sacerdotes à tributo exemisse, videatur conueniens, à simili, vt Principes à tributo Sacerdotes Christianos eximant: quod argumentum licet è scriptura eliciatur, quæ est ius diuinum, attamen cõtra ipsos facit: nam è scriptura colligitur, Principes seculares, nõ verò Deum, eiusmodi immunitatem dedisse, & hoc ipsum est quod dicit auctor: præterea non valet argumentum à simili, dici enim posset: In veteri lege, quæ est ius diuinum, nubebant Sacerdotes, ergo est de iure diuino, vt Sacerdotes nubant in lege Euangelica. Ipsemet autem Dominus Cardinalis, loco citato, dicit ea verba, de iure diuino, à prædictis authoribus iuxta modum expositum accipi:

Quinta Propositio. Noua domini Cardinalis opinio, & absque vlla ratione vel authoritate recens in Ecclesiam introducta, circa hanc materiam, in tribus consistit. Primum est, clericorum immunitatem à seculari potestate, non esse de iure diuino scripto, quia nullus est scripturæ locus, qui hanc immunitatem præcipiat, nec etiam de iure naturali, morali, quod etiam à Theologis vocatur ius diuinum, quale est ius decem præceptorum, &c. qua in re cum Authore, cum Medina, & Couaruuia conuenit.

Secundum est, ipsum per ius diuinum, intelligere quandam conuenientiam, & conformitatem cum citatis illis duobus exemplis Pharaonis, & Artaxerxis: vnde colligit Principes Christianos idem facere debere, sed non propterea dicit illos ad hoc obligatos esse: ita vt omnino fateatur Principum secularium esse, eiusmodi dare immunita-

muniam, vel exemptionem : sed eos tamen obstrictos non esse ex illis scripturæ & locis, quod in illis huiusmodi obstrictio, non legatur.

Tertium, nouum, vt dixi, & hæcenus inauditum est illud [de iure diuino, significare de iure gentium,] quod probat, quia ius gentium è iure diuino naturali deriuatur, ergo est diuinum: esse verò de iure gentium probat, dicens omnes gentes exemisse Sacerdotes, nec dicit à quibus, an à tributis, an à causis, nec probat vniuersalem illam propositionem omnes gentes id fecisse, vt nec eam probare posset, quia falsa est : nec pro sua opinione doctorem vllum citat, qui dicat [de iure diuino, significare de iure gentium:] nec denique ostendit immunitatem esse de iure omnium gentium : legatur cap. 29. lib. eius de clericis recens in lucem editi.

Quamuis hæc opinio per seipsam corruat ceu minimè solida & noua, circa hanc tamen plura animaduertere, non erit inutile. Primum, discrimen esse magnum inter ius diuinum, quod est scriptum & naturale ; & ius gentium, quod (quamuis secundariò sit naturale, vt ait diuus Thomas, cum è naturalis & diuini principiis eliciatur vt & ius ciuile) omnino non est diuinum, sed gentium, & humanum : nec vllus vnquam hoc dicere cogitauit, esse diuinum. Secundum, non omne illud quod gentes quædam faciunt, dici posse ius gentium, ac proinde diuinum : enimuerò vindicta, in communi est vsu apud gentes, attamen non est de iure diuino, imò à Christo domino nostro prohibetur.

Yy iij

Matth. cap. 5. [Audistis, quia dictum est antiquis, Odio habebis inimicum tuum, ego autem dico vobis, diligite inimicos vestros:] Sacerdotes nubere, commune fuit omnibus gentibus: ergo præcipitur ut inter Christianos nubant Sacerdotes, estque de iure diuino, quis consequentiam hanc faciet? Tertium est, non eo quod aliqui Principes id concesserint in re quapiam particulari, ut Sacerdotibus in tributis, dici debere, immunitatē in omnibus rebus esse de iure gentium, quia multæ gentes hoc non fecerint, nec faciunt: exempli gratia, lege Naturæ omnes Primogeniti erant Sacerdotes, iuxta communem sententiam, ergo diceretur omnes mundi primogenitos à tributo saltem innunes fuisse, quod solum domini Cardinalis argumentum probat, hæc autem responsio viro tantę literaturę digna non videtur. Quartum si eius argumentum quod immunitas sit de iure gentium, aliquid probaret, non probaturum aliud, nisi Principes debere à tributo Sacerdotes eximere, sed quæstio nostra in hoc non consistit, verum aut in rebus omnibus temporalibus sine Principis privilegio immunes sint Ecclesiastici. Quintum, ius gentium id dici quod ab initio mundi fuit immutabile, eritque semper, ut ius legitimæ seruitutis & dominij: ius nubendi ad humanæ speciei conseruationem, quodque gentes omnes indiscriminatim obseruarunt, & obseruant, Turcæ Ethnici, Christiani, Iudæi, &c. verum quod Sacerdotes Christiani sint immunes, de iure gentium esse nequit, à Christo enim instituti fuerunt, nec etiam gentes omnes, Sacerdotes suos exemerunt. Vltimò animadu-

uer.

uertendum quòd cùm Christus Dominus noster humilitatem & subiectionem tam expresse iniunxerit, ac D. Paulus, eius nomine absolutè dixerit, Rom. 13. Omnis anima potestatibus sublimioribus subdita sit: quamuis immunitas de iure gentium fuisset, ab omnibus nempe gentibus obseruata, quòd, inquam, ei derogatum fuisset per ius diuinum positium, sicuti Christus illud gentium institutum de vindicta sumenda de inimico, tollere potuit noua lege, atque hoc quòd nubereant Sacerdotes, aboleuit nouo consilio, in Ecclesia Latina deinde præcepti instar obseruato. Cùm abundè id declarauerim quod tum author, tum alij in præsentì materia sentiunt, ad propositionis defensionem veniamus.

Author duo dicit: primum est, personas Ecclesiasticas, vt res ipsorum, à sæculari potestate non esse exemptas, intellectis, vt dictum est, iis tantùm rebus ad quas illa potestas extenditur, hoc enim vox exemptionis denotat, secundum, exemptionē habere dictos Ecclesiasticos non de iure diuino, sed de iure humano, non descendendo ad ius vllū particulare, vt nempe quæratur an hoc ius sit humanum, an gentium, ciuile, aut Canonicum, licet cùm Medina & aliis in hac parte citatis sentiat, nempe exemptionem esse Priuilegio Principum: iam veniamus ad obiectionum errores.

Errat 1. Illustrissima sua dominatio, quia dicit, Sacrum Conciliū Tridentinū determinasse, immunitatem esse de iure diuino, attamen in Sacro Concilio Tridentino, sess. 25 cap. 20. ab ipso citata, non adest eiusmodi determinatio, sed tantum

quando sacrum Concilium loquitur de immunitate & libertate Ecclesiastica in genere, hoc ei dat epithetum, [diuina ordinatione constitutam:] non verò dicit, vt qui eiusmodi immunitatē in temporalibus, asserit non esse de iure diuino, sit anathema: vel non determinat, esse de iure diuino, quin potius in genere loquitur, immunitatem eam includens, quę est in causis Ecclesiasticis, & spiritualibus; vt verò debeant intelligi verba illa, diuina ordinatione constitutam, è Glossa colligitur, in Cap. Quamquam, de censibus, in 6. ad quam Doctores confugiunt, quotiescunque reperitur esse immunitas in temporalibus, diuina ordinatione constituta, vel de iure diuino, quę sic habet, [est de iure diuino, id est, deducitur ab exemplo Iosephi Patriarchę, & Artaxerxis Regis Persarum, quod non significat esse de iure diuino, instar præcepti, sed Principes eam concedere iuxta duo illa exempla Scripturę, quę est ius diuinum: sed author non negat conueniens esse vt Principes his exemplis ducti, immunitatem eiusmodi à tributis concedant, nec ducit eos vbi hanc, iuxta hæc exempla, concesserint in dictis tributis speciatim, de quibus solis agitur, illam reuocare debere, extra casum necessitatis: sed asserit nec in scriptura, nec in iure diuino præceptum esse, quo immunes sint clerici, aut res eorum, absque quod Principe immunitatis priuilegium illis non concedente: adeò vt cum aliud non dicat Concilium, quàm quòd citatus Canon, sciri debeat, primò ipsum nil determinare, secundò de immunitate in spiritualibus loqui: tertio si de immunitate

munitate in temporalibus verba faciat, id esse per quandam decentiam, probabilitatem, & similitudinē, vt Glossa, & alij Doctores, dicunt, quod ab Authore non negatur, qui de iure diuino propriè loquitur, & non per similitudinem: & hæc est causa ob quam Medino, Iansenius, Couarruias, & alij, cum propria opera post concilium ediderint, nemo dixit eos vllam contra concilium opinionem habuisse: attamen cum authore hac in parte fenserunt. Præterea sessio illa 25. cum Galli Præsules à consilio discessissent, & Hispani protestati essent, præproperè tractari materias, facta fuit magna cum festinatione & præcipitantia, vt eiusdem consilij diariorum verbis vtar, cum Acta citare non possimus, quæ non leguntur, vt antiquorum conciliorum acta, quod nostrorum temporum calamitati adscribendum est, & ideò PP. sub finem adiecisse puto hæc verba, vt si quæ difficultates circa consilij determinationes imposterum occurrerent, his Pontifex remedium adhibere studeret, siue Prouinciarum viros doctos, vbi dictæ difficultates orirentur, siue Concilium generale conuocando, aliòve modo Christianæ Reipublicæ quieti & paci consuleret. Dico igitur, primò, verba concilij perperam citari à Domino Cardinali, non enim dicit Ecclesiæ, & personarum Ecclesiasticarum immunitatem in temporalibus esse institutam ordinatione diuina, sed dicit, ne Principes permittant vt inferiores Magistratus violent Ecclesiæ, & personarum Ecclesiasticarum immunitatem, quæcunque illa sit, diuina ordinatione constitutam, nempe vel merè sit Ecclesiastica, siue vt ait Glos-

sa, temporalis, ob exempla quæ in scriptura leguntur, à Principibus concessa: non enim negat datam esse à Principibus, exemplo Pharaonis & Artaxerxis, immunitatem in temporalibus. Secundo dico, cum non inueniatur in quo Scripturæ loco adsit eiusmodi immunitas, imò contrarium legatur apud D. Paulum, Rom. 13. explicandum esse sacrum concilium, ut ipsum Glossa explicat, ne falsum dixerit.

Errat II. quia concilium Colonienſe, præter hoc quòd sit Prouinciale, non autem generale, nihil determinat, sed iuxta Glossam loquitur, & clarius quàm Tridentinum, dicit enim, non iure diuino & humano iniunctam esse immunitatem, sed introductam esse dicit, quia Principes exemplo Pharaonis & Artaxerxis, ut legitur in Scriptura, quæ ius est diuinum, moti sunt ut Ecclesiasticis alijsve, priuilegia concederent, tributum non soluendi; non quòd alicubi Scriptura hoc præcipiat, sed vtrò bonum illud exemplum fumentes.

Errat III. quia concilium Lateranenſe, ut passim fatetur Illustriſſima ſua Dominatio, non habetur pro generali, & quod dicit, non indubitatum cēsetur, sed esto ita sit, si intelligat in rebus Spiritualibus & merè Ecclesiasticis, Principes in clericos potestatem non habere, per se verum est: at si dicat clericos in causis criminalibus, ac temporalibus rebus immunes esse, quia hoc non habent de iure diuino, ut probatum est, non debet admitti: & præterea non potest illud aliter intelligere quàm Glossa explicet, quod non negatur.

Errat

Errat I I I. quia Authorem appellat Goliath, sed eum potius crederem Dauidi similem, quia pugnat pro castris, & non contra castra Dei, id est, pro doctrina Apostolorum, & Sacrae Scripturae summi Sacerdotis Christi Saluatoris nostri, & sanctorum etiam P.P. nec aduersus concilia, ut probatum est, quicquam adfert.

Errat v. quia canon Bonifacii intelligitur prout eum Glossa intelligit, atque ut etiam dicit ipse dominus Cardinalis, cap. 28. l. 1. de Clericis.

Errat vi. quia tam Papa Ioh. v I I I. quam Papa Symmachus, intelligi debent in causis merè Ecclesiasticis, iuxta modum explicatum, & non aliter, licet de duobus hisce Pontificibus alibi opportunius dicturi simus: hoc certum est, non determinasse illos quicquam aduersum nos, ut eorum determinationes legenti patebit.

Errat vii. quia duo pro se exempla adfert, quae duobus modis contra illustrissimam suam Dominationem faciunt: primo, quia dicit Pharaonem & Artaxerxem, Sacerdotes exemisse: igitur concedit quod dicit Author, Principum esse immunitatis privilegia dare: secundo, quia dicit, naturae lumen dictare hoc immediatè Principibus, & ipse in Tractatu suo dicit, immunitatem à naturae lumine non immediatè doceri, sed de iure gentium, & per quandam similitudinem.

Errat viii. quoniam ea quae lumen naturale dictat, non opus est à Principibus privilegio concedi, & D. Thomas, qui dicit clericos immunes esse speciatim privilegio Principum, propter naturalem quandam æquitatem, sano modo est intelligendus, videlicet privilegium illud niti

ratione, quæ dicitur æquitas naturalis, qua ciuiles omnes leges nituntur, sed propterea non dicuntur esse de iure diuino naturali, at ciuiles, reuocabiles, &c.

AVTHOR.

Q Via præter hæc quæ diximus, in prima propositione, quod Sacerdotes in antiqua lege subiecti fuerint Principi sæculari, præterquam quod Salomon priuauerit Abiathar summo Hebræorum sacerdotio, vt cap. 2. lib. 3. Regum videre est. Tempore primitiue Ecclesiæ vsque ad Iustinianum Imperatorem, nullum in iure legitur priuilegium, immunitatis Ecclesiasticis concessæ.

O B I E C T I O N E S.

Bellarminus.

ET nos in confutatione primæ Præpositionis demonstrauimus Sacerdotes & Leuitas in antiqua lege subiectos fuisse Principi Ecclesiastico: & quoniam author dixerat Mosem fuisse Principem politicum, cui subiecti erant Sacerdotes, testimoniis Scripturæ & SS. Patrum probauimus Mosem summum Sacerdotem fuisse. Ad exemplum Salomonis responderi potest, Salomonem illud fecisse, tanquam diuinæ voluntatis ministrum, prædictum enim iam fuerat, Heli posteritatem cessaturam, ideo subiungit scriptura, vt impleretur sermo Domini, quem loquutus est super domum Heli in Silo. Huc accedit quod facta Principum non sint leges. Verum quod ante Iustinianum non extiterit in Ecclesia priuilegium immunitatis, sal-

tis, falsum est manifestè. Constantinus enim Imperator qui ducentis annis Iustinianum præcessit, & primus Imperatorum qui palàm se Christianū professus est, quàm primùm Ecclesiasticos liberos à communibus Reipublicæ oneribus declarauit, vt legitur in epistola eiusdem Constantini ad Auilinum, quæ refertur ab Eusebio lib. 10. cap. 17. historiæ Ecclesiasticæ: & præter hoc Constantini priuilegium, multa alia sunt in Codice Theodosiano, Imperatorum Iustiniano antiquiorum, vt refert à te citatus Couaruias, cap. 31. quæstionum practicarum.

D E F E N S I O.

Marsilius.

Incipit author aliquot adferre exempla, quæ Illustrissimam suam Dominationem valdè exagitant, quia non nisi de immunitate à tributis hactenus est locutus, quam dicit Pharaonis & Artaxerxis exemplo in Sacra Scriptura doceri: nunc verò cum illi probanda sit Clericorum immunitas in causis criminalibus, à quibus nec ipse quidē Iustinianus in Nouella eos eximit, magnis se inuolui difficultatibus sentiet, vt in errorum notatione conspicuum euadet.

Errat 1. quia dicit se in prima Propositione probasse Mosem summum fuisse Sacerdotem, hoc non negauit author, sed dixit quidem, Mosem, cum summi Sacerdotij officium Aaroni renunciaasset, nihilominus tamen iudicasse Leuitas, vnde apparet ipsum vt principem politicum, non vt summum Sacerdotem id fecisse; si enim summi Sacerdo-

Sacerdotis proprium hoc fuisset, Aaroni faciendū reliquisset, qui summi Ecclesiæ Sacerdotis typus fuit, non verò Moyses.

Errat II. quia legenti textum facilè patet Salomonem aduersus Abiathar, 3. Reg. cap. 2. egisse via ordinaria, non autem ex particulari reuelatione (licet quatenus minister diuinæ iustitiæ) omnis enim Princeps secularis, est [Minister Dei in iram, ei qui malè agit] vt ait Apostolus, Rom. 13. éstque hoc manifestum Domini Cardinalis effugium.

Errat III. quia per vocem, [vt impleretur sermo Domini,] intelligit, hoc Deum fecisse, speciatim id iniungendo Salomoni, sed aliter res se habet, nam diuina sapiētia, Sap. cap. 8. [vt procedat à fine vsque in finem fortiter, disponit omnia suauiter, id est viis ordinariis, quum de reuelatione extraordinaria non constat.] Hoc igitur modo exempla non erunt adferenda, quia confugi & Dominus Cardinalis ad ea responsa, de quibus poēta dicit, [nisi Deo dignus vindice nodus inciderit.

Errat 4. quia dicit Principum facta non esse leges, vt ego dicā nec facta etiā Pontificum esse leges, eorum speciatim qui eius non sunt sapientiæ cuius erat Salomon, quo tempore iudicauit Abiathar, nempe antequàm peccaret, quamuis error sit grauissimus dicere ipsum, cū diuinam sapientiam, potissimū ad rectè iudicandum, obtinuisset, in iudicando Abiathar errasse.

Errat vltimò, quia cū loquatur author, secundū subiectam materiam, & secundum antecedentia sequentiāque exempla, de immunitate à foro, ac de omnibus Ecclesiasticis. Illustrissima sua dominatio loquitur in genere. Author non Iustitia-

negat Constantinum , alióſve Imperatores ante Iuſtinianum , immunitatis priuilegia conceſſiſſe Eccleſiaſticis, ſpectat enim ad Principes hæc dare priuilegia, ſed loquitur de immunitate à foro, iudi- ciſſque publicis, ipſum forum ex lege quadam in corpore iuris, diſtinguens, vt in prima Propoſitio- ne dictum eſt , quod nemo fecit ante Iuſtinia- num , atque author ille codiceſm proculdubio diligenter legerat , nec in re tam perſpicua fal- li potuit.

A V T H O R.

Diuis Paulus ait : Ad tribunalis Cæſaris ſto, Cæſarem appello: & inter ſexcenta exempla alia, legitur in vita Ottonis I. Chriſtianiſſimi im- peratoris, quòd propria authoritate Iohannem Pa- pam XII. ob mores peſſimos depoſuerit.

O B I E C T I O N E S.

Bellarminus.

AD hoc argumentum antiquitus à nonnullis hæreticis propoſitū , optimè reſpòdet Car- dinalis Turrecremata lib. 2. cap. 96. ſuæ ſummæ: D. Paulum fuiſſe coactum appellare ad Cæſarem, eūque pro iudice ſuo agnoſcere, de facto, non de iure: tunc enim Diui Petri poteſtas non agno- ſcebatur , nec credebatur , atque ideò ſi Paulus dicere voluiſſet, non cognoscere ſe alium iudicē, quàm Chriſti Vicarium, riſum mouiſſet Iudæis, à quibus erat accusatus, & gentilibus , à quibus erat iudicandus : & ita ipſemet dicit, coactus ſum appellare Cæſarem. Quod attinet ad hiftoriam Pa- pæ Iohannis , & Ottonis Imperatoris , duæ fal-

fitates & errores in tam paucis verbis autoritate propria, continentur, quæ duo verba falsissima sunt de facto, & de iure. De facto, quia Otto sciens se tanquam Laicum non posse iudicare Ecclesiasticum, petiit à Concilio Romæ congregato, ut determinarent quid fieri deberet. Sancta Synodus, quid decernat, edicat. Ita loquitur Otto ad Concilium itaq; Otto non deposuit summum Pontificem, autoritate propria, sed autoritate Concilij. De iure: in nullo enim authore Catholico inuenitur, Pontificem ab Imperatore deponi posse, sed Imperatores quidem à Pontifice, ut Otto IV. fuit depositus ab Innocentio III. Fridericus II. ab Innocentio IV. & multò antea Henricus IV. à Gregorio VII. adeò ut author in hac sua opinione præter hereticos antiquos & recentiores, socios alios non habeat, speciatim verò Marsilium Patavinum, ut testatur Cardinalis à Turrecremata lib. 4. summe part. 2. cap. 37. Verum nec à Concilio Pontifex iudicari potest, nisi ratione hæresis, in quo omnes Catholici conveniunt, & hic est alter authoris error, quia Papa Iohannes XII. non fuit accusatus de hæresi, sed de malis moribus, & Concilium illud quod deposuit Papam Iohannem XII. non fuit Concilium legitimum, sed Conciliabulum, schismaticum, & acceptatum, ideòque paulò post abrogatum. Legat qui scire volet hanc historiam, tomum decimum Cardinalis Baronij, aut brevitatis ergò additionem Onuptrij ad Platinam.

D E F E N -

DEFENSIO.

Marsilius.

HOc argumento vtuntur multi Catholici, quòd si hæretici eo vti sint, alio fine id fecerunt quàm quo Catholici: certum est, nec Turrecrematam, nec Illustrissimam suam dominationem argumentum soluere, vnde errat:

Primò, quia cùm doceat D. Paulus vt christiani Principum sæcularium iudicium subeant, multoque magis in causis appellationis vbi qui appellat, de inferiori iudice conqueritur ad redimendam vexationem, dicit hoc D. Paulum non fecisse de iure, ergo contra ius, ergo peccauit: & quamuis de aliis loqui possimus de facto, & non de iure, nihilominus tamen Apostolum D. Paulum adeò temerè peccati arguere non decet.

Errat I I. quia vocem, coactus, alio quàm D. Paulus sensu accipit: ita namque D. Paulus eam intellexit, vt si iniuste à Fæsto iudice inferiare tractaretur, ad redimendam vexationem, superiorem appellare coactus foret, iuxta communem eorum qui appellant, loquendi usum, & dominus cardinalis ait ideò coactum fuisse, ne risum moueret, si D. Petrum appellasset.

Errat I I I. quia dicit D. Paulū ne risum moueret. D. Petrum non appellasse. Peto. D. Paulus quū D. Petrum non appellauit, an benè vel malè fecit? Si benè, ergo immunitas non est de iure diuino: si malè, cur id fecit, an fortè ne risum moueret? igitur aliquis ne risum moneat, potest malè facere, veritatem reticere, speciatim verò id potuit Apostolus? qui dicit, prædicamus Christum crucifixum, iudæis quidem scandalum, gentibus

Zz j

autem stultitiam 1. ad Cor. c. 1. quid verò mouet magis risum quàm stultitia? sed non propterea D. Paulus prædicare destitit, quòd à Gentilibus stultitia putaretur eius prædicatio, quin potius gloriæ, summæque prædicationis ipsius virtuti hoc tribuit. Verum dico, ferre non possum, vt quis de D. Paulo & scriptura, ad improbabilem opinionem stabiliendam de qua nullum est præcepti signum in scriptura, hoc modo & ita liberè loquatur.

Errat 1 v. quia dicit, vt qui Papæ Iohannis, & Ottonis historiam scire voluerit, dominum Cardinalem Baronium, & additiones Onuphrij ad Platinam legat. De domino Cardinali Baronio nil aliud dicam, nisi Historicum esse adhuc viuentem, cuius opera suspecta sunt vbi de immunitate agitur, imò quum aliud adferre nequit, improbat antiquos omnes Historicos, quòd si quem admittat, verba sumit pro se facientia, quæ verò contra se, in illo historico inserta esse dicit, vt in hac ipsa historia, Luitprandi authoritatem per annorum 700. spatium in Ecclesia probatam, aliorumque eius temporis scriptorum authoritatem reiiicit: cum itaque non tanti fiant in Mundo eius annalia, quanti putabat, sitque liber in lucem breui proditurus, cuius inscriptio est, errores Cardinalis Baronij, vbi sigillatim ostenduntur plusquàm 20. errores quos in antiquissima hac Papæ Iohannis historia neganda commisit, de ipsius authoritate loqui non opus est. In additione Onuphrij, præter hoc quod recentissimus est, nil contra authorem reperio, imò facit pro ipso, dum legitimam Leonis electionem admittit: veniamus itaque

que ad errores, quos dominus cardinalis committit, historiam veram esse præsupponendo, & modum impugnando.

Errat v. quia dicit Ottonem non potuisse de iure exaugurare Iohannem ob delicta criminalia, Pontifices verò Imperatores exaugurasse de iure: hætenus contrarium probatum est de iure, scilicet Pontificem in temporalibus non habere ius auferendi Regna, iure Pontificatus, & neminem de iure diuino, à secularis Principis potestate immunem esse in criminalibus delictis. Illustrissima verò sua dominatio argumentatur à contrario sensu, nec scio quo fundamento.

Errat vi. quia legitimam Iohannis exaugurationem concedit, eamque concedere cogitur, quia eius ope Leo creatus fuit, & pro Papa legitimo habitus, quicquid dicat Ciacconus, de quo, pace omnium dixerim, [Quicquid delirant Reges, plectuntur Achiui:] ergo dicendum est vel Iohannem seipsum exaugurasse, & hoc falsum est, vel à concilio fuisse exauguratum & hoc negat dominus Cardinalis, vel Ottonem sanctissimū Imperatorem, ipsum exaugurasse, Salomonis exemplo, qui seditiosum Abiathar summo Sacerdotio abdicauit & condemnauit, atq; id ipsum dicit author: quod si iuste factum fuerit, quemadmodum factum fuisse dicendum est, legitimæ successionis ergò, id quoque Ottonem fecisse oportet autoritate propria, cum Iohannes atrocissimis suis delictis, Imperatorem ad id faciendum coëgisset, quod nullus communiter auderet facere, ob

Reuerentiam quæ debetur sanctę Sedi : & quamuis omne id Otto fecerit suadente concilio , vnde dixit, [Sancta Synodus edicat,] nihilominus tamē vt referunt illorum temporum Historici, (Luitp. Reg.) tulit ipse definitiuam sententiam cum suo Placet.

A V T H O R.

ET si immunitas est de iure diuino , quare Papa Adrianus I. vult vt. Carolus Magnus habeat authoritatem eligendi Romanum Pontificem, in cap. Adrianus , quod & Leo VIII. fecit in gratiam Ottonis primi , vt in ea ipsa distinctione legitur, quæ est 63. can. in Synodo?

O B I E C T I O N E S.

Bellarminus.

SVbtilitatem argumenti huius valdè miror. Quid negotij cōmune habet immunitas Ecclesiasticorum , cum nominatione personæ ad Pontificatum? Ideò hoc tempore Galliarum Ecclesiastici immunes non sunt , quia Rex personas nominat vacantibus Ecclesiis. Et vbicunque sunt Iuspatronatus, quandoquidem patroni qui, vt plurimùm sunt Laici, ius nominandi habent, deperdita est immunitas? Habuerit igitur aliquandiu Carolus à Pontifice priuilegium, sede vacante nominandi aliquem ad Pontificatum, non deò tamen Imperator vllam Pontifici authoritatem dedit, vel eam auferre potuit, cum, vt superiùs diximus nominatæ personæ, aut aliàs canonici electæ, Deus ipse det Pontificalem potestatem,
per

per quam eiusmodi persona, iure diuino sit superior, & caput omnium Christianorum, siue Principum, siue priuatorum. De priuilegio Imperatori Ottoni à Leone Papa concessio, id ipsum dici posset, si priuilegium illud non fuisset vanum, & irritum. Et hoc dictum sit, posito eo quod scribit Gratianus in citatis canon. Adrianus, &, In synodo. Verùm Illustrissimus noster & doctissimus Cæsar Baronius tomo 9. annalium, pag. 523. clarissimis documentis demonstrat, nunquam eiusmodi priuilegium concessum fuisse Imperatori ad eligendum summum Pontificem: atque ita totum aduersarij argumentum corrui, habens nimirum consequentiam malam, & antecedens falsum.

DEFENSIO.

Marsilius.

IAm dixi dominum Cardinalem Baronium in materia immunitatum non habere auctoritatem, & audiui ipsum sicut hactenus sibi liberum fecit, emendare Patres Canones, & Historicos, ita correcturum concilia suo modo, & ad suum finem, ac huiusmodi licentiam sibi arrogaturum, quod absit: certum est ipsum non emendaturum textum D. Pauli, D. Chrysostomi, D. Thomæ, diui Augustini, & aliorum, adeò vt Illustrissimæ suæ dominationis nouitates non sint attendendæ, sed potius domino Cardinali respondendum, qui

Errat I. quia dicit nominationem ad Pontificatum, referre nominationem ad sacerdotia & hoc

Zz iiij

falsum est, nam Pontificatus non est sacerdotium, sed suprema est dignitas spiritualis à saluatore instituta, quòd si est sacerdotium, igitur Imperator habet ius nominandi.

Errat I. quia si personarum Ecclesiasticarum immunitas est de iure diuino, nemo potest Principibus eos subiicere, maximè verò illum qui tantæ est dignitatis, siquidem grauitè peccaretur: ergo immunitas non est de iure diuino: hoc argumentum vidit dominus Cardinalis Baronius, propterea Canones improbare conatur. Argumentum itaque verum est ratione antecedentis, & ratione consequentiæ: nec sunt improbandi. Canones tam antiqui: negat etiam Leonem fuisse verum Põtificem, legitima cuius electio à Leone qui se IX. vocauit & ab omnibus Pontificibus ad hæc vsque tempora est probata datò vno inconuenienti multa sequuntur.

A V T H O R.

HÆc doctrina non solùm est D. Pauli, vt propositione prima probaui, sed etiam D. Ioh. Chrysostomi, D. Thomæ Aquinatis, Soti Theologi præstantissimi, dist. 21. l. 4. sent. Couarruiæ cap. 31. practicarum quæstionum, qui etiam pro se citat Innocentium I. I. Papam, Alciatum, Ferrariensem, Medinam, aliòsque, & duo hi auctores, Sotus nempe & Couarruias, in hoc particulari negotio plurimi faciendi sunt, cum vterque post concilium Tridentinum scripserit.

O B.

Bellarminus.

Diuus Paulus, & D. Ioh. Chrysostomus non loquuntur de immunitate Ecclesiasticorum, sed solummodò docent quemlibet obligatū esse obedire suis superioribus, vt suprà dictum est. D. Thomas non negat immunitatem esse de iure diuino, licèt affirmet esse de iure humano, quia potest esse, & est de iure humano & diuino, vt loquuntur sacri Canones. Sotus quamuis neget immunitatem esse de iure diuino strictè, nihilominus ait consentaneum esse lumini naturali, & adiungit neminem Principum, nec omnes simul huic immunitati derogare posse. Vnde manifestè doctrina Soti contraria est negotio Venetorum, qui tot modis immunitatem Ecclesiasticam, ac si penes eos esset, huic derogare quando libuerit, violare & proscindere audent. Nec verum est Sotum post Concilium Tridentinum scripsisse, quia licèt primæ sessioni celebratæ sub Paulo III. interfuerit, nihilominus mortuus est antequàm Concilium finiretur, atq; ita non vidit vltimū illud decretum, quo declaratur immunitatem ecclesiæ & personarum Ecclesiasticarum, diuina ordinatione introductam esse, quod decretum si vidisset, neutiquam illi contradixisset. Couarruuias, vt suprà attigimus, nimis semper risus est partialis pro Iurisdictione regia: attamen is ipse docet Pontificem iusto titulo potuisse liberare ecclesiasticos à potestate sæculari, nullūque vel summum Principem huic immunitati derogare posse. Quapropter apparet etiā Couarruuiā improbare factū Venetorū.

Zz iiij

atque ideò nescit author quid dicat, dum notat hos authores plurimi faciendos esse. Demum silentio prætereundum non est quod addit author, Couarruiam citare pro sua opinione Innocent. tertium. Quo in loco notandi sunt duo errores, authoris vnus, Couarruię alter. Author errat: nunquam enim Couarruias citauit pro se Innocent. tertium quem sibi nouerat esse cõtrarium. Couarruias errat, quia pro sua opinione citat Innocent. Quartum in comment. super cap. de maiorit. & obediēt. & tamen Innocentius i v. ibidem ait, immunitatem factam à summo Pontifice cum Imperatoris consensu, non esse plenam, atque ideò fateri oportere à Deo ipso Ecclesiasticos à potestate Principũ sæcularium exemptos esse. Quĩ poterat clarius dicere Innocent. i v. immunitatem Ecclesiasticam esse de iure diuino? & nihilominus audet Couarruias dicere, Innocentium negare supradictam immunitatem esse de iure diuino. Vnde Panormitanus super cap. Nimis de iureiurando, refert Innocent. i v. censere, immunitatem Ecclesiasticorum esse de iure diuino. Ecce igitur quantis paucula illa authoris verba erroribus scateant, qui non contentus fuit allegasse Sotum & Couarruiam, verum etiam probationes eorum subiicit his verbis.

D E F E N S I O.

Marsilius.

Ad Propositionis probationem, addere quicquam non opus est: veniamus itaque ad errores.

Errat

Errat I. quia dicit D. Paulum, & D. Ioh. Chrysostomum loqui in genere, at illos in specie loqui iam probatum est.

Errat II. quia dicit D. Thomam censere immunitatem esse de iure diuino: iam probatum est illum docuisse hanc esse priuilegio Principum in certa ratione & æquitate posito, qua priuilegia omnia, & humanæ leges nituntur, ac probatum etiam libros illos de Regimine Principum non esse D. Thomæ.

Errat III. quia dicit Sotum & Couarruiam asserere, omnes simul Principes illi immunitati derogare non posse, quam semel concesserint, vel receptis summorum Pontificum Canonibus, admiserint, & absolutè loquitur, cùm tamen hi auctores cum conditione loquantur, nempe, [ordinariè,] nam speciatim Sotus dicit, posse ad vim vi repellendam, in quibusdam rebus, immunitatis priuilegium auferri, quo pacto etiam Couarruias & Medina debent intelligi, iuxta illud quod ab omnibus Doctoribus asseritur in materia de priuilegiis quibus derogari nequit nisi cogente necessitate, [& propter finem superiorem] &c. Et Pontifex priuilegiis à se concessis quotidie derogat.

Errat IV. quia Dominos Venetos accusat, de violatis priuilegiis immunitatis Ecclesiasticæ, quod falsum est: nam Domini Veneti iudicarunt semper Ecclesiasticos in grauibus & atrocibus delictis, obseruantes prout ipsis visum est quod in Nouella Iustiniani continetur, non quòd ad eam sint obligati, sed quia iudicarunt esse conueniens in suo ipsorum Dominio id obseruare, quod Iusti-

niano visum est conueniens obseruare in suo. Quod spectat ad leges illas circa bona, iam dictum est illas esse de rebus temporalibus, quæ nondum peruenerunt in Dominium Ecclesiasticorum: quod non dubium est quin fieri possit iuxta omnium opinionem, & legem quam tulerunt anno 1333. ampliare potuerunt eadem authoritate, qua tulerunt illam, cui nunquã Ecclesiastici cõtradixerunt. Quoad alias immunitates, quas prædicti Domini cõcesserunt Ecclesiasticis sui Domini, siue priuilegiis, siue Canonibus receptis, siue consuetudine, eas illæfas tuentur, earumque iuxta sacrum concilium sunt protectores, nec vnquam priuilegium vllum immutabunt, nisi ad vim vi repellendam, ad redimendam vexationem, quod ab omnibus Doctoribus conceditur, & propter bonum Commune euidentissimum.

Errat v. quia Innocentius i v. vult vt Imperatoris consensus quæratur in materia immunitatis, & ob id eum citat Couarruias.

Errat vi. quia dicit Authorem hallucinatum fuisse in citando Innocentio iiii. pro Innocentio iiii. Error fuit typographi: nec in propositione adest, tertius, totidem literis, sicut imprimendum curauit Dominus Cardinalis, vt errorem redderet inexcusabilem, sed per numeros, nempe iiii.

Errat vltimò, quia magna cum subtilitate dicit Sotum non scripsisse post Conciliũ, sed medio concilij tẽpore: Author hoc voluit, Sotum fuisse in cõcilio, & post concilium editum fuisse, vt etiam Couarruias, Medina, & alij, editi fuerunt, quos tamẽ nemo damnauit quasi aliquid concilio contrarium dicat: vnde colligitur citari falsò concilium, dicendo

do ipsum determinasse immunitatē esse de iure diuino; si enim hoc determinasset, prædicti authores damnati fuissent.

A V T H O R.

ET eorum demonstratio est efficacissima: nam præter authoritatem affirmatiuam D. Pauli, D. Ioh. Chrysostomi, D. Thomæ: præter consuetudinem primitiue Ecclesiæ, adferunt etiam duo argumenta negativa validissima, quæ talia sunt: Si clerici & bona Ecclesiastica immunita sūt iure diuino, vbi hoc ius habetur? in quo Euangelio? in qua epistola Apostolica? in quo libro Noui aut Veteris Testamenti? Alterum argumentum est, Neminem secularium Principum Christianorum de trāquillo Reipublice statu sollicitum, hanc libertatem curare, sed permittere vt Ecclesiastici immunitatibus iis fruātur, quibus ipse vult eos frui, quæ verò immunitates ipsi nō vidētur è re esse, non permittere vt iis fruātur. Et quamuis nonnulli per legem humanam intelligāt Canonē: nihilominus quantum colligitur ex Doctrina primæ Propositionis, intelligendum est Priuilegium Principis, & consuetudo ab ipso Principe dissimulata, aut Canon receptus, qui non est supra ius diuinū. Atq; ideò cū secularis Princeps potestatem habeat in omnes suos subditos de iure diuino: nō video, quomodo hæc eius potestas diminui possit, vel auferri à Canone, qui ius humanum est: iuxta tritam Iurisconsultorū regulam, Quotiescunque concurrunt duo iura, minus debet cedere maiori.

DEFENSIO OBJECTIONES.

Bellarminus.

AD rationes affirmatiuas iam responsum est, nec oportebat eadem toties repetere, tantūmodò vt liber maior euaderet. Ad primam rationem negatiuam respondeo multos authores Catholicos tam Theologos quàm Canonistas, fusè hanc materiam, tractasse, in quorum libris quærenda sunt eorum sententiæ fundamenta. Et nos superiùs paucis attigimus aliquot loca veteris & noui Testamenti, vt ille est Gen. 47. & alius 1. Esdræ, cap. 7. & Euangelij Matth. cap. 17. Ergo liberi sunt filij, vbi per filios intelliguntur Ecclesiastici, secundum expositionem Hieronymi & Augustini. Nec solùm per ius diuinum intelligitur Scriptura Sancta, sed etiam lumen naturale, siue ratio, aut lex naturalis. Et hoc modo loquitur Iohannes Driedo, 1. de libertate Christiana, cap. 9. immunitatem Ecclesiasticam esse de iure diuino, est enim à ratione & lumine naturali indita: quilibet enim naturaliter intelligit personas & res Deo cōsecratas, proprias esse Dei, ideòque rationem nullam esse ob quam Principes sæculares in eas habeant potestatem. Hoc verò esse lumen naturale, inde colligi potest quòd in omnibus religionibus seu veris, seu falsis, hæc immunitatis lex obseruata sit. Ita legimus Exodi cap. 30. & Numer. 1. apud Hebræos, Leuitas, & Genes. cap. 41. Ægyptios Sacerdotes, & 2. Oeconom. Aristotelis, Græcos mystas, liberos & immunes fuisse: id ipsū apud alios populos in usu fuisse testatur Cæsar C. 6. de Bello Gallico, & Plutarchus in vita Camilli, & alij

& alij authores, quos breuitatis causa omitto. Ad secundam rationem negatiuam respondeo, rationem illam apud Sotum aut Couarruiam nō legi, sed eam ex proprio cerebro authorem effinxisse: nec ratio est, sed calumnia aduersus omnes Principes, ac si essent Machiauellistæ, aut concederent & tollerēt Clericis immunitatē, prout vtile vel inutile fuerit Reipublicę. Nos verò scimus, in Ecclesia Dei multos esse Principes religiosos & pios, Deū timentes, vt par est. Sed si verū esset, quod tamen non conceditur, multos Principes non permittere immunitatem, nisi quatenus utilis est Reipublicæ, quis erit ille modus argumentandi? Multi Principes non concedunt immunitatem: ergo nō est de iure diuino? quod perinde est ac si diceret: Multi Christiani furantur, mœchantur, falsa testimonia dicunt, ergo præcepta nō furaberis, non mœchaaberis, nō falsum testimonium dices, nō sunt de iure diuino. Probandum fuisset, Principes non cōcedentes immunitatē, nisi quando eis placet, benè facere, aut non malè facere: & tunc rectè concluderetur non esse de iure diuino, sed è simplici facto, aut vt meliùs dicatur, ex præuaricatione simplici vnus legis, colligi non potest, eam legem non esse de iure diuino. Discursus postmodū authoris, circa ius humanum, an ius canonicum, an priuilegium Principis aut cōsuetudo sit, omnino vanus est: immunitas enim Ecclesiasticorū præterquàm quòd sit de iure diuino, iuris etiā humani est omnib. modis. De hac enim exemptione inueniūtur plurimę leges ciuiles, multi Canones, & antiquissima consuetudo, quod quidē non nisi ab iis qui nihil legerūt, negari potest. Demū hæc cōclusio, quòd Prin-

cipi ſæculari, non poſſit auferri, vel imminui po-
teſtas in Eccleſiaſticos, per qualemcunque Cano-
nem, cùm ſit Canon de iure humano, poteſtas au-
tem Principis de iure diuino : falſa eſt, collecta ex
falſis principiis quæ repugnat omnibus Doctori-
bus Catholicis, tam Theologis, quàm Canoniſtis.
falſam eſſe manifeſtum eſt : aduerſatur enim plu-
rimis decretis & conciliis, ſummis Pontificibus,
ipſiſmet etiam legibus Imperialibus, & lumini na-
turali, vt ſuprà demonſtratum eſt. Ex falſo princi-
pio collectam eſſe, probatum eſt in reſpōſione ad
primam Propositionem, vbi declaratū eſt, poteſta-
tem Principum in laicos non eſſe de iure diuino,
vnde nec in clericos de iure diuino erit. Eſſe au-
tem hanc rationem contra omnes doctores Ca-
tholicos, tam Theologos quàm Canoniſtas, clarè
apparet Sotus enim & Couarruias antesignari
inter eos, qui dicunt immunitatem Eccleſiaſticam
non eſſe de iure diuino, ſcribunt ſummum Ponti-
ficem potuiſſe eximere Eccleſiaſticos, omneſque
Principes teneri hanc immunitatē agnoſcere, nul-
lūque eorum, nec omnes ſimul eam tollere vel
imminuere poſſe: & hoc quidem dicunt iſdem in
locis, quæ ipſe author pro ſe allegat. Hinc ſequitur
hunc authorem Venetos docuiſſe doctrinam no-
uam erroneam, ſcandalofam, ſchiſmaticam &
ſeditioſam: & ſi quidem negauerit eam eſſe no-
uam, alios tamen non inueniet authores & ſocios,
quàm hæreticos & ſchiſmaticos, ac ſpeciati-
m Petrum Martyrem Lutheranum, qui ſcribens in
epiſt. ad Romanos, & cap. 13. exponens, hæc
eadem omnino verba adfert, quæ ſcribit hîc no-
ſter aduerſarius.

DE.

Marsilius.

Quātum librum facere potest sola eius quod dictum est commemoratio : nec ea responsio liber est, sed epistola duorum foliorum , adeò vt immeritò Illustrissima sua Dominatio Authorem arguat: vnde.

Errat I. quia dicit authorem rationes affirmatiuas repetere vt magnum librum faciat : eas non repetit, sed commemorat iuxta omnium scriptorū consuetudinem.

Errat I I. quia dicit se rationi negatiuæ respondisse, attamen, vt probatum est , Illustrissima sua Dominatio non respondit, imò soluta sunt omnia eius argumenta, insuper vt suam de iure diuino opinionem tueretur, cum nullum in Scriptura locū pro se reperiret, incidit in doctrinam nouissimam, dicens immunitatem esse de iure gentium, & hoc, de iure gentium, significare , de iure diuino : sed non mirum est, cum enim Illustrissima sua Dominatio scribere deberet gratificandi causa, vt creditur, contra id quod iam antea scripserat, iuxta probatos authores, non potuit quin incideret in eiusmodi nouitates.

Errat I I I. quia dicit doctrinam de reuocatione priuilegiorum, cogente necessitate , non esse authorum illorum citatorum, attamen non modò est eorum doctrina, sed etiam omnium qui materiam tractant de priuilegiis, nec propterea Machiuellistæ dici debent: hæc enim secta magis est alibi disseminata quàm Venetiis: Venetiis ad aliud non attenditur , quàm ad quietem publicam , ad

Religionem, ad Iustitiam, & urgente aliqua necessitate, ad vim vi repellendam; res omnes à Deo permixtas, ab Authoribus Catholicis, & de iure naturæ, quod omnibus etiam Mundi authoribus tacentibus, ipsum nobis esset lex, ad Rom. c. i.

Errat i v. quia diuisionem illam iuris naturæ, Canonici, priuilegij Principis, consuetudinis reprehendit, omnes tamen eam huc adferunt, estque necessaria.

Errat v. quia loquitur manifestè contra textum D. Pauli, ad Rom. c. 13. [omnis Potestas est à Deo:] & contra textum Sap. 16. [ad vos ergo Reges sunt hi sermones] & pauld post, [quoniam data est à Domino potestas vobis, & virtus ab Altissimo:] dicit verò dominus Cardinalis, se probasse potestatem Principis in Laicos, non esse de iure diuino, sed de iure humano, multoque minùs in Clericos. Qualis sit hic modus loquendi, eū audienti considerandum mitto: quod de immunitate asserit Illustrissima sua dominatio, dici nullo modo potest, quin Sacris literis contradicatur.

Errat vi. quia dicit Principi potestatem auferri & imminui posse à Canone, quod falsum est de iure, nec id dicet vnquam bonus vllus Theologus: fatebitur quidem Pontificem posse Principem admonere eūque hortari vt suos Canones de immunitate recipiat, sed quòd eum possit cogere de iure diuino, vbi de rebus spiritualibus & iustis non agitur, hoc ego nusquàm legi: imò D. Bernardus reprehendit Papam Eugenium, [quid alienos fines inuaditis? si voles vtrumque, perdes vtrumque.]

Errat vii. quia licèt verùm sit posse summum Pontificem

Pontificem canones facere circa immunitatem, aliâque, tamen canon vim non habet, vbi legitime non est promulgatus, & receptus, cum enim sit lex humana secundum omnes doctores, vt obliget, essentialibus hisce duobus conditionibus opus habet: vnde sacrum concilium Tridentinum non obligat in quibusdam Prouinciis, quod nec ritè promulgatum, nec receptum fuerit, aliâque pariter canones in aliis locis non obligant: nec vllus Doctor, quod sciam, de hoc vquam dubitauit: & Couarruias, Sotus, Nauarrus, requirunt semper præter canonem, partium prætendentium consensum: aliàs enim cum non sit Pontifex, dominus totius orbis in temporalibus, iure diuino, quum facit canones qui Iurisdictioni Laicæ damno sunt, oportet vt vim habeant, eos niti consensu illius qui iurisdictionem habet, aliàs essent inutiles: hæc doctrina certissima est apud iam citatos, Couarruiam, Sotum, Nauarrum, cap. Nouit Medinam, eosque omnes qui solide loquuntur.

Errat VII 1. quia dicit Principes non posse Canonem receptorum auctoritatem minuere, quod verum est, & hoc dicunt Sotus & Couarruias, sed intelligitur ordinariè, & quia postquam Canonem aliquem receperint, indecens esset leui de causa priuilegium ei tollere: sed nemo negat posse priuilegio derogari, urgente aliqua necessitate, vt legitur in iis omnibus qui tractant materiam de priuilegiis, imò Pontifices quotidie suis priuilegiis derogant.

Errat vltimò, quia falsam illationem faciens, magnis contumeliis authorem afficit, ad quas non

respondetur : concludere sufficit doctrinam ab Authore propositam , verissimam esse, Catholicam , & maximè firmum fundamentum in sacris literis & sanctis Patribus habentem', doctrinam verò domini Cardinalis epitheta illa mereri, quæ prudens Lector ei dabit , ubi defensionem nostram legerit.

Defensio Sextæ Propositionis.

C A P. VIII.

Sexta Authoris Propositio.

DUm Princeps Venetus, legitimus & naturalis Dominus sui status, qui excepto Deo, nullum alium superiorè agnouit vnquam, leges statuit supra bona Ecclesiasticorum, quæ sub suo Dominio sunt, punit Ecclesiasticos in grauibus & atrocibus delictis, ac de bonis nondum ad Ecclesiasticos deuolutis disponit , idque authoritate quam à Deo immediatè habet, qua nunquam priuatus fuit, aut concesso priuilegio, aut Canone recepto, imò in eius possessione est, immemorabili multorum sæculorum, non annorum modò consuetudine, non peccat : ratio est, quia qui contra legem aliquam non facit, non peccat : multò minus peccare dici debet is qui legem obseruat : (à Bellarmino præterminissum) & præterea qui retinet quod suum est, non peccat : nec cogi debet ut eorum opinionem sequatur, qui immunitatem de iure diuino esse volunt: etenim omnis Christianus in eligenda opinione quam sequatur , liber est, modò sit Chatholica, quinimò doctoris alicuius opinionem contra reliquum vulgus amplecti,

NON

non est peccatum, vt rectè Nauarrus probat in suis præludiis : ergo peccatum non erit, D. Pauli, ac tot tantorúmque doctorum in prima & quinta proposit. citatorum, doctrinam amplecti : quin etiam, vt verum dicam eos excusare nequeo, qui immunitatem ecclesiasticam putant esse de iure diuino, videntúrque mihi modò parùm fundati modò parùm circumspecti, modò nimis tenerarij, modò nimis adulatores.

OBIECTIONES.

Bellarminus.

TAndem post multas ambages author redit ad propositum, & scopum suum penitus explicat. Sed quia loqui non potest, nisi omnis generis errores in suo discursu immisceat, eo modo Venetorum Principem depingit, ac si esset Monarchia absolutus, dicens eum esse naturalem sui status dominum. Si ita est, Respublica Veneta libertatem perdidit, nec verè vocari potest Respublica, quia Dominum habet, & naturalem Dominum. Dominus ille est qui de suo facere potest quod vult, vèdere illud, donare oppignerare, commutare. Dominus autem naturalis est, qui dominium habet ex hæreditate, successionē sanguinis, aut ortu, non electione, aut donatione. An hoc modo conueniat Duci Veneto, vt sit naturalis Dominus Status Veneti, iudicio vniuscuiusque qui res eius Reip. norit, id committo. Præterea dicens hæc author Principem Venetū non agnoscere superiorē intemporalibus, excepto Deo, quid est hoc aliud quàm facere eum dominū abso-

A A a ij

lutum, vt sunt Reges, in quos Respublica omnem suam potestatem transtulit? Verum si Respublica Veneta, vera & libera Respublica est, vt ipsa pretendit, non transtulit in Principem suam omnē potestatem, sed partem illam ei cōmunicauit, quæ sibi placuit, quā etiam augere & minuere, totāq; auferre potest, vti etiam Principem pœna mortis punire, quum se Dominus faceret, vt iam semel exemplum præbuit in persona Marini Fallerij: ac proinde Dux Venetus nō solum pro suo superiori in temporalibus, Deum agnoscere debet, sed etiā Rempublicam, vel potius magnum concilium. Sed mittamus ipsos errores, qui si Venetos non premunt, multò minùs exteros prement. Veniamus ad statum controuersię. Affirmat hic Author Ducem Venetum non peccare statuendo leges in præiudicium Ecclesię, vt scilicet incarcerentur ecclesiastici, quam ob causam reprehensus est à summo Pontifice, & dum eidem non obediret, excommunicatus: ipsum verò non peccare, tripliciter probat. Primò, quia habet à Deo potestatem immediatè in personas & bona ecclesiastica. Secundò, quia hac potestate, nec per priuilegia, nec per canones receptos priuatus est. Tertiò, quia in possessione est, tempore iam immemorabili. Has rationes discutiamus. Prima ratio falsa est, non solum ob ea quæ diximus in primæ Propositionis refutatione, Sed etiam ob id quod author adiungit hoc in loco, & per euidentem experientiam. Dicit enim hîc Author, Ducem punire posse ecclesiasticos in grauib; & atrocibus delictis, quod arguit ipsum à Deo non habere immeditè potestatem, sed à quopiam alio qui eam

limitate

limitatè concessit : nam si de iure diuino immediate potestatem haberet in Ecclesiasticos, eam haberet in omnes excessus tam graues quàm leues, atroces quàm non atroces. Dicit pariter Ducem disponere posse de bonis nondum ad ecclesiasticos deuolutis, quid ea limitatio significat? aliud nihil, quàm quòd non habeat potestatem absolutam in bona Ecclesiastica, atque ideò non habere à Deo immediate: nō si hoc modo haberet, nemo eius potestatem restringere & limitare posset, vt nemo Pontificis potestatem limitare potest. Ad hæc quæro, an Respublica imminuere & augere possit authoritatem Ducis, cūque Magistratu abdicare, & an viuat ad modum legum Venerarum, necne? certum est posse, aliàs enim libera non esset. Dux igitur immediate à Deo potestatem non habet, sed à Republica, & ita potestas Ducis humana, est limitata, subiecta potestati maiori, etiam humanæ. Secunda ratio similiter falsa est: quia si Dux aut Princeps non est spoliatus potestate sua per priuilegia personis Ecclesiasticis ab ipso concessa: hoc ideò est quòd spoliari non possit, nisi vestitus, & Princeps Venetus non fuerit vnquam tali potestate vestitus, cū Republica Veneta modo exerta sit, quando Ecclesiastici à potestate laica iam immunes erant: quamuis etiam dici possit, dum laicus sit Ecclesiasticus, tunc Principem priuari sua potestate, quam in eiusmodi personam habebat, ob priuilegium diuinum Ecclesiasticis datum, & Canones plurimos in toto orbe Christiano receptos, quibus nec vllus Princeps, nec omnes si;

mul derogare possint, vt paulò superiùs demon-
 strauimus autoritate Soti & Couarruiæ, quos
 pro se allegauerat aduersarius. Et si non fuisset
 aliud, sufficere debuisset Canon ille celeberrimùs,
 si quis suadente, 17. quæst. 4. vbi omnes illi
 excommunicantur, qui clericis aut monachis vio-
 lentas manus iniiciunt, reseruata absolutione se-
 di Apostolicæ: nec ibi excipiuntur Principes, aut
 alij Domini sæculares. Et hic Canon, non modò
 nunquam fuit reuocatus, sed Martinus V. in Con-
 cilio Constantin. cùm vellet excommunicatio-
 nis illius seueritatem mitigare, ordinando vt cum
 excommunicatis versari liceret, eos nihilominùs
 excepit qui nominatim declarati sunt excommu-
 nicari, & qui palàm iniiciunt manus in personas
 ecclesiasticas: tales enim sine alia declaratione vi-
 a i voluit, neque illis prodesse hanc suam indul-
 gentiam. Tertia ratio possessionis immemorabi-
 lis refutatur ipsismet Venetorum verbis: non e-
 nim aliam ob causam anno 1605. renouarunt le-
 gem quandam, aut vt illi vocant, Partem factam
 iam anno 1536. ne ecclesiis donentur bona im-
 mobilia, nisi quòd nunquam ad hoc vsque tem-
 pus obseruata fuisset, vt ipsi fatentur. Accedit hi-
 sce: quæ possessio, quæ consuetudo valere potest
 aduersus veritatem, charitatem, & iustitiam? atque
 ideò nimis est enormis falsitas, Ducem Venetum
 non peccare, dum eiusmodi leges ponit, & perso-
 nas ecclesiasticas in carceres coniicit. Deinde qui
 hoc tempore videt vel audit grauissimos & hor-
 rendos Ducis Veneti, quos perpetrat, excessus,
 dum Sacerdotes & religiosos in vincula coniicit,
 ad vio-

ad violandum Apostolicum interdictum Ecclesiasticos cogit, monasteria militibus implet, ac demum
 ceu Valens olim Imperator, & Hunericus Vandalorum Rex, Arrianus vterque publica persecutione Ecclesiam molestat, qua ratione dicere potest, ducem hunc non peccare, nisi fortè ab affectibus suis excæcatus, & vt inquit Apostolus, in reprobum sensum datus sit. Omitto reliqua Authoris verba, quum dicit, eum non peccare, qui non agit contra legem, qui obseruat legem, & qui sequitur doctrinam D. Pauli, sunt enim res notæ nimis, & dignæ potius leui puerulo, quam graui Theologo. Verum vltima censura quam adhibet author, dum ait eos qui volunt immunitatem Ecclesiasticam esse de iure diuino, sibi videri, modò parum fundatos, modò parum circumspectos, modò nimis temerarios, modò nimis adulatores, non est censura lata aduersus homines, sed blasphemia in Spiritum S. prolata. Cum enim hæc sententia expressa sit à Conciliis generalibus Lateranensi & Tridentino, ac verè dicatur, Concilia generalia congregata esse à Spiritu S. atque ideò rectè dicatur cum Concilio primo Hierosolymitano: Visum est Spiritui S. & nobis, hinc sequitur Spiritum S. modò parum esse fundatum, modò parum circumspectum, modò nimis temerarium, modo nimis adulatorem, si aduersarius in sua censura non mentitur.

D E F E N S I O.

Marsilius.

CUm prius author probauerit Principis temporalis Potestatis esse immediatè à Deo, quauis

AAa iij

humanus sit modus eam consequendi, nullumque subditum ab ipso met Deo exemptum fuisse à legibus iustisque mandatis illius potestatis: amplius, Pontificis potestatem, quamvis sit spiritualis, prohibere non posse ne temporalis potestas iustum suum Dominium in suos subditos exerceat: & duobus hisce principiis evidenter probatis, necessariam consequentiam educit nimirum, Pontificem dum Spirituali sua potestate imperat Principi Veneto, ne temporalem suam exerceat in suos subditos, obligatum non esse Principem Venetum ad obediendum, & quum non obedit, non peccare: non video quam rectior via eligi potuerit, interim tamé Dominus Cardinalis authoré ambages egisse dicit. Verum quoniam asserit eundem authorem non posse loqui, nisi omnis generis errores immisceat, erit quoq; necesse vindicare illum ab hac calumnia, probando non esse errores in Authoris dictis, sed potius in Obiectionibus, eoq; magis inexcusabiles, quod opponens errando, alterius doctrinam erroris insinuet.

Errat I. quia cum serenissima Respublica, sit Princeps naturalis sui Domini, nec vnquam in Authoris Propositionib⁹ sermo de Duce factus sit, sed vel de Senatu, vel de Republica, vel de Principe, Dominus Cardinalis vocem Principis cum voce Ducis, & simul cū hac Potestatem personarū confundit, adeo ut per Principem Venetum intelligat Ducem, Dux tamen est solum caput Reipublicæ, quæ verus est Princeps: est adeo insignis hic error Domini Cardinalis, ut eum quilibet videat & cognoscat, & hoc vnum reliquæ suarum Obiectionum partis vim & authoritatem infirmare potuit.

Errat

Errat II. quia ostendit se authorem adeò parvè pendere, vt existimet, illum nescire distinguere Principem quando Rempublicam & quando Ducem significat, qui persona est particularis, primatamen in Republica: aut illos qui hoc authoris opus recognouerunt, adeò cæcos fuisse, vt errorem tam euidentem non animaduerterint: sed Dominus Cardinalis ita est sollicitus ac diligens in spinis inter flores inueniendis vt mirum non sit, illum quandoq; res confuso quodam & deprauato modo videre, ac erroris nomen virtuti tribuere.

Errat III. quia cùm in hac Responsione non fiat mētio Ducis, sed Reipublice, & Senatus neq; hīc agatur nisi de ipsius Dominio & Potestate, facile illi erat intelligere, vocem Principis, cùm sit generica, ac tam Imperatoribus & Regibus, quàm Rebus publicis cōmunis, hoc loco non Ducē, sed Rempublīcā significare: præter hoc quòd aliū sensum authoris verba non patiantur: dicit enim Principē Venerunt nunquā superiorē in temporalibus agnouisse, excepto Deo: de Duce id intelligi non potest, quī cū esset Marci procurator, ducē agnoscebat suum Superiorem, nunc verò cū Dux sit, Superiorem agnoscit suam Rempublicam.

Errat IV. quia cū Author in sua Responsione nusquam mentionem fecerit de Duce, nec de eius persona, & ne minimū quid dixerit quod ad ipsum eiusve dignitatem referatur, ipse tamen non modò voce Ducis vtitur, sed etiā ab omni ratione alienissimus, de persona eius sermonem instituit: ex quo nonnulli contemplationibus dediti (magno cum fundamento) collegerunt, istud non errorem

esse à Domino Cardinali, casu factū, sed dedita operā, vt occasione sumeret Propositionum Authorem in odiū cōiiciendi apud Rempubicam libertatis suæ amātissimam, dicendo illū facere Ducem Reipublicæ Dominum, atque de persona Ducis sit agendi vt in animis totius Reipublicæ sinistra quædam excitaretur opinio, vel affectatæ potentia, vel minus puræ religionis: quod ex ipsius sermonibus euidenter colligitur, qui aliò non tendunt, quàm vt ferant dissidia, odia & seditiones. Verum quidē est, sicut hoc faciendi occasio fuit nimis longè petita, effectum etiam nullum fuisse: quinimò aduertētes Domini Veneti, quàm iniustē velit Dominus Cardinalis authorem illum apud ipsos in inuidiam rapere, eum amabunt, eiq; magis fauebunt quàm antea vnquam: & conscij virtutis sui ipsorum Ducis, ac quàm sint actiones eius à calumniis alienæ, quas in ipsum ingerit Dominus Cardinalis, & videntes continua testimonia suæ integritatis, magnanimitatis, prudentiæ, & religionis, immortales Deo gratias agunt, quòd in hisce motibus, tam fidelē & securum Ducē ipsis prouiderit, virum, qui postquàm omnibus Reipublicæ muneribus functus est & apud multos Principes, Serenissimæ Reipub. nomine legationes obiit nobilissimas, factus etiā generalis præfectus in terrestri militia & Procurator D. Marci, nulla vnquam vel minima sinistrè de se loquendi occasione data, qui potius omnibus his magna cum laude & admiratione peractis hodie demum ceu Caput, maiori quàm hactenus vnquam honore & fama, Rempubicam regit.

Errat v. quia auctori imponit quòd dixerit, Ducem leges condidisse: Author eiusmodi fatuitatem

tatem non dicit: Princeps Venetus, id est respublica, ea est quæ leges condit, non verò Dux, & author nusquam Ducis meminit.

Errat VI. quia dicit latas esse Venetiis leges, quæ Ecclesiasticis & Ecclesiæ damno sint: quotiescunque Scripturæ locus adferetur aut Ecclesiæ definitio tanquam de fide, quòd eiusmodi leges à Republica Veneta statui non possint, quòd Ecclesiastici ob delicta sæcularia non possint incarcerationi, quòd Papa iure Pontificatus sese possit in similibus rebus immiscere: dicemus leges illas esse contra Dei legem: sed dum Princeps temporalem authoritatem à Deo absolutam habet, iuxta Apostolos D. Petrum, & D Paulum, iuxta Sanctos Patres, iuxta definitionem de fide, Nicolai primi in epistola ad Michaëlem, quæ potestas ei à Pontifice in materia & delictis temporalibus limitari nequit, ut probatum est, qua Princeps ipse nunquam fuit priuatus, actiones quas edit, Ecclesiæ non præiudicant dum intra suos limites manet, nec eos transgreditur. Dici potius posset Sanctitatem suam, dum Spiritualis Potestatis limites transgreditur, Principum temporalium quietem perturbare posse, imò opus esset ut sapius dicta pij Bernardi memoria repeteret, [Apostolis interdicitur Dominatio, indicitur ministratio. Petrus dare quod non habuit, non potuit, qui dixit illi claudio, argentum, & aurum non est mihi, quod autem habeo, hoc tibi do, nempe corporalem sanctitatem, ope Sanctitatis quā habebat, ac potestatis faciendi miracula, & demū ea, [Quid alienos fines inuaditis? si uoles utrūq; perdes utrūq; Quū verò Sāctitati suæ de hac immunitate uerba fiunt,

radicem & fundamentū quo nititur inquirere deberet, an sit illud in Scriptura, an in Patribus, in priuilegio principum, vel consuetudine: & considerare diuersos esse regionum ritus, diuersaq; priuilegia: tandēque videns Dominorum Venetorum finem esse optimum, non modò æternæ vitæ non contrarium, sed idoneum ad rempublicam Christianam & Catholicam integris suis viribus conseruandam, & ad Iustitiam retinendam, tum quoque vt Clerici se promptè ac seuerè castigatū iri ob delicta ciuilia memores, in officio continentur, eorū actiones suo silentio probare: nam qui cōcedunt Pontifici auctoritatem, quandoque sese immiscendi indirectè in temporalibus, eam ipsi concedunt vrgente summa quadam necessitate, & quum ad vitam æternam via subditis præpeditur: iam verò quoniam actiones & leges Dominorum Venetorum non modò viam non præpediunt ad vitam æternam, sed eam potius magis planam faciliēque reddunt, quam videt necessitatem suam. Sanctitas, ob quam prohibere debeat leges politicas, quæ sunt extra Iurisdictionis suæ terminos?

Errat y r i. quia fingit pro more suo, se vim argumenti non percipere: author argumētatur, nō à potestate quam habet Princeps in genere à Deo, sed ab ea potestate cuius exercitio se nunquā spoliavit, siue priuilegio concesso, siue recepto Canone, aut longa consuetudine, quæ lex est, ad probandum actiones quas edit, iuxta potestatem illam, bonas esse & legitimas: ipse verò arguit à particularibus hisce actionibus, Principem aliam à Deo potestatem non habere. Princeps à Deo potestatem habet in res omnes temporales, sed eam exercet

exercet in has, non in illas: nam illas concessio priuilegio exemit à sua potestate, has verò minimè, quod non arguit Deum concessisse ipsi potestati limitatè, vt ait Illustrissima sua Dominatio, sed ipsū sibi met eam limitare per concessa priuilegia, siquidem nemo potest Principis temporalis potestatem limitare in temporalibus, quando non est tyrannica, nec vllum habet superiorem præter Deum, multò minùs quàm ad optimum finem exercetur.

Errat viii. quia tribuit auctori vt dicat, Ducem posse punire, disponere, leges condere: Auctor nec voce Ducis vtitur, nec voce potest: sed dicit Principem, id est, rem publicam punire, disponere, leges condere: res sunt admodum diuersæ, actus & potestas, posse leges condere, & leges condere.

Errat ix. quia in eo est, vt omnino velit auctorem de Duce loqui: Auctor de Republica loquitur, quæ authoritatem habet in temporalibus, non autem Dux: Respublica enim ea est quæ Iurisdictionem Principis Veneti exercet, non autè Dux.

Errat x. quia dicit authoritatem Reipublicæ in subditos, esse ab hominibus, authoritatem verò Pontificis à Deo. Hic error antea fuit refutatus expressis verbis D. Pauli, Rom. 13. Sap. 6. estque manifestè contra Sacras literas.

Errat xi. quia dicit cùm orta sit Respublica, quo tempore immunes erant Ecclesiastici, illam spoliari non potuisse eo quo nūquam induta fuit: Dominus Cardinalis probare tenebatur Ecclesiasticos, tunc immunes fuisse, solum enim Friderici I. priuilegium adfert, quod nullius est momenti, imò dici potest id nuper tantum fuisse, nec vllius

pretij deberet esse apud ecclesiasticos, cum ipse post illud priuilegium excommunicatus fuerit, & Imperio abdicatus à Gregorio I. x. ac proinde omnes eius constitutiones abrogatæ fuerint. Sed Domini Veneri Iustinianum Imperatorem Sanctissimum imitati sunt, cuius Nouella nunquam abrogata est, nec ullam Ecclesiasticis immunitatem abstulit, quam haberent, imò alia ipsi concessit.

Errat XII. quia dicit Principem vi characteris, authoritate spoliari quam habet in suos subditos: cum hoc sit expresse contra D. Paulum, & Sanctos suprà citatos in prima Propositione, nihil addam. Si Baptisma non liberat à subiectione Principis, multò minùs Clericatus, vt optimè argumentatur Medina, q. 15. de Restitutione, quod etiam argumentum à Nauarro censetur insolubile, cap. Nouit. de iudic. Notab. 6.

Errat XIII. quia dicit Scripturam, Legem diuinam, Canones, Concilia, immunitatem Ecclesiasticis concessisse: Scriptura hoc non præcipit, vt fatetur Illustrissima sua Dominatio in ultimo suo tractatu, neque lex Naturæ, quæ diuina est, id dicat: Concilia rem eiusmodi nunquam definierunt, nec Canones tanquam de fide, vt probatum est: quoddam autem extent quidam immunitatis Canones facti à Pontificibus: vbi ritè promulgati & recepti fuerunt, dico esse adhuc illos in robore suo, & extra casum extremæ necessitatis, vt loquitur Sotus, & vt Couarruias, ordinariè eis derogari non debere, vt in materia de Priuilegis definitur: sed hoc ad rem non facit, quia Domini Veneti nullum vnquam Canonem recepe-

receperunt , qui repugnet legibus quas hodie statuunt.

Errat xiv. quia citans Canonem dict. 17. quæst. 4. [Si quis suadente diabolo in Clericum manus violentas iniecerit] præsupponit Dominos Venetos suadente diabolo , manus violentas in Clericos iniecisse : at hoc non fecerunt suadente diabolo , sed suadente Deo , atque iustitia : Canon de priuatis iniuriis & offensis loquitur , aliàs enim Iudices etiam Ecclesiastici huic subiecti essent : itaque Canon ille in ditione Veneta obseruatur : nam si priuatus aliquis suadente diabolo manus in Clericum iniicit , & in excommunicationem incidit, absolui postulat.

Errat xv. quia dicit Rempublicam ius non possidere iudiciorum quæ exercet, & legum quas cõdit: quod quàm falsum sit, optimè probatum est à Doctissimo P. Magistro Paulo, Ordinis seruorum in suis considerationibus. Duo tantum dicam, dicam, Legem quæ extat de hac materia , latam priùs fuisse anno 1333. non autem anno 1336. vt dicit Illustrissima sua Dominatio : nec, quia lex aliquando non obseruatur, Princeps autoritate priuatur eam condendi, instaurandi , vel ampliandi: eadem enim autoritas qua primùm fuit lex condita, sufficit ad eam instaurandam , ampliandam &c.

Errat xvi. quia Duci tribuit quod totius est reipublicæ, quæ id facere potest ad vim vi repellendam : & ne hæresis in ditionem suam introducatur : & quia certò scit censuras nullas esse , nec de hoc dubitat : & quia immemorabiliter hoc possidet , nunquam scilicet huius-

huiusmodi interdictum in suo Dominio obseruatum fuisse.

Errat x v i i. quia Respublica milites non locat in Monasteriis, vt dicit Dominus Cardinalis: & qui hoc retulit, verum non dixit: & multò minus verum est Ecclesiam publica persecutione molestarì, imò quod facit Respublica, in Ecclesiæ tutelam facit: quod si non ita est, dicat Dominus Cardinalis quam hæresin foueat Respublica, quæ nil aliud prætendit, nisi vt ius suum conseruet: vnde,

Errat x v i i i. dum Reipublicam cum Arrianis Principibus comparat. Dicam sepe, credunt Domini Cardinales Bellarminus & Baronius, homines terrefacere his suis Hæreticorum & Schismaticorum epithetis: nō ignoratur quid sit Schisma, quid Hæresis, & si generale Concilium haberetur, vbi congregata esset tota Ecclesia, quæ errare nequit, vt suadet sacrum Concilium Tridentinum sessione vltima, liquidò constaret qui sint Hæretici, qui schismatici: interim dicere sufficit Reipublicam non esse talem, imò maximè Catholicam, si aliàs vnquam: hæ tandem controuersie finientur, & Domini Veneti non alij iudicabuntur, quàm qui semper fuerunt.

Errat x i x. quia cùm fateatur Illustrissima sua Dominatio, Concilium Lateranense non esse Generale, nec Tridentinum de immunitate loquatur, de qua opinionis contrariæ Authores loquuntur, cùmque neutrum in hoc negotio quicquam definierit de fide, dicendum non est habere illa parem auctoritatem cum illo Canone, de quo dicitur [Visum est Spiritui S. & nobis.]

Errat vltimò, quia author epitheta illa non tribuit iis qui volunt immunitatem esse de iure diuino, largo modo, id est, per comparisonem, & similitudinem, vt ait Glossa, & intelliguntur Canones & concilia: sed iis qui dicunt, esse immunitatem de iure diuino, iniuncta scilicet in scriptura, expressis verbis, vel de iure diuino naturali, aliòve modo, quibus non dubium est quin eiusmodi epitheta conueniant.

Defensio Septima Propositionis.

CAP. VIII.

Septima Authoris Propositio.

DUm serenissima Respub. nō est reus, nec peccat, id faciens quod in superiori Propositione dictum est, si à summo Pontifice Paulo v. in Monitorio censurarum ab ipso promulgatarum excommunicetur, & loca sacra inhibean-
tur, &c. nulla est eius sententia, non solum de iure positiuo, ob non seruatum ordinem prescriptum à Canone de sententia excommunicationis, in 6. vt in Manifesto legitur, sed etiam de iure diuino: nā potestas excommunicandi, est cōditionalis, si peccauerit in te frater tuus: adeò vt vbi non est peccatum, locum non habeat excommunicatio, sitq; sententia in eum lata qui non peccauit, vana, ex defectu materiæ. Ne quis autem quantumuis rudis, putet serenissimam Rempub. licet vt suprà est probatum, non peccarit neque peccet retinendo quod suum est, peccare nihilominus dum detre-

B B b j.

termino assignatis. Nec interposita est appellatio, nec cum Papa ipse sit supremus Iudex, interponi potuit. Atque ideò obseruatus est exactè integer ordo iudiciarius, præscriptus à Canonibus de sententia excommunic. in 6. Decebat aduersarium producere Canonem aliquem, ac docere qua in re non fuerit obseruatus: sed quia facere hoc non poterat, sufficit ei generalibus solùm terminis hanc rem attigisse, vt imperitos deciperet. Præterea dicit sententiam Domini nostri nullam esse de iure diuino, ex defectu materiæ, quia excommunicatio, pœna est, quæ absque culpa infligi nequit, atque ideò cum Respublic. Veneta non peccarit, eam excommunicari non potuisse. Ad hoc respõsum est, & probatum peccasse grauitè Rempublicam, primò iniquas Ecclesiæ leges statuendo, personas ecclesiasticas incarcerando, deinde dum manet inobediens summo Pontifici, & malè facta emendare non vult. Et quum fuisset dubium, num Respublica peccasset, necne, certum est eius rei iudicium non ad Remp. sed ad Pontificem ceu iudicem supremum, pertinere. Quod quidem nec aduersarius negare potest, qui propositione quarta asseruit Papæ potestatem esse super peccata: si igitur Papa iudex est super peccata, ad ipsum pertinet discernere an res quæpiã peccatum sit, necne, quemadmodum in figuram huius rei, in veteri Testamento, sacerdotum erat iudicare leprosusne aliquis esset, necne. Cum autem summus Sacerdos iam iudicauerit Ducem Venetorum grauitè peccasse, & infectum esse lepra spiritali: atque ideò eum à consortio fide-

lium mediante excommunicatione separarit, quo modo defendi aut excusari potest? Dicere autem constantiam in bona opinione non esse pertinaciam, verum est, quamdiu quæstio est dubia, sed quando à Iudice iudicata & definita est, qualis hæc est de qua loquimur, persuasio eius qui Venetorum partes defendendas suscepit, non est ampliùs opinio, sed error, & cōstantia in ea, pertinacia est.

D E F E N S I O.

Marsilius.

DEfensio septimæ huius Propositionis est facilissima, superius enim Illustrissimæ suæ Dominationis obiectiones validè sunt de iure confutatae, atque ideò superest modò vt quot errores in expositione facti committat, ostendamus.

Errat 1. quia dicit Pontificem antequam proferret sententiam contra Dominos Venetos, ter eos Canonicè admonuisse, primum tamen ipsius monitorium, non fuit monitorium, sed sententia declaratoria, & definitiua, quam nullum monitorium præcessit. Ampliùs in tertio Monitorio causa adest emphiteoticorum, vt Romæ loquuntur, de qua nec in primo, nec in secundo monitorio fit mentio, adeò vt vel hoc solo nomine, si non alio, sententia nulla sit. Præterea quando Monitoria non sunt monitoria, sed sententiæ, quales hæc Sanctitatis suæ, hoc defectu laborant inexcusabili, quique causam omnem nullam reddit, iuridicæ nimirum citationis defectu: sed quia de hac materia egit eruditissimè ac determinauit in Authoris defensionem R.P.M. Paulus Venetus Ordinis

ser-

senatorum in suis considerationibus , nihil addam.

Errat I I. quia dicit Authorem debuisse pluribus ostendere iuris positivi defectum, siquidem author eum ceu eundem præsupposuit, quia Venetiis, nil toti populo erat notius: insuper non multum in eo posuit, nouit enim quid à Romanis respondeatur, quando Pontifex facit contra Canones, illum scilicet supra Canones esse: quod an verum esse queat in casu nostro, considerandum mitto domino Cardinali, cum innititur ille Canon ordini fraternæ correctionis à Salvatore præscripto, quem Pontifex immutare nequit.

Errat I I I. quia dicit Pontificis sententiam non esse nullam de iure diuino, & Illustrissima sua dominatio dixit antea dominos Venetos peccare grauissimè: non enim nego illam dixisse, eos peccare grauissimè: sed non verum est illam hoc probasse, siquidem nullatenus probari potest, cum peccare qui non facit contra aliquam legem, qui retinet quod suum est mordicus, qui Deo potius obedit quam hominibus, qui vim vi repellit: hæ sunt dominorum Venetorum actiones. Ergo non peccat: quod ab Authore validè probatum est, nec dominus Cardinalis eius doctrinæ quicquam opposuit, quod vel specie tenus probabile quid haberet, ne dum quid certum aut demonstratiuum, ut ipse ait.

Errat I V. quia cum dixisset author Pontificis potestatem extendi ad res spirituales, & esse super peccato, infert spectare ad Pontificem iudicare semper & in omni causa an sit peccatum, necne:

BB b iiij

Tertius error est, quia dicit, in hisce controuersis sufficere vt Papa dicat dominos Venetos peccare, ad credendum sic esse, attamen peccatum facit primum intentio praua, iuxta D. Bernardum, [tolle voluntatem, & infernus non erit,] deinde quod sit dictum, factum, concupitum, contra legem Dei, iuxta diuum Augustinum: itaque quum quis rectam habet intentionem, nec contra legem vllam quid facit, licet Papa dicat eum peccare, non peccat, quod intelligitur secundum omnes, vt dictum est, in re certa: iam autem quia Domini Veneti certò sciunt se non peccare, & optimam intentionem habent, eis hoc scire sufficit, nec opus habent ad Papæ iudicium confugere, maximè in controuersia in qua vult esse iudex & pars.

Errat v. quia dicit supremum Iudicem iudicasse, Ducem esse lepra infectum, ergo est infectus: cum tamen Sacerdos antiquus de lepra non iudicaret, sed diceret, Leprosus es, ergo nolo in Templum intres: quod iudicium ad omnem medicum spectat, & ad quemlibet etiam, quum apparet lepra, nec latet aliquem esse leprosum. Insuper si quis è Sacerdotibus antiquis dixisset aliquem esse leprosum, cum tamen sanus esset, ludibrio esset habitus. Tertiò, vt sciatur an aliquis sit leprosus in rebus dubiis, eatur ad Sacerdotem vel ad Doctores, at quum quis certus est se sanum esse, & non leprosum, non opus est Medicum consulat, nisi fuerit phantastico illi similis, què cum sanus esset, quia dixit ei Medicus ipsum febricitare, febris ilicò corripuit, & obiit: denique si supremus Iudex, nempe Christus, qui errare nequit, diceret contra Dominorum Venetorum iudicium ipsos in eo peccare,

Defensio Octava Propositionis.

CAP. X.

Octava Authoris Propositio.

VERVM est D. Gregorium Pontificem dicere, Pastoris sententiam iustam, iniustamve timendam esse. Sed hoc ad rem non facit: quia magnum est discrimen inter Iudicis Ecclesiastici sententiam iniustam, & eam que nulla est, ut affirmant doctissimè Nauarrus de censuris Ecclesiæ, cap. 27. & Sotus 4. Sentent. distinct. 22. addentes iniustam timeri, at nullam minimè observari debere. Quapropter cum censuræ à summo Pontifice Paulo v. promulgatæ, ut dictum est, nullæ sint ac futiles, quia sunt instar scripti alicuius in aqua vel aëre formati, hoc est sine fundamento & materia, censeo eas non debere observari, in Ecclesia quoque vestra nihil innouandū esse (à Bellarmino prætermissum.) Nam licet Nauarrus loco cit. de inualida & nulla excommunicatione sic loquatur: Sententia, subaudi Iudicis Ecclesiastici, inualida seu nulla, nil aliud operatur in foro interiori siue exteriori, quàm quòd obligat excommunicatum ad seruandum eam, quoad populus sibi persuadeat vel persuadere debeat causas nullitatis propter scandalum: nihilominus tamen hæc doctrina mihi valdè fauet: siquidem toti populo Veneto nota est nullitatis causa, & si cui nō esset, ex eo quod omnibus edicto suo declarauit Serenissimus Princeps, innotescere deberet: vnde tātum abest ut sit timēdum scandalū, ut potius dicā me religiosos quosdā excusare non posse, qui siue

ignorantia, siue prauo alio affectu peccent, ciuitate excedere maluerunt, quàm in Sacramentis administrandis pergere, sicuti in publicum & Religionis bonum ipsis à Principe iniungebatur; quo quidem facto omnes scandalizarunt, quia ipsi sibi fuerunt lex, nec ab Ecclesia cathedrali aliisque omnibus antiquissimis & sanctissimis ordinibus religiosi exemplum sumere voluerunt: quibus cum Christo dicam satius fore vt suspenderentur molæ asinariæ in colla eorum, vt non scandalizarent pusillos istos. Præterea Principis sui naturalis libertatem defendere, qui fouet & conseruat populo pacem, libertatem, religionem, est de iure naturæ, hoc est, diuino: & Ecclesiastica decreta sunt de iure positiuo: quod illi cedere debet, multoque magis quando constat de nullitate: vnde quidam hallucinantur existimantes hanc controuersiam esse de fide, cum sit duntaxat de moribus: quod si quid sit expressum in sacris literis, quod quidem rem de fide constitueret, est serenissimi Senatus sententia, quæ à D. Paulo expresse docetur. Itaque, mi Domine, perge modo in celebrando, communicando, iisque omnibus faciendis, quæ in Ecclesia vestra ante dictarum censurarum promulgationem fiebant, non solum quia sic te statuisse scribis, sed vt scandalum vites, tam quia sententia nulla minimè est obseruanda, quum de nullitate constat, quàm vt te à tuo capite, Principe videlicet in iurisdictionis controuersis non separes, absque vlla ratione: quin etiam existimo ob eandem causam, eum qui die saltem festo Missam non audiet, peccaturum: nam relinquet eam sine legitima vlla causa, cum vbique celebre-

celebretur, & sententia nulla sit. Noli timorem agnoscere, vbi timor non est: noli tripidare, vbi non est timor: ne committe vt dicatur te Principi tuo ac Serenissimæ Reipublicæ fidem non seruasse, Filij matris meæ pugnaverunt contra me: sed enitere vt Apostolico præcepto pareas, Omnis anima potestatibus sublimioribus subdita sit, non solum propter iram, sed etiam propter conscientiam. Hec dico, non quod de constantia tua dubitem, cum certò sciam te non minùs aliis omnibus huiusce Ciuitatis, vitæ pro tuo Principe exponendæ paratissimum esse: verùm vt causæ ipsius æquitas, quæ tibi nota est, multò magis hoc meo responso tibi innotescat. Denique scias velim Dominos Venetos licet sub capitali poena iusserint vt Religiosi omnes apertas sinant Ecclesias, &, sicut hætenus, sacra officia peragant, hoc non fecisse, veritos ne qui sunt benè affecti, veramque doctrinam sequuntur, vt plerique omnes, secus essent facturi, quàm fecerint, pergentes nempe in celebratione, diuinorumque omnium ministeriorum exercitatione: verùm ne quis isthæc vano quodam metu defereret in ea Ciuitate quæ semper Catholica fuit, & nunc, si aliàs vnquam, se talem profitetur. Itaque ferre non vult vt in pietatis exercitiis vlla mutatio appareat, vel vt eorundem intermissio cuiuspiam sese præcipitandi ansam præbeat, cui malo pro Ecclesiæ conseruatione Princeps modis omnibus de iure diuino mederi teneatur. Multas alias authoritates, & rationes, in hoc tractatu pro me adducere potuissem, sed eas propter accelerationem quam requiris, & breuitatis studio, missas facio, amplam huius materiæ tracta-

cipia, vanâque fundamenta prostrauerimus, ac demonstrauerimus sententiam Domini nostri Pauli Papæ v. validam & iustam, atque ita firmam & solidam esse, ac si marmori vel aeri incisa esset, tutò concludere possumus eam timendam & obseruandam esse, atque ideo Sacerdotibus Veneris, & sub eorum Dominio existentibus, omni cum diligentia seruandum esse interdictû illud, nisi offendere velint Maiestatem diuinam, & perdere salutem animarum suarum & populorum. Et hæc circa has octo Propositiones dicta sint. Verûm quia Aduersarius sub finem Propositionum suarum, inter alia absurda, multos errores admiscet, paucis eos sigillatim detegemus.

Primò ait secundum doctrinam Nauarri, sententiam excommunicationis quando nulla est, timendam esse & obseruandam, donec populus de nullitate eius certior fiat, & hoc ad vitandum scandalum. Et adiungit populum plenè de nullitate excommunicationis per Ducis edictum instructû esse. Hoc idem est ac si diceret, quando Iudex affirmat suam sententiam esse iustam & validam, reus verò eam iniustam & nullam pronunciat, reo credendum esse, non Iudici. Doctrina sanè tanto Theologo dignissima. Et quæ sententia erit vnquam iusta validaque, vbi reo credendum fuerit?

Secundò dicit se religiosos quosdam excusare non posse, qui Venetiis excedere maluerunt, quàm officia diuina peragere, in quo plurimos scandalizarint. Excusatione opus non habent hi religiosi: quòd si propter eorum obedientiam erga Pontificem nonnulli scandalizati sunt, dicendum est illis, quod Saluator olim Pharisæis, Sinite illos, cæci

sunt, & duces cæcorum, Matth. 15.

Tertiò dicit iuris esse diuini, defendere libertatem Principis sui naturalis, sententias autem Ecclesiasticas esse iuris humani, quod iuri diuino cedit. Multum olei videtur hic Doctor perdidisse in iure diuino, quod ei ad singula verba in buccam venit: ex quo etiam nascitur quòd tam diuinè argumentetur: Defendere libertatem Principis est de iure diuino: Ius humanum cedit iuri diuino, Sacerdotes igitur ad defendendam Ducis sui libertatem, contemnere debent excommunicationes & interdictum Papæ. Sed nos ita respondemus, si est de iure diuino defendere libertatem Principis allicuius terreni, multò magis de iure diuino erit defendere libertatem Ecclesiæ, quæ sponsa est cœlestis Principis: præterea dicimus, libertatem quã hoc tempore Dux Venetus prætendit, libertatem esse coniiciendi in carceres, eos qui subditi eius nō sunt, & statuendi leges contra iustitiam & pietatē, ac proinde de iure diuino esse eam non defendere, sed potius impugnare: quibus adiungimus, sententias Ecclesiasticas, quoad potestatem, esse de iure diuino, & in Euangelio fundatas, Matth. 18.

Quartò dicit aliquos decipi, putantes cōtrouersiam hanc de fide esse, cū sit solū de moribus, & si quid eius expressum sit in Scriptura, quod quidem rem de fide constitueret, esse illud pro opinione Reipublicæ Venetæ, sic expressè à D. Paulo edocte. Respondeo principalem controuersiam non esse de fide: sed eos qui patrociniū ac defensionem susceperunt Reipublicæ Venetæ, errores in materia de fide in suis tractatibus immiscuisse: Et aduersarius qui solita sua prudentia ait

Vene-

torum opinionem à diuo Paulo edoctam esse non aduertit res eas quæ à diuo Paulo expressè edoctæ sunt, non posse nominari opiniones, sequeretur enim de diui Pauli doctrina dubitari posse, cum opinio incerta sit & dubia. Veritas est, quòd opinio Venetorum nullo modo apud D. Paulum inueniatur, sed hoc quidem apud eundem, Hebr. 13. scriptum reperitur: Obedite Præpositis vestris, & subiaceite eis, ipsi enim peruiigilant, tanquam pro animabus vestris rationem reddituri: Et contra doctrinam hanc, quæ non opinio, sed catholica & certissima fides est, agunt hoc tempore Veneti, decepti à vobis, non Doctoribus, sed seductoribus.

Quintò dicit Sacerdotes non debere separari à capite suo, quod est Princeps. Quid aliud diceret Protestantium hereticorum aliquis in Anglia? Quis vnquam audiuit Principem sæcularem caput esse Sacerdotum, ac pròinde caput Ecclesiæ, nisi postquam Rex Angliæ Henricus VI II. desciiuit à Papa, & nominari voluit caput Ecclesiæ Anglicanæ? attamen ait iste non de fide, sed de moribus agi.

Sextò laudat Ecclesiasticos Venetos, qui parati sunt ad vitam exponendam pro suo ipsorū Principe. Noua isthæc species est Sanctorum, qui exponere vitam volunt pro Principe cogente eos ad perpetranda sacrilegia, & ne obediant Vicario Christi. Hactenus in laudem sanctorum lectum est in officio diuino: Isti sunt triumphatores, qui contemnentes iussa Principum, meruerunt præmia æterna. Deinceps dicendum erit: Isti sunt triumphatores, qui contempserunt Deū, vt seruarent

iussa Principum, si nouis hisce Doctoribus fides adhibenda est.

Septimò dicit Dominos Venetos statuisse pœnam capitalem Religiosis nisi Ecclesias apertas sinant, & celebrent officia diuina, ne scilicet vano timore hæc intermittantur in ea ciuitate, quæ semper catholica fuit, & nunc, si aliàs vnquam, se talē profitetur. Ad hoc non ego respondebo, sed dabo locum Spiritui S. vt ipse respondeat per os Samuelis, 1. Reg. 15. Nunquid vult Dominus holocausta & victimas, & non potius, vt obediatur voci Domini? melior est enim obedientia quàm victimæ, & auscultare magis quàm offerre adipem arietum, quoniam quasi peccatum ariolandi est repugnare, & scelus Idololatriæ, nolle acquiescere. Et vt non dicatur fieri hîc sermonem de obediētia Deo debita, audiat quid dicat Dominus Lucæ 10. Qui vos audit, me audit: qui vos spernit, me spernit. Itaque certò sciat Respubl. Veneta diuina officia & sacrificia Deo facta contra obedientiam Vicarij Christi, non placere Christo, nec placare, sed magis excitare iram Dei aduersus offerentes, vt eos, qui Sacerdotes ad offerendum compellunt.

Octauò monet vt doctrina legatur Nauarri solidissimi Doctoris, in cap. nouit. de Iudiciis, not. 3. & in Manuali cap. 27. de censuris, dicens se eum in omnibus supradictis fautorē habere. Adhortatur demum, vt quisquis periculum declinare voluerit, se recipiat ad securissimum notabilis illius doctrine portum: quòd singuli Ecclesiastici, si aliqua immunitate fruantur, ea fruantur non iure diuino, sed ex priuilegijs Principum, quæ ab ipsis,
reuo-

reuocari, minui, & pro arbitrio ampliari & extendi possunt. Respondeo Nauarrum immeritò ab eo adferri, ac si faueret erroribus eius hæcenus edoctis. Et quia libri impressi sunt, ac omnium manibus teruntur, iudicio Lectoris rem committito. Sed quòd Principes seculares reuocare possint aut minuere priuilegia immunitatum quæ habent ecclesiastici, est doctrina tam falsa & recens, vt, sicuti superius diximus, eam in specie Couarruias ipse improbauerit, qui vnus tamen est authorum ecclesiasticæ immunitati minùs fauentiũ

Cùm iam satisfecerim, vt existimo, omnibus huius authoris obiectionibus, restat solùm vt moneam, horter, & orem (vt ex toto corde facio) nobilissimam illam Rempublicam & serenissimum eius Principem, vt attentè considerent quibus Doctõribus se credant. Et ne longiùs abeam, hic Doctõr, cui respondendum suscepi, ait Nauarrum totum sibi fauere, & tamen Nauarrus in summa c.25. n.16. dicit, peccatum esse cogere ecclesiasticos, aut eisdem præcipere ne seruēt interdictum. Et cap. Nouit. de iudiciis, notab. 6. num. 30. Clericos & Monachos immunes esse à potestate Principum sæcularium iure diuino, quoad causas criminales, & alia Clero adnexa, additque hanc esse cõmunem sententiam Theologorum & Canonistarum. Igitur ex Nauarri sententia peccat contra ius diuinum Princeps ille, qui ecclesiasticos aut Monachos in carceres coniicit, aut eosdem præsumit iudicare in causa criminali: peccat etiam contra ius diuinum, quando clericis aut Monachis præcipit vt Missas celebrent aut diuina officia: sunt enim hæ res spirituales: ac

tandem peccaret contra ius diuinum, si iminunitatē eam quam clerici & Monachi habent à Deo, tollere aut minuere conaretur. Ecce igitur quā falsa vos docuerit hic doctor, & quomodo sub Nauarri nomine vobis imposuerit. Idem faciunt omnes alij à quibus huc vsq; similis materiæ libri, nouitatibus omnes & medaciis referti, in lucem prodierunt. Admoneo simul & rogo, vt cogitetis neminem filiis meliùs cupere, quā Patrē & Matrem, & ideò dixisse Paulum, etiamsi multos habeatis pædagogos, non tamen habetis multos Patres. Mater vestra est sancta ecclesia Romana, Pater vester est summus Pontifex, qui loco Christi vos alit, & educat, donec perfecti sitis & capaces hereditatis Paradyfi. Ideò præsupponere debetis multò meliùs vobis cupere hanc matrem, & hunc patrem, quā pædagogos istos, qui vos contrarias regulas docere conantur: Vltimò tandem hortor & obsecro attendatis diuina iudicia, quæ sæpius etiam in hac vita manifestata sunt. Legitur in vita Stanislai episcopi & Martyris, Papam Gregorium vii. ob peccata Regis Boleslai tulisse interdictum in vniuersam Poloniam, excommunicasse Regem, eidemque titulum Regium abstulisse. Quia verò māsit prædictus Rex induratus & impœnitens, Deus eum castigauit, faciens vt incolis contemptui, exteris execrationi esset: & quia nec dum cōuertebatur, secundū flagellum subiunxit Deus, vt vna pars Regni rebellaret, in altera dissentiones, & seditiones graues oborirentur: & cū neque hoc sufficeret, adiunxit tertium flagellum, vt ceu mente captus, dum per sylvas vnā cum canibus errabundus discurreret,

reret, tandem die quodam repentina morte cor-
rueret, & à propriis canibus discerperetur. Ecce
finem horrendum eius qui excommunicationem
& interdictū Vicarij Christi spreuit, & nihilomi-
nūs hicūnquam ausus fuit præcipere, ne excom-
municatio & interdictum seruaretur. Eundem fi-
nem habuit Ludouicus Bauarus Imperator, qui
contemnens censuras Papæ Iohannis XII. & post
hunc, Papæ Benedicti X X I I. die quadam ex im-
prouiso irruente super eum equo, subitanea mor-
te extinctus, tantum spatij non habuit vt à pecca-
tis & censuris absolui potuerit, vt scribit Iohan-
nes Villarus l. 12. cap. 105. Idem Deus modò est
qui tunc, eiusdémque potentia cuius tunc: atque
ideò si tam seuerè puniuit eos qui ad contemnen-
dum censuras neminem impellebant, sed ipsi tan-
tū eas spernebant, insoliti nihil faceret, si hoc
tempore puniret eos qui non ipsi solū censuras
nihili faciunt, sed minis etiam mortis alios ad ea-
rum cōtemptum impellunt. Obediamus ergo Sp.
S. qui in Psalmo nos hortatur, Hodie si vocē eius
audieritis, nolite obdurare corda vestra. Et alibi:
Nolite tangere Christos meos. Et alibi. Et nunc
reges intelligite, erudimini qui iudicatis ter-
ram. Apprehendite disciplinam, ne quando ira-
scatur Dominus, & pereatis de via iusta.

D E F E N S I O.

Marsilius.

PRæterit dominus Cardinalis Responsionis Au-
thoris finem, vt mutilata & deformis desinat

CCc ij

in piscem, sed defectui supplebimus, ne vlllo præcipuorum suorum membrorum priuata videatur. Quia verò Illustrissima sua dominatio determinat falsam esse authoris propositionem, quòd eam è falsis principiis educat, ab ipso domino prostratis, nihilominus cum liquidò constet, hæc itare & quàm maximè firma esse, nulla subesse videtur occasio, quæ ad eiusmodi determinationem aliud responsum dare cogat, nisi quicquid superius in defensionem adductum est, repetendum foret: ideò ad errorum notationem transitum faciemus.

Errat I. quia duas actiones multum inter se discrepantes confundit: actionem scilicet Iudicis superioris, qui pro tribunali sedens, Iudicis sibi subiecti sententiam iudicat nullam & inualidam, & actionem priuati alicuius, qui censet & habet eandem Iudicis illius sententiam pro nulla & inualida, quia talem eam iudicat ob certam quam habet de ipsius nullitate persuasionem: enimuerò prima illa actio iuridica exerceri non potest, nisi ab eo, qui eiusmodi authoritatem & superioritatem habet: hanc verò secundam quilibet iudicio præditus exercere potest. Princeps Venetus, aut alij, dum iudicant, censent, & habent censuras sue Sanctitatis pro nullis & inualidis, id non faciunt tanquam Iudices ei superiores in similibus causis, sed tanquam ij quibus ob rei perspicuitatem, illas eo pretio habere licet, quod cum priuato cuilibet facere sit liberum, multò magis Principi licebit ad libertatem, pacem, & religionem in sua Ditione conseruandam.

Errat

Errat I I. quia dicit quum sententia quæpiam iniusta est & nulla, non Reo, id dicenti, sed Iudici credendum esse. Author non dicit, aut Iudici, aut Reo credendum esse: nam vtrumque sententia potest attinere, vt ita ob animi affectum vterque hallucinetur: verum dicit ei fidem adhibendam qui certis & euidentibus rationibus opinionis suæ veritatē patefacit, neq; in hoc malè facit, cum omnino id liceat, nulla enim vis & potentia iudicium & liberum hominis arbitrium cohibere potest ne quid ipse pro certo affirmet, inductus ad hoc affirmandum & censendum à perspicuitate & certitudine rationum quarundam, vel ne ij quibus declaratur & patefit eiusmodi certitudo & perspicuitas, idem, affirment & censeant: imò illi ipsi qui iniustæ sententiæ executionem violentam in se patiuntur, quamuis eius executionem vitare nequeant, publicè tamen conqueruntur de iniustitia, nec idè vituperari debent: igitur nec ij sunt vituperandi qui nullitatem & iniustitiam censuræ contra se publicatæ patefaciunt, cum non solum eam nullam esse, ac iniustam censere & affirmare, ob huius perspicuitatem, sed eam quoque non obseruare possint.

Errat I I. quia dicit Religiosos qui Venetiis excesserunt, scandalum non præbuisse: nihil dicam quod ipse finxerim designabo tantum pauca quædam quæ audiui à populo scandalizato: dicebat primo paucos aliquot Religiosos iudicium suum præferre non debuisse Ecclesiæ Cathedrali, cuius obseruantia Religiosis data erat ceu regula obseruantia in censurarum materia, nec debuisse exemplo suo damnare alios æquè doctos & religiosos

ac ipsi sibi esse persuadebant. Secundò, dicebat illos id facere quòd Galeros purpureos, Episcopatus, & gratiam suæ sanctitatis ambirent, non autem quòd reuera causam esse iustam existimarent. Tertiò, cùm eos Princeps defendisset, protexisset, & adiuuisset in omnibus ipsorum necessitatibus & angustiiis, malè facere dum fidem ei denearent in causa temporali, in qua Princeps ipse æquum bonumq; diceret. Quartò, non respondere huic factò professionem quam facerent, abeundi scilicet in regiones remotissimas, inter Indos, & Hæreticos, vt eos conuerterent, qui partim sunt ethnici, partim excommunicati, cùm interim à fidelibus illis discederent qui iniustè erant excommunicati & interdicti. Tandem nonnulli dicebant, quòd si omnes reliqui illos in hoc discessu imitati essent, Dominium Venetum fuisse instar paganismi sine Sacerdotibus, vnde liberrimè lupi ouile Christi deuastassent. Scandali occasionem augebant verba quæ dictitabant ipsi Religiosi, esse nimirum Pontificem Christiani orbis Monarcham, cique obediendum esse in omnibus, siue temporalia fuerint, siue Spiritualia, & ab omnibus. Hæc sanè sunt scandala excusationem non admittentia, quæ nisi ab eorum authorum cæcitate manarint, eò magis culpandas esse ipsorum actiones dici debet.

Errat I v. quia concedens, Principi suo naturali obedire, & ad eius defensionem còcurrere, esse de iure diuino, ac sententiam Pontificis esse de iure humano, consequentiam negat absq; vlla ratione, subditos nimirum benè fecisse dum suo Principi potiùs quàm sententiæ Pontificis obediuerunt, nec instan-

instantia quam adiungit Illustrissima sua dominatio, magis vrget quàm prima responsio, dum dicit si est de iure diuino Principis terreni libertatem defendere, multò magis est de iure diuino defendere libertatem Ecclesiæ, quæ sponsa est Principis cœlestis: quod verum est, sed non ad rem, quia Domini Veneti nullam ecclesiæ libertatē tollere prætendunt. Omnia namque in suo robore relinquentes, circa delicta & bona propriæ ipsorum Potestati subiecta leges statuunt æquissimas, & ordinaria iudicia, quod semper fecerunt, absque eo quòd alij pontifices huius antecessores quicquam ideò mouerint, sed potiùs suo silentio iustis ipsorum operationibus assensum dederunt. Cùm itaque Venetiis nemo reperiatur, qui libertatem Ecclesiæ tollere procuret, non est quòd eam Ecclesiastici vindicare nitantur.

Errat v. quia vocem Ducis cum voce Principis confundit: Dux nihil ex se ipso facit Venetiis, sed Princeps, id est Respublica, ea est quæ ordines assignat, & leges condit: atque ideo personę Ducis inuidiam conflare non opus est, ei tribuendo quod toti Reipublicę competit.

Errat vi. quia dicit Principem Venetū eos qui non sunt eius subditi in carceres conicere: contrarium superiùs iam probatum est, Clericos nempe in delictis grauib; quę spiritualia non attinent, immunes non esse, ac proinde esse subditos, & libertatem à Christo Domino nostro Ecclesię suę concessam, Spiritus esse libertatem, & ratione feruitutis peccati, vt diuinè probatū est, præter alia multa argumenta, & authoritates, diuinissima illa doctrina D. Thomæ in epist. ad Rom. cap. 13.

Errat vii. quia dicit leges, de quibus agitur, à

Dominis Venetis latas , repugnare iustitiæ & pietati : ad hoc nihil dicam , quia hæc Illustrissimæ suę Dominationis obiectio ab Illustrissimo Domino Antonio Quirino Senatore amplissimo, eloquentissimè & solidissimè refutata est in suo cōsilio recens in lucē edito, & à multū R.P.N. Paulo Veneto ordinis seruorū in suis cōsiderationibus.

Errat vii. quia monet sententias Ecclesiasticas, quoad potestatem, esse de iure diuino, quod non negatur, dum intra suos limites manent, sed quum eos transgrediuntur, lædentes illos qui temporali sua Potestate vtuntur, non modò non sunt de iure diuino, quoad Potestatem, sed sunt contra ius diuinum, & præter omnem rationem.

Errat ix. quia concedens hanc controuersiam non esse de fide, sed de moribus, adiungit illud quod nec Illustrissima sua Dominatio, nec alij adhuc monstrarunt, neque diuina fauente gratia, monstrabitur, nempe in libris conscriptis ab iis qui Serenissimæ huius Reipublicæ partes tuentur, errores esse in fide: error in fide est, quum dicitur aliquid aut contra sacram Scripturam, aut contra Ecclesiæ definitionem, quæ non potest errare tanquam de fide, quod nemo probabit dictum vnquam fuisse ab vllō qui Serenissimæ Reipublicæ causam defendendam suscepit. Quum de re tanti momenti agitur, subsistere non licet in vniuersalibus, sed ad particularia veniendum, vt sermoni fides indubitata concilietur: intereaque benè de his sentiendum qui accusantur & reprehenduntur, nec tamen reprehensionis causa demonstratur.

Errat x. quia confundit principium cum conclusione,

sione, quæ virtute continetur in principiis. Principium vnde Reipublicæ Venetæ opinio elicatur, est de fide, & apud D. Paulum, ad Rom. cap. 13. [Omnis anima Potestatibus sublimioribus subdita sit:] sed conclusio est opinio certa, in iis omnibus fundata quæ superius dicta sunt. Author non dixit principium à D. Paulo positum opinionem esse, ac verò dixit certam esse opinionem illam quæ pro fundamento habet principium de fide, à D. Paulo positum: hunc itaque in modum subtilitas Domini Cardinalis evanescit.

Errat x i. quia locum D. Pauli, [Obedite præpositis vestris, & subiaceate eis: ipsi enim peruigilant tanquam rationem pro animabus vestris reddituri] intelligit quòd sit eis obediendum in omnibus: attamen D. Paulus, qui de Principibus temporalibus dixerat, [Omnis anima Potestatibus sublimioribus subdita sit,] ne sibi ipsi repugnet, est intelligendus, vt omnes eum intelligunt co loco, de Potestate Spirituali, & in animas, quod ostendit ratio quam dicti Præsules Deo sunt reddituri, dicens eam fore pro animabus, non autem pro rebus temporalibus.

Errat x i i. quia dicit Dominos Venetos facere contra dictam Apostoli doctrinam, iuxta authoris verba: author nunquam locutus est contra Apostolum imò propositione quarta stabiliit & confirmavit dictam Apostoli doctrinam, nec vnquā Domini Veneti rem vllam ei quod iubet Apostolus contrariam fecerunt, vt in tota hac defensione demonstratum est, Spiritualem Potestatem ordinatam in Pontifice agnoscentes.

Errat x i i i. quia Author non locutus est de ca-

pite in Spiritualibus, quod æst Pontifex, sed de capite in temporalibus, quod est Princeps, cui subditus multis variisque nominibus obstrictus est: legatur Homil. 23. D. Ioh. Chrysostomi in epist. ad Rom. sed Protestantes aliter loquuntur, Principem temporalem dicentes caput etiam esse in Spiritualibus, quod non dicit author. Hoc loco communem illam Theologorum doctrinam commemorare mihi liceat, nempe finem qui operationem laudabilem & bonam reddit, esse primum, non secundarium & consequentem: exempli gratia, Christus Dominus noster mortem optauit, eique sponte se exposuit, quod cum euenire non posset absque peccato Iudæ, Pilati, Scribarum, & Phariseorum, non ideo dici debet, Christum pro fine habuisse horum peccatum ac suam illam immensæ Charitatis operationem, eo nomine culpandam esse: siquidem finis secundarius considerari non debet, sed tantum primum, ut de actionis alicuius bonitate & iustitia iudicium feratur: ita dico subditi finem esse, temporali suo Principi obedire in iis quæ potest ipse illi imperare, quod ubi præstare nequit nisi desinat sententiis nullis Pontificis obedire, dicendum non est, illius subditi actionem esse in Pontificis contemptum, ipsius enim finis est illi obedire cui est obligatus, qui que potest ipsi imperare, non autem contemnere Pontificem, eiusque censuras, quas tamen omnino per necessariam consequentiam non obseruat, finem superiorem & primum, inferiori & accidentario præferens.

Errat XIIII. quia author nō dixit subditos qui vitam exponunt ut Principi obediant, eumque defendant, esse martyres, sed dixit eos non malè, imò . benè

benè facere : nec de iis dici poterit, Isti sunt triumphatores, qui contempserunt Deum, vt seruarent iussa Principū, sed potiùs, Isti sūt triūphatores, qui vt seruaret iussa Dei, obediuerunt suis Principibus.

Errat xv. quia vocē Dei cōfundit cū voce hominis. Samuel de voce Dei loquitur; qui errare nequit, & author loquitur de voce hominis, ad Hebr. c. 5. qui circumdatus est infirmitate, & hoc modo intelligūt verba, [Qui vos audit, me audit, & qui vos spernit, me spernit: id est, quando Præsules iusta dicunt, & proprię Potestati cōformia, audiri debent: alias malè fecisset D. Paulus, qui [restitit in faciem D. Petro, quia reprehensibilis erat,] Gal. 5. Et si hęc vniuersalis vèra esset, qui doctrinam Iohannis xxii amplexi essent. benè fecissent, cū tamen manifesta fuerit hæresis: dicebat enim animas beatorum non videre Deum quum primū è corporibus migrarent, sed oportere eas vsque ad Iudicij diem expectare, vt eum viderent: hanc fuisse Ioh. xxii doctrinam, expresse dicunt Adrianus Papa vi. & Gerson. Serm. de Assump. Denique cur summistæ dicunt censuras nullas obseruari non debere, si in omnibus, voci Pontificis aut inferiorum Præsulum obedire oporteat? quinimò vult Saluator examinari doctrinam, dicens Matth. 7. à fructibus eorum cognoscetis eos: & D. Paulus 2. ad Tim. 4. significans fore tempus quo nonnulli Præsules doctrinam sanam non haberent, sed ab humanis, suis affectibus duri se paterentur, discipulum suum Timotheum admonet, ne sit ex eorum numero: vnde constat non esse cuius & in omnibus auscultandum, sed iis qui Sacrę Scripturę, veritati, exemplo Christi & sanctorum consona proponunt.

Errat xvi. quia Nauarri doctrinam repugnare dicit authoris doctrinæ, cuius tamen pars ex ipsis Nauarri verbis hæcenus & valde conformis clare apparuit, & paulò inferiùs idem de reliqua doctrinæ authoris parte demonstrabitur.

Errat xvii. quia falsam & nouam doctrinam vocat eam qua possunt Priuilegia minui, ampliari, &c. interim tamen Pontifices spirituali sua potestate res eiusmodi quotidie faciunt, cur ergo Principes sua temporali idem non poterunt? Co-uarruias & Sotus intelliguntur communiter & extra casum necessitatis, sed in casu necessitatis, exempli causa ad vim repellendam, vt ait Sotus, vel ob aliam causam, vt omnes ij dicunt qui agunt de Priuilegiis, negari non potest Authoris doctrinã esse antiquissimam, tam de iure quàm de facto.

Errat xviii. quia Nauarrus hoc vtens argumento, [Plus differt Christianus à Pagano, quàm Clericus à Christiano, sed Christianus remanet subditus Principi laico, ergo multo magis Christianus post clericatum remanet subditus Principi laico: statuit hoc argumētum esse insolubile, nec solui posse nisi immunitas de iure humano esse dicatur: legatur ipse Doctor, incipiendo à numero citato à Dom. Cardinali vsque ad Corollarium.

Errat xix. quia verum est, quòd iubere aliquè Interdictum validum non obseruare, peccatum fit, & hoc ipsum dicit Nauarrus, sed loquitur author de inualido & nullo, de quo dum verba fiunt, confugere oportet ad eiusdem Nauarri doctrinam, quæ legitur in Manuali cap. 27. à num. 3. ad finem vsque, & in has propositiones reducitur.

Prima,

Prima, Nemo tenetur nostra ætate seruare Interdictum aliquod nisi denunciatum.

Secunda, Neque tenetur seruare interdictum quando est nullum in se, & nullitas est sufficienter publicata, exceptis religiosis, qui debent illud obseruare, si ecclesia Matrix id obseruet.

Tertia, Interdictum est nullum in eisdem casibus, in quibus est nulla excommunicatio.

Quarta, Excommunicatio est nulla, siue inualida, quando continet intolerabilem errorem, quem habet illa, quæ datur contra aliquem, ex quo rectè aliquid fecit.

Quinta, Excommunicatio inualida, seu nulla, nihil aliud operatur in foro interiori, siue exteriori, quàm quod obligat excommunicatum ad seruandum eam, quoad populus sibi persua-deat, vel persuadere debeat, causas nullitatis ad euitandum scandalum.

Sexta, Idem dicendum de suspensione & Interdicto nullo, quod dictum est de excommunicatione nulla.

Cùm igitur Princeps virtutis opus iniunxerit, vt scilicet nō obseruetur, interdictum nullum, quod vergebat in periculum diuini cultus, & religionis, non peccauit, imò Nauarri doctrinam ad verbum obseruauit.

Errat x x. quia nemo negat Pontificem esse Vicarium Patris nostri qui est in cœlis, quantū spectat ad res spirituales, sed præterea dicimus, Principem esse patrem populi in temporalibus: imò quemadmodum filius meritò patri non obedit, ei tollere volēti bona quæ sua sunt particulariter, vel causa dotis, vel castrensi, vel quasi castrensi, ita

Princeps Pontifici, licet patri suo in spiritualibus, obedire non debet, quum ei bona temporalia, suamque temporalem iurisdictionem auferre prætendit.

Errat xxi. quia cum Dom. Cardinalis Baronius dixerit Rempub. Venetam esse decrepitam, ideoque delirare, ipse contra dicit eam esse tam tenellæ ætatis, ut pædagogis opus habeat: Serenissima Respublica nec decrepita est, nec ætatis tenellæ, sed ætatem consistentem habet, quicquid determinat, id magna cum prudentia, iustitiam semper & pietatem sibi proponens, nec villo indiget qui eam in temporalibus, & in suarum prouinciarum, suorumve subditorum gubernatione erudiat, cum Senatores habeat Sapientissimos: quod Authores faciunt, illud est ex se ipsis, ut iustam causam sui Principis, ac veritatem defendant.

Errat xxii. quia pædagogi nomen cum Doctoris nomine confundit, cum tamen Cicero distinguat illud in suo Dialogo de Amicitia: pædagogi enim exercitium seruile est, & eorum qui pueros sequuntur: Doctoris verò munus liberale est ac nobile, docere scilicet ex cathedra: nec vllum noui pædagogum qui scripserit hactenus pro Serenissima Respublica, sed pro ea scripserunt, scribuntque Doctores celeberrimi, & integra Collegia.

Errat xxiii. quia exemplum adductum Regis Boleslai ad rem non facit, siquidem Rex ille homo fuit impius, & sceleratissimus, Respublica verò, collectio est Senatorum Catholicorum, & piorum, Iustitiæ & Religionis amantium.

Errat

Errat **xxiiii.** quia si omnibus iis qui interdictum non obseruarunt, iusseruntque ne obseruaretur, moriendum fuisset eo modo quo periit Boleslaus, aut veneno, sicut Bauaro contigit, non autem morte repentina, ut ait Illustrissima sua Dominatio: Christianissimi Philippus Pulcher & Ludouicus **xii.** hoc modo periissent, imò totum ipsorum Regnum: quod cum ita non euenerit, indicio est, non omnes qui iubent ne interdictum obseruetur, aut qui illud non obseruant, eo modo obituros. Hanc meam defensionem volo claudere commemoratione duplicis exempli Pontificum, siquidē & Illustrissima sua Dominatio duo Principum temporalium exempla protulit: primum est Iohannis **xii.** qui cum eos Episcopos excommunicasset, qui Ottonis **i.** mandato causam suam discusserant, obedientiam ei non præstiterunt, imò declarata fuit nulla eiusdem sententia, nihilominus quantum sciri potest, nullus ex eo Concilio miserè periit: at contra Pontifex ille mortem adeò infamem, & miserabilem subiit, ut sit nefas dictu, postquam prius, instar Boleslai, per sylvas aliquandiu cum feris errasset. (Platin Luthpr.)

Secundum est Bonifacij **viii.** qui cum Regem Galliae Philippum Pulchrum excommunicasset, eiusque Regnum interdixisset, nec præstita illi fuisset obedientia, tandem miserè mortuus est, de quo sic scribit Platina: Moritur autem hoc modo Bonifacius ille, qui Imperatoribus, regibus, Principibus, nationibus, populis, terrorem potius quam Religionem iniicere

conabatur, quique dare regna, & auferre, pellere homines, & reducere conabatur, aurum vndique conquistum plus quam dici potest, sitiens: discant igitur huius exemplo. Principes omnes tam religiosi quam seculares praeesse clero ac populo non superbè, & cōtumeliosè, vt hic de quo loquimur, sed sanctè & modestè, vt Christus Rex noster, cuiusque discipuli ac veri imitatores, & malint à populis amari, quam timeri, vnde tyrannorum perniciēs oriri meritò solet.

Hæc duo exempla nolo applicentur præsentī summo Pontifici, cuius, seu vicarij clarissimi Domini nostri, Maiestatem humillimè ac profundissimè cernuus veneror, sed eos commemoravi vt videat Dominus Cardinalis argumentum suum ab exemplo nullam habere vim, tum quia simile illud non quadrat, tum vt intelligat si Principes quidam interdicti & excommunicati miserè perierunt, dari etiam Pontifices qui cū alios interdixissent & excommunicauissent, miserè & ipsi perierunt.

Tandem illustrissimam suam Dominationem rogatam velim vt ignoscat mihi si cū aliter non potuerim propter conscientiam, quam defensionē hanc suscipere, ausus sum, humilis ipse & infimus, Ecclesiæ Cardinali respondere: nullus enim quantumvis magnus debet indignari, quod vbi scriptis suis innocentem offenderit, contrā defendatur veritate innocentia, speciatim verò eā modestiā, quā semper professus sum in scriptis meis; quæ censuræ Sanctæ Ecclesiæ erroris nesciæ submitto.

Ex his omnib. quæ huc vsq; dicta sūt in defensionē doctrine octo propositionū, manifestè colligitur
doctri-

doctrinam illam sanam, Catholicam, ac veram esse, & consonam sacris diuinisque literis: generalibus Conciliis, sacris Canonibus, sacris Constitutionibus Imperialibus, exemplo Sanctorum Romanorum Pontificum, Regum, & Imperatorum sapientissimorum, doctrinæ Sanctorum Patrum, & speciatim Glossæ, D. Augustini, D. Hieronymi, D. Chrysostomi, D. Iustini Martyris, D. Irenæi, D. Ambrosij, D. Bernardi, D. Thomæ Aquinatis, D. Gregorij Papæ, Tertulliani, Theophilacti, eorumque Doctorum qui post sacrum Concilium Tridentinum editi sunt, videlicet Nauasri, Medina, Couarruiæ, Soti, Victoræ, & Cornelij Iansenij.

Tres etiam illas Propositiones, de quibus est controuersia, verissimas esse, Catholicas, & solidissimas, è prædictis sacrarum literarum, Conciliorum generalium, Sacrorum Canonum, Constitutionum Imperialium, Historiarum, sanctorum & catholicorum doctorum locis eductas, & hæ sunt:

Prima: Summus Pontifex, nudus, vt ait Nauarrus, [à donariis & priuilegiis Principum, & iure Pontificatus,] vt ait D. Bernardus, [nullam habet laicam potestatem, neque supremam, neque mediam, neque infimam, neque actu, neque habitu.]

Secunda: In rebus & delictis tēporalibus, quæ spiritualia non attinent, vt Couarruias dicit, Ecclesiastici à Principis sæcularis potestate non sunt immunes omnino, & de iure diuino, Sed tantum in quibusdam rebus & delictis, aut priuilegio ipsorum Principum, aut Canone Pontificis ab ipsis recepto, aut approbata consuetudine.

Tertia : Censura de cuius nullitate liquidò constat, non modò non obseruari, sed nec etiam time-
 ri debet. Itaque ex tota prædicta Doctrina dici il-
 lud potest, quod Spiritus Sanctus de candida co-
 lumba dixit, ET MACULA NON EST IN TE,
 maximè in duabus illis suis alis, nempe in Catholi-
 cæ Religionis, Serenissimæ Reipublicæ, & in liber-
 tatis eiusdem defensione, quæ duæ prærogatiuæ
 cùm ipsi sint propriæ & adhuc virgines, speramus in
 Domini Dei gratia, illum eas in sua virginitate si-
 ne macula conseruaturum.

Quod cùm ita sit, vt dictum est, Illustrissimos &
 Reuerendissimos Dom. Cardinales huic negotio
 delegatos, & Illustriss. ac Reuerendiss. Ordinarios
 rogatos velim ne prohibeant hanc nostram De-
 fensionem in toto orbe Christiano legi, & ne hac
 in parte potentia sua vtantur, quæ pusillis præbet
 scandalum, sed potius iustitia ad ædificandum: cùm
 enim Illustrissimus Dominus Cardinalis, absque
 vlla ratione, vt probatum est, doctrinam infamarit
 in toto terrarum orbe ceu hæreticam, schismaticam,
 erroneam, scandalosam &c. æquitas postulat in om-
 nibus legibus, vt contrà eius doctrinæ defensio, præ-
 fertim adeò iusta & rationi consona legatur: &
 exemplum sumant ab ipsis nec suis aduersariis in hac
 controuersia, Dominis scilicet Venetis, qui in ditio-
 ne sua lectionem permittunt librorum recens ab
 Illustrissimis Dominis Cardinalibus Bellarmino,
 & Baronio, aliisque in lucem editorum: quamuis a-
 lioquin obtrectionibus & calumniis aduersus
 ipsos referti sint, neque vili quopiam metu ab hac
 permissione deterrentur: Idque multò magis ab Il-
 lustrissimis suis Dominationibus permitti debe-
 ret,

ret, quòd libri qui pro Serenissima Republica emittuntur, præter veritatem quam continent rectè probatam, Christiana modestia & humilitate ornatì sint, quam discere omnes nitimur à diuino Magistro, qui & exemplo suo & verbis eam nos docuit, dicens, [Discite à me, quia mitis sum & humilis corde,] Matth. c. ii.

De doctrina verò Domini Cardinalis aliud non dicam hoc loco, nisi paucis quod superius fusè dictum est, ipsum tres illas suas Propositiones nostris contrariis nullo modo probasse, nimirum de suprema monarchia Pontificis in temporalibus, ac de limitata ipsius Potestate, de Clericorum immunitate in rebus omnibus de iure diuino, de censuris obseruandis licèt nullæ sint: enimuerò nullum Scripturæ locum, nullum Concilium, aut sacrum Canonem benè intellectum, nullum è sanctis patribus aut solidis doctoribus pro se attulit: quod non doctrinæ penuriæ adscribendum est, sed conditioni causæ, quam supremum Iudicem precor, vt in veritatis & innocentie subsidium, cum vniuersali totius Christiani orbis gaudio decidere velit.

L A V S D E O.

Excellentissimi Domini, Capita Excelsi Consilij Decem, subsignati, Certiores facti à Do. Reformatoribus studij Patauini, ex relatu facto à Reuerend. Theologis huic negotio delegatis, & à Circ. Secretario Senatus Iacobo Vico, cum iureiurando, in defensione Ioh. Marsilij scripta in fauorem Respon- sionis octo Propositionū, contra quam scripsit Illustriss. & Reuer. Do. Cardinalis Bellarminus, ab ipsis diligentissimè recognita, & considerata, nihil esse

DDd ij

DEF IOH. MARSILII.

contrarium Sanctæ Fidei Catholicæ, Principibus,
& bonis moribus, ac typis esse dignam, concedunt
vt in hac ciuitate possit imprimi.

Datum die 11. Sept. 1606.

D. Laurentius Lauredanus.

D. Ioh. Pasqualigus.

D. Hieronymus Priulus.

} Capita Excelli Con-
siliij Decem.

Illustr. Consilij Decem Secretarius

Io. Baptista Padaninus.

1606. 12. Septembr. Relatum in lib. fol. 158.

Antonius Lauredanus offic.

Cont. Blasph.

PRO





LECTORI.

CUm in hac Defensione sæpiùs dixerim Autho-
res in multis palinodiam canere coactos fuisse,
vel ex eorum libris multa syncerè dicta in fauorem
potestatis Principum temporalium expuncta fuisse,
ad firmandam his modis opinionem de Suprema
Autoritate Papæ in temporalibus, Lectorem mo-
nendum putavi citationes à me adductas, desum-
ptas esse ad verbum ex iis libris qui incorrupti sunt,
& Authorum opinionem syncerè continent: & quò
vetustiora sunt exemplaria, & à nostris hisce tem-
poribus remotiora, eò meliora esse: speciatim verò
Lectorem monitum cupio, caput Nouit, de iudi-
ciis, editum Romæ anno 1575 apud Iosephum de
Angelis, cum licentia Superiorum, esse textum il-
lum quem ego & author octo propositionum se-
quuti sumus, cum syncerè Nauarri & Parisiensium
opinionem referat, quæ postmodum in aliis editio-
nibus ita fuit immutata, vt non ampliùs ea sit, imò
contraria euaserit, nempe Gactani: qua in re tria
moneo, priumum est, ab antecedentibus & conse-
quentibus non elici insertam opinionem, sed ve-
ram anno 1575 editam, & à nobis citatam: secun-
dum est postquam Nauarrus iuxta illam textus mu-
tationem, sententiam protulit Bartoli sententiæ
consonam, eundem Nauarrum sine vlla causa tribue-
re Bartolo quòd dicat sententiam ab ipso Nauarro
electam, hæresim esse tertium, sententiam Parisien-
sium, quæ hîc Nauarri esse dicitur, non illam esse
quæ post annum 1575. in eius operibus inserta est, &

DDd iij

Gaetanum authorem habet, sed illam esse quam eodem anno ipse incitato textu Romano explicauit, ad Portugalliæ Regem syncerè scribens.

Insuper est quòd moneam, editum esse Romæ Bellarminum contra Propositiones & Gersonem, Latinè redditum à Theologo anonymo, cum epistola tamen de rebus sacris, qui etiam libellus est de rebus sacris: vnde colligitur quàm iniquè à Domino Cardinali, octo propositionum author fuerit reprehensus, quòd ob iustas causas nomen suum reticuerit, aut Gersonis interpres, quòd suum non declarauerit.

P R O



PRO D. IO. MARSILIO
PRESBYTERO NEAPOLITANO

SACRÆ THEOLOGIÆ
doctore.

CORAM vobis Reuerendo P. In-
quisitore Generali Venetiarum cō-
paruit Dominus Ioannes Marsilius
Presbyter Neapolitanus Sacrę Theo-
logiæ Doctor, & exposuit qualiter
ad eius notitiam peruenit, quod Romæ affixæ fue-
rint, & publicatæ quædam literæ citatoriæ, siue mo-
nitoriæ, in quibus ad instantiam Reuerendi D. Lu-
douici Boidi I. V. D. Sanctæ Romanæ, & Vniuersa-
lis Inquisitionis Procuratoris fiscalis, tanquam per
edictum publicum ab Illustriss. & Reuerendiss. DD.
Card. Generalib. Inquisitoribus, ipse comparens ci-
tatus fuit, attento quod iudicialiter constaret ad præ-
satum comparentem non patere tuum accessum,
& notorium esset in eius propria persona literas
eiusmodi citatorias, ac monitoriales exequi nō pos-
se, ad personaliter comparendum in Romana Cu-
ria in Officio Sanctæ Inquisitionis, & responden-
dum coram ipsis, vel eorum commissario generali
de fide, ac se expurgandum ab obiectis de quibus in
processu sub pœnis, vt in præfatis literis contine-
tur, ad quas &c. Cui citationi cū ipse comparens
parere nullo modo possit, cū ipse ab hac Ciuitate
DDd iiii

Venetiarum sub pœna capitis discedere non valeat, neque illi ad Romanam Curiam pateat tutus accessus, neque per interiacentia loca securus transitus, ac præterea notorium sit, quod coram suspectis iudicibus citatur, attento quod notorium apud omnes est, quod ipse comparens sumpserit defendendam quandam Epistolam continentem octo propositiones in materia Censurarum à Sanctitate sua contra Venetam Rempublicam fulminatarum, quæ à præfatis Illustr. Dominis prohibitæ fuerunt, & contra quas Illustr. Dominus Cardinalis Bellarminus integrum edidit tractatum, quam ob rem valde eidem comparenti Iudices præfati, salua semper in omnibus illorum reuerentia, suspecti redduntur, cumque in Ciuitate Veneriarum adsit Sancti Officij Inquisitionis Tribunal, in quo ter in Hebdomada illius officiales conveniunt, resident, & ius dicunt, quod etiam consuevit à tempore suæ institutionis usque in præsens, causas fidei cuiuscumque generis tractare, in illis procedere, & etiam per definitivam sententiam terminare, neque vnquam ad hanc ciuitatem ullæ citatoriæ, aut monitoriales literæ contra quasvis personas ab Officio Sanctæ Inquisitionis Romanæ consueuerunt decerni, sed omnes eiusmodi causæ in eo Tribunali iudicantur, vnde nulla apparente causa propter quam præfatus comparens extra hanc ciuitatem debeat citari, meritò illius suspicio augetur, Quibus stantibus prout stant, & ipse comparens quatenus opus sit legitime probare se offert, protestatur coram vobis, quod paratus est quodlibet iudicium fidei in hac ciuitate subire, & ab omnibus sibi obiectis se expurgare, & si quando poterit secure ex hac ciuitate, & Dominio
exire,

exire, paratus est ad quæcunque loca sibi non suspecta, & coram non suspectis iudicibus cōparere, & fidei suę rationem reddere, protestans, pariter, quod semper tenuit, ac in præsentiarum tenet Sanctam Fidem Catholicam Sanctæ Romanæ Ecclesiæ, quæ continetur in professione Fidei Sanctæ Memoræ Pij IV. quam sæpe emisit, & paratus est vsque ad effusionem sanguinis confiteri. Quapropter ad nullos actus contra ipsum in Romana Curia, aut in ipso S. Inquisitionis Rom. Officio de iure deueniri posse. Protestans de nullitate omnium, & singulorum, quæ in eius absentia, stantibus præfatis legitimis impedimentis agentur, aut tractabuntur, saluis omnibus aliis rationibus, & iuribus sibi in præmissis, & in aliis quomodolibet comperentibus, & nihilominus si quidquam contra huiusmodi suam protestationem attentatum fuerit ex nunc, prout ex tunc, de iniustitia, & de grauamine, & de illorum nullitate protestatur, ac ab eis, & ab illorum quocumque ex nunc prout ex tunc, prouocat, de nullitate dicit, & appellat ad illum, siue ad illos, ad quem, vel ad quos, ac ex nunc prout ex tunc Apostolos petit, non se astringens, &c.

Præsentata, & Acceptata in Tribunali Sanctæ Inquisitionis Venetiarum, vt statim Romæ transmitteretur intra tempus in monitorio præfixum, coram Notario, & Testibus, vt in Actis.
die 9. Septembris.

1606.

TRACTATUS
ET RESOLVTIO
circa valorem excom-
municationum.

IOH. GERSONIS THEOLOGI
& Cancellarij Parisiensis, Doctoris
Christianissimi.

PIO

PIO ET RELIGIOSO

LECTORI.



Vulgato rumore, & sparsa passim fama in inclyta hac Ciuitate Parisiorum, ipso die Sanctissimæ Natiuitatis Domini, & Saluatoris nostri, contra Serenissimam æquè ac Religiosissimam Venetorum Rempubli- cam fulminatas fuisse Excommunicationes, ac Cen- suras, & comminatas huius Maledictiones, & Inter dicta (quod tamen vt rationi minime consonum, ita vix credibile videtur) idque ea potissimum de causa factum fuisse, quod auitam illam suam cœle- stis & euiterni numinis beneficio concessam liber- tatem alieno cordatè & prudèter submittere renuat arbitrio. Ego probatorum quorundam Autho- rum reuolutione, seriò inquirere cœpi, quænam huiusmodi Excommunicationum, Censurarum & Interdictorum sit vis & energia, vbi præter de- meritum delinquentium improuidè, inconsultèque omni æquitatis & Iustitiæ contempta ratione ful- minantur. Et quidem Sacri Concilij Tridentini De cretis accuratè inspectis, legèdo verba hæc digna vt aureis conscripta literis perpetuo duraturæ æternita- ti cōsecrentur. (Quamuis Excōmunicationis gladius neruus sit Ecclesiasticæ disciplinæ, & ad continen- dos in officio populos valde salutaris: sobriè tamen, magnâque cum circumspectione exercendus est, cum experientia doceat, si temerè, aut leuibus ex re- bus incutiatur, magis contemni, quàm formidari, & perniciem potius parere, quàm salutem: (in votis mihi maximè fuisset, vt quemadmodum Sanctissi- mi illi Patres in Spiritu Sancto haud dubiè con-

gregati, Prælati Ecclesiarum & fidelium cœtui præpositi. Antistitibus regulam ab iisdem in huiusmodi remedij applicatione & usu salutifero obseruandam præscribere: sic pariter deuotas & religiosas piorum conscientias informassent, quidnam earum muneris foret ac officij, quando earum Præsides ac Inspectores formæ à Christo Seruatore, Apostolo, & Antiquis veterum Canonum Sanctionibus traditæ & præscriptæ ex diametro aduersantes, Censuras intentant Ecclesiasticas, aut in subiectos populos Excommunicationes fulminant: Et cum hic desiderio viderem meo fieri nequaquam satis, Classicorum quorundam inspiciendo authorum vigilas, ecce præ reliquis vnus sese mihi nihil tale cogitanti & inopinè obtulit Ioannes ille Gerson popularis & Sympatrida meus, Doctoris Christianissimi non immerito à bonis omnibus cognomine donatus, æterna sanè vir memoria dignissimus, tum ob vitæ innocentiam & sanctitatem, tum ob inexhaustos pariter in hac celebri Vniuersitate quondam exanthlotos labores, Sacram longa annorum serie Theologiam omnium cum publicè profitendo, tum etiam in Constantiensi Concilio, vbi doctrina, exemplo, & autoritate qua pollebat, Regis Gallorum Christianissimi ad prædictum Concilium Orator destinatus, resplendens, indefessè admodum pro vniõne S. R. E. procuranda, & perniciosissimo schismate tunc temporis suscitato penitus extinguendo cum desudarit, immortalem nominis gloriã citra iniuriam omnem est consecutus. In huius inquam tam præclari profecto viri Opusculis passim euulgatis, præter reliquas quamplures pulchras & elegantes sanè considerationes (in qui-

quibus semper reuerēter Ecclesiasticam authoritatem iuxta Diuinorum placita mandatorum exercitam, venerari se officiosè, & obseruare sedulò, vt decet, ostendit, & maxima ac discreta seueritate reprehendit abusus in eandem, temporum iniuria & quorundam malitia & astutia inuēctos, qui sua quærendo, non quæ sunt Iesu Christi, propriæ priuatæque amplitudini student non publicò Ecclesiæ inuigilant profectui) hæc duo reperi Opuscula, quæ cum rebus quæ in præsens aguntur valde opportuna & proposito admodū subseruire nostro iudicari negotio, ad animarum Diuino timore & zelo inflammatarum consolationem, volui ab aliis seiuncta Opusculis separatim euulgare, hac potissimum motus ratione, vt quilibet pietatis studiosus & timorata vir conscientia, ea perlegendo, exoptata perfrui consolatione possit ac tranquillitate, excusso penitus timore omni haudquaquam metuendo, quem reprobis in multiplicis demeriti pœnam passim Diuina solita est Maiestas potenter immittere, sicut Regius noster Psalter cecinit: *Trepidauerunt timore, vbi non erat timor*, & iuxta doctrinam Apostoli, confortati in Domino, & in virtutis suæ potentia, arripiant scutum Fidei, illudque indiscreto fulmini opponant, gladium Spiritus accipiendo quod est Verbum Dei, Christianam libertatem Christiano planè animo & heroico, cum pietate tamen & moderatione, quam enixissimè tueantur, & defendant.

ITEM AB EODEM DOMINO

Cancellario circa materiam excommuni-
cationum, & irregularitatum
resolutio.

CONSIDERATIO PRIMA.

Contemptus clauium ecclesiasticarum causat
quasi formaliter, & principaliter excommuni-
cationis, vel irregularitatis detrimentum. Sic enim
solent communiter Domini Iuristæ dicere; quod
irregularitas contrahitur, dum aliquis excommuni-
catus se immiscet sacris in contemptum clauium.
Fundatur autem hæc consideratio principaliter ex
illa lege Euangelica Matth. 18. [Si peccauerit in te
frater tuus,] sequitur: [die Ecclesiæ: si Ecclesiam nō
audierit, sit tibi sicut Ethichus, & Publicanus.]

CONSIDERATIO SECUNDA.

Contemptus clauium potest interuenire multi-
pliciter in aliquo. Vno modo directè, & causaliter:
& hoc propriè dicitur fieri ex contemptu: quando
scilicet contemptus est causa actionis principaliter:
ita quod non fieret actio, nisi esset ad contemptum
clauium: quemadmodum si quis dicat Episcopo ex-
communicanti: Ego in despectum vestri, & vestri
præcepti nihil agā illius quod iubetis. Alio modo
fit contēptus implicite: quia videlicet est contumax
in obedientia: quāuis non ex inobedientia, vel pro-
pter non obedire: sed propter aliquod aliud dele-
ctabile vel vtile, aliquis peccat contra prælati iussio-
nem: tertio modo dicitur contemptus interpretati-
uè omnis voluntaria transgressio cuiuscunque præ-
cepti.

cepti, & isto modo reperitur contemptus in omni peccato, præsertim mortali, directè, vel indirectè, verè, vel interpretatiuè.

Consideratio tertia.

Contemptus primo modo rationabiliter demeretur excommunicationem, consequenter irregularitatem; similiter & secundus, dum iungitur contumacia. Sed tertius contemptus non semper est excommunicationis ecclesiæ, nec consequenter irregularitatis demeritorius. Dicitur, ecclesiæ, notanter: quia omnis peccans mortaliter est à Deo, & apud Deum excommunicatus: sed non semper per ecclesiasticam sanctionem.

Consideratio quarta.

Contemptus neutro modorum prædictorum dicendus est interuenire contra præceptum aliquod prælati: quando manifestè, & notoriè prælatus abutitur in huiusmodi præcepto clauium potestate: & hoc dum scit, & cognoscit ille, qui non obedit: nec aliundè generat in se, vel in aliis scandalosum contemptum clauium: Quoniam in hoc talis non est inobediens clauium potestati: sed erroneo clauium abufui.

Consideratio quinta.

Contemptus clauium magis inuenitur quo ad culpam in prælato, taliter (vt præmittitur) abutente sua potestate: quam in non obediente: si comparatio recipiatur abufua. Est igitur quandoque meritorium, & honorificatiuum ecclesiasticæ potestatis, quod tali prælato in faciem resistatur cum appositione inculpatæ tutelæ: quemadmodum restitit Paulus Petro.

Consideratio Sexta.

Contemptus clauium quandoque posset inueniri in vno qui non pareret sententiæ sui prælati, vbi, & quando alius in eadem sententia non obediens, nullo modo contemptus esset reus, præsertim apud Deum. Cuius ratio est: quoniam vnus reputat sententiam iustam, aut quomodolibet obediendum illi: alius vero non sed scit certitudinaliter, aut probabilitate sufficienti, suum prælatum male vti in præiudicium clauium, & in destructionem ecclesiæ.

Consideratio Septima.

Contemptus clauium debet inuestigari ex potestate legitima, & vsu legitimo potestatis illius qui præcipiendo excommunicat, vel irregularitatem comminatur. Alioquin prælati possent inducere qualemcumque vellent super illos seruitutem: si suis sententiis iniquis, & erroneis semper esset obediendum. Et ita patet, quod hoc commune dictum: *Sententia Prælati, vel Iudicis iniusta timenda est*: indiget glossa. Alioquin non est generaliter verum: si timenda dicatur, quia est sustinenda: nec repellenda: immo in casu, pati illam esset inanis patientia, & timor leporinus, & fatuus.

Consideratio octaua.

Contemptus clauium plus habet periculi erga personam Summi Pontificis, quam erga inferiores. Quoniam ab abusibus inferioribus patet recursus ad Papam per appellationis subsidium, & si dicatur quod ita potest à Papa fieri appellatio ad Concilium generale. Dixerunt olim ante Concilium generale Pisanum & Constantiense, quod hoc nullo modo licebat: & allegant iura sua pro se valde (sicut
cis

eis videtur) expressa. Sed constanter nunc asseritur, quod est hæresis damnata per Constitutionem expressissimam, & practicam in Concilio prædicto Constan. prout alibi diffusius est ostensum. Respondetur igitur aliter quod non pro leuibus causis (ubi etiam liceret) potest aut debet pro appellationibus prosequendis Concilium celebrari: sicut habetur recursus ad Papam.

Consideratio nona.

Contemptus clauium non incurritur in multis casibus quibus Papæ mandato non obeditur: dum scilicet abutitur enormissimè, & scandalosissimè potestate sua in destructionem non in ædificationem, sicut tamen dicit Apostolus ideo potestatem datā esse. Exemplū: si Papa vellet thesauros ecclesiarum diripere, aut hereditates vsurpare, aut in seruitutem abiectam clerū, cum suis bonis, redigere, & iuribus suis spoliare sine causa, quis diceret ista debere tolerari? Quis non censeret posse dici Papæ: cur ita facis? quis non assentiet, in faciem sibi resistendum?

Consideratio decima.

Contemptus clauium etiam non semper inuenitur apud illos, qui nedum non obediunt sententiis excommunicationum promulgatis per Papam, vel suos: sed etiam non est iudicanda esse apud illos, qui per potestatem secularem aduersus tales præsentas sententias tueri se procurant. Lex enim naturalis dictat, ut possit vis vi repelli. Constat autem, quod tales excommunicationes non debent dici ius, sed vis & violentia, contra quam fas habet liber, vel homo, vel animus sustineri.

Consideratio Vndecima.

Contemptus clauium, & consequenter excommunicatio, vel irregularitas non incurritur, dum in præmissis casibus dicit aliquis Iuristarum, vel Theologus iuxta conscientiam suam, quod huiusmodi sententiæ non sunt timendæ, vel tenendæ, & hoc præsertim si obseruetur informatio, seu cautela debita, ne sequatur scandalum pusillorum, qui æstimant Papam esse vñum Deum, qui habet potestatem omnem in cœlo, & in terra. Veruntamen expellenda est talium stulticia per informationes idoneas: qui si nolint acquiescere, ipsi iam sunt iudicandi de scandalo non dato, sed accepto, hoc est, de scandalo Phariseorum, & ex malitia: non pusillorum, & ex simplicitate vel ignorantia.

Consideratio Duodecima.

Contemptus clauium dicendus est magis foueri, quam tolli, dum debentes abusui clauium resistere, diuiduntur inter se, & impediunt se, vel per stultitiam, vel per ignauiam, ne communi consensu fiat ambulatio in domo Domini: dum alij fauent abusibus, alij tollere volunt. Veritas est, quod omnis via fauorabilis, & humilis, tentanda est cum summo Pontifice, dum male informatus, fert per se, vel suos, iniustas sententias, quod desistat & reformet: sed si nihil prodest humilis sedulitas, arripienda est virilis, & animosa libertas.

DISCVS.

DISCVSSIO ILLIVS AS- SERTIONIS SENTENTIA

Pastoris etiam iniusta tenenda
est, per eundem Can-
cellarium.

CAsus est: Quidam se gerens pro Commissario
Papæ, posuit in suo processu publico assertio-
nē, quæ sequitur: [Sentētiæ nostræ etiāsi essent iniu-
stę sunt tenēdæ, & timēdę.] Quæritur super hac asser-
tione. Primo, si sit falsa, & erronea. Secundo, si sit iu-
dicio fidei reprobanda. Tertio, si assertor sit ad iudi-
cium fidei rationabiliter euocandus. Arguitur quod
sit vera: quia secundum Gregorium, Sententia Pa-
storis, siue iusta, siue iniusta fuerit timenda est. Cui
consonat Urbanus Papa, dicens, quod valdè timē-
da est sententia Episcopi, licet iniuste liget. Sed Pa-
pa nedum est Pastor & Episcopus, sed supremus
Pastor & Episcopus. Sed contra est dictum Hiero-
nymi, super epistolam Pauli ad Philemonem, &
fundatur in dicto Esa. 5. [Si quis dixerit iniustum
iustum, abominabilis est apud Deum.] & *Gregor. in
homil. 27.* [Ipse ligandi, atque soluendi potestate se
priuat, qui hanc pro suis voluntatibus, & non pro
subditorum iuribus exercet.] *Et idem:* [Tunc est ve-
ra absolutio præsentis, cum interni Iudicis sequi-
tur arbitrium.] *Et idem:* [Non debet is pœnam su-
stinere canonicam, in cuius damnationem non est
canonica prolata sententia:] constat autem quod
sententia iniusta non est canonica.

Ponuntur pro decisione propositiones, quæ se-
quuntur, ad examinandum.

Hæc assertio proposita in processu publico, si sit
EEe ij

erronea in fide & moribus, non est dissimulanter prætereunda, cum sit scandalosa, & ex deliberatione posita. Hæc assertio est vna propositio conditionalis includens vnâ consequentiam talem, Si sententiæ nostræ sunt iniustæ, illæ etiam sunt timendæ. Hæc assertio conditionalis sic resoluta, si sit falsa, est impossibilis: patet hæc propositio, sicut, & præcedens ex regulis infallibilibus Logicorum: addendo quod assertio prædicta continet istam Vniuersalem, quod omnes sententiæ dicti Commissarij quantumcunque iniustæ sunt tenendæ. Hæc assertio falsa est, quoniam oppositum consequentis stat cum antecedente: quoniam stat, aliquas sententias Pastoris, vel Papæ, & suorum Commissariorum non esse tenendas, immo nec timendas, dum sunt iniustæ. Et hoc in multis casibus. Primo, si sententia lata sit post appellationem legitimam, vt notauit Innocentius III. in epistola ad Archiepiscopum Senonensem. Secundo, si contineat errorem intolerabilem: vt notauit idem. Et hoc multipliciter potest euenire, cum nullus Pastor viuens in terris, immo nec Papa, sit impeccabilis, quin possit abuti sua potestate; cum circumdatus sit infirmitate: vt dicitur ad Hebr. Vnus casus est: si sententiet expressè vel etiam implicite contra fidem & Scripturam sacram. Alter, si sententiet in præiudicium veritatis vitæ & iustitiæ, vt si volens rapere sponsam alterius, ferat in contrariantes sententiam excommunicationis. Alter, si sententiet in præiudicium iustæ libertatis, vt si volens vsurpare ciuitatem vnus Principis ferat sententiam excommunicationis in nolentes eam sibi tradere: & ita de multis similibus: vt si excommunicare velit illos qui suo Regi, & suis edictis rationabilibus: obediunt.

bediunt. Notauit hæc Inno. vbi prius : & habetur
 fundamentaliter, ex ineffabili lege diuina, & natu-
 rali : cuius deductionem hîc omittimus. Hæc asser-
 tio est impossibilis; sequitur hæc ex præcedentibus.
 Notando quòd iura quibus inniti videtur, non lo-
 quuntur tali modo conditionali & hypothetico :
 nec dicunt quòd sententia Pastoris sit tenenda: quia
 longè aliud est dicere, quòd sententia aliqua sit ti-
 menda, & quòd sit tenenda: quia tyrannica iniquitas
 etiam timeri potest, sed non teneri debet : immo
 contemni, vel persequi. Hæc assertio censenda
 est erronea contra bonos mores & canones : patet:
 quia cum spectet ad mores, & canones (sicut con-
 stat) & non est eis conformis in veritate, immo nec
 esse potest, sicut patet ex præcedentibus, sequitur
 quod est eis dissona atque contraria. Hæc assertio
 debet in fide meritò suspecta reputari: patet ex præ-
 cedentibus, & hoc accipiendo fidem pro obiecto
 fidei, pro Scriptura sacra & iure diuino. Hæc as-
 sertio reddit assertorem suum in fide suspectum : &
 ita consequenter ad iudicium fidei rationabiliter
 euocandum, qui compellendus erit, vel se exponere,
 vel reuocare, vel (si pertinaciter renuerit) relinquen-
 dus erit iustitiæ seculari. Consequenter ad aggra-
 uationem dictæ assertionis, cum protestatione,
 quòd hoc fit ad finem civilem & ecclesiasticum, &
 pro defensione Catholicæ veritatis, & ecclesiasti-
 cæ libertatis : & non ad ingerendum crimen læsæ
 Regiæ maiestatis, inferuntur propositiones, quæ
 sequuntur.

Rex Christianissimus Francorum iurauit in sua
 consecratione defendere, & tenere iura & libertates
 ecclesiarum Regni sui.

Rex idem pluries à viginti annis circa habuit conuocationem, & Concilium Prælatorum, & Vniuersitatum Regni sui: ad quorum deliberationem, & requestum conclusit solemniter per arrestum curiæ suæ supremæ parlamenti, quod Ecclesia Gallicana, in se, & in membris suis, ad suas antiquas, & legitimas libertates reduceretur, nominatim in collatione beneficiorum per Ordinarios, & in electionibus faciendis.

Rex idem, & legitimus filius suus nunc regens, nouissimè post quatuor, & quinque annos fecerunt idem arrestum solemniter publicari cum adiectione pœnarum in rebelles.

Rex idem debet reputare quod sententiæ cuiusque Pastoris, etiam Summi Põtificis, factæ, vel latæ in oppositum mediatè, vel immediatè, sunt iniustæ: & continent errorem intolerabilè contra publicam iustitiam: & in vsurpationem indebitam: & ex consequenti nec tenendæ sibi sunt, nec necessariò timendæ: præsertim cum obtulerit in facie Concilij Generalis Constan. se paratum velle providere statui Summi Pontificis, sicut alij Reges, & regna pro parte sua. Dicitur hic quod non necessariò timendæ: quia possunt timeri à timoratis conscientis in aliquo casu, quamuis non ob hoc sint tenendæ. Multum enim differt dicere quod sint tenendæ & dicere quod sint timendæ. Et ideo assertor prædictus qui addidit de suo, quod sententiæ Pastoris iniustæ sunt tenendæ, valde temerariè, & scandalosè, & erroneè videtur fuisse locutus: nec iura, quibus inniti videtur, loquuntur modo suo, immo lōgè modestius, ita vt possint ad verum sensum reduci, non autem assertio sua, modo quo posita est: sicut patet ex propositione.

positionibus ante dictis.

Rex idem potest se tueri contra procedentes in eum, vel suos, occasione prædicta, sicut contra volentes vsurpare possessiones temporales Regni sui: immo magis, quantum spiritualia, & ecclesiastica potiora sunt temporalibus.

Rex idem debet habere subditos suos (præsertim ecclesiasticos) fauorabiles in dicta prosecutione: & obediētes, iuxta monitionem Apostolicam, debent obedire Regi tanquam præcellenti, & hoc præcipuè dum vitur sua legitima potestate in obseruationem proprii iuramenti, & ecclesiasticæ libertatis tutionem.

Rex idem debet protegere subditos suos, si præmissorum occasione, & propter obedientiam sibi factam pati habeant, & assumere causam in se. Et sub hac protectione subditi, tam seculares, quam ecclesiastici, debent, & possunt in quiete viuere, non plus sapientes, quam oportet.

Rex idem potest rationabiliter conqueri de subditis suis, præsertim ecclesiasticis, si in prædicta reductione libertatum inueniantur tepidi, & tergiversatores, & claudicantes: & potest ab eis per se, aut suos exigere rationes, quibus mouentur sentire contra deliberationes nedum Consilij sui, sed suorum Prælatorum, ac Vniuersitatum Regni sui. Cæterum de pœnis per eundem infligendis, iubet ecclesiastica modestia quiescere, nec habere sermonem.


RESPONSIO
CARD. BELLARMINI
AD LIBELLVM, CVIVS

INSCRIPTIO EST,

Tractatus, & resolutio circa valorem Ex-
communicationum, Iohan. Gersonis
Theologi, & Cancellarij
Parisiensis.



ROMÆ
Apud Gulielmum Facciotum,
M. D. CVI.
Cum licentia Superiorum.





RESPONSIO
CARDINALIS
BELLARMINI,
AD LIBRVM, CVIVS IN-
SCRIPTIO EST,

*Tractatus & resolutio Ioannis Gersonis circa valorem
excommunicationis.*



QVAM verum sit quod Christus ait: Qui male agit, odit lucem, Ioannis 3. manifestè apparet in eo, qui opuscula duo Ioannis Gersonis in linguam vulgarem transtulit. Cum enim nosset, quot falsitates in vnica eaque breuissima præfatione continerentur, quot, iis que non exiguis erroribus eadem opuscula scaterent, quamque parum ad scopum ab ipso præspeculatum ij ipsi conducerent, puduit eum nomen suum & Typographi prodere, quin immo vt occultior esset Parisiis se scripsisse simulat, cum tamen constet, eum & scripsisse & edidisse Venetiis. Ne is igitur sua hypocrisis lectores simplices decipiat, verba Præfationis suæ examinabimus, postmodum vero verba etiam Gersonis non ea fidelitate translata, quam proficitur.

I. *Prima Præfationis ea sunt verba.* [Euulgato rumore, & sparsa passim fama in inclyta hac vrbe Pa-

riforum, ipso die sanctissimæ Natiuitatis Domini, & Saluatoris nostri fulminatas esse censuras & excommunicationes aduersus serenissimam æquè ac religiosissimam Rempubl. Venetorum, idque ea potissimum de causa factum fuisse, quod alterius arbitrio recuset, libertatem suam à Deo sibi concessam submittere.]

Si singulas libertatis species inuestigabimus, quæ vel persona vel Respublica gaudere potest, non nisi sex sequentes inueniemus: libertatem arbitrij oppositam necessitati naturali; libertatem Christianam, oppositam seruituti peccati; libertatem civilem, oppositam iugo seruili; libertatem Reipublicæ oppositam subiectioni monarchicæ; libertatem Principis absoluti, in rebus temporalibus superiorem non agnoscentis, oppositam subiectioni Principis minoris respectu maioris, demum libertatem operandi male, oppositam seruituti iustitiæ, quam libertatem vnā & eandem esse cum seruitute peccati, ait S. Paulus ad Rom. 6. cū serui essetis peccati, liberi fuistis iustitiæ.

Non existimo huius Præfationis authorem loqui de libertate arbitrij, quæ naturalis est, nec vllō modo perdi potest, nisi sequamur errores Lutheranorum, & aliorum similium hæreticorum. Nec rationaliter loqui potest de libertate Christiana opposita seruituti peccati: hæc enim obediendo vicario Christi non tollitur, sed potius non obediēdo. Nec de libertate civili, qua serui carent, nec de libertate Reipublicæ Aristocraticæ, aut Democraticæ, qua carent populi potestati regiæ subiecti, aut dicamus monarchiæ, neque enim modernus Pontifex, nec antecessores sui de forma regiminis Venetæ vrbs immu-

immutanda cogitauerunt vnquam, quippe qui nouit nullam legitimæ potestatis formam, siue Regū, siue Principum, siue populorum illa sit, libertati Christianæ, cuius summus Pontifex principalem habet curam, aduersari, quin immo hanc varietatem ciuitati Dei, quæ est Ecclesia vniuersalis non exiguo esse ornamento. Remanet libertas Principis absoluti in rebus temporalibus superiorem non recognoscentis, & de hac verisimile est loqui præfationis Authorem, sed decipitur sine dubio, quisquis est qui dicit sanctissimum contra Rempublicam Venetam promulgasse excommunicationem, ea de causa, quod renuat libertatem suam sibi à Deo concessam, alterius voluntati & arbitrio submittere.

Et si obiicitur, condere leges, puniréve delinquentes proprium esse Principis absoluti: & nihilominus Paulum V. capita Reipublicæ Venetæ excommunicasse, quod sibi in annullandis quibusdā legibus, de rebus tēporalibus ab ipsa conditis, nec in dimittendis quibusdam reis in carcerem coniectis obedire renuerint. Respondetur Paulum V. Pontificem excommunicasse capita Reipublicæ Venetæ, non ea de causa, quod in quacunque lege de re tēporali abroganda obedire nolint, sed quod obedire nolint in abroganda lege iniqua, impia, iniuriosa Ecclesiæ, offensusua Dei, & proximi. Et quis Catholicorū negare potest ad Pontificem, tanquam pastorem vniuersalem pertinere, reprehendere quemlibet Principem aut Rempublicam ob peccata sua, eundemque posse, si obedire recusent, censuris Ecclesiasticis ad obediendum compellere. Ita videmus S. Gregorium, Mauritium Imperatorem, qui leges quasdā seruitio diuino iniquas statuerat, asperimè reprehendisse. Et Innocentius III. vt legitur in capit. no-

uit, de iudiciis, declarat apertè censuram peccatorum Principum totius mundi ad Pontificem pertinere. Non intendimus (ait) iudicare de feudo, cuius ad ipsum Regem videlicet, spectat iudicium, sed decernere de peccato, cuius ad nos pertinet sine dubitatione censura, quam in quemlibet exercere possumus & debemus. Et paulò inferiùs. Cum non humanæ constitutioni, sed diuinæ potiùs innitatur, quia potestas nostra non ex homine, sed ex Deo est, nullus qui sit sanæ mentis ignorat, quin ad officium nostrum spectet de quocunque peccato mortali corrumpere quemlibet Christianum, & si corruptionem contempserit per distractionem Ecclesiasticâ continere: Sed forsan dicetur aliter cû Regibus, aliter cum aliis agendum esse. Sed scriptum legimus in lege diuina, ita magnû iudicabis ac parvû, nec erit apud te acceptio personarum. Et hæc sunt verba Innocētij Papæ. Et Papa Bonifacius in extravaganti vnâ sanctâ de maiestate & obediētia, optimè dicit potestatem tēporalem, dū errat à spiritali dirigendam esse. Quia etsi Princeps temporalis absolutus alium Principem temporalem nō agnoscat pro superiori, nihilominùs si Christianus est, cogitur pro superiori caput Christianitatis agnoscere, qui est summus Pontifex, Vicarius Christi in terris, cuius finis quandoquidē est bonû spirituale animæ, ideò Principum temporaliû regimini non se immiscet, quousque potestate sua in detrimentum propriarum animarum, aut populorum, aut in damnû Christianitatis non abutuntur, sed cû contrarium faciunt, potest & debet eos manu ducere, & dirigere, qui hoc non credit, non est Catholicus. Et si diceret leges illas nec præiudicium aduersus Ecclesiam, nec pecca-

peccatum aliquod continere; responderem, iudiciū de lege peccatum, aut præiudiciū aduersus Ecclesiā contineat nec ne, ad eundem summum Pontificem, tanquam iudiciū supremū pertinere, quemadmodū iudicare de contractu civili, vsurarius ne sit, & peccatum ad eūdem iudicem Ecclesiasticum pertinet, ad quem pertinet cognitio causę. Ita Sanctissimus Dominus noster Paulus Papa V. Rempubicam Veretam reprehendit, non ideò quòd delinquentes subditos suos puniat, sed quia iudicare quoque præsumit personas Ecclesiasticas, quę alium superiorem quam Ecclesiasticum non agnoscunt, non habita ratione sacrorum Canonum & censurarum gravissimarum, quę feruntur in eos, qui manus iniiciunt in personas Deo deuotas & consecratas. Qui igitur seposita passione negotium hoc considerabit, intelliget Papam, Rempubicā alia libertate priuare nolle, quā illa operādi malè, quę non à Deo, sed à Dæmone, & à propria malitia est, & vna est cum seruitute peccati, opposita verę libertati Christianitatis. Et quēadmodū Principes sæculares libertatē aliena rapiendi, occidendi, & similia scelera perpetrādi subditis suis non permittunt, quod tranquillitati, & bono regimini aduersentur, ita nec summū Pontificē, tanquā caput Ecclesię decet, permittere libertatem Principibus Christianis condendi leges aduersarias Ecclesię & salutis animę. Et quemadmodū pastores nō permittūt gregi libertatē errādi quo placet, herbas depascendi venenosas, aquas bibendi corruptas & turbidas, nec nautā cōuenit nauē relinquere, vt à qualibet tempestate, ad saxa scopulósque feratur. Ita nec Pontifex pastor gregis Christiani, & primarius nauculę Petri gubernator licentiam permittere de-

bet Christianis, vt se perdant, vt aliis perdendi salutem æternam occasionem præbeant. Demum quemadmodum iustè Reipublicæ Venetæ non placet conscientiæ libertas, quæ hac tempestate hæreticis attridet, videt enim hac libertate quoslibet errores introduci, atque ea de causa sanctæ inquisitionis tribunal fouet & promouet: ita neque placere deberet eidem libertas statuendi leges honori Deo, & bono Matris suæ spiritualis, quæ est sancta Ecclesia, contrarias, sed & beneuola fronte acceptare deberet se ea de re à Patre suo spirituali, qui Vicarius Dei in terris est, admonitam & correctam esse.

II. *Pergit author ad secundam falsitatem, dum ait:* [Ego probatorum quorundam authorum reuolutione, seriò inquirere cœpi, quænam huiusmodi excommunicationum sit, vis & energia, quando præsertim ob causas tam iniustas feruntur.

Hæc est secunda falsitas cum incredibili temeritate & intolerabili arrogantia coniuncta. Author enim præfationis definire audet, causas excommunicationis latæ à summo Pontifice aduersus Rempublicam Venetam esse iniustas. Et forsitan qui cum scriptore hoc ageret, deprehenderet eum in hoc negotio, nec satis instructum esse, nec latæ excommunicationis scire causas, quandoquidem ipse fatetur, sed sola fama Parisiis sparsa ad scribendum impulsus fuisse. Ac proinde, necesse est eum esse de grege eorum, de quibus Apostolus loquitur. Non intelligentes neque quæ loquuntur, neque de quibus affirmant, Timot. I. Possibile est ne te adeo temerarium esse, vt negotio nec dum probè intellecto, nullo adhibito studio, inconsultis Doctoribus, audeas tamē sententiā tam absolutam aduersus Vicarium

carium Christi proclamare. Et posito quod ea in re multum operæ studiique impenderis, decuitne te adeo arrogantem esse, ut iniustitiæ argueres & condemnares, supremum mundi Iudicem, & hanc tuâ sententiam toti mundo adminiculo typi palam faceres. Sed cum omnes rationes tuæ, ob quas excommunicationem summi Pontificis iniustam pronuncias, alio fundamento, quam fama non nitantur, quâ scilicet spargebatur, Rempubliam Venetam, ideo quod nolit libertatem suam sibi à Deo datâ arbitrio alterius subiicere, excommunicatam esse. Et nos iâ clarè demonstrauerimus eam rationem falsam esse, iustitia etiam excommunicationis latæ à sanctissimo nostro, nota singulis, & calculo omnium, iis solum exceptis, quorum ea interest, & qui sensu magis quàm ratione ducuntur, approbata sit; verba plura in falsitate hac confutanda non perdemus.

III. *Tertia sequitur.* [Et quidem sacri Concilij Tridentini Decretis accuratè inspectis legendo verba hæc digna, ut aureis literis conscribantur. (Quâvis excommunicationis gladius, &c.) in votis mihi maximè fuisset; ut quemadmodum sanctissimi illi Patres, Ecclesiarum Antistitib. regulam ab iisdem in huiusmodi remedij applicatione, & salutifero usu obseruandam præscripsere, sic pariter conscientias deuotas & religiosas piorum informassent, quidnam eorum muneris & officij foret, cum Præsules & Inspectores contra præscriptam à Christo Domino nostro, Sancto Paulo, & ab antiquis. sacris Canonibus, formam censuras fulminant.

Non contentus est author falsitatem vnâ contra Pontificem summum dixisse, sed adiungit aliam contra vniuersale Concilium; ut hoc modo & ca.

FFf }

put, & primaria sanctæ Ecclesiæ membra conui-
 ciis afficiat. Reprehendit igitur author hic sacrum
 Concilium de insufficientia, quod cum præscripse-
 rit Prælati, ut in causis leuibus excommunicatione
 non utantur, neglexerit tamen simul erudire laicos,
 quomodo se gerere debeant, cum eorum Prælati or-
 dinem præfixum, qui conformis sit ordinationi
 Christi, S. Pauli, & sacrorum antiquorum Cano-
 num, intermittunt. Verum si voluisset totum sacri
 Concilij decretum peruoluere inuenisset id ipsum,
 quod hic author se in votis habuisse simulat, cogno-
 uissetque quam inique insufficientiæ doctrinæ Cō-
 cilium arguat, Decretum quod ipse allegat tertium
 est sessionis vltimæ, in materia de reformatione
 & quemadmodum in capite decreti Prælati admo-
 nentur, ne excommunicationis armis temere & le-
 uibus de causis utantur, ita sub finem quoque in-
 struuntur laici in magistratu politico constituti,
 quod ad ipsos non pertineat iudicare, an Prælatus
 in excommunicatione debitum ordinem obser-
 uet, nec ne, ac proinde magistratibus sæcularibus
 præcipitur, ne impediant Prælatos, quo minus ex-
 communicationem ferant, multo minus mandent,
 ut latam reuocent sub prætextu, quod ordini debi-
 to conformis non sit: Nefas autem sit sæculari cui-
 libet Magistratui prohibere Ecclesiastico Indici,
 ne quem excommunicet, aut mandare ut latam
 excommunicationem reuocet, sub prætextu quod
 contenta in præsentī decreto non sint seruata, cum
 non ad sæculares sed Ecclesiasticos hæc cognitio
 pertineat. Hæc sunt verba sacri Concilij, quod sin-
 gulis rebus prospexit, docuitque officium sæcula-
 ris Magistratus non esse resistere violenter pu-
 blica-

blicationi excommunicationum, vt modo facit Magistratus Reipublicæ Venetæ, deceptus ab iis, qui adulari quam veritatem docere malunt, ex quorum numero est is quoque, cui respondemus.

IV. *Pergens vltimus author adiungit, & dicit:* [Et dum cum hic desiderio viderem meo fieri nequaquam satis multos authores euoluenti, ecce præ reliquis vnus sese mihi obtulit Ioannes Gerson Doctor Christianissimus cognominatus, æterna sane memoria dignus.]

Negandum non est Gersonem fuisse Doctorem multæ & pietatis & scientiæ: sed infœlicitas temporis, ob diuturnitatem schismatis in Ecclesia Romana induxit etiam, vt & alios quosdam eius ætatis, hunc authorem, vt minus recte de sedis Apostolicæ potestate sentiret. Dum enim interueniente Concilio generali mederi schismati, & Pontifices diuersæ obedientiæ inducere studerent, vt prætensiones suas Concilij declarationi submitterent, supra modum Concilij authoritatem extollebant, pontificiam vero deprimebant. Hinc nascebatur, vt in manifestos sacræ scripturæ, communi sententiæ Theologorum, qui ante, & tunc, & post hæc tempora vixerunt, contrarios errores laberentur. Quapropter Gersonis autoritas in materiis Papalem potestatem concernentibus nullius est momenti: nec deerant scriptores alij magis securi, qui adferri poterant, ad intelligendum quousque se vis excommunicationis extenderet, vt sunt S. Thomas. S. Bonavent. S. Antoninus, & infiniti alij, etsi suspectum authorem, immo manifeste erroneum in materia, de qua hic sermo fit, non adduceret.

V. Super alia omnia digna est reprehensione, causa, qua impulsus author Præfationis, vt transferret, & in lucem spargeret hos duos Gersonis tractatus. [Vt (ait ille) conscientia qualibet pia & religiosa eos legendo consolari possit, cum magnam illam poenam non incurrat, quam diuina maiestas reprobis solet immittere, vt timeant ea quæ timenda non sunt. Trepidauerunt timore vbi non erat timor.] Ecce quo perueniat humana cecitas; vtitur verbis Dei, vt Dei timorem auferat, Psalmo 13. & 52. Regius Psaltes ait: Homines impios non timere verum Deum, qui dignus est vt timeatur. Non est timor Dei ante oculos eorum, è contrario falsos timere Deos, in quibus potentia nulla est, illic trepidauerunt timore, vbi non erat timor. Et modo nouitius hic Doctor verba Psaltris in contrario sensu usurpat, vt persuadeat, Vicarium Christi non esse timendum, & consequenter nec Deum, quia ipse ad Vicarios suos ait: Qui vos audit, me audit, & qui vos spernit, me spernit, Luc. 10. Contrarius Neotheologi huius verbis S. Greg. hic enim hom. 26. serm. habens, de excommunicatione ait: Sententia Pastoris timenda est, siue iniusta sit. Hic autē ait: Qui timet sententiam Pastoris, quam sibi persuadet esse iniustā, cadit in poenam reprobrorum, timentium vbi timendum non est. Neque malum quod ex hac doctrina oritur, hic persistit, sed indies magis magisque vsque ad extremam animæ interuersionem serpit. Qui enim non timet censuras summi Pontificis, multo minus timet censuras Episcopi, & qui decreta capitis Ecclesiæ spernit, nequaquam conscientia sibi ducit, spernendi quoslibet alios ordines ac status.

Hoc

Hoc artificio Martinus Lutherus multis persuasit libertatem Christianam consistere in hoc; ut scilicet quis habeat conscientiam largam, nec timeat præuaricari qualiacumque Ecclesiæ Decreta. Ex quo principio vidimus tot religiosos & Deo devotas virgines, absq; vlllo scrupulo septa monasterij egredi, sacrum habitum abiicere, connubia inire, tot populos, sacras imagines conculcare, obliuisci vigiliarum & festorum, nescire amplius quid sint Quadragesima, Confessio, Vesperæ, Missa. Ex hoc fonte demum non timendi amplius potestatem Vicarij Christi in terris cō nonnullas prouincias deductas esse vidimus, ut ne vestigium religionis Christianæ in eisdem supersit.

Tandem cū auctori huius Præfationis non sufficeret, abusum fuisse loco Testamenti veteris, sed abutitur etiam Nouo, dū ait: [Sed iuxta doctrinam Apostoli corroborati in Domino, & in virtutis sue potentia arripiant scutum fidei, illudque temerariis fulminibus opponāt, gladium Spiritus accipiendo, quod est verbum Dei.]

Non magis apertè Lutherus, nec Calvinus, abuti potuit verbis Dei aduersus Deum. Loquitur Apostolus in Epist. ad Ephes. cap. ultimo, de resistentia, qua fideles dæmonio infernali reluctari debent: Vt possitis stare contra insidias Diaboli: & paulo inferius: In omnibus sumentes scutum fidei, in quo possitis omnia tela nequissimi ignea extinguere. Vt etiam ait Petrus: Cui resistite fortes in fide. Et sanctus Iacobus: Resistite Diabolo, & fugiet à vobis. Et hic Neotheologus applicat hanc resistentiam ad censuras Sūmi Pontificis: ac si Apostolus loco eius, armate vos fide, & verbo Dei, ad resistendum, Dia-

bolo, dixisset, armate vos fide, & verbo Dei, ad resistendū Deo in suo vicario. Et quæ hæc fides est, aut quod hoc verbū Dei, quod nos docet, Vicario Dei resistere? quinimmo, quæ est hæc fides, quod verbū Dei, quod non doceat, nos obedire & subiectos esse oportere Ecclesiæ sanctæ Antistib. An non ait S. Paulus in epist. ad Hebræos: Obedite Præpositis vestris, & subiacete eis. Nunquid Christus ipse sic iubet, Matth. 18. Si Ecclesiam non audierit, sit tibi sicut Ethnicus & Publicanus?

Verū tēpus est, ut ad considerationes Gersonis ipsius accedamus, demōstremusq; manifestè, eas aut nihil ad negotium præsens facere, aut erroneas esse.

Prima consideratio est, [Irregularitatem & excommunicationem principaliter inniti contemptui claviū Ecclesiæ, hoc est, potestatis Ecclesiasticæ.] Hæc consideratio vera est, si intelligatur per contemptū inobedientia, aut ut rectius dicatur contumacia, nec est contraria facto sanctissimi Domini nostri.

Secunda consideratio est. [Contemptum claviū posse interuenire tribus modis, directè, indirectè, aut apparēter.] Ita ait interpret parū fidelis. Gerson enim non declarat tertiū modū verbo apparenter, sed verbo interpretatiue. Quæ verba ferè contraria sūt. Apparēs enim illud est, quod apparet & nō est, interpretatiū quod nō apparet & est. Sed parū facit hic error, ad præsens negotiū, de quo hic sermo est.

Tertia consideratio est, [Contemptus claviū primo & similiter secundo modo rationabiliter demeretur excommunicationem, consequenter irregularitatem: tertius tamen modus non semper est demeritorius excommunicationi, nisi Dei, qui enim peccat mortaliter, à Deo excommunicatio est.]

In hac

In hac consideratione mali nihil continetur, quàm in vltimis verbis, propriè enim loquendo de excōmunicatione, verū non est, cū, qui peccat mortaliter à Deo excōmunicatū esse, aliàs enim peccatores absque nouo peccato nō possent interesse Missæ, aut aliis diuinis officiis, quod falsum esse omnibus cōstat.

Quarta consideratio. [Contemptum neutro modorum prædictorum dicendum esse interuenire, quando manifestè & notoriè Prælatus abutitur potestate clauium.]

Hæc consideratio est vera de abusu clauium in re essentiali, qualis esset, si Prælatus suam potestatem excederet, aut non præmissa admonitione vlla excommunicaret, aut præciperet sub pœna excommunicationis, res diuino præcepto contrarias. Tunc enim cum S. Petro dicendum esset: Obediendum est magis Deo, quàm hominibus, Actor. 5. Sed licet vera sit doctrina Gersonis, nihilominus Interpretis scopus multum esse potest venenosus: fortè enim persuadere vult hominibus, vt credant, excommunicationem latam à Sanctissimo Domino nostro, abusum esse notorium clauium, cū è contrario legitimus & sanctissimus sit, vt clarè demonstrari posset, si de hoc agendum foret.

Quinta consideratio est. [Prælatum abutentem potestate clauium, magis spernere clauēs, & grauius peccare, quàm subditum non obedientem suo Prælato, atque hinc colligi, opus quandoque meritorium esse in eiusmodi negotiis Prælato in faciem resistere, vt Paulus Sancto Petro restitit.]

In hac consideratione multa dicenda essent, sed quia ad rem nostram parum faciunt, duo tantum dicamus. Primum est: Doctrinā Gersonis parum sc-

curam videri, vt enim relinquuntur comparationes, quæ secundum varias circumstantias variari possunt, ex quibus oriri potest, vt modò Prælatus malè sua potestate vtens, modò subditus non obediens peccet, si consideretur, solum ipsum vt malè potestate, & ipsum non obedire potestati: grauior noxa est obedire nolle, quàm vt malè potestate, qui enim abutitur potestate, facit peccatû iniustitiæ, & hominem sibi subditum offendit: qui autem non vult obedire Prælato iussè præcipienti, & eius excommunicationem spernit, peccatum rebellionis committit, & in suo Vicario Maiestatem diuinam offendit. Ita enim dicit Christus: qui vos spernit, me spernit, Lucæ 10. & Apostolus 1. ad Thessal. ca. 4. Qui hæc spernit, non hominem spernit, sed Deum. Et hic contemptus Dei in suo Vicario à Samuele Propheta 1. 1. Regum c. 15. species quedâ idololatriæ appellatur.

Alterum est, quòd licet in casu aliquo meritorium esse possit, resistere in faciem Prælati, nihilominus ordinariè res est scandalosa, & grauis noxæ. Adducere verò hanc considerationem ad præsens negotiû, vt ad spernendum Vicarij Christi decreta subditi incitentur, res amandanda est. S. Paulus n. non resistit S. Petro, in materia obedientiæ, sed in materia certè cuiusdâ obseruantia legalis, & ita placuit Deo, ad ostendendam mundo S. Petri humilitatem, permittere, vt in vno aliquo articulo obseruantia legalis, & Paulus magis illuminaretur, quàm S. Petrus, & ea de causa S. Petrus fraternam S. Pauli correctionem libenter sustinuit, præsertim, cum S. Paulus esset Apostolus, nec minùs repletus spiritu S. quàm S. Petrus, verùm in materia obedientiæ & reuerentiæ scimus, S. Paulum semper subditos ad obediendum

dū suis Præsulibus admonuisse, quin & ipse Hierosolymam venit visitare S. Petrū, & conferre cum ipso Euangelium, quod prædicabat, licet id ipsum quoq; ex revelatione habuerit, vt de se ipso Paulus testatur in epist. ad Galat. c. i. Quæ igitur consequentia erit illa: S. Paulus Apostolus vas electionis, ausus est admonere S. Petrum: operantur ergo meritoriè populi resistentes in faciem Summo Pontifici, quando illis aliquid præcipit & mandat sub pœna excommunicationis? hæc cōsequentia non esset boni Dialectici, sed peruersi Schismatici.

Sexta consideratio est [Interuenire posse eiusmodi casum, vt aliquis non obediendo Prælato sit contemptor clauium, vbi & quando alius in eadem sententia non obediens, nullo modo contemptus sit reus. Vnus enim reputat sententiam Prælati iustam esse, aut quomodolibet obediendum illi: alius autē non, sed scit certitudinaliter, aut probabilitate sufficienti, suū Prælātū malè vti potestate clauū.] In hac consideratione nihil aliud dicendū occurrit, quàm non sufficere qualēcumq. probabilitatem, nec probabilitatē qualiscūq; abusus potestatis clauū, ad hoc vt ad obediendum Prælato obligati nō simus. Quin imò iuxta cōmunem doctrinā, vt aliquis non sic obligatus obedire, opus est, vt certū sit & notorium, Prælātū in re essēiali sua potestate abuti. Est enim regula vniuersalis S. Augustini l. 22. contra Faustum c. 75. & ab alijs accepta, obligatū esse subditū ad obediendum, non solum quando constat, superiorē nihil Deo contrariū iubere, sed etiā quando non est certus aliquid præcipere, quod sit contrarium Deo: in casu namque dubio obsequendum est iudicio superioris & non proprio, & tunc tantum obediendū non est, quando certum est, eū Deo cōtraria præ-

cipere. Est enim Deo obediendum magis quàm hominibus, vt supra diximus.

Septima consideratio [Contemptum clauium inuestigandũ esse ex potestate legitima & vsu legitimo potestatis illius, atque ideo glossa indigere dictũ illud cõmune. Sententia Pastoris vel Iudicis etiã iniusta timenda est.] Hæc est optima cõsideratio, & glossa huius dicti cõmunis reperitur in sacris Canonibus. in quibus illud ipsũ dictum exstat, in decreto scilicet Gratiani II. q. 3. per multa capita, & sũma est, quòd sententia Pastoris timẽda sit, quando iniusta quidẽ, sed valida est, cũ scilicet nulla pars essentialis deest, sed solũ accidentaria: exempli gratia: Legitimus Prælati excommunicat suum subditum iustam ob causam, præuia admonitione, non ex zelo puræ iustitiæ, sed odio particulari, quo illi insensus est, aut omissa trina præmonitione, aut nõ declarata, sententia in scriptis, eiusmodi excommunicatio iniusta est, sed valida, atque ideo timenda. Quando et re ipsa inualida esset, nesciretur tamẽ inualida, similiter timenda est. Nec laboro in probatione horum, sunt enim luce clariora, vt nec ipse Gerson ea negare possit. Et ex hac consideratione colligere quisque poterit, sententiam Sanctissimi Domini nostri Pauli V. aduersus capita Reipublicæ Venetæ fulminatam requisitis omnibus tam essentialibus quàm accidentalibus præditam esse, atque ideo timendam, cùm non modò valida, sed etiam iustissima sit. Si enim potestatem legitimam desideres, suprema est ea à Deo data, vniuersalissima, super omnes; qui se oues ouilis Christi, & membra mystici corporis Ecclesiæ, & ciues ciuitatis Dei, & domesticos domus Dei appellari volunt. Quòd potestas vniuersalis sit, manifestè apparet

paret in istis verbis: Quodcūque ligaueris & quodcumque solueris, Matth. 16. Quod sit supra omnes, ex aliis verbis colligitur: Pafce oues meas, Ioā. 21. vbi non restringitur potestas ad has illas oues, sed includuntur omnes, quæ sunt suæ, & qui hoc non credit, non est orthodoxus. Si vsum legitimum requiris, inuenies, non defuisse multas præmonitiones, nec aliquid earum rerum, quæ ad iudiciariū processum requiruntur. Si causam: fuit hæc defensio immunitatis Ecclesiasticæ, quam sacrum Concilium Tridentinū sess. 25. c. 20. dicit esse fundatā in ordinatione diuina, & in sacrorū Canonū constitutionibus, pro quibus scimus multos Præsules vsque ad mortem decertasse: & Deus S. Thomam Cantuariensem multis ideò miraculis illustrauit, & verum Martyrem suum declarauit, vt postmodum Ecclesia eum quoque talem ostendit, quòd sanguinem pro libertate Ecclesiæ profuderit.

Octaua consideratio. [Abusus clauium plus habet periculi in summo Pontifice quàm in inferioribus. Quoniam ab abusibus inferioribus patet recursus ad Papam per appellationis subsidium, ab abusibus autem Papæ recursus non est nisi ad Conciliū generale, quod non absque difficultate congregari potest. Et licet in initio Concilij Constantiensis multi putauerint, licitum non esse, à Papa ad Conciliū appellare: nihilominus illud ipsum Conciliū declarauit expresse, hæresin esse, negare superioritatem Concilij supra Pontificem.] Hæc consideratio continet errorem quendam apertissimum & grauissimum, & qui huic errorem ad propositum præsentis negotij adducit, demonstrat se parum Catholicum. Et vt initium capeffamus à Concilio Constantiensi, tria dicenda sunt.

Primum est, hoc Concilium nullibi declarasse, hæresin esse, negare superioritatem Concilij supra Papam, voluatur & reuoluatur integer Concilij codex, tale quid non inuenietur. Secundum est, quòd supra dictum Concilium sess. 4. decretum faciat, quo declarat hoc ipsum Concilium Constantiense repræsentare Ecclesiam vniuersalem, & habere potestatem immediatā à Christo, cui potestati quilibet, etiam ipse Papa sit obligatus obedire. Et hoc decretū etiā à viris doctissimis non putatur intelligendū esse de quolibet Papa, sed de Papa dubio, qualis tunc erat, cum tres diuersi Pontifices esse volebant, habebātq; affeclas suos, & hoc verissimum est, Ecclesiam habere potestatem declarandi, quis sit verus Papa eoque qui tempore schismatis de pontificatu certant, obligatos esse auscultare & obedire Ecclesiæ, & Cōcilij generalis decreto. Quòd autem Papa canonicè electus & indubiè pro Papa agnitus debeat obedire Ecclesiæ & Concilio, ex eo decreto minimè colligitur. Tertium est, istud decretum aliud robur non habere, quàm vt succurratur schismati, cum enim eo tempore Papa Concilio præsens non fuerit, erat Concilium illud acephalum, atque ideò non habebat authoritatem declarandi res fidei, nec res alias maioris momenti. Et etiamsi postea Martinus Papa V. approbauerit Concilium Constantiense, approbavit tantum, quantum ad decreta facta per modum Concilij, vt fuerunt illa aduersus hæresin Ioannis VVicleffi, & Ioannis Huss, decretum autè superioritatis Concilij super Papā, non est factum per modū Cōcilij, hoc est, præiis, examine, discussione, & disputationibus, nec per Patrū vota & suffragia, sed fuit decretū simpliciter institutū ad mendum

dendum schismati, quantum necessarium videbatur.

Vnde paulò post Pius I I. in Concilio Mantuano excommunicauit eos, qui à Papa ad Concilium appellabant, eandemque excommunicationem renouauit Papa Iulius II. teste Syluest. verbo Excò. 7. nu. 93. & eandem modò confirmant omnes Pontifices in bulla Cœnæ Domini. Demû Papa Martinus V. cum suffragiis eiusdem Constantiensis Cōcilij declarat suspectos de hæresi, circa multos articulos interrogandos esse, in particulari verò num credant, Pontificē habere supremam potestatem in Ecclesia Dei, certū autē est, si suprema potestas in Papa est, hoc esse non posse, si Conciliū sit supra Papam, alias enim suprema potestas in Cōcilio est, & non in Papa. Ex quibus apparet, Concilium Constantiense in decreto sessionis 2. ad modum à nobis explicatū intelligendum esse, alias enim sibi ipsi contrariaretur, & si admittenda est contrarietas, plus credendū est decreto secundo à Papa & simul à Concilio facto, quàm primo à Cōcilio sine Papa facto, id est à corpore sine capite. Sed relinquamus Conciliū Constantiense, opinionem Gersonis erroneam esse paucissimis verbis probari potest, autoritate nimirum scripturæ, & conciliorum, & ratione.

Scriptura sacra in nullo loco authoritatem dat Ecclesiæ aut Cōcilio supra suos Pastores, multo minus supra summū Pastorē, sed contrariū potius dicit S. Paulus in Actis Apost. ca. 20. Deus posuit Episcopos regere Ecclesiam Dei. Et Vicario suo dicit Christus Matth. 16. Super hanc petram ædificabo Ecclesiam meā: vbi Christum cōstituere Petrū fundamentum Ecclesiæ, idem fuit, ac facere caput mysticum: quod enim in domo fundamentū, hoc caput

est in corpore. Videmus autem caput præesse & potestatem habere in reliquis corporis partes, non e contra. Ita quando Christus Ioan. 21. Petro dixit: Pascue oues meas, constituit illum Pastorem totius ouilis, & dubium non est, ouile non habere potestatem in Pastorem, sed potius Pastorem in ouile. Demum quando Dominus ait Lucæ 12. Quis est fidelis dispensator & prudens, quem constituit Dominus super familiam suam, dubio procul declarat, Episcopum in Ecclesia particulari, & Papam in vniuersali, esse veluti Palatinos & domus Præfectos quosdam in familia Dei. Et quemadmodum Præfectus domus familiæ dominatur non contra: ita & Episcopus dominium habet in suam Diæcesin, hæc autem dominium non habet in Episcopum, nec Ecclesia etiam congregata in Concilio, dominium & potestatem habet in Papam, atque ideo etiam in eo ipso loco subiungit Saluator: Quod si dixerit seruus ille in corde suo, moram faciet Dominus meus venire, & cœperit percutere seruos & ancillas, edere, & bibere, & inebriari, veniet Dominus serui illius in die qua non sperat, & diuidet eum, partemque eius cum infidelibus ponet. Ex quibus colligitur, quando Præfectus domus perperam agit, Deum nolle, ut à familia puniatur; sed iudicandi & puniendi eum, sibi potestatem reseruasse. Cum igitur neque Ecclesia, & consequenter nec Concilium, quod Ecclesiam repræsentat, iuxta scripturas, ullam in Papam potestatem habeat, rectè sequitur, non posse ad Conciliū appellari, esse autem recursum ad beneficium appellationis à Concilio ad Papam. Hanc eadem veritatem ex scripturis deductam, ipsa etiam sacra Concilia confirmant.

Cum Papa Marcellinus, formidine mortis, grauissimum

uissimum illum errorem, sacrificando Idolis commisisset, congregatū fuit Conciliū Sinuesianum, vt ea de causa disputaretur, totū Conciliū cōfitebatur, non esse in sua potestate iudicare Papam. Prima sedes à nemine iudicatur. Et huius Concilij ineminit Nicolaus I. in epistola ad Michaelē Imperatorē. Similiter Conciliū Romanū à Sancto Syluestro cōuocatū can. vltimo declarat, Primā sedē, quæ Papæ est, à nemine iudicari posse. Conciliū Calcedonēse, vnū ex quatuor primis Cōciliis generalib. in tertia actione, dānat Dioscorū Patriarchā Alexandrinū, & pariter totū Conciliū Ephesinum, quod Papā Romanū iudicare ausus sit. Si igitur primus Patriarcharū post Romanū vna cū toto Concilio generali, nō poterat iudicare Papā, manifestē deducitur, Cōciliū non esse supra Papā, alias enim ipsum iudicare posset. Paulò post, Concilium V. Romanum sub Papa Symmacho approbat, ceu propriū Decretū, sentētiā Ennodij. Aliorū hominū causas Deus per homines terminari voluit: Sedis istius Præsulē suo sine quæstione reseruauit arbitrio. Voluit Petri Apostoli Successores, cælo tantū debere innocētiā. In Cōcilio octauo generali, actione 7. ita legimus: Romanū Pontificē de omniū Ecclesiarū Præsulibus iudicasse, de eo verò neminē iudicasse legimus. Paulus Æmilius libro 3. Historiæ suæ scribit, cū magnum Conciliū in præsentia Caroli Magni, ob qualdā res Papæ Leoni III. obiectas, congregatū fuisset, omnes Episcopos vna voce clamasse, nemini licitum esse Summū Pontificē iudicare. Cōciliū Lateranēse sub Alexandro III. dū leges de eligendo Pōtifice statuendæ essent, ait, in hac electione singulari industria opus esse, si enim erretur, recursum ad aliū superiorē

non suppetere, quod in terris Papa superior nemo sit. Legatur caput Licet extra de electione. Deinum Concilium Lateranense sub Leone X. sessio. 11. determinat expresse, Papam esse super quodcunque Concilium, ac proinde ad illum solum pertinere, conuocare, transferre, & dimittere Concilium. Si igitur ipsa Concilia Papæ se subiecta pronunciant, quis audebit dicere, Concilium esse supra Papā, aut ab hoc ad Concilium appellationem institui posse. Sed videamus, an ipsa ratio in scripturis Dei fundata, hanc eandem veritatē confirmet. Ecclesia sancta non est Reipub. Venetæ, Genuensi, aut ciuitati cuiuspiā comparanda, quæ Duci suo Imperiū, quod placet, indulget, vnde nascitur, vt Respublica Principe superior sit. Nec similis est regno terreno, in quo populus anthoritatem transfert in Monarchas, vt tamen à dominio Regio quibusdam in casibus liberari queat, & redire ad regimen consulare. Romanorum exemplo, qui à dominio Regio, ad regimen Consulare deuenierunt. Est enim Ecclesia Christi regnum perfectissimum, monarchia absoluta, & à populo nec depēdens, nec originem trahens, soli voluntati & imperio diuino subiecta. Ego autem, ait Christus Psalm. 2. cōstitutus sum Rex super Syō montē sanctum eius. Et Angelus sanctus ait ad Beatam virginem Lucæ 1. Dabit ei Dominus sedem Dauid Patris eius, & regnabit in domo Iacob in æternum, & Regni eius nō erit finis. Et mille aliis in locis habetur id ipsum. Hoc regnum independens esse ab hominibus, ostendit Christus, cum ait: Non vos me elegistis, sed ego elegi vos, Ioannis 15. Et hoc ipsum nos aliquando profitebimur: Fecisti nos Deo nostro regnum Apocal. 5. Et hæc causa est, quod hoc

regnum in scripturis familiæ assimiletur: Quis est seruus & prudens, quæ constituit Dominus super familiam suam, Matth. 24. Paterfamilias enim non depêdet à familia, neque ab ipsa auctoritatē acquirit. Cum igitur hæc verissima sint, necessaria cōsequētia cōcluditur Vicariū generalē Christi, non depêdere ab Ecclesia, sed à solo Christo, à quo omnis eius auctoritas deriuatur; quo modo videm⁹ in terrenis regnis Proregē non habere potestatem à regno, sed à Rege, nec iudicari aut puniri posse à populo, sed solū à Domino.

Vides igitur quantoperè deceptus sit Gerson; & qui eum sequitur seipsum decipit; contrarius porro est, sacræ scripturæ, Conciliis, & manifestis rationibus. Et si quispiam obiiceret, quod ipse Gerson quoque solebat. Scriptum esse Matthæi 18. Dic Ecclesiæ, & si Ecclesiā non audierit, sit tibi sicut Ethnicus & Publicanus. Responderem, in eo loco nomine Ecclesiæ intelligi Prælatum, qui caput est Ecclesiæ, quem in modum exponit hunc locū Sanctus Chrysostom. homil. 61. in Matth. & Papa Innocētius III. capit. Nouit. de Iudiciis, & docet hoc vniuersalis Ecclesiæ totius mundi praxis, omnium ætatum & temporum consensus, qui enim Ecclesiæ peccatorem denunciare vult, & obseruare hoc præceptum, non congregat Concilium, sed ad Episcopum, aut eius Vicarium recurrit.

IX. *Nona consideratio.* [Non incurritur contemptus clauium, quando Papa enormissimè & scandalosissime abutitur sua potestate.] Hæc consideratio in se vera est, sed iniuriosissima sanctissimo Domino nostro, & sanctæ sedi Apostolicæ, ac si hoc modo clauibus regni cœlorum abuti soleat. Simili astu & fraude heretici nostri tēporis, vt mundo odiosa red-

derent potestatem Pontificiam, infamia in eam conuicia spargunt, quæ Antesignanus & caput eorum Satanas suggessit. Veneti eius farinæ defensores abhorreere & punire deberent.

X. *Decima consideratio.* [Non incurrere eos contemptum clauium, qui per potestatem sæcularem, aduersus tales prætenfas sententias tueri se procurant, lex enim naturalis dictat, vim vi repelli posse.] Hæc doctrina pernitiola est, à qua infinita oriri possunt scandala. Licet enim sententia hæc verissima sit, vim vi repelli posse. Nihilominus limitationes multas admittit. Vt nimirum vis sit iniusta, nullum præter vim extet remedium, & vt continuo resistantia fiat, & præter has alias, quas Syluester, verbo Bellum 2. & alij Doctores, qui de hac materia tractant, declarant: ac proinde, nisi magna cautela hæc sententia in casibus particularibus adhibeatur, grauissimarum perturbationum causa est. Dum apparitores captum vinciunt, certum est capto violentiam inferri, nec tamen licita est in lictores violentia, ea de causa, quod vis vi repelli possit. Qui per vim ad scamna triremium alligatur, loris & verberibus ad remigandum compellitur, violentiam procul dubio sustinet, nec tamen vllus, qui iudicio præditus sit, affirmabit, hortatori remigū, sub hoc prætextu quempiam violenter obsistere posse. Similiter cogitur à superiori seu Ecclesiastico, ceu civili quispiam, vt restituat rem alienam aut famam, seruare fidē & promissum, dici tamē nequit, quod tali modo coactus violēter resistere possit, aut insurgere aduersus suum superiorem. Et vt relinquamus infinita exempla. Frequenter magistratus aut Principes plebi, grauissimas exactiones & onera imponunt,
eām -

eámque ad soluendum impellunt cogúntque non credo vllum tamen esse, cui placeat is, qui motus & seditiones in plebe excitaret, ea de causa, quod licitum sit vim vi repellere. Et quæ metamorphosis & confusio in priuatis ædibus, vrbibus & Regnis foret, si omni vi vis opponi posset, ea de causa solummodo, quod naturale lumē, vim vi repellendam dīctet. Verum si de vi sermo sit, qua Prælati vtuntur, dum censuris Ecclesiasticis constringunt subditos ad obediendum, certum est, licitū non esse eis vi resistere. Si enim qui non audit Ecclesiam, iuxta præceptū Domini pro Ethnico & Publicano habēdus est, sane deterior censendus est, qui violenter Ecclesiæ resistit. Quantum verò attinet ad recursum Principū sæculariū in materia excōmunicationis, à sacro Concilio Tridentino sufficienter prospectum est, dum sessione 25. & 13. Principibus sæcularibus prohibet, ne Prælatos ab excommunicatione impediant, neque iubeant vt iam fulminatæ reuocentur, cum hoc ad officium eorum non spectet. Si demū ad negotium, de quo hoc tempore instituta est questio procedamus, principium quod adducit, vim vi repellere licere, ad propositum nil facit. Vis enim quam Reipub. Venetæ sanctissimus Dominus noster infert, vis paterna, iusta, & conformis est sacræ scripturæ, sacris Canonibus, omni tempore Ecclesiæ Antistitibus vsitata: adest & in promptu remedium, quamuis ad vim aut auxilium Principum non refugiant, obedientia scilicet & humilitas, sine quibus alia omnia remedia vana sunt.

XI. *Vndecima consideratio:* [Iuristarum, aut Theologorum aliquem non incurrere contemptū clauium Ecclesiæ, dū in præmissis casibus, iuxta

GGg ij

conscientiam suam dicit, quod huiusmodi sententia non sint timendæ vel tenendæ, & hoc præsertim, si obseruetur informatio seu cautela debita, ne sequatur scandalum pusillorum, qui æstimant Papam esse Deum aliquem, qui habet potestatem omnem in cœlo & in terra.]

Hæc consideratio, vt loquar de ea modestè, parū considerata est: suffecisset enim Gersonē dixisse, indoctum in re dubia posse se Iudici Theologi aut Iurisconsulti cuiuspiam famosi, docti & boni cōmittere. Vt autem ad Theologum aut Iurisconsultum quicumque, in materia præsertim obedientiæ summo Pontifici summa debita recurratur, est temeritas, neque enim dubium, sed certissimum est, in rebus dubiis superiori obediendum esse, & tunc tantum obediendum non esse, quando dilucidum & manifestum est, superiorem diuinis legibus oppositas præcipere. Deinde quot Theologos ac Iurisconsultos reperire est, qui aut ex ignorantia aut malitia decipi possunt? Et si hic te isto, alius autem alio modo instruat, quem sequeris? Principes profectò sæculares nunquam permittent, vt reus lata semel sententia reclamet, & dicat ad obedientiā se non teneri, ea de causa, quod Theologorum aut Iurisperitorum aliquis in sua conscientia eum docuerit, sententiam obseruandam non esse: quanto minus ferendum hoc est, in materia obedientiæ Vicario Christi debita, cui omnes Christiani obligati sunt iure diuino obedire. Teneant pusilli & simplices Papā Deū quendam esse, & potestatem omnem habere in cœlo & in terris, Deo plus placet eorum infirmitas & simplicitas, quam firmitudo eorum qui prudentes sibi videri volunt, proin-

proindeque authoritatem Vicarij Christi, vt mos est nostræ ætatis sectariis omnibus deprimere conantur. Exiguum quid est Papam pro Deo in terris haberi, cum de omnibus, Principibus in Psalm. dicatur: Ego dixi Dii estis. Nec inconueniens est dicere Papā potestatem omnem habere, in cœlo & in terris, cum Christus ipse dixerit. Quodcūque ligaueris super terram, erit ligatū & in cœlis. Quod tamē à veris & doctis Catholicis sanè & rectè intelligitur. Et vt rem paucis complectar, credo dici posse & recte, tā eximiam esse summi Pontificis dignitatem & potestatem, vt pauci eius sublimitatem & splendorē capiant, & assequantur. Potest enim totum illud facere, quod ad deducendas in Paradisum animas necessarium est, remouere omnia obstacula, quæ mundus & dæmō dolose & fraudulenter opponūt. Hinc S. Cyrillus à S. Thoma in opusculo de primatu Petri citatus asserit, quemadmodum Christus à Patre plenissimam habuit authoritatem, ita Christū quoque S. Petro, eiusque successoribus, amplissimam in vniuersam Ecclesiam concessisse.

Duodecima consideratio est. [Contemptus clauium dicendus est magis foueri quam tolli, dum ij, qui abusi clauium resistere debent, diuiduntur inter se, & impediunt se mutuo. Veritas est, quod omnis via fauorabilis & humilis tentanda sit cum summo Pontifice, dum male informatus fert iniustas sententias, sed nihil prodest humilis sedulitas, arripienda est utilis & animosa libertas.]

Hæc consideratio multum faciebat ad rem, Gersonis ætate, cū enim tunc, trium Pontificum schisma esset, & horum quisque excommunicationes fulminaret aduersus sequaces alterius, expediebat

470 CARD. BELL. RESPONSIO

vt id temporis fideles inter se vnanimis Schisma
tollere conarentur, & eas excommunicationes par-
ui facerent, cum quis eorum Vicarius Christi esset,
ignoraretur, atque ideo iis non obstantibus ad ne-
gotium vnionis Ecclesie attenderent. Verumtamen
cum iam beneficio diuino vnus solum Papa indu-
bitatus & certus sit, nihil ad rem facit hæc con-
sideratio, nisi ad schisma, & mem-
bra aduersus caput exci-
tandum.

RESP.





RESPONSIO
BELLARMINI,

AD ALTERVM GERSONIS
Opusculum, cuius titulus est,

DISCVSSIO ILLIVS AS-
SERTIONIS SENTENTIA
Pastoris etiam iniusta timen-
da est.

IN secundo opusculo is ipse Gerson re-
fert: [Commissarium quendam A-
postolicum in processu quodam
publico posuisse assertionem, quæ
sequitur. Sententiæ nostræ etiam si
essent iniustæ, sunt tenendæ & timendæ.] Supra hanc
assertionem censuram profert in plures propositio-
nes diuisam, & sunt sequentes.

Prima, hæc assertio est falsa. Secunda, hæc asser-
tio est impossibilis. Tertia, hæc assertio celsenda est
erronea contra bonos mores. Quarta, hæc assertio
suspecta est de hæresi. Quinta, hæc assertio reddit
assertorem suum suspectum in fide, & ita consequen-
ter ad iudicium fidei euocandum, & compellen-
dum, vt vel se exponat, vel reuocet, vel si pertinaci-
ter renuerit, relinquendum esse iustitiæ sæculari.

Et hæc est summa iudicij Gersonis, quod quam
rigidum sit, sequens discursus patefaciet.

Commissarius ille siue verus, siue fictitijs, non con-

GGg iiij

tentus fuit dicere, solum sententias suas etiam iniustas timendas esse, qua in re conformiter S. Gregorij dicto loquebatur, sed etiam adiunxit obseruandas esse, & licet rectius fecisset, hæc verba omittendo, nihilominus tam rigidam, qualis est ea Gersonis, censuram non demeruit, qui in malum sensum verba, quæ in bono accipi poterant, traxit. Duo responderet Gerson Commissario, & de utroque laconice & paucis sermocinabimur. Primo reprehendit, quod sine distinctione dixerit, sententias suas etiam iniustas timendas esse, videtur enim voluisse dicere, omnes etiam iniustas sententias timendas esse, cum tamen constet, non omnes iniustas, sed solum illas, quæ iniustæ quidem, sed validæ sunt, vt ex Gratiano a. q. 3. per totum colligitur, timendas esse. Ad hoc respondetur, Commissarium locutum esse eo sensu, quo D. Gregorius, & sacri Canones. Et quemadmodum S. Gregorius quando dicit: Sententiam Pastoris siue iustam, siue iniustam timendam esse, etiam si indistinctè loquatur, non tamen censendus est dicere, omnem sententiam timendam esse, sed solum illam quæ non est nulla, licet iniusta sit; ita nec ex Commissarij verbis deducendum est, omnes sententias timendas esse, sed solum manifestè non inuvalidas, licet iniustas. Dicam paucis, calumnia quæ Commissarij verbis impingitur, S. etiam Gregorij verbis affingi posset.

Secundario reprehendit Gerson Commissarium, quod dixerit, sententias quauis iniustas timendas esse & obseruandas. Alia enim res est, obseruare, alia timere. Iniquitas Tyranni timenda, neutiquam tamen obseruanda est, & qui dicit eam obseruandam esse, falsum astruit, & in errore versatur.

Ad hoc

Ad hoc respondetur : Commissarium , quantum quidem credi potest, non locutum esse de obseruatione rei iniustæ , sed de sententia excommunicationis , in quantum pœna quædam est, & priuat hominem participatione sacramentorum , & conuersatione fidelium; & in hoc sensu rectè dicitur, sententiã excommunicationis timendam & obseruandam esse; non sunt enim res diuersæ, timere excommunicationem, & eandem obseruare: qui enim timet, ab vsu Sacramentorum , & à commercio fidelium abstinet, & ita obseruat, & qui tali modo non obseruat, cū fidelib. cōmunicat, Sacramēta percipit, eā nequaquā timet. Atq; adeò equiuocat Gersō in sētētia quæ aliquīd præcipit, & sententia quæ aliqua re priuat. Cūque super his æquiuocis totum suum discursum fundauerit, minimè mirum est quod in aëre ædificium suum struxerit. Verum ponamus ita se rem habere, locutus sit Commissarius, de sententia quæ aliqua re priuat sub pœna excommunicationis nec hoc modo mali aliquid locutus est. Velenim ea sententia præcipit rem manifestè bonam , vt est restitutio rei alterius; aut rem manifestè malam, vt sunt furari, blasphemare; aut rem dubiam, mala ne an bona sit, vt est, ad bellum proficisci, de quo iustū ne an iniustum sit, controuertitur & dubitatur. Si rem manifestè bonam præcipit , obseruanda & timenda est , obseruanda est scilicet , faciendo hoc quod præcipitur, ne incurratur excommunicationis, & fieri potest eiusmodi sententiam iniustam esse, quando scilicet tres admonitiones non præcesserint , & tamen validam ob rem bonam quæ præcipitur , ob authoritatem præipientis , & præuiam ad minus vnā monitionē. Si sententia dubia est, mala ne an nō

mala res præcipiatur, obseruanda & timenda est, in casu namque dubio, subdito standum est iudicio superioris, & non proprio innitendum, vt supra dictum, & communis sanctorum Patrum est sententia. Si sententia præcipit rem quæ manifestè peccatum est, tunc neque timenda neque obseruanda est, & qui obseruandam esse diceret, erraret; atque de hac assertionem veræ sunt quinque propositiones à Gersone positæ. Sine dubio enim falsum est, sententiam quæ ad peccandum obligat, obseruandam esse; & impossibile est sententiam ad peccatum urgentem ad obseruantiam obligare; sed & erroneum est contra mores, quia docet malum facere; & contra fidem, dicens enim licitum esse male operari, hæreticus est; & impenitens tradendus est iustitiæ seculari, vt pro de merito pœnas luat; & eiusmodi sententia, non solùm obseruari nō debet, sed nec timeri. Ait enim Saluator: Noli timere eos qui occidunt corpus; & satius esset, mortem subire aliquem, quam eiusmodi legem obseruare. Vnde quartum illud membrum à Gersone positum non inuenitur, scilicet sententiam aliquam debere, aut posse timeri, sed non obseruari, loquendo de timore, qui obseruantiam inducit. Licet naturali timore Tyrānus timeri possit, qui malum iubet. Nec etiam in hoc Commissarius deliquit, semper enim locutus fuit de sententia iniusta, sed valida, qualis non est illa, quæ peccatum præcipit, & notoriè nulla est. Vides igitur totā Gersonis machinam in aere fabricatam, & quisquis eū trāstulit, & in lucē sparsit, vt Venetos ad contēendam iustam & validam summi Pontificis sententiam pelliciat & inducat, ostendit se plus malitiæ quàm iudicij & intellectus habuisse.

Huic

Huic considerationi adiungit Gerson propositiones aliquot ad docendum Regem Christianissimum, quid possit & debeat facere pro libertate Ecclesiæ Gallicanæ, de quibus propositionibus non est opus, ut in præsentī negotio loquamur. Primò, quia singulæ nituntur in hoc principio, potestatem Concilij esse supra Papam, nec enim aliā ob causam Gerson autumat, Papam immutare non posse antiquos Canones, in quibus tunc Ecclesiæ Gallicanæ libertas fundabatur, quam quod à Concilio decreti fuerint, & ideo arbitrio & dispositioni Pontificiæ amplius non sint subiecti. Modo autem docuimus, hoc principium falsum esse, nec à Venetis hoc pro verò adstrui nobis persuademus. Secundo, quia post tēpora Gersonis in Concilio Lateranensi à Leone X. derogatū fuit pragmaticis, quibus Ecclesia Gallicana defendebatur, & cōcordata inter Leonem Pōtificem & Regē Christianissimum iēta & pacta sunt, ut libertas Gallicana contra Summū Pontificē nec amplius quidē nominetur, quinimò Rex Christianissimus, & omnes Franciæ Episcopi, cum matre sua, quæ est Ecclesia Romana, & Patre qui Papa, Vicarius Christi & successor S. Petri est, pacem & concordiam colunt. Tertiò, quia libertas Gallicana, de qua Gerson, commune nihil habet cum libertate, quam modo Respublica Veneta prætendit, illa enim antiquis decretis & Canonibus fulciebatur, hæc autem & antiquis, & modernis è diametro est contraria.

L A V S D E O.

477.
A P O L O G I A

ADVERSUS OPPOSITIONES

FACTAS

Ab Illustrissimo & Reuerendiss. Domino

CARD. BELLARMINO.

Ad Tractatus, & Resolutiones Iohan. Ger-
soni circa valorem Excom-
municationum.

PATRIS MAGISTRI PAVLI

Veneti, Ordinis Seruorum.

Iohan. cap. 18.

Regnum meum non est de hoc mundo.



V E N E T I I S

Apud Robertum Meictum.

M. D. C V I.

Cum licentia Superiorum.

Excellentissimi Domini, Capita Excelsi Consilij
Decem, subsignati, certiores facti à Do. Reforma-
toribus studij Patauini, ex relatu facto à Reuerend.
Theologis huic negotio delegatis, & à Circ. Secre-
tario Senatus, Iacobo Vico, cum iureiurando, in
Apologia pro Ioh. Gersone contra oppositiones
Illustriss. Do. Cardinalis Bellarmini, Patris Magistri
Pauli Veneti, ordinis Seruorum, ab ipsis diligentis-
simè recognita, & considerata, nihil esse contra-
rium Sanctæ Fidei Catholicæ, Principibus aut bo-
nis moribus, ac typis esse dignam, concedunt vt in
hac ciuitate possit imprimi.

Datum die 5. Sept. 1606.

D. Laurentius Loredanus.	} Capita Excelsi Con- silij Decem.
D. Ioh. à Lege.	
D. Hieronymus Priulus.	

Illustr. Consilij Decem Secretarius

Ioh. Baptista Paduanus.

1606. 5. Septembr. Registratum in officio contra
Blasphemiam fol. 158.

Ioh. Franciscus Pinardus Secretarius.

APO:



APOLOGIA P. PAVLI.

QVandoquidem necesse est respondere ad obiectiones factas contra duos tractatus Ioh. Gersonis, sanctitate & doctrina clari, circa valorem excommunicationum, non tam in ipsius authoris famæ adminiculum, quàm ad piam & iuridicam intelligentiam eiusmodi materiæ, & ad defendendum legitimam potestatem quam Deus supremis Principibus concessit: id exequar omni modestiæ & reuerentiæ genere, dicteria maledictaque missa faciens, dissona valdè & aliena à considerationibus quæ inter Christianos ac speciatim Religiosos, circa materias de animarum salute occurrunt. Nec in propulsandis contumeliis Doctori tanto illatis immorabor, cum ipse, si esset in viuis, iuxta propria documenta, Saluatorè imitaretur: Qui cum malediceretur, non maledicebat. Aliam doctrinam non adducam, nisi quam docuerunt D. Apostoli, & successivè Sancti Patres, aliq. Doctores Catholici, qui ad hæc usq; tempora sacras literas interpretati sunt, ac fideles instituerunt, quã ideò semper Sanctę Matris Ecclesię iudicio, quę errare nequit, subiiciam, ducens me hac ratione non modò conscientię meæ, qua potissimum moueor, satisfacere posse, verum etiam omnibus hanc meam Apologiam lectoris, quibus non minùs ingrata forent scio absurda conuitia & cauillationes, quàm futurum sit gratum & acceptum, quòd sermonis & affectus synceritate, defensionem eiusmodi ad Dei gloriam, & proximi ædificationem aggrediar. Porro tædij vitandi causa, quod interdum repetitio

titulorum quorundam licet debitorum parit, ego ipsi rerum essentia intentus, mittam iis attributis opponentem insignire quæ meretur, & hoc solo Authoris nomine cum illo agam in sermonis mei progressu: Illustrissimæ ac Reuerendiss. suæ Dominationi debitam illam humilemque reuerentiam semper seruans, quæ ipsi debetur omni tempore, quemadmodum eam multò antè semper eidem sum testatus, quando etiam cum illo ante Cardinalatum agendum mihi fuit.

AUTHORIS PROEMIUM.

Quàm verum sit quod Christus ait: Qui malè agit, odit lucem, Iohan. 3. conspicuum euadit in eo, qui opuscula duo Iohannis Gersonis in linguam vulgarem transtulit: cum enim nosset quot falsitates in vnica, eaque breuissima responsione continerentur, quot, iisque non exiguis erroribus eadem opuscula scaterent, & quàm parùm ad eius scopum eadem conducerent, puduit ipsum, suum & Typographi nomen prodere, quinimò vt occultior esset, Parisiis se scripsisse simulat, cum tamen constet eum & scripsisse & edidisse Venetiis. Ne is igitur sua hypocrisi lectores simplices decipiat, verba suæ Præfationis examinabimus, deinde verba etiam Gersonis, non ea fidelitate translata quam profitetur.

Nulla sanè causa fuit ob quam puderet Interpretem, quòd Gersonis considerationes, non facerent ad negotium de quo agitur in præsentiarum, siquidem nisi omnia eius opera iam ante centum annos edita haberentur, credidissem ego duos hosce Tractatus nunc demum compositos

positos esse, adeò peculiariter & propriè capita omnia perstringunt, quæ ad hoc propositum perstringi possunt: quinimò ubi primum in has regiones peruenerunt, ea fuit communis opinio; priusquam à multis, cum antiquis exemplaribus collati essent, editis Lutetiæ, anno 1494. Quin potius editiones antiquissimæ, Gersonem, præter eminentissimas alias quas habebat, pietatis & doctrinæ dotes, spiritus etiam Prophetici nonnihil habuisse persuadent. Lector quilibet in hoc erit iudex: Verùm si hoc ad rem non facit, cur seipsum author adeò fatigat? cur id confutare aggreditur? doctrinam illam semper impugnat; at extra rem esse, nunquam ostendit: an verò Gersonis considerationes, errores contineant, videbitur in progressu, quum obiectiones eis factæ examinabuntur, quæ quidem omnes vel ea præsupponunt quæ falsa ex ipso contextu dignoscuntur, exempli gratia Gersonem considerationes illas Schismatis tempore scripsisse: vel ponunt quod est in controuersia, præceptum scilicet summi Pontificis, Reipublicæ Venetæ datum, iustum esse: vel sumpto in bonum sensum termino quopiam ambiguo, eoque sic in lectoris animum insinuato, tandem concludunt semper iuxta præuium sensum.

Præfatio Interpretis, doctrinam non cōtinet quæ in opusculis non cōprehendatur, ideoque nominis ipsius adscriptione opus non video: nisi velimus teneri omnem Interpretem suum nomen adscribere: sed hac de re nullum extat præceptum, aut in sacro Concilio, aut alibi, nec id vsus requirit: imò non laudantur qui è sola quapiam præfatione, aut indice; aut libelli alicuius translatione gloriam

HHB j

captant. Innumera Græcorum Patrum opuscula reperiuntur, Latinè reddita sine Interpretis nomine, quamuis & nonnullis adscriptum sit. Dominus fratrum suorum consilium non probavit, [Transi hinc, & vade in Iudæam, vt discipuli tui videant opera, quæ tu facis, nemo quippe in occulto quicquam facit, sed quærit ipse palàm esse: si hæc facis, manifesta te ipsum mundo:] Sed respondit, quod in multis occasionibus ipsius serui possunt respondere, Tempus meum nondum aduenit, tempus autem vestrum semper est paratum. Laus Deo, Mundus dudum excessit ex infantia, nec hodie demum sapit, ac de cibis non ampliùs ab eo qui hos mensæ apponit, sed à sapore diiudicat. Ac sanè ob titulorum authoris splendorem Interpres qui nomen suum reticuit, non venit in periculum ne causa cadat, ex more iudicij Areopagitici. De typographo qui nomen suum non apposuit, nihil dicam, cum defendendum eum non susceperim: dicam quidem hac vigentium controuersiarum occasione scriptum quoddam Mediolani editum, in lucem venisse absque authoris & typographi nomine, sine loci ac temporis notatione: quod quandam etiam Doctrinam continet, cuius quanta sit perniciès cū tempore patebit: huc verò responsum aliud adferri nequit, quàm velle nos legem vnā pro nobis, & aliam pro aliis. An verò integra fidelitas desit interpretationi, quum obiectio aliqua in progressu fiet, considerabimus. Sed quid author dicat videamus.

Prima præfationis verba hæc sunt.

**Euulgato rumore, & sparsa passim fama in inclitya
hac vr-**

hæc vrbe Parisiorum, ipso die sanctissimæ Natiuitatis Domini & Saluatoris nostri, fulminatas esse censuras & excommunicationes aduersus Serenissimam æquè ac Religiosissimam Rempubl. Venetam, idque ea potissimum de causa factum fuisse quòd recuset hæc Respublica libertatem à Deo sibi concessam, alterius arbitrio submittere.

Si singulas libertatis species inuestigemus, quæ vel persona, vel Respublica frui potest, non nisi sex sequentes inueniemus: libertatem arbitrij oppositam necessitati naturali: libertatem Christianam, oppositam seruituti peccati: libertatem ciuilem, oppositam iugo seruili: libertatem Reipublicæ, oppositam subiectioni monarchicæ: libertatem Principis absoluti, in rebus temporalibus superiorè nō agnoscētis, oppositā subiectioni Principis minoris, respectu maioris; tandem libertatē operandi malè, oppositā seruituti iustitiæ, quā libertatē vnā & eandē esse cum seruitute peccati, ait D. Paulus ad Rom. 6, cū serui essetis peccati, liberi fuistis iustitiæ. Non existimo huius Præfationis authorē loqui de libertate arbitrij, quæ naturalis est, nec vllō modo perdi potest, nisi Lutheranorum, aliorūq; similiū hæreticorū errores sequamur. Nec rationaliter loqui potest de libertate Christiana, opposita seruituti peccati: hæc enim obediendo Vicario Christi non tollitur, sed potius non obediendo. Nec de libertate ciuili, qua serui carent: nec de libertate Reipublicæ Aristocraticæ aut Democraticæ, qua carent populi potestati Regiæ subiecti, aut dicamus Monarchicæ, neque enim hodiernus Pontifex, nec antecessores ipsius de forma regiminis Venetæ

HHh ij

urbis immutanda cogitarunt, vnquam, quippe qui nouit nullam legitimæ Potestatis formam, siue Regum, siue Principum, siue populorum illa sit, libertati Christianæ, cuius summus Pontifex principalem habet curam, aduersari, quinimò hanc varietatem ciuitati Dei, quæ est Ecclesia vniuersalis, non exiguo esse ornamento.

Nescio quo animo Author sex libertatum apparatus faciat, cùm plus satis notum sit de qua libertate agatur, sed si quidem proponere volebat omnes libertatis species, quibus aut persona quæpiam, aut Respublica frui potest, cur libertatem quoque Ecclesiasticam non proposuit, eamque declarauit? cùm tanta sit inter Canonistas controuersia, vt qualis ea sit nondum planè constet. Interim verò hierarchia Ecclesiastica, Respublica est, cuius libertas ad quam harum sex referri debeat, non liquet: & cùm dixerit nullam aliam libertatem dari præter sex illas, mirandi ansam nobis præbuit, quasi vellet huic renunciare: de qua tamen loqui, imò fusè agere, locus fortè hoc ce magis opportunus non erat: sed quoniam in recensendis sex illis libertatibus, author vtitur ambigua propositione, necesse est, priùs quàm vltèrius progrediamur, eam ad verum suum sensum contrahere, ne quis decipiatur. Loquens de libertate Christiana, dicit hanc non amitti obediendo Christi Vicario, sed potiùs ei non obediendo: hac limitatione opus est, quando Christi Vicarius imperat iuxta Christi institutionem, sed quando imperat iuxta propriam opinionem, & animi affectus, quibus, vt homo, est obnoxius, & vt ait Gaetanus, interdum magis quàm reliqui, 22. quæstion. 39. artic. I.

tunc

tunc non amittitur libertas, ei non obediendo, sed potius obediendo. Quemadmodum libertatem amisisset, quisquis obediisset Honorio primo, quum iussit ne diceretur vnam vel duas in Christo voluntates esse: & qui obediisset Gregorio III. quum voluit vt qui haberet vxorem ad officia coniugij ob morbum aliquem ineptam, ei liceret aliam cum ea ducere: ac pariter multis censuris Stephani V I. contra Formosum, Iohannis IX. contra Stephanum, & Sergij III. contra Iohannem: & qui obediisset quoque Celestino III. quum docebat hæreseos causâ, matrimonium dissolui posse: peccasset etiam qui Iohanni XXII. obediens, Sanctorum defunctorum animas, diuinam faciem non videre credidisset: quæ omnia. breuiter hîc attigi vt lector videat speciosum quidem esse effatum illud: Libertas Christiana, obediendo Pontifici non amittitur, sed non obediendo: at simul esse insidiosum, quum ita vniuersaliter enunciatur, neque per hoc limitatur, quando iubet ex lege Dei.

Super quarta libertatis specie, vbi dicit nulum vnquam Pontificem de forma regiminis Veneræ vrbs immutanda cogitasse, Authorem monebo, nimis esse, in Ecclesiastica noningentorum annorum Historia negatiuam asserere, cum circiter centum & quadraginta Pontifices extiterint, postquàm rebus temporalibus sese immiscuerunt, quorum plerique licet erga Rempublicam benè affecti fuerint, de omnibus tamen hoc dici nequit, etsi Diuina protectio libertatem hanc mirificè conseruauit, tunc potissimum quum extrema eius ruina promoueri videbatur. Quin & addi

HHh iij

posset, valdè mirum ac molestum videri, quòd cùm ex authoris verbis nullus è prægressis Pontificibus tentarit aut prætenderit vnquam, Reipublicæ regimen immutare velle, iam id reuera se posse facere credat præsens Pontifex, dum vult iudicium ferre de constitutione legum eius, quæ sanè sunt animæ ciuillis regiminis.

Tandem author, eo quod ad rem non faciebat misso, lubens ait Interpretem loqui de supremi Principis libertate, quæ inter alia consistit in condendis legibus ad bonum regimen necessariis, & in delinquentibus puniendis, ac dicit:

Superest libertas Principis absoluti in rebus temporalibus superiorem non agnoscentis, & de hac præfationis authorem loqui est verisimile: sed decipitur sine dubio quisquis ait Sanctitatem Domini nostri, excommunicationem intorxisse contra Rempublicam Venetam, ea de causa, quòd renuat libertatem sibi à Deo concessam alterius arbitrio subiicere. Et si obiicitur, condere leges punirè de delinquentes, proprium esse Principis absoluti, & nihilominus Paulum V. D. N. Reipub. Venetæ capita excommunicasse, quòd sibi in abrogandis legibus quibusdam de rebus temporalibus ab ipsa conditis, nec in reis quibusdam in carcerem coniectis dimittendis obedire noluerint: respondetur Paulum V. Summum Pontificem excommunicasse capita Reip. Venetæ, non quòd in quacumque lege de re temporali abroganda obedire nolint sed quòd obedire nolint in abroganda lege iniqua & impia, iniuriosa Ecclesiæ, Deumque & proximum maximè offendente. Et quis Catholicorum negare

gare potest, ad Pontificem, tanquam Pastorem vniuersalem pertinere, quemlibet Principem aut Rempublicam ob peccata sua reprehendere, eosque si obedire nolint, censuris Ecclesiasticis ad obediendum compellere? Ita videmus Diuum Gregorium Pontificem, Mauritium Imperatorem, qui leges qualdam seruitio diuino iniquas tulerat, grauissimè reprehendisse: & Innocentius III. vt legitur in cap. nouit, de Iudiciis, declarat apertè, censuram peccatorum Principum totius mundi ad Pontificem pertinere: Non intendimus, ait, iudicare de feudo, cuius ad ipsum, Regem videlicet, spectat iudicium, sed decernere de peccato, cuius ad nos pertinet sine dubitatione censura, quam in quemlibet exercere possumus & debemus. Et paulò inferiùs: Cùm non humanæ constitutioni sed diuinæ potius innitamur, quia potestas nostra non ex homine, sed ex Deo est, nullus qui sit sanæ mentis ignorat, quin ad officium nostrum spectet de quocunque peccato mortali corripere quemlibet Christianum, & si correptionem contempserit, per distinctionem Ecclesiasticam continere. Sed forsàn dicetur, aliter cum Regibus, aliter cum aliis agendum esse. Sed scriptum legimus in lege diuina, ita magnum iudicabis ac paruum, nec erit apud te acceptio personarum. Hactenus Innocentius Papa. Et Papa Bonifacius in Extrauaganti Vnam sanctam, de maiorit. & obedient. optimè dicit potestatem temporalem, dum errat; à spiritali dirigendam esse: quia etsi Princeps temporalis absolutus alium Principem temporalem non agnoscat pro supe-

Hh iij

riori, nihilominus si Christianus est, cogitur pro superiori caput Christiani orbis agnoscere, qui est summus Pontifex, Christi Vicarius in terris, cuius finis cum sit bonum spirituale animæ, ideò Principum temporalium regimini se non immiscet, quousque potestate sua in detrimentum propriarum animarum, aut populorum, vel in damnum Christiani orbis non abutuntur, sed quando contrarium faciunt, potest ac debet eos manu ducere, & dirigere: & qui hoc non credit, non est Catholicus. Quod si quis diceret, leges illas nec præiudicium aduersus Ecclesiam, nec peccatum aliquod continere: responderem iudicium de lege an peccatum aut præiudicium aduersus Ecclesiam contineat, nec-ne, ad eundem summum Pontificem, tanquam iudicem supremum pertinere, sicuti iudicare de contractu civili, usurarius ne sit, & peccatum, ad eundem Iudicem Ecclesiasticum pertinet, ad quem pertinet causæ cognitio. Ita Sanctissimus Dominus noster Paulus Papa V. Rempublicam Venetam reprehendit, non ideò quod delinquentes subditos suos puniat, sed quia iudicare quoque præsumit personas Ecclesiasticas, quæ alium superiorem quàm Ecclesiasticum non agnoscunt, non habita ratione sacrorum Canonum & censurarum gravissimarum, quæ feruntur in eos qui manus iniiciunt in personas Deo devotas & consecratas. Qui igitur seposita passione negotium hoc considerabit, intelliget Papam alia libertate Rempub. priuare nolle, quàm illa operandi malè, quæ non à Deo, sed à dæmone est, & à propria malitia, & vna est cum seruitute peccati, opposita veræ liber-

libertati Christianorum. Et quemadmodum Principes sæculares libertatem aliena rapiendi, occidendi, & similia scelera perpetrandi subditis suis non concedunt, quòd ea tranquillitati & bono Reipublicæ regimini aduersentur, Ita nec summum Pontificem, tanquam caput Ecclesiæ decet, veniam dare Christianis Principibus condendi leges aduersarias Ecclesiæ & animarum salutis. Et quemadmodum pastores non permittunt gregi libertatem errandi quo placet, depascendi herbas venenosas, aquas bibendi corruptas & turbidas, nec nautam conuenit nauem relinquere, vt à qualibet tempestate ad saxa scopulosque feratur: Ita nec Pontifex, gregis Christiani pastor, & primarius nauiculæ Petri gubernator, licentiam permittere debet Christianis, vt se perdant, aut aliis perdendi æternam salutem ansam præbeant. Demum quemadmodum iustè Reipublicæ Venetæ non placet conscientiæ libertas, quæ hac tempestate hæreticis arridet, videt enim hac libertate quoslibet errores introduci, atque ea de causa sanctæ inquisitionis tribunal fouet & promouet, ita nec placere deberet eidem libertas statuendi leges honori Dei, & bono Matris suæ Spiritualis, quæ sancta est Ecclesia, contrarias, sed beneuola fronte acceptare deberet se ea de re à Patre suo Spirituali, qui Vicarius Dei est in terris, admonitam & correctam esse.

Totus hic sermo peculiarem considerationem meretur, quia nec omnia in eo posita, vera sunt, & præterea conclusionem author ex iis deducit, quæ nullo modo deduci potest. Vbi retulit Inter-

pretis verba, nempe Sanctitatem suam excommunicare Rempublicam Venetam, eo quod libertatem sibi à Deo concessam alterius arbitrio subicere abnuat. Ipse hæc inuertit, dicens Pontificem excommunicare capita Reipublicæ: at si dignetur inspicere, inueniet rectè locutum esse interpretem, se verò artificiosè erroris insignis dexterè excusandi gratia, personas mutare. Pontificis monitorium oblatum ipso Natalis die, inscriptum est, [Marino Grimano Duci, & Reipublicæ Venetorum.] In hoc iubet eos quibus scribit, sub pœna excommunicationis latæ sententiæ, abrogare, expungere &c. duas leges. Rectè igitur dixit Interpres, excommunicare Rempublicam. Author verò vt errorem insignem excuset, Vniuersitatem scilicet excommunicasse, contra Theologorum omnium & Canonistarum doctrinam, & contra Pontificias ipsas Constitutiones, astutè dicit, excommunicare illum capita, semperque idem seruat artificium: quamuis non solum in hoc Breui seu Monitorio Pontifex Rempublicam excommunicet, sed etiam in alio 25. Februar. oblato, idem faciat, ac deinde in ultimo 17. April. excommunicet etiam Ducem, & Senatum, qui & ipse est Collegium. Rogamus authorem vt ingenuè loquatur, dicatque Pontificem excommunicare Rempub. excommunicare Senatum, non verò Capita, hæ namque excusationes non postulata, admitti nequeunt: Error commissus est in Vniuersitate excommunicanda: tegatur alia ratione, quàm imprudentiæ prætextu. Dignum est etiam animaduersione, qua modestia loquatur de illa Republica cui Sedes Apostolica tantum debet, nec de præsentibus modo dicat

ex qui-

ex quibus ipsa constat, & componitur, sed de iis qui ab anno 1300. ad hoc usque tempus vixerunt, leges ab ipsis conditas, iniquas & impias esse: & quidem, quod maioris est momenti, contra propriam doctrinam: etenim paulò inferiùs dicit, Summi Pontificis esse de Principum legibus iudicium ferre: at tamen eas, Summus Pontifex iniquas & impias nunquam vocauit, unde igitur hæc authorem vocabula desumpsisse dicemus? Modestia decet omnes, si modò ab ea personæ insignes & Illustrissimæ non sint immunes. Duo proponit, alterum, Reipublicæ leges iniquas & impias esse, alterum, Pontificis esse eas reprehendere, & non obedientem, censuris compellere. Primum, quod est præcipuum fundamentum, cui probando insistendum erat, penitus deserit, forte quia non videbat ut id exequi posset. Secundum, quod non probato primo leue erat, prolixè admodum probare nititur, tres authoritates, aliàsque rationes adducens. At sequamur ipsius ordinem, & videamus, quàm benè probata sit eius intèctio, primò quidè authoritate D. Gregorij, quam author Mauritium increpasse dicit.

Habetur in epist. 61. lib. 2. admonitio valdè humilis D. Gregorij ad Mauritium Imperatorem, super lege ab ipso lata, ne quis militiæ aut muneri publico addictus, Monachalem vitam eligeret, nisi priùs rationibus redditis, aut absoluta militia. D. Greg. ostēdit equè posse iure ipso monasterio rationes reddi, & militē conuersū, magis Rempu. iuuare precibus quàm in militia, & hanc legē Diuinū cultum impedire, sed audiamus quàm acerba sit eius reprehensio: primò dicit, [Ego autem indignus pietatis vestræ famulus in hac suggestionem, neque

vt Episcopus, neq; vt seruus iure Reip. sed iure priuato loquor:] & paulò inferiùs, [Ego verò hæc Dominis meis loquēs, quis sum nisi puluis, & vermis? Sed tamen quia contra authorē omniū Deū hanc intendere constitutionē sentio, Dominis tacere non possum:] & inferiùs, Deum imperatori loquentem inducens ait, [Sacerdotes meos tuæ manui commisi, & tu à meo seruitio milites tuos subtrahis?] & paulò inferiùs ait, [Requirat ergo Dominus meus quis prior Imperatorum talem legem dederit, & subtiliùs extimet, si debuit dari:] & quid ab Imperatore requirat, concludens, ait, [Vnde per eundem tremendum Iudicem deprecor, ne illæ tantæ lacrymæ, tantæ orationes, tanta ieiunia, tantæque eleemosynæ Domini mei, ex qualibet occasione apud Omnipotentis Dei oculos suscentur, sed aut temperando pietas vestra, aut mutando, vigorem eiusdem legis inflectat.

Humilis hæc & conueniens admonitio, Summo Pontifice verè digna, dura reprehensio ab Authore vocari non meretur, sed maiori consideratione digna sunt verba quæ sequuntur, [Ego quidem iussioni subiectus, eandem legem per diuersas terrarum partes transmittito, & quia lex ipsa omnipotēti Deo minimè concordat, ecce per suggestionis meæ paginam Dominis nunciaui: utrobique ergo quæ debui exsolui, qui, & Imperatori obedientiam præbui & pro Deo quod sensi, minimè tacui.

Summi Pontificis verba huc non attulissem, nisi ab authore coactus, vt ei ostenderem non obiurgatione, sed humili admonitione D. Gregorium erga Imperatorem usum esse: sed cū me huc vsque duxerit, est quòd ab ipso petam, an dum se toties

D. Grego.

D. Gregorius indignum Imperatoris seruum appellat, dum ait se vt subiectum ipsius imperio, legē in diuersas partes mittere, quam nō iustam esse existimet, dum ait se hoc faciendo, debitā Imperatori obedientiā pręstare, an, inquam, hæc cum doctrina conueniāt quam ipse nunc euulgat, Pontificem: statuens Summū Monarcham temporalem, Principes verò minūs quā seruos, vt ostendā priūs quā ex hoc proposito discedamus, verbis eius id concludi, quāuis nunc expressē pronūciare non audeat: sed interim oportet auctori significē quale fuerit Nomophylacium Apostolicū, cui D. Gregorius obiurgationem suam affigi curauit: ad Theodorū scribit Mauritiij medicum epist. 64. se admonitionem fecisse, (suggestionem enim sic interpretabor, si permittat auctor, ne me, vt Interpretē, arguat) Imperatori: sed non vult vt illā suam epistolam palām, sed clam & opportunē ipsi tradat, ne à maioribus negotiis auocetur: Veniam etiam petere cogor, si dum de maiori propositione agitur, D. Gregorij verbis adductus, minoris ipsius particulam per accidens attigero, vt legis iniquitas probetur: sanctus ille Mauritium monet, vt inquirat num Princeps aliquis eiusmodi legem tulerit: ita cuperem dixisset Sanctissimus Pontifex Reipub. Venetę, vt videret num Reges Portugallię, Castilię, Aragonę, Polonię, Gallię, Sicilię, Comes Burgundię, vel Respublica Genuensis, leges suis similes condiderint vnquam, in hoc enim sanē D. Gregorium imitaretur: & auctoris prudentiam valdē miror, dum non citat D. Gregorij locum, siquidem ad eō subtiliter in hoc suo tractatu reliquos omnes citat.

Iam ad secundam probationem è cap. nouit , Innocent. III. desumptam transitum faciamus. Post diuturna bella inter Philippum Augustum Galliarum Regem , & Richardum Angliarum Regem anno 1199. obiit Richardus , ipsique in Regno frater successit Ioh. Senfiterra, vel quòd à Richardo, vt quidam volunt, hæres esset nominatus, vel quòd ipse id in Arturum fratris alterius natu maioris filium usurpasset. At provinciarum ab Angliarum Rege in Gallia possessarum, Arturum Dominum admiserunt , multaque bella inter Philippum & Iohannem orta sunt, Arturo stante à Galliarum Rege partibus: tandem anno 1200. ope matrimonij inter Ludouicum filium , & successorem Galliarum, & Blancam è Castillia, Iohannis neptem, è quo deinde matrimonio natus est D. Ludouicus , pax inter Philippum & Iohannem, Arturo etiam non omisso , facta fuit, hac lege, vt Iohannes iure clientelari possideret ex Philippo, Britanniarum & Normandiæ provincias, idque Arturus Iohanni permetteret. Postea certis de causis Arturus ab auunculo Angliarum rege incarceratus fuit, & anno 1203. interfectus , cuius necis auunculus ipse author vulgò habitus est. Propterea Philippus Augustus, tanquam feudi Dominus , Iohannem Lutetiam citari curauit, eumque eremodicio multatum feudis priuauit, deinde armata manu ad eos vi occupandos iuit. Iohannes censens hoc paci aduersari , ad Papam Innocent. III. confugit, qui sub pœna excommunicationis iussit ambos Reges seruare pacem, & armis abstinere , ac in eum finem legatum misit. Iohannes Angliarum Rex, pro quo erat eiusmodi præceptum , valde ideò lætatus

tatus est, sed Philippus conquestus est hac de re, ipsiq. Gallia Præfules eius nomine querimonias fecerunt, quibus Innocent. III. respondit vt in capite Nouit. Non desit propterea Philippus ab instituto suo, sibi que prouincias omnes vindicauit, ab Anglis ad illud vsque tempus armorum vi in Gallia possedas. Nec suo præcepto Pontifex quicquam effecit. Anno 1208. Innocent. I V. dictum Iohannem Angliæ Regem excommunicauit, Regnûmque interdixit (quod etiam interdictum sex annos & tres menses durauit) nec propterea Iohannes Pontificis voluntati obsequutus est: quocirca anno 1212. Pontifex Pandolphum in Galliam legatum misit, vt Philippum ad bellum contra ipsum excitaret: parauit se Philippus, & cum ipso multi Barones Angli conuenerunt: interim verò Pandolfus Legatus in Angliam venit, & cum imminens periculum Iohanni proposuisset, persuasit ei vt Papæ feudatarius fieret: Iohannes ob periculum, consilium acceptauit, Regnûmque suum erga Pontificem, mille auri marcharum, quotannis censuale constituit. Redit in Galliam Pandolfus Legatus, & Philippo sub pœna excommunicationis iniunxit, ne Iohanni, ceu Ecclesiæ Feudatario, negotium facesseret: nec obediit Philippus, nec à bello destitit: vnde anno 1215. in Concilio Lateranensi, Innocentius excommunicationem in eos omnes intorsit qui Iohannem Angliæ Regem molestant, ac ideo anno 1216. alius Legatus nomine Guallus, iuit Lutetiam, & Philippo regi, ac Ludouico eius filio, excommunicationis vi iniunxit, ne in Angliam transitum facerent, sicut iam ad hoc parati erant. Non destitit propterea Ludouicus, sed cum

multis copiis in Iohannis Regnum intrauit, quamuis idem Guallus in Angliam venisset, atque illic excommunicationes continuas intorqueret. Bellum semper stetit, donec Iohannes Angliæ Rex obiret, cumque Ludouicus Galliæ Regis filius, multa in eo Regno loca occupasset, inducias ad quinquennium fecit cum Henrico Iohannis filio, qui patri successerat.

Iam ut proposito nostro historiam hanc adaptem: docent Iurisconsulti non ex eo quod quis iubeat, probari illum habere iurisdictionem, si obedientia iussis non præstetur: exquisitio tamen auctoris iudicio committam, ut cōsequentias faciat, cum tot imperia, totque censuræ, hos duos reges Philippum & Ludouicum arcere non potuerint à persequendis rationibus quas ipsi iustas cōsebant, quamuis eas Pontifex iniustus esse crederet.

Vnum tantum addam, Cardinalem Hostiensensem, qui paulò post exitit, dum scribit in hoc cap. nouit, laborare magnoperè in eo iustificando multasque proponere coniecturas, ut ostendat quomodo res se habuerit, ut Pontificis præceptum eo cap. iustum dici posset: sufficit Galliam ita non iudicasse, nec ei obediuisse. Quocirca auctoritas cap. nouit, nihil concludit eius quod vult author noster. Propositiones Papæ Innocent. III. ab authore citatæ, [Intēdimus decernere de peccato, cuius ad nos pertinet sine dubitatione cēsuræ, & Nullus qui sit sanæ mentis ignorat, quin ad officiū nostrum spectet, de quocūq; peccato mortali corripere quēlibet Christianū:] ita generaliter intellectæ ab ipso nō fuerūt, ut quidā volūt: primò, quia ex doctrina D. Thomæ, internos omnes animi motus excipere oportet de quibus

quibus Pontifex nequit iudicare, nisi in Foro pœnitentiæ sũntque horum plerique circa peccata omnia: Theologi & Canonistæ consentiunt vt in excommunicandis hæreticis non comprehendantur mentales, quòd si Canon aliquis eos vellet comprehendere, nullus esset: vnde fiet vniuersalis propositio, Papam de peccatis omnibus iudicare posse, & quum defendenda erit, particularia pleraque excipienda venient: præterea Princeps peccare potest, contra legem propriam faciens absque causa legitima, vt probat D. Thomas 1. 2. quæstion, 96. artic. 5. nihilominus tamen ob eiusmodi peccatum non nisi à solo Deo iudicari potest, vt Gaetanus eo loco docet, ostendens verba, ista in foro pœnitentiali, & apud Deum, idem significare.

Ac sanè qui asseruerit Principem censuris Pontificis obnoxium esse, quum proprias leges transgreditur, is Principis potestatem penitus è medio tollet: qui verò dixerit, obnoxium illum esse in alijs peccatis, non in his, rationem istam tollet in eo cap. nouit, positam nempe ad Pontificem spectare animæ & salutis curam habere, & contraria tollere: atqui Princeps in damnationem incidit etiam ob peccata contra legem propriam commissa: ergo non minùs hæc quàm illa, spectarent ad Pontificem: quod, vt suprà dictum est, doctrinæ D. Thomæ penitus aduersatur.

Verba quoque Innocentij diligenter animaduertere necesse est, qui dicit peccati cuiuslibet mortalis censurâ ad se pertinere: [quam in quemlibet exercere possumus, & debemus: & inferius, Ad officium nostrum spectat de quocunq̃ pe-

cato mortali corripere quemlibet Christianum. Quòd si contra omne peccatum mortale, & contra Christianum quemlibet peccatorẽ fulminare debet, id sanè ni fecerit, peccat, sed non videmus ipsum contra meretrices fulminare, quæ tamen in peccato palàm perseverat: ergo peccaret, vel ipsum non nisi censuras intorquere opus esset: Quamobrem illud, de omni peccato mortali, non in genere debet intelligi, cū innumera iam exclusæ sint, at verò Gabriel Biel in can. lec. 75. laborat multum vt tolerabilem huic loco expositionem tradat, nec aliud inuenit quàm vt dicat decretale hoc & id genus alia, de foro pœnitentiali tantum intelligi. Non laborabo in ostendendo decretalis verba, iuxta Gabrielis sensum intelligi, sed dicam maius ei negotium incumbere, qui hoc de foro exteriori intelligi volet, vt absurda, & omnimodum secularis authoritatis à Deo institutæ destructionem, & in mundo confusionem vitet, quæ omnia ex hac doctrina oriuntur, ac damnationis statum, in quo Pontifices omnes cum ea ponit: quod Canonistæ quidam, inter quos est Nauarrus, facere tentarunt, nec eis bene cessit, & ipsi laborare non debemus in huius Pontificis verbis, ad veram doctrinam accommodandis, quæ sæcularem potestatem à spirituali ministerio distinguit, maximè cum hoc decretale aliud quippiam contineat, ratione cuius indiget expositione, vt & illud, quòd Philippus Augustus Rex esset ex progenie Caroli Magni, quod non verum est, nisi matrimonium aliquod fingat, ac per lineam femininam deducatur, quod in Gallia est inusitatum. Gallus aliquis historicus ita Carolingos, vt Capetos ex Meræis,

raeis, per varias lineas femininas deduxit, sed Capetos ex Carolo descendisse, difficile erit ostendere, nisi aliquid excogitetur quod sit extra historias.

Tempus est linquendi hoc caput Nouit, quod author exponere potiùs quàm ampliare debuerat: siquidem contra sensum Innocentij, dicentis ad se spectare correctionem cuiuslibet Christiani, author noster vocem, cuiuslibet Christiani, de omnibus mundi Principibus est interpretatus: atque ideò spectabit ad Pontificem excommunicare Turcam, Regem Persiæ, Regem Samarcandæ, Precopensen, & alias etiam ignotos, nec poterit ampliùs D. Paulus dicere: [Quid mihi de his qui foris sunt iudicare?] Sed de priuatis Christianis, quos Papa Innocentius comprehendit, author loquendum esse non iudicauit, quasi Principibus dominari sufficiat, aliisque se subiicere sit indecorum: interpretari quemlibet Christianum per omnes Mundi Principes, est ampliare simul & limitare Decretalis sensum: limitatur excludendo priuatos, ampliatur ad Principes non Christianos illud extendendo.

Quod spectat ad authoritatem extrauagantis, [Vnam sanctam,] cuperem vt author dubium soluisset, quod ex huius Extrauagantis lectione oritur, iunctæ cum alia Clementis quinti Pontificis, qui paulò post successit, quæ incipit, [Meruit de priuilegiis:] vbi dicit ipse Clemens, se nolle, vt prædicta Extrauagans, [Vnam sanctam,] præiudicium vllum adferat Regi Regnòque Galliæ, vel vt per eam prædictus Rex & Regnum, Ecclesiæ Romanæ magis quàm antea subiiciantur, sed velle vt omnia eodem in statu permaneant, in quo

erant ante dictam Extrauagantem: & hoc facit vt Regi faueat, qui hoc meruerat ob sincerum suum affectum, maiorumque suorum merita: & quia Galli ob suam pietatem id meruerant. Iam quæro an Bonifacius ius diuinum exposuerit, id est, explicarit ac declarauerit iurisdictionem quam Pontifex habet de iure diuino, in hac Extrauagante, Vnam sanctam: an verò sibi subiecerit Principes, quos noluit Deus subiici: si dicatur hoc secundo modo, respondebitur, id fore nouitatem post annos 1250. nullitatem, vsurpationem, & abusum potestatis Pontifici à Deo concessæ: præterea non opus erat vt Clemens vellet solum Galliarum Regnum illi constitutioni subiectum non esse, verum idem de omnibus Regnis & Principibus dicere & intelligere ipsum oportebat: nec etiam hoc Regis aut Regni meritis, sed ipsi iustitiæ & officio debebatur. Si dicatur, id fuisse declarationem iuris diuini, peto quid potuerit Clemens Regem & Regnum Galliarum, ab ea subiectione liberare quâ Deus præscripserat, siquidem euident est Pontifici à potestate quam habet de iure diuino, neminem eximere posse. Et vt ad partem veniam dictæ Extrauagantis, ab authore citatâ, si quod ait Bonifacius, nimirum temporalem potestatem quâ errat, à spirituali dirigi debere, intelligendû sit de animarum salute, & in forò Dei, ac proinde sine vlla ex temporalibus illis potestatibus, quas Iurisconsulti coactiuas appellant, ideòq; Ecclesiasticam omnem in Principes authoritatem, spirituales esse: neq; hoc modo ad Pontificem Romanum descendere opus est: hæc enim authoritas est penes omnes Præsules, quamuis inter ipsum & alios discrimen adsit, quod

alij

alij Præsules non habeant omnes pro subditis, vt Pontifex, & aliorum authoritas Pontificiæ subiecta sit.

Sed quando ex citatis hisce tribus authoritatibus concludit, Principem temporalem absolutum, quamuis Principem alium temporalem superiorem non agnoscat, cogi Christiani orbis caput agnoscere: nollem in homonymia vocis, agnoscere, & vocis, Superioris, quemquam decipi. Agnoscere namq; in vna significatione, idem est ac subiectum esse & dominium suum iure clientalari possidere: sed in alio sensu, agnoscere, est Dei ministrum reputare in eo quod ad regnum cœlorum attinet, iuxta quam significationē, Princeps & Pontifex & episcopum etiam agnoscit. Vox autem, Superior, in prima significatione id denotat quod vulgò dicitur, Superior directi dominij: in secundo sensu, superior ille est qui legem Dei docet, Sacramenta administrat, & in genere ad salutem dirigit: quo sensu episcopus etiam Principis est superior, quamuis Pontifex sit eminentior. Non oportet igitur vt author, absque harum significationum distinctione, dicat vno contextu, Principem temporalem absolutum, quamuis pro Superiori alium principem temporalem non agnoscat, Pontifex pro Superiori agnoscere debere, atque ita superioritatem confundat: hec enim propositio non est admittenda, Principem absolutum, quamuis pro Superiori alium principem temporalem non agnoscat, agnoscere tamen pro Superiori episcopum: siquidem fallacia satis omnibus innotescit: nam si agnoscere, sumatur in primo sensu, pro dominio directo, tunc non

verū, est quod Pontificem agnoscere debeat, quia non est talis, sed eodem planè modo, quo alium principem non agnoscit, nec Pontificem ipsum agnoscere debet. Si prætereà in secundo sensu superiorem intelligat, id est spiritualem, non verum est, nullum principem temporalem, etiam feudatarium, agnoscere alium principem temporalem, pro Superiore spirituali, nam in hoc sensu, agnoscere pro Superiore, significat habere pro Patre spirituali: nec feudatarius talem debet reputare Dominum suum: quàm igitur cauendum est ab hac Theologizandi ratione, qua & Regnum Dei, & Regna mundi deformantur, & confunduntur ac decipiuntur idiotæ, & adducuntur ut credant Pontifici in omnibus obediendum esse.

Hæc etiam loquendi formula non omnino laudari debet: Pontifex est caput Christiani orbis: propter homonymiam huius vocis, Christianus orbis. Antiquitus ab authoribus dictum reperitur: Pontifex Romanus successor D. Petri: ab aliis, Vicarius D. Petri: ulterius progrediendo, Vicarius Christi, Vicarius Dei, Caput Ecclesiæ: quæ loquendi formulæ malum sensum non pariunt; sed vox Christiani orbis, eum sui ambiguitate parit: siquidem non modo significat Ecclesiam Christianam, sed etiam dominia, regnaque Christiana: quinimò secundus hic sensus est visitator: & quum dicitur Asiam vel Ægyptum non esse in orbe Christiano, non intelligitur illic non esse Ecclesiam Christianam, sed intelligitur hæc non esse in temporalibus Christianorum dominis: apparet sub hoc nouo loquendi modo latere

Iatere fallaciam, quia concludere animus est, Pontificem esse caput, id est, dominium habere in temporalibus supra cæteros Principes Christianos: ne mutemus antiquum modum, dicamus, Caput Ecclesiæ Christianæ. Sed dum author ex toto suo sermone vult concludere, si Principes potestate vantur in animarum propriarum, aut populorum damnum, & in Christiani orbis præiudicium, Pontificem interuenire posse: quamuis superius in expositione cap. Nouit, multa de hoc dixerimus, non erit abs re videre quodnam inconueniens extremum ex eiusmodi doctrina ita vniuersaliter enunciata sequatur. Nulla est actio humana in indiuiduo, quæ non sit opus bonum, vel peccatum: Si ad Pontificem Romanum attinet de omni peccato inquirere, atque etiam iudicare, tum nullus amplius erit Princeps, excepto Papa: imò nullum supererit priuatum dominium: Princeps, legem ferat, vt soluatur contributio pro extraordinario Reipublicæ subsidio, causa belli, quod ipse suscipere cogatur: eiusmodi lex non est iusta, sed peccatum, si causa finalis non sit legitima, si subditi ad contributiones non obligentur secundum iustitiam distributiuam: igitur Pontifex dicere poterit: Volo scire cur imponas contributionem: & sic in arcana status Regni penetrabit, distributionem examinare poterit, an pro portione rerum fiat, & ita recondita quæque de status regni viribus intelliget: & quia Pontifex est etiam Princeps temporalis, & hoc nomine bellū cū alio genere potest, hac ratione vires hostiū infirmans, eos mira facilitate superare poterit. Deniq; Pontifex

I I i i i i j

examine suo subiicere poterit omnes leges, omnia edicta, omnia fœdera, omnes successiones, transactionesque Principum: sed quid dicam? examinare quoque poterit successiones, & contractus priuatorum, quia pastoris est, ut ait author, videre quid sua peccata pascantur, quas aquas bibant, & quò vagentur: consequentia hæc non modò est necessaria, sed ab omnibus etiam Canonistis admittitur, qui scribunt in cap. Nouit. nihilominus tamen à prudentibus tanquam valdè absurda notatur, ad quæ absurda vitanda nonnulli ex eo cap. Nouit. distinctionem hanc desumpserunt, aliud esse de re, actione, aut contractu iudicare, & aliud iudicare de peccato: sed quod inseparabile est disiungunt, quando enim erit Põtificis de re omni iudicare quatenus est peccatum, eamque prohibere, & ad mandatorum suorum obseruationem cogere, quid aliud Principi tractandum supererit? exempli gratia, si in venditione aliqua fuerit iniustitia, eamque Pontifex ut peccatum iudicabit, & nullam reddet, peto, quid aliud circa eum contractum Principibus iudicandum, vel tractandum supererit? satisfactum erit mihi, quando vel atomum Democriti superesse ostensum fuerit iuxta hanc doctrinam, vel Principatum omnem tollere, vel assiduis perturbationibus Christianum orbem iactari oportet. Non vtor hîc voce in sensu ambiguo, sed per Christianum orbem, Regna & Dominia Christianorum intelligo.

Quoniam verò doctrinam valdè vniuersalem author attulit, nempe Pontificis esse iudicare an lex aliqua sit cum peccato, sicut est iudicis Ecclesiastici

eleſtaſtici iudicare an ciuiliſ quiſpiam contractuſ
 uſuræ peccatum contineat, illi dicendum eſt ſe-
 qui ex hoc, non ſolùm Pontificem, ſed omnes
 etiam Iudiceſ Eccleſiaſticeſ, rerum omnium fo-
 re iudiceſ, quia non magis ipſorum erit iudica-
 re an actio quæpiam contineat uſuram, an ve-
 rò aliam proximi læſionem, cùm in hiſ omni-
 buſ ſit peccatum: & de quouiſ homicidio, quia
 ſine vel cum peccato eſſe poteſt, Eccleſiaſticum
 erit iudiciuſ: & ad eoſdem attinebit iudicare, an
 pretium frumentis & mercibuſ impoſitum, ſit
 peccatum nec ne, ac proinde iubere vt dematur
 aut relinquatur: an pignerari, ſit cum iniuria, nec
 ne: an mandatum aliquod de incarcerando, vio-
 lentum ſit, & iniuſtum: nam & hîc peccatum
 adeſt, an veſtituſ muliebris ſit ſcandaluſ, an a-
 liquiſ in menſa ſua ſit prodiguſ vel auaruſ, hæc
 enim omnia, peccata ſunt: & quemadmodum
 de Regnorum omnium gubernatione poterit in-
 quirere, ſit & de cuiuſque domuſ œconomia
 cognoscere poterit, vt ſcilicet patreſ ſuoſ regant
 filioſ, vt mariti cum vxoribuſ agant, ac tan-
 dem quia nulla eſt actio, vel negotiuſ publi-
 cum aut priuatum, in quod peccatum non ca-
 dat, ſi iudiciſ Eccleſiaſtici fuerit de eo iudicare,
 illudque probare, aut prohibere, & ad iudiciuſ
 ſuum ſequendum cogere, tunc Aulam, forum,
 omneſque domuſ in Epiſcopatuſ intrudere o-
 portebit. Quæ conſequentiæ ſicut ex hac do-
 ctrina deducuntur, ita bonum erit eaſ attentè
 ab iſiſ conſiderari ad queſ verè ſpectant.

At ex vera doctrina Chriſtiana, & uſu quem
 videmuſ, abuſuſ omnia tolluntur: præſertim nam-

que subiacent iudicio temporali, in foro mundano, & iudicio Ecclesiastico, in foro animæ, in quo ut agendum sit, discere melius non possumus, quàm à Christi & sanctorum Apostolorum exemplo, qui coactiuam temporalem auctoritatem in peccata nunquam prætenderunt,

Pergit author, Interpretem reprehendens, non solum in causa legum, sed addens, Sanctitatem Pauli v. Reipublicam non arguere quòd subditos suos delinquentes punire velit, sed quia præsumit manus iniicere in personas Ecclesiasticas, quæ alteri Superiori quàm spirituali subiectæ non sunt, concludens, cum qui rem sine affectu considerare volet, reperturum, Pontificem sola tantùm malè faciendi libertate, quæ non à Deo est, sed à Dæmone, reipub. Venetam priuare vellet. Hic primò Interpreti opponit illud, in quo planè non peccauit. Propria interpretis verba iam retulit author, nempe, fulminatas esse censuras die Natali: sed ea die aliud monitorium oblatum non fuit, quàm circa duas leges, de non fabricandis Ecclesiis, ac de bonis laicis in Ecclesiasticos non transferendis, absque licentia: & censura de iudicandis delinquentibus, fulminata non fuit nisi mense Februario, de qua loqui non potest Interpres, cum scribat ob rumorem sparsum de censuris natali die fulminatis. Vir grauis inuidiam nemini conflare debet, nisi præeunte veritate: non esse verò personas Ecclesiasticas, quum legem transgrediuntur, poenæ obnoxias, dicit absque probatione. Si in progressu viderimus eum tentare hoc probare, ei respondebitur quod pro veritatis defensione

nc-

necessum erit, interim verò dicendum est ei hoc loco quod occurrit super hac propositione: Personæ Ecclesiasticæ alteri Superiori quàm Spirituali subiectæ non sunt. Hæc propositio adfertur oppositionis loco, aduersus Dom. Cardinalem Bellarminum, à quodam in Gallia, qui eam velut seditionis carpit, & Ludouicus Richehomus, Iesuitarum Prouincialis in quodam suo ad Regem apologetico, pro ipso respondet cap. 33. quòd hoc non affirmarit nisi in causis merè sacris, vt de Fide, de Religione, de Sacramentis &c. nec ipsius mens fuerit improbare morem in Gallia receptum, vbi secularis magistratus in priuilegia iis delictis iudex est, ac ipse deinde Prouincialis ad Regem conuersus, ait: [Episcopi, Archiepiscopi, Cardinales, Generalésque Præpositi Religiosorum Ordinum in toto Sacro Ordine Excelssissimi omnium, atque immunissimi primas tenent: propter eam tamen, aut tuæ Maiestati subiecti, vel esse, vel dici aspernantur, quòd sint immunes, subiectique Pontifici Maximo. Et paulò inferiùs cùm dixisset ipsos Regem eum agnoscere, subdit: Quod quomodo sanè præstandum sibi constituerent, nisi se pari iure cum aliis, atque sub tuo Imperio esse facerentur? parentemne potest Dauidem suus Salomon compellare, nec se eius tamen filium ea compellatione dicere?]

Sanè Card. Bellarminus sententiam hanc lib. 1. de Clericis, capit. 28. ad secundam conclusionem, cum sua ratione profert, Ecclesiasticos nempe seculari Principi subiectos esse in eo quod ipsorum officio non repugnat: sed quia vox hæc, subiecti, formaliter non exprimitur, alium ex eadem

focietate adducere malui, qui formalibus verbis hoc dicit, nec solùm loco præcitato, sed etiam cap. 36. D. Gregorium supradicta epistola citare hîc omittens, qui se Imperatoris subditum ac seruum appellat, Deumque Principi sic loquentem, introducit, [Sacerdotes meos tuæ manui commisi,] quem loquendi modum apud sanctos omnes, & in antiquorum Pontificum epistolis reperio. Aliquis auctori obiicere posset, hoc suum effatum, (Pontifex non procurat, alia quàm malè faciendi libertate, Rempub. priuare) veriùs sibi-met Rempublicam applicare posse, dicendo, se in Ecclesiasticis delinquentibus puniendis, nil moliri contra libertatem Ecclesiasticam, nec prætere ip[s]is aliam quàm malè faciendi libertatē demere: omnes enim in hoc conuenimus, Ecclesiasticum qui leges transgreditur peccare, sed tamen non conuenimus in hoc peccasse Rempub. in ip[s]is puniendis. Credo equidem Authorē, ceu doctissimum bonam mentem habuisse, quando dixit, malè faciendi libertatem non à Deo esse, sed à Dæmone: verba tamen sic prolata, non sunt catholica: siquidem per malè faciendi libertatem, intelligitur liberum arbitrium, quod naturale est, & à Deo, neque hoc negabitur nisi ab aliquo Manichæo, qui diabolum mali authorem facit: non nego, vt dixi, authorem bonam mentē habuisse: sed bona mens, seuerum alterius censorē excusare non debet, præsertim dicente D. Hieronymo [Ex verbis malè prolati incurritur hæresis.]

Pergit author, & similitudine sumpta à Principibus secularibus, à Pastore, & Nauta, concludit non

non debere Pontificem, caput orbis Christiani, libertatem Principibus concedere, leges statuendi in Ecclesiæ, & salutis animarum præiudicium, ac seipsum aliosque frustrandi æterna salute. Pulcherrima verba, prima fronte, quæque imperitum aliquem illicò morarentur, ei que persuaderent rationem omnem esse ab eius partibus: at quum ea subiiciemus examini, homonymias ipsa continere, & eodem quo reliqua omnia prædicta paralogismo concludere videbimus. Quid per Ecclesiam intelligit? si illud quod sacræ literæ, & vox ipsa significant, fidelium nempe cōgregationem, verissimum est quod dicit: at nullus Princeps hoc sensu, leges in Ecclesiæ præiudicium ferre potest, quin sibimet etiam præiudicet, qui est ex præcipuis illius membris, simulque peccet: si per Ecclesiam intelligit eius ministros, quæ tales sunt, idem dico. sed addo leges Venetas ipsis non præiudicare, sed quadantenus, ut ostendi posset, ipsorum ministerio favere. Si verò per Ecclesiam, intelligit potentiam aliquam vel dominium temporale, nego Pontificis esse prohibere ne leges in illius præiudicium condantur. Homonymiâ fallimur. Non licere in Ecclesiæ præiudicium, legem ferre, primo & secundo modo debet intelligi: sed latam esse legem ac Anconam, quæ est de Ecclesiæ ditione, fruges adferantur, hoc intelligi debet in tertio sensu, ideòque si ita dicatur, Lex de non ferendis frugibus Anconam, est contra Ecclesiam: hæc erit conclusio per homonymiam facta. Itidem quum ait, Pontificem concedere non debere Principibus Christianis, libertatem condendi legem in salutis animarum præiudicium, notabimus do-

ctrinam esse Dom. Cardin. Bellarmini, quòd Ecclesiastici immunes sint iure humano in causis criminalibus, siue hoc sit priuilegio Principum, siue ob cōstitutiones Pontificum, siue ob vtrumque simul: peto tamen num ante omnes has leges, & constitutiones, seculares qui in Ecclesiasticorum scelera animaduertebant, peccarent, vel Ecclesiæ præiudiciū adferrent: si affirmet, extricare se non poterit, nam illi non aduersabantur legi diuinæ, ex ipsiusmet sententia, quæ vera est: nec humanæ, quæ non aderat, & ubi nulla est lex, nec præuaricatio: ergo non erat peccatum, non erat contra salutem animæ, vel in alicuius præiudiciū: cur igitur Pontifices id permittere non poterant? dicit author, tunc quidem ita fuisse, cū lex non adesset, iam verò non ita cū lex adsit: ergo Pontifices viam in cœlum difficilem reddiderunt, ergo sine ipsis facilius erat, ergo ad ædificationē hoc non facit: si antea poterant Principes Ecclesiasticos delinquentes puniendo, fouere quietem publicam, læsisque satisfacere citra peccatum, quid opus erat contra bonum publicum, & cum extremo, confusionis in quodlibet dominium introducendæ, periculo, excogitare peccatum esse, si malè faciens puniatur, iuxta legem Dei? an hoc inferuire potest vllō modo saluti cuiuspiā facilius reddēdæ? an fortassis deprauatis Ecclesiasticis inseruit, qui hac ratione ad malū audaciores fiūt? an læsis ab ipsis inseruit, qui maiores ideò similtates alunt & vindictas priuatas machinātur? an Principib. quorū dominiū perturbatur? an bonorū Religiosorū famæ, q̃ in ipsorū societate prauī reperiātur? an fortē Deus ab aliis colitur, quàm ab iis qui eius præceptis

ceptis

ceptis obediunt? Sed audio mihi obici, hoc esse immunitates damnare, quas tot principes eterna memoria digni, personis Ecclesiasticis concesserunt in causis criminalibus. Ego non solum has non damno, sed magnoperè laudo, easque ceu dignas quæ ab omnibus principibus, præsentibus & futuris obseruentur, propono: dico tamen inueniri non posse ullum principem, à Constantino Magno inchoando usque ad Constantinum Irenum, & ab hoc per Græcos descendendo, usque ad illius imperij destructionem, & per Latinos à Carolo Magno usque ad Fridericum secundum inclusivè, qui Ecclesiasticos à propria sua potestate exemerit. Omnes immunitates sunt à Magistratibus, quædam ab omnibus, quædam ab eorum parte, quædam in certa delictorum specie, aliæ in omnibus respectivè, summa ea potestate penes principem remanente, quæ ab ipso est inseparabilis. Itaque dummodo delicta puniantur, à quo Magistratu hoc fieri debeat, nec-ne, & in quonam delinquente, siue alicuius fuerit authoritatis, siue nullius, id principis est statuere, iuxta temporum, locorum, & negotiorum opportunitatem. Quocirca principes, prout rerum status postulat, priuilegia concedunt & immunitates militibus, aliisque hominum generibus: atque ita, quum in ipsorum Dominio Religionis argumētum id postulat, priuilegia & immunitates congruas concedunt religiosis, indeque laudandi veniunt, sicut laudando prænominatos principes, laudo & Rempub. quod lege non scripta, in delictis vulgaribus & non atrocibus, Ecclesiasticos exemerit. Verum lex quæ principi tolleretur potestatem puniendi delicta, publicæ tranquillitatis necessitate

id postulante, quo pacto laudari à quopiam, aut Deo & Naturæ consona haberi posset, non video: quamobrem ex eo quod laudantur sancta priuilegia concessa à Principibus, nō sequitur immunitatem enormem laudari quæ pariat confusionem perturbationemque publicam. Concludamus itaque verum esse, Pontificem nec posse, nec debere quicquam eorum concedere quæ suapte natura mala sunt, & animarum salutem contraria: quòd si ea concederet, non ideò tamen peccata non essent, nec in iis faciendis, salus acquiri posset. Ac sanè maxima laude digni Pontifices, qui res à Deo prohibitas è medio tollere nitebantur, quibus manentibus, homo saluari nequit: & iam à tot annis Mundus in hanc reformationem suspirat, ac spe sua toties delusus fuit. Verùm circa res quæ diuinæ voluntati non repugnant, sua Principi libertas seruari debet, id nempe faciendi quod publicum bonum postulat: & si quis Pontifex id prohibere tentaret, auctoritatem temporalem contra præceptum Christi vsurparet.

Huc usque disputatio satis familiariter ab auctore acta est: sed in secundo loco, Interpretem, quòd dicat se inquisiuisse quænam esset vis excommunicationum, quum ob causas tam iniustas intorquentur, admodum contumeliosè excipit his verbis:

2. Pergit author ad secundam falsitatem, dum ait: [Ego probatorum quorundam authorum revolutione, seriò inquirere cœpi, quænam sit vis huiusmodi excommunicationum, quum ob causas tam iniustas intorquentur.] Hæc est secunda falsi-

falsi-

falsitas cum incredibili temeritate, & intolerabili arrogantia coniancta: author enim præfationis asserere audet, causas excommunicationis latæ à summo pontifice aduersus Rempublicam Venetam, esse iniustas. Et forsitan qui cum scriptore hoc ageret, agnosceret eum in hoc negotio nec satis instructum esse, nec latæ excommunicationis scire causas, quandoquidem ipse fatetur, se sola fama parisiis sparsa, ad scribendum impulsus fuisse: ac proinde necesse est eum esse de grege eorum, de quibus Apostolus loquitur. Non intelligentes quæ loquuntur, neque de quibus affirmant, 1. Timoth. 1. Potestne fieri te adeò temerarium esse, vt negotio nec dum probè intellecto, nullo adhibito studio, inconsultis Doctoribus, audeas tamen sententiam tuam absolutam aduersus Christi Vicarium pronunciare? Et posito quod in ea re multum operę studiisque impenderis, decuitne te adeò arrogantem esse, vt iniustitiæ argueres & condemnares supremum mundi Iudicem, & hanc tuam sententiam toti mundo typi adminiculo palam faceres? Sed cùm omnes rationes tuæ, ob quas excommunicationem summi pontificis iniustam pronuncias, alio fundamento quàm fama non nitantur, qua scilicet spargebatur, Rempublicam Venetam ideò quòd nolit libertatem suam sibi à Deo datam, alterius arbitrio subiicere, excommunicatam esse: & nos iam clarè demonstrauerimus eam rationem falsam esse, iustitia etiam excommunicationis latæ à sanctissimo nostro, nota singulis, & calculo omnium, iis solùm exceptis quorum ea interest, & qui sensu magis quàm ratione ducuntur, approbata sit

K K K j

verba plura in hac falsitate confutanda non perdemus.

Ego sanè Interpretis verba perlegens, non video ipsum asserere sententiam pontificiis iniustam esse, cùm hanc addat parenthesin, (quòd neque videtur æquum, neque credibile) quam author studio præterit: sed demus etiam non adesse, & nuda solùm verba sumamus: Euulgato rumore, Rempublicam excommunicatam esse, quòd suam cedere libertatem recuset, inquirere cœpi apud probatos auctores &c. Vnum pro certo ponit Interpres, excommunicationem contra cū latam qui libertatē suam subiicere abnuvit, iniustam esse, & alia duo dubia manent & incerta: alterum in iure, quæ sit vis illius excommunicationis, alterum in factò, an præsens excommunicationis sit eiusmodi, sicut ipse rumore communi audiuit. Secundum lectione librorum nosse non poterat, de prima cœpit inquirere: atque ita non videtur illud asserere, vt ait Author: quemadmodum si quis diceret: Euulgato rumore Venetiis, Demetrium Moscouiæ Principem, cum multis suis sequacibus, trucidatum esse, idcò quòd se à Iesuitis induci passus sit, ad tentanda multa contra illius Imperij instituta, cœpi apud probatos auctores inquirere, quam pœnam mereantur Religiosi, dum ciuilia publicæque negotia tractant, cum perturbatione publica & cæde multorum: possētne aliquis obicere, hunc asserere Iesuitas esse publicæ quietis perturbatores? Minimè gentium: at certum est eum qui publicam quietem turbat, peccare: duo sunt incerta, alterum in iure, quod ex

libris

libris disci potest, quam mereatur pœnam Religiosus qui ita se gesserit: alterum in facto, quid in Moscouia contigerit, de quo certa nuhtia possunt expectari. Ita planè est id de quo agimus, idèmq; sensisse authorem puto: sed vt inueheretur in illum qui iniustam esse dicit Pontificis excommunicationem, sibi videri Interpretem hoc dicere, simulauit. Solet author eos increpare qui aliorum verba detorquent, vt ea confundant: sed hoc loco nimis erat necesse, ignotum aliquem taxandi prætèxto: omnes eos conuiciari qui Summi Pontificis excommunicationem non admittunt: sed si quis ab eo commotus quod author ait, in textu superius allato, nempe Reipublicæ Venetæ, leges iniquas & impias esse, iam verba propria contra ipsum præcisè retorqueret, dicens, falsitatem esse iunctam cū &c. scilicet asserere tantæ Reipublicæ leges, Christianorum omnium Regnorum legibus consonas, iniquas & impias esse: & eum qui cum ipso ageret, deprehensurum non satis ipsum in hoc negotio instructum esse, atque sic eundem scripto compelleret, Potèstne fieri te esse adèò &c. vt audeas iniustas pronunciare leges sapientissimæ & religiosissimæ illius Reipublicæ, quæ iam à mille & ducentis annis cum admiratione & exemplo totius Mundi recta est, cū præsertim hæc leges peculiare non sint, sed in Christianis omnibus dominiis reperiantur, eæ quæ ab omnibus etiam iustæ habeantur & approbentur iis solum exceptis quorum hoc interest, & qui affectu magis quàm ratione ducuntur: non posset

author conqueri, propriis suis vinculis laqueatus, & formalibus suis verbis reprehensus. At mittamus nos hunc agendi modum, addentes tamen eum qui res quæ hoc tēpore in Mundo geruntur scribens, sentētiā suā diceret, Pontificis nempe excommunicationem iniustā esse, non aded culpandum fore: Christianos omnes Historicos legendo, sexcenta exempla scriptorū inueniemus, qui suā de Pontificum sui temporis ac præcedentium decretis, præceptis, & actionibus, opinionem dixerunt: nec ab eo discedam, quod recentiores omnes de Alexādro sexto, de Iulio secundo, ac de aliis tū successoribus tū antecessorib. dicūt. Solus Deus hoc habet vt errare nequeat, sitq; irreprehensibilis, cæteri omnes quid agant videre debēt: nam opinio quam Mundus de ipsorum bonitate & prudentia habere potest, pro frāno est iis qui propriæ conscientię metu, sese intra debitos terminos continuerunt. Sed ad tertiam obiectionem transeamus, vbi dicit:

3. Tertia sequitur, [Et quidem sacri Concilij Tridentini decretis accuratē inspectis, legendo verba hæc, digna quæ aureis literis conscribantur, Quamuis excommunicationis gladius &c. in votis mihi maximē fuisset, vt quemadmodum sanctissimi illi Patres, Ecclesiarum Præsulibus, regulam ab iisdem in huiusmodi remedij applicatione, & salutifero vsu obseruandam præscribere, sic pariter conscientias pias & religiosas fidelium informassent quidnam eorum muneris & officij foret, quum Præsules & Inspectores cōtra præscriptam à Christo Domino nostro, D. paulo, & ab antiquis sacris Canonibus formā, censuras intorquēt.] Nō
conten

contentus est author falsitatem vnā contra Pontificem summum dixisse, sed adiungit aliam cōtra vniuer sale concilium, vt hoc modo & caput & primaria sanctæ Ecclesiæ mēbra conuiciis afficiat. Redarguit igitur author hic sacrū conciliū insufficientiæ, quod cū Præsulibus præscripserit, vt in causis leuibus excommunicatione non vtantur, neglexerit tamen simul erudire laicos quomodo se gerere debeant, quum Præsules præscriptum ordinem; qui cum Christi, D. Pauli, & sacrorum antiquorum Canonum ordine conuenit, intermittunt. Verū si voluisset hic author totum sacri concilij Decretum perlegere, inuenisset id ipsum quod se in votis habuisse simulat, cognouiscētq; quā iniquē insufficientiæ doctrinæ concilium arguat. Decretum quod ipse allegat, tertium est sessionis vltimæ, in materia de reformatione: & quemadmodum initio decreti Præsules admonentur, ne excommunicationis armis temerē leuibusque de causis vtantur, ita sub finem quoq; instruuntur laici in publico magistratu constituti quod ad ipsos non pertineat iudicare, an Præsul in excommunicatione debitum ordinem seruet, necne, ac proinde magistratibus secularib. præcipitur, ne Præsules impedian, quominus excommunicationem intorqueant, multò minùs mandent, vt intortam reuocent, sub prætextu quod ordini debito non respondeat. Nefas autem sit sæculari cui-libet magistratui prohibere Ecclesiastico Iudici, ne quem excommunicet, aut mandare vt latam excommunicationem reuocet, sub prætextu quod cōtenta in præsentī decreto non sint seruanda, cū non ad sæculares, sed Ecclesiasticos hæc cognitio per-

tineat. Hæc sunt verba sacri Concilij, quod singularibus rebus prospexit, docuitque officium secularis Magistratus non esse, resistere violenter publicationi excommunicationum, vt modò facit Magistratus Reipublicæ Venetæ, deceptus ab iis qui adulari quàm veritatem docere malunt, ex quorum numero est is, cui respondemus.

Hic bifariam Interpretem arguit: primò, quòd insimulet concilium insufficientiæ, secundò, quòd si verba sequentia legisset, non modò principium, inuenisset quod quærebat. Ad primam obiectionem brevis ero: nam secunda omnem aliam considerationem dimittere me cogit. Hoc ipso argumento vtuntur hæretici: quum enim traditiones necessarias esse dicimus, quia non reperiuntur omnia in sacris literis, non imaginum adoratio, non ordines Minores, nō signare se sacro signo crucis, non Ecclesiarum & Altarium consecratio: statim obiiciunt, nos scripturam habere pro manca & insufficiente: non ideò scriptura est insufficientis, nam illud continet quod scriptum esse oportuit: cætera committit traditionib. quas probat: ita sæpe dom. Cardinalis Bellarminus hæreticorum obiectionibus respondet: eodem modo hîc insufficientis non habetur concilium, quia nō dixerit id omne quod de excommunicationib. sciri debet, particularib. quibusdam rebus omissis, quas Catholicorū scriptorum doctrinæ cōmisit: & notum est omnibus, quot necessariis declarationibus suppleuerit Pius v. in materia cognitionis spiritualis, affinitatis incestuosæ, publicæ honestatis: & Cardinalium conuentus quotidie supplet aliis rebus, sub declarationis titulo Concilium inter scriptores Canonicos non

non numeratur, sed credendū quòd si diutius durasset, plura adhuc declarauisset, nec deberet Author hoc dicere, cū nouitati quęsti de auxiliis sit valde contrarium. Obiici mihi sentio, peccasse igitur Interpretem, id optando quod sacrum Cōcilium expedire non iudicauit: non malum est id optare quod aliquis etiā naturā impeccabilis aliter iudicauit. Vellem Deo placuisset Papam Clementem octauum in viuis relinquere ad hęc vsq; tempora, & non pecco, licet Deus non expedire iudicauerit. At scio non cōtentum esse aliquem, quòd eiusmodi sufficientię & authoritatis sit Cōcilium, sed eam velle cui nihil desit, ne quis dicere vnquā possit opus esse Concilio, atque in hac de sufficiētia in censurarum decreto consideratione non laboraremus, si quemadmodum edita sunt Concilij decreta, Acta quoque edita fuissent. Si iam reperiātur acta Ephesini, quod fuit ante mille & ducentos annos, vel fragmēta quędam actorum Niceni antiquioris magna cum auiditate excipiātur: multę Authoris sapientię ac prudentię dicendum committo, an sacri Concilij Tridentini acta, quę etiamnum habentur, vtile foret in lucem prodire: dicam equidem quòd ea nostrum hoc dubiū declararent ac soluerent. Ad secundam obiectionem quod attinet, exactam primò fidem optarem in Interprete Concilij, qui exiguę fidei Gersonis interpretem arguit. Concilium dicit, [Nefas sit seculari cuilibet Magistratui:] author sic interpretatur, vt dicat moneri laicos, etiam in Magistratu constitutos. Credo Grammatices studiosos hęc verba [seculari cuilibet Magistratui] de quolibet seculari Magistratu intellecturos, non autem de

laicis, etiam in Magistratu constitutis: ergo de priuatis nil dicitur, & Gersonis Interpres piis ac religiosis conscientiis, non Magistratibus instructionem optabat: author verò hanc vocem [laicis] nobis obtrusit, vt præter Consilij mentem, priuatos comprehendat: verba, sub prætextu quòd contenta in præsentì Decreto non sint obseruata] non fideliter referuntur, dicendo, sub prætextu quòd ordini debito non respondeat: dicere debuit, sub prætextu quòd contenta in præsentì decreto non sint obseruata: quoniam multi alij sunt ordines debiti, apud D. Matth. D. Paulum, & D. Augustinum, qui in concilij decreto non continentur. Prohibet concilium Magistratibus laicis ne latam excommunicationem reuocari iubeant, sub prætextu quòd omnia contenta in eo decreto non obseruata sint: at quum res aliæ debitæ non obseruata essent, an reuocationem iniungere posset Magistratus, concilium non determinat: & fortè in quibusdam posset, vt in Galliæ Curiis fieri solet. Vides igitur, concilium non docuisse pias & religiosas conscientias, id est eos qui iniuste sunt excommunicati, nec non eos qui cum his versantur, qua ratione gerere se debeant, id quod optabat Gersonis interpres: sed post citata consilij verba [Nefas autem sit sæculari cuiilibet Magistratui prohibere Ecclesiastico iudici, ne quem excommunicet, aut mandare vt latam excommunicationem reuocet, sub prætextu, quòd contenta in præsentì decreto nō sint obseruata, cum nō ad seculares, sed ad Ecclesiasticos hæc cognitio pertineat:] sublit author: Hæc sūt verba sacri cōsilij, quod singulis rebus prospexit, docuitq; officiū suum Magistratus

stratus non esse, resistere violenter publicationi excommunicationum, vt modò facit Magistratus Reipublicæ Venetæ.

Quod sequitur, consideratione dignissimum, concilium dicit non debere Magistratum prohibere ne Ecclesiasticus excommunicet, vel iubere vt lata excommunicatio reuocetur: & Author dicit, concilium iubere ne Magistratus publicationi violenter resistat. Hęc ad eò discrepant vt cœlum à terra. Absque eo quòd prohibeatur, ne quis excommunicetur, & excommunicationem reuocari iubeatur, publicatio potest impediri: hęc valdè differunt ab inuicem: primum attinet ad iurisdictionem in excommunicantem, secundum ad naturalem defensionem, quę nullam requirit iurisdictionem, & non soli Magistratui, sed priuatis etiam competit: legi possunt Gaetanus, Sotus, Victoria, qui omnes de resistentia fusè agunt quā priuati & secularis magistratus, illegitimi, Pontificis præsertim, mandatis, præstare debent: iuxta quos etiam loquitur Dom. Cardinalis Bellarminus in tractatu suo de Romano Pontifice, quo tempore, cùm hęc controuersia nondum orta esset, absque animi affectu iudicabat. Vbinam igitur sese prodat magna illa falsitas quam dicit author Interpretem obiecisse concilio, & illud, quod, si totum legisset Decretum, inuenisset, &c. atque ideò quæ sit hoc capite obiectio Interpreti, cōsistit in tribus absurdis, & alienis authoris interpretationibus, contra verum sensum, & verba consilij. Sed ad quartum caput transeamus, vbi dicit.

4. Pergens vlteriùs author, adiungit, & dicit [Et dum, cùm hęc desiderio viderem meo nequaquam

fieri fatis, multos authores euoluenti, ecce præ reliquis vnus sese mihi obtulit Iohannes Gerson, Doctor Christianissimus cognominatus, æterna memoria dignus &c.] Negandum non est Gersonem fuisse doctorem multę & pietatis & scientiæ: sed infœlicitas temporis, ob schismatis in Ecclesia Romana diuturnitatem, induxit hunc etiam authorem, vt & alios quosdam eius ætatis, vt minùs rectè de sedis Apostolicę potestate sentiret. Dum enim interueniente cõcilio generali, mederi, schismati, ac diuersæ obediencię Põtifices inducere studerēt, vt prætensiones suas cõcilij declarationi subiicerent, supra modum concilij authoritatem extollebant, pontificiam verò deprimebant. Hinc nascebatur vt in manifestos errores sacrę Scripturę, & communi sententię Theologorum, qui ante, & tunc, & post hæc tempora vixerunt, contrarios laborerēt. Quapropter Gersonis authoritas in materiis ad Papalem potestatem attinētibus, parui est momenti: nec deerant scriptores alij magis securi, qui adferri poterant ad intelligendum quovsq; se vis excommunicationis extēderet, vt sunt D. Thomas, D. Bonauētura, D. Antonin⁹, & infiniti alij, etsi suspectū authorē, imò manifestè erroneum in materia de qua hīc sermo fit, non adduceret.

Poterat quidem author, aliquos è titulis honorificis referens, quos Interpres Gersoni tribuit, omnes opponere, quia quod obiicit, ipsum nempe summi Pontificis authoritatem deprexisse, fortè solutum esset: nam si opinionem adiecisset quam de Gersone habuit illud seculum: vocans eum doctorem Christianissimū, continuum item exercitiū in docenda sacra Theologia, & eiusdem labores

bres doctrina, exemplo, publicaque authoritate exanthlato, lectori non facile persuassisset Gersonem eum fuisse qui temerariis affectibus ducetur : sed adeò viget contradicendi studium, ut ad traducendum feratur non modò Gersonem, sed alios etiam eius ætatis doctores, eos ceu manifestè erroneos, suspectos, & sacris literis contrarios notans. Neganda non est illorum temporum infelicitas, ut & schismatis diuturnitas in Ecclesia Romana, sicuti nec his temporibus infelicitas longè maior neganda est, cum ab ipsa Ecclesia tot Regna penitus abscesserint, unde natum est in quibusdam studium id intensiù restituendi in paucis illis regionibus residuis, quod extensiuè amissum est. Eam nostrorum temporum infelicitatem vocare possumus, cum nullus sit antiquæ Ecclesiæ pater, tutus à censuris, & cum audeant nonnulli dicere, eos si hoc tempore viuerent, quæ proposuerunt non dicturos. Nec credendum est illorum temporum occasiones induxisse magis ad fauendum authoritati conciliorum, quàm præsentibus occasiones ad eam deprimendam inducant, dum scilicet omnia regna ab Ecclesia sciuncta concilium optant ac suspirant.

Ac sanè qui pro concilio loquitur, proprium compendium tangere non potest, cum nullus ad hoc aspirare queat, ut euadat concilium, sed tantum ut sit quingentesima eius pars : quamobrem maior est dubitandi occasio ne horum temporum infelicitas ad excessum ferat, quàm præteritorum infelicitas ad diminutionem. Bonus medendi schismati zelus, qualis, ex ipsa authoris cōfessione

Gerfonis fuit & aliorum eius ætatis, homines in peruerſam opinionem agere non ſolet, cum proprio compendio careat, ſed malus propriâ dignitatem ampliandi zelus, in cæcitatem deducendi periculum adfert. Hoc addam, notari utcuſque diuinam providentiam, quum ei tribuitur quòd permiferit ut totum aliquod ſeculum à ſancto Eccleſiam vniendi zelo motum, in errorem manifeſtū, ac diuinis literis contrarium laberetur. Multæ ſcientiæ ac pietatis viros, ut fatetur author Gerſonem, aliòſque eius ætatis Doctores excellentiſſimos fuiſſe, non finit Deus labi in eiufmodi errores: labi in errores manifeſtos, ſacris literis contrarios, peccatum eſt tam atrox & enorme, ut bona cum authoris venia, dicam eum qui in hoc labitur, ſcientiæ & pietatis ſcintillam non habere. Nulla maior cæcitas vlli Chriſtiano poteſt contingere, quàm errare manifeſtè contra ſcripturas, eſtque hoc ſumma pœna quam ei Deus infligit qui authoritate diuina, ob mundana compendia abutitur. Nimis expreſſa eſt & magna contradic-tio, cogi nempe multam Gerſonis ſcientiam ac pietatē fateri, ſimulque dicere eundem in errores manifeſtos ſacris literis contrarios, lapſum eſſe.

Nondum eſt deciſum, uter meliùs de Sedis Apoſtolicæ authoritate ſentiat, Gerſonne, an author noſter: ut ita abſolutè pronunciet Gerſonis authoritatem in materia poteſtatis Pontificiæ, parui eſſe momenti: momentum vox eſt relatiua, & quod apud authorem parui eſt momenti, apud alios magni eſt momenti, & ſicubi valeat authoris opinio, in multò pluribus locis Gerſonis opinio in magno eſt pretio. Sed hoc mittamus: in omnibus

mnibus hisce duodecim considerationibus, vnicū duntaxat articulum accidentaliter propositum scit author reprehendere, reliquam doctrinam probare cogitur, & quamuis aut limitationibus, aut defensionibus contrarium conetur ostendere, tandē tamen eam probat. Quocirca non erat hoc cepit de Concilij superioritate ceu præcipuum statuendum, cum de hoc iam non agatur, eoque nullus vatur, ut nepe sua Sāctitas pro obiecto poneretur, quò Gersonis defensio, ipsius esse lesio videretur.

Author dicit securiores alios scriptores non defuisse, qui citari potuerint, & S. Thomam, S. Bonaventuram, S. Antoninum speciatim nominat. Sed Gersonis doctrina, quòd excommunicationes abusivæ & nullæ, timendæ non sint: quòd eis non obedire, sed aduersus eas munire se oporteat: quòd in casibus dubiis, consiliū sumi debeat: quòd omnes simul in publicum bonum conspirare debeant, doctrina est & S. Thomæ, & S. Bonaventuræ, & S. Antonini, & sexcentorum aliorum: at non tota est certo quodā loco, ut in paruulo tractatu, quemadmodum Gersonis doctrina, videri possit. Qui ex his aliisque ipsorum discipulis loca colligere voluerit, doctrinam (non de capite ad Concilij superioritatem attinente, sed de aliis loquor) modis omnibus Gersonis doctrinæ consonam inueniet. Addam quidem quòd, si Author affirmarit se totam S. Bonaventuræ doctrinam, qui tantę fuit sanctitatis & eruditionis, admittere velle, ostendā eidem loca quę sint ipsum multò magis exagitata, quàm Gerson aliique eiusdem ætatis: vocibus illis suspecti & erronei, parcere quidem poterat, nec eas ei tribuere quę ipse multę scientię ac pie-

tatis esse fatetur. Sed grauiorem aliam reprehensionem audiamus.

5. Super alia omnia, digna est reprehensione causa, qua impulsus est author Præfationis, vt trāsferret, & in lucē spargeret hos duos Gersonis tractatus: nempe, ait ille, [vt conscientia quēlibet pia & religiosa, eos legendo se consolari possit, cum magnā illam pœnam nō incurrat, quā diuina maiestas, reprobis solet immittere, vt ea timeant quę timenda non sunt. Trepidauerunt timore, vbi nō erat timor.] Ecce quò perueniat humana cæcitas, quæ verbis Dei vitur, vt Dei timorē auferat. Psalmi, 13. & 52. Regius Psalter ait, homines impios nō timere verum Deum, qui dignus est vt timeatur. Non est timor Dei ante oculos eorum: & è contrario falsos timere Deos, in quibus potentia nulla est, Illic trepidauerūt timore, vbi nō erat timor. Et modò nouus hic Doctor verba Psalteris in contrario sensu vsurpat, vt persuadeat Vicarium Christi non esse timendum, ac proinde nec Deū, quia ipse ad Vicarios suos ait: Qui vos audit, me audit, & qui vos spernit, me spernit, Lucæ 10. Contrarius neotheologi huius verbis S. Gregorius, hic enim homil. 26. sermonem habens de excommunicatione, ait: Sententia pastoris timenda est, siue iusta, siue iniusta sit. Hic autē ait, Qui timet sententiā Pastoris, quam sibi persuadet esse iniustam, cadit in pœnam reproborum, timentium vbi timendum non est. Neque malum quod ex hac doctrina oritur, hīc subsistit, sed in dies ad extremā animæ interneccionem serpit. Qui enim non timet censuras summi Pontificis, multò minùs timet censuras Episcopi, & qui decreta capitis Ecclesiæ spernit, nequaquam

quaquam religioni ducit quemlibet aliū ordinē
contēnere. Hoc artificio Martinus Lutherus mul-
tis persuasit libertatem Christianam in hoc con-
sistere, vt nempe quis habeat conscientiam solutā,
nec vereatur qualiacūque S. Ecclesiæ decreta trās-
gredi: atq; hinc vidimus tot religiosas Deoq; de-
uotas virgines, absque vlllo scrupulo septa mona-
sterij egredi, sacrum habitum abiicere, connubia
inire, tot etiā populos sacras imagines concu-
care, obliuisci vigiliarum & festorum, nescire am-
plius quid sint Quadragesima, Confessio, Vespere-
ræ, Missa: ex hoc fonte demum non timendi am-
plius potestatem Vicarij Christi in terris, eò non-
nullas prouincias deductas esse vidimus, vt ne ve-
stigium Religionis Christianæ in eisdem supersit.

Ab exclamatione, Authoris exemplo, nō tamē
maledica, ordiri possumus. Ecce quò perueniat cō-
fidentia potentium: tribuit alienæ culpæ quod ab
eadē potentia natū est. Iam omnibus constat, & v-
biq; personant historię, separationē quę in Ger-
mania ante centū annos cōtiguit, nō à subditorum
inobedientia, sed à potestatis in Pręsulibus abusu
initium & originem habuisse. Notū est eam ab il-
legitimis pecuniarū extorsionibus, & ab inusitatis
Indulgētijs concedendi modis ortū duxisse: Deo
confido pręsentes motus cum residui huius corpo-
ris salute, non cū mina terminatum iri: hi verò mo-
tus vnde, quæso, ortū habuerunt, nisi ab eo quod
non sufficere iudicatū est, vt perexiguus hominū
numerus, qui, si attētē cōsideretur, vix mille sunt,
quarta fruatur bonorum parte huius dominij,
quod quadragesies centum millia hominum
complectitur, vt nempe hac ratione seculares

omnes propriis bonis tandem spoliuntur? Sic etiā ab eo traxerunt originem, quod non visum est concedi debere vt nonnulli, qui præter Ecclesiastici nomen nil habent, absque iustitię timore, possent impunes lædere alios & in vita & in honore? Si quid mali contingeret, in quos culpa esset reicienda? an fortè in alios quàm in eos, qui iudicia ab hinc annis 1200. exercitata, legesque iam ante 300. annos, conditas innouare voluerunt? Nō opus erat, quum inter Catholicos de censurę aliquius validitate, aut nullitate agitur, verba facere de Monasteriis, Matrimonii, Imaginibus, Vigiliis, Quadragesimis, Confessionibus, Vesperis, & Missis, vt cogerentur alij respondere, ac ostendere vnde malum nascatur: Longe satius erat in re manere, & cum charitate id tractare quod occurrit: non autem credere Mundum ita rudem esse, vt non agnoscat an de re temporali aut de spiritali iam agatur. Sed expedit in præsentiarum hoc mittere, ad cuius tractationem fortè extra rem, author me impulit. Videamus quantum valeat obiectio quam facit Interpreti circa sensum verborum Psalmi, inchoando ab authoris expositione, quam pro falsa non notabo, quin potius dicam eam illius tantum versiculi ratione, stare posse, & fortè ab alio quopiam interprete allatam esse: verum integrum psalmum perlegendo, videbit non literalem esse illam expositionem, & Interpretem eā in suo vero ac literalis sensu & iuxta verbi diuini splendorem attulisse. Nam Psalmi argumentum pathetica est querimonia Prophetę contra impium, aut, si mauis, Atheum, cum solatio quod

quod percipit ob pœnam de eo sumptam, non
verò contra eum qui falsos Deos timeat, idque
ex ipso initio patet, [Dixit insipiens in corde
suo, Non est Deus,] Iam ut versiculus intelli-
gitur: [Deum non inuocauerunt, illic trepidaue-
runt timore, vbi non erat timor,] sciendum est
inuocationem Dei in sacris literis sæpe significa-
re per Synecdochen, agnitionem Dei, vnde sen-
sus literalis est, illos non agnouisse verum Deum,
& tamen ea timuisse quæ non erant timenda: hæc
enim est pœna qua Deus punit impium, qui cum
sibi videatur ab omni timore liber, ipsemet ta-
men in animo sibi fingit varia & contradictoria
phantasmata, quæ apparentem metum pariunt.
Ita visi quidam antiquitus qui animæ immor-
talitatem negabant, & tamen de infamia post
mortem suprà modum erant anxij: & alij, ne-
gata prouidentia, ob auguria tamen aliàsque i-
maginationes, miris modis angebantur. Hic
est sensus literalis. Iam videamus an locus ille
in hunc finem citatus fuerit: Sunt quidam, ait
diuus Paulus, qui verbis fatentur se Deum co-
gnoscere, sed factis eum negant: hi solutè vi-
uentes, legem diuinam planè negligunt: mul-
tos homines occidunt, multa coniugia vio-
labunt, nec horum scelerum pœnitentiâ vn-
quam afficiuntur: furabuntur quicquid ad ipso-
rum manus peruenerit, suâque omnia aliena
disapidabunt: sed ad forum Ecclesiasticum citati
vt decimas soluant, & cum eas soluere non va-
leant, excommunicati maiorem inde angorem
sentient quàm ex omnibus in Deum peccatis. Sci-
mus Christum Dominum nostrum excommu-

nicationem pro remedio & pœna instituisse, eamque à peccato seiunctam, malum esse peccato quolibet veniali minus, nec vllus Theologus aliter sentit: notum est etiam excommunicationem ob aliud quàm ob peccatum latam, & ab eo seiunctam, nullo modo animum Christianam lædere. Quapropter de eo qui Dei præcepta transgredi non dubitabit, & eiusmodi excommunicationem timebit, rectè quidem in literali Psalmi sensu dicetur, [Trepidauit timore, vbi non erat timor:] non autem de eo qui vitam Christianam sibi proponens, sollicitus erit de seruandis Dei præceptis, & eorum quibus obedientiam secundariò præstari iussit in rebus ad ipsorum superioritatem attinentibus: nimirum Pontifici & Ecclesiasticis in rebus spiritualibus: Principi in ciuilibus, Patri, & Domino in domesticis & familiaribus (omnibus enim obedit, quia Deus id iubet, non ob aliam causam) verum si ordinem hunc seruare desinat, & diuina præcepta omnibus non anteponat, Deus pœnæ loco permittit, vt ipsius humeris intolerabilia præcepta imponantur, quibus non teneatur, eidemque vanæ pœnæ inhibeantur quas itidem ipse magis timeat quàm veras quas Deus minatur, non secus ac infans qui flet ob minas pœnæ alicuius non veræ, sed vanæ & apparentis, sibi à matre propositas. Verum si viuæ rationes aditum in authoris mentem non inuenerint, vt ipsi persuadeant, locum Psalmi, Trepidauerunt timore, rectè citatum fuisse ad hoc propositum, debet cedere auctoritati Nauarri, qui hunc citat contra eum qui timet excommunicationes nullas, super cap. cum contin-

gat.

gat. Rom. 2. nu. 14. & nu. 23. dicens, timere censuras nullas, esse Deum falsum pro vero colere: at dicit Author, eum qui Dei Vicarium nō timet, Deum non timere, quia dicit ad suos Vicarios, [Qui vos audit, me audit.] Lucæ 10. Quasi qui dicit ne fulmina illegitima timeantur, asserat Deū non esse timendum, nec eiusdem Vicarium, & is qui Deum vult timere, teneatur etiam Præsulum imprudentiæ subiaccere, quibus potestatem non nisi cum prudentia iunctam Deus concessit.

Nec videtur sapientiæ doctrinæq; tanti viri conueniens fuisse, Scripturam in sensu alienissimo, atq; etiam contrario citare: ipsum tamen non solum illum locum, sed totum caput legisse credo. Hic nō fit sermo de Vicariis, nec de summis Pontificibus, sed de Verbi diuini prædicationibus, qui si doctrinā Christi prædicauerint, qui eos audit, Christum audit, qui eos spernit, Christum spernit. Ita loquitur. D. Lucas c. 10. ab Authore citato Christū elegisse alios 72. eosq; binos misisse, vt illi sibi præcederēt quocūq; esset iturus: docuit illos quomodo pergere, & quid prædicare, quidve facere deberent, quando nō exciperentur, nec audirētur: deinde subdit, [Qui vos audit, me audit. Hic nō ab eximij iudicij homine, sed à quouis è vulgo locum videri cupio. Iam constat inter omnes scripturæ interpretes, Pontificem succedere D. Petro, Episcopus Apostolis, Presbyteros septuaginta duobus, de quo nunc non agitur, excepto quod Christus dicens septuaginta duobus, [Qui vos audit,] tanquam Prædicator loquitur ad omnes Prædicatores posset author dicere, ergo inter hos erit etiam Pontifex, concedo, in prædicanda Christi

doctrina, sed non improprio hoc loquendi modo, Christus dicit Vicariis suis, [Qui vos audit, me audit: nam Prædicator iurisdictionem coactiuam sibi non tribuit: si locus ille, [Qui vos audit,] solus esset, nec cum antecedentibus & consequentibus coniunctus, quæ de septuaginta duobus, ceu Prædicatoribus accipiendum illum esse denotant, non careret omni probabilitate, quam etiam retinet, si solus legatur: sed scriptura diuina, tota vult legi, non seiunctim per loca.

Nec quod ait diuus Gregorius, Sententia pastoris, etiam iniusta, timenda est, ei repugnat quod Gersonis Interpres sequitur. Dicens enim diuus Gregorius, sententia Pastoris, etiam iniusta, ponit sententiam esse; quòd si sententia non sit, non est sententia iniusta, sed nec sententia: cuiusmodi erit laici in causis Ecclesiasticis sententia, & Ecclesiastici in causis laicis: verum sententia iniusta timenda est quando bona intentio deest, vel quando falsa in facto elogia interueniunt: tunc enim sententiam & timere & seruare oportet: sed quum errorem continet intolerabilem, non insolenter contemni, vt suo loco dicemus, sed cum reuerentia non admitti debet. Tritam hanc doctrinam author dissimulauit, nec plura ipsi dicenda forent, sed alicui scriptum hoc lecturo duos Canones adferam, alterum sancti Leonis primi Pontificis Sanctissimi, qui S. Gregorium per viginti Pontificatus præcessit, dicit ille, [Manet ergo Petri priuilegium vbicumque ex ipsius fertur æquitate iudicium, nec nimia est, vel seueritas, vel remissio, vbi nihil erit ligatum, nihil solutum, nisi quod Beatus Petrus au soluerit, aut ligauerit]

gauerit:] & S. Gelafius antecessor S. Gregorij per quindecim Pontificatus, ait (verba Latina profertur, ne quid notet in Interpretatione) [Cui est illata sententia, deponat errorem, & vacua est: sed si iniusta est, tanto eam curare non debet, quanto apud Deum, & Ecclesiam eius neminem potest gravare iniqua sententia: ita ergo ea se non absolui desideret, qua se nullatenus perspicit obligatum.]

Verba deinde quæ subdit author, dicens hanc doctrinam, eò usque crescere ut contemnat Missas, Vesperas, Confessiones, Festos dies, Vigiliis &c. peculiare responsum non merentur, siquidem resistentia quam prædicto præcepto facit Respublica, aliò non tendit, quàm ut Missas conseruet, Vesperas, Festos dies, Vigiliis, quibus aliquis eam priuare vellet, totum suum Dominium in perniciosæ cuiuspiam opinionis imbuendæ periculum coniiciens. Alij dicunt, Regnum aliquod præterito seculo, sanæ doctrinæ iacturam fecisse ob Ecclesiasticorum scandala, idque celeberrimi ac verissimi historici referunt: & nisi hoc tempore Resp. ob pietatē suam diligens esset in Religione conseruanda, & si occuparetur in exequendis Pontificis verbis (mentem non dico: hanc enim optimam esse credo) maximo præcipitio ad nihilum redigeretur. Nondum isti experti sunt quantis momenti hoc seculo auferre populo sanctæ Religionis exercitium: hæreses anno 1300. natæ, & hodie ad summum euectæ, aliunde ortum non duxerunt quàm ab innumeris excommunicationibus & interdictis, quæ cœperunt ferri

anno 1200. ac toto illo seculo viguerunt. Qui omnium illorū annorū historias leget, lacrymas continere non poterit, tantam spiritualē stragem legendo. Ad sextam obiectionem, Dei gratia, peruenimus, vbi Author dicit:

6. Tandem cūm Authori huius Præfationis non sufficeret abusum fuisse loco Testamenti Veteris, abutitur etiam Nouo, dum ait: [Sed iuxta Apostolum, corroborati in Domino, & in virtutis suæ potentia, fidei clypeum arripient, vt opponāt illud temerariis fulminibus, & gladium etiam Spiritus accipient, quod est verbum Dei:] Non potuit Lutherus aut Calvinus magis aperte verbis Dei abuti contra Deum. Loquitur Apostolus in epist. ad Ephes. cap. vltimo, de resistentia, qua fideles infernali dæmonio reluctari debent: Vt possitis stare contra insidias Diaboli: & paulo post, In omnibus sumentes scutum fidei, in quo possitis omnia tela nequissimi ignea extinguere. Sic etiam Petrus, cui resistite fortes in fide. Et S. Iacobus, Resistite diabolo, & fugiet à vobis. Hic vero Neotheologus applicat hanc resistentiam ad censuras summi Pontificis, ac si Apostolus loco eius, Armate vos fide & verbo Dei ad resistendum diabolo, dixisset, Armate vos fide & verbo Dei, ad resistendū Deo in suo Vicario. Et quæ hæc fides est, aut quod verbū Dei, quod nos docet Vicario Dei resistere? quin potius, quæ est fides, quod verbū Dei quod nō doceat nos obedire & subiectos esse oportere Ecclesiæ S. Antistitibus? An non ait Paulus in epist. ad Hebræos, Obedite Præpositis vestris, & subiacete eis. Nunquid Christus ipse sic iu-

fic iubet, Matth. 18. Si Ecclesiam non audierit, sit tibi sicut ethnicus & publicanus?

Author sanè verba D. Pauli adfert in suo vero sensu, non tamen ei contrario quem Gersonis Interpres attulit: dixit in genere D. Paulus, contra insidias Diaboli: vnam ex insidiis Diaboli, intelligit Interpres esse fulmina temeraria: essetque contradictio fulmina temeraria vocare, & quæ à Diabolo non manent: ait D. Iohannes, [Omnis qui facit peccatum ex Diabolo est.] Et existimo valdè Catholicam & sanctam esse hanc propositionem, Excommunicatio in eum intorta qui benè operatur, ac Dei præceptis obedit, à Dæmonis persuasione ortum trahit, estque insidiarum species qua vitur contra fideles. Nouit author, non esse nobis cum diabolo pugnandum carnaliter: quicquid in ruinam tendit Spiritualis Ecclesiæ status, quod Regnum est Christi, est opera Diaboli, & si occulta sit, insidiæ vocantur: & operum omnium in Ecclesiæ detrimentum, à quocunque fiant, Scriptura diabolum authorem facit, vt reuera est, quamuis ipsemet ea non exequatur: multarum Ecclesiarum ruina, & aliarum deformatio propter fulmina temeraria, testantur dæmonem gregi Christi etiam cum iis insidiari, quæ ad eius conseruationem Christus instituit: quum D. Paulus Thessalonicensibus dicit dæmonem sæpius obstetisse quominus ad ipsos iret, non intelligitur hoc aliter factum esse, quàm humanis mediis. Vitur dæmon in hunc finem] omni genere hominum, & sæpe non malignorum, sed deceptorum, quique benè facere putantes, zelo præposito prauam ipsius intentionem exequuntur, ac

diuina scriptura nos expresse monet esse hæc dæmonis opera. Legimus apud D. Matthæum, postquam D. Petrus Dominum esse Dei filium dixisset, ipsèque Petro claues Regni cælorum promississet, ac Dominus iniunxisset discipulis, ne vlli patefacerent se Christum esse, quia oportebat pateretur ac inoreretur Ierosolymis, tunc D. Petrum reprehendisse ipsum, his verbis, [Absit à te Domine, non erit hoc tibi:] sed Dominum ad Petrum conuersum, ei dixisse, [Vade post me Satana, scandalum es mihi, quia non sapis ea quæ sunt Dei, sed ea quæ sunt hominum.] Quis dubitat, quin zelus D. Petri esset cum bona mente? quin ex bono affectu nasceretur? quia tamen, quantum in se erat, opus redemptionis impediabat, & ædificationem Ecclesiæ, quæ à Christi latere in cruce adaperto prouentura erat, Christus eum Satanam vocauit. Si igitur D. Petrus, id non præuidens, nec animaduertens, rem tractabat bona mente, in minam Ecclesiæ, non inconueniens est vt aliquis Petri successor, non satis instructus tentet rem, credendo bene facere, quàm alij, qui sunt in facto proprio, quique melius ipso cognoscunt quod controuertitur, clarè videant in perniciem Ecclesiæ cessuram. Auctor in doctrina est excellentissimus, & in persuadenda efficacissimus, nihilominus mihi nunquam, nec fortè vlli hoc lecturo persuaserit, hominem quemlibet mortalem, cuiuscunque fuerit dignitatis, non posse aliquando aut propria voluntate, aut humana infirmitate, opem ferre, etiam absque praua intentione, prauo cuiuspiam Dæmonis consilio:

concilio: & ab hoc neminem eximere tentet, quin eum prius exemerit ab hac prece, Et ne nos intimationem.

Author petit quænam sit ea fides quæ docet resistere Dei Vicario: respondeo fidem esse Dom. Cardinalis Bellarmini, qui formaliter sic loquitur: [Itaque sicut licet resistere Pontifici inuadenti corpus, ita licet resistere inuadenti animas, vel turbanti Rempublicam, & multò magis si Ecclesiam destruere niteretur: licet inquam ei resistere, non faciendo quod iubet, & impediendo ne exequatur voluntatem suam.] Hic igitur iuxta verbum Dei, Ephes. ultimo, agitur de resistendo dæmoni,] quem Deus occultissimis iustissimisque suis iudiciis & Arcanis, cōtra S. Ecclesię quietē machinari permittit.

Adfert author illud D. Pauli ad Hebræos, [Obedite præpositis vestris, & subiaceite eis,] quod factum gaudeo, primò quia non est hoc peculiare summo Pontifici, sed Episcopis & Parochis omnibus competit, ac proinde nil de Pontifice speciatim probat. Sed totus locus D. Pauli est adferendus, [Obedite præpositis vestris, & subiaceite eis: ipsi enim peruigilant quasi rationem pro animabus vestris reddituri,] vel ut Græcus textus habet, Obedite præpositis vestris, & subiaceite eis, inuigilant enim animabus vestris, tãquam pro his rationem reddituri. Quatenus præpositi inuigilant animabus, eatenus ipsis obediendum est perinde ac si diceretur, eis obediendum in rebus spiritualibus quæ ad animæ salutem attinent: & quoniam author adducit illud, si Ecclesiam non audierit, sit tibi sicut ethnicus, & publicanus: scimus Ecclesiam, ut ait D. Paulus, esse colum-

nam & basim veritatis, nec vnquam aliud edocturam, quàm Christi doctrinam, nec præcepta daturam nisi iuxta eam: sed Ecclesiam id iubentem quod author dicit, non audiuimus: ecce sophisma nostrum quod è pluribus nominis Ecclesiæ significatis nascitur. In hoc ipso loco, multi aucthores vertunt hæc verba, [dic Ecclesiæ, id est, Prælati Ecclesiæ:] nemo autem hoc de solo Pontifice intelligit, ergo de ipso vt & de aliis Prælati est accipiendum, non verò speciatim, seruatō tamen vnicuique gradu & loco suo, & intelligetur, si Ecclesiam non audierit, quum de excommunicationis ministerio loquentur, iuxta Ecclesiæ doctrinam. Iam verò notum est Reipublicæ Venetæ iura esse iuxta doctrinam Ecclesiæ, cū eodem modo sit in vsu in Regnis omnibus Christianis.

Hic scire cupio cur in illo Euāgelio quod legitur feria 3. post primam Dominicam quadragesimæ, vbi erat scriptum in Missali: [respiciens Iesus in discipulos suos, dixit Simoni Petro, si peccauerit, &c.] in Missalibus editis à paucis ab hinc annis, ea verba detraxerint. Scio non extare illa in libris Testamenti noui: sed multa alia quæ sunt in Missali, non autem in libris noui Testamenti, dicuntur ex traditione Apostolica prouenire: & aliquis dicet, quamuis id Euangelista non adferat, ex traditione tamen esse, quod ea verba Petro dicta fuerint: excogitanda erit distinctio, qua discrimen ostendatur huius ab aliis, quod licet factum esset, non obstat quin per multa annorum centena ita lectum sit, ac proinde creditum à fidelibus per tot secula, dictum fuisse

se Petro, Dic Ecclesiæ: atque ideò homonymia
vbi oporteret in Ecclesiæ nomine, & interpre-
tari dic tibi ipsi. Sensus etiam erit valdè co-
actus, si per Ecclesiam intelligatur sola quædam
persona, non tam quia vox id non patitur, quàm
quia Christus ipse interpretationem adferens
in verbis immediatè sequentibus, dixit: vbi
fuerint duo vel tres &c. adeò vt apertè declara-
uerit se per Ecclesiam intelligere conuentum
duorum saltem aut trium in suo nomine con-
gregatorum: sed de hoc, quia adfertur ad ex-
ponendum D. Chrysostomum, inferiùs loque-
mur, quum de eo etiam fusiùs author ager, o-
stendente D. Chrysostomum ipsi non fauere,
sed aduersari. Absoluat modò author tantope-
rè angi ob exiguam illam præfationem, cum
fortasse tanto labori parcere præstitisset, ope-
ram verò & tempus in causæ substantia colloca-
re.

Verùm tempus est vt ad considerationes Ger-
sonis ipsius accedamus, demonstrémusque ma-
nifestè, eas aut nihil ad negotium præsens facere,
aut erroneas esse.

Hic antequàm ad particularem defensionem
Gersonis transeam, pios lectores monere debeo,
authorem, siue arte & consilio quodam, siue alio
quopiam siue, semper repetere, tam in iis quæ vi-
dimus, quàm in sequentibus, ac Reipublicæ tribue-
re, quòd nolit agnoscere, nolit obedire, quòd con-
temnat summum Pontificem Christi vicarium,
& consimilibus aliis loquendi modis vti, a-
ptis ad conciliandum inuidiam, & maleuo-
lentiam apud vnumquemque qui exploratam

non habuerit presentem controuersiam, iustamque Reipublicę causam quod vt facilius etiam obtineri possit, videmus prohiberi, quantũ fieri potest, ne ipsius Reipublicę iura cognoscantur: quod tamen omni diuinę & humane rationi aduersatur.

Ad hoc dicam semel, cum author contrā, tot repetitionibus vtatur, hoc non esse, presens negotium syncerē tractare. Nam Respublica Veneta agnoscit, & obedit, vt semper hactenus, sanctę sedi Apostolicę: nec vllam nouitatem introducit: imò cum omni pietate & Religione conseruat ac defendit Sanctam fidem Catholicam, cui humana omnia postponit: verũ in causis tantũ temporalibus, vbi Pontifex manifestē, vel quod non sit instructus, vel ob aliena consilia, aliãve ob causam, Censuras intorquet contra iustitiam: ipsa cupit ac nititur intra Catholicę Religionis terminos, suam libertatem ac potestatem sibi à Deo concessam defendere, iuxta Dei & Naturę leges, & iuxta doctrinam piorum & Catholicorum Doctorum.

Sed an Gersonis considerationes ad rem faciant, nec-ne, vel an sint erroneę, nec-ne, sigillatim videbimus, prout author occasionem dederit.

1. Prima consideratio est, irregularitatem & excommunicationem principaliter inuiti contemptui clauium Ecclesię, hoc est, potestatis Ecclesiasticę. Hęc consideratio vera est, si per contemptum intelligatur inobedientia, vel vt rectiũs dicatur, contumacia, nec est contraria facto sanctissimi Domini nostri.

2. Secunda

2. Secunda consideratio est, Contemptum clauum posse interuenire tribus modis, directè, indirectè, aut apparenter. Ita dicit interpretès parùm fidelis: Gerson enim non declarat tertium modum verbo apparenter, sed verbo interpretatiuè: quæ verba ferè contraria sunt: apparens enim illud est quod apparet & non est, interpretatiuum quod non apparet, & est. Sed parùm facit hic error ad negotium de quo hic sermo est.

Primam considerationem quia ipse approbat, eam vt defendam aut aliud addam non opus est.

Secundam itidem considerationem, ceu veram admittit, nec Gersonem, sed interpretationem reprehendit: ac interpretem sibi propter documentum allatum valdè deuinxisset, nisi homonymia re totam confudisset. Verum est hanc vocem interpretatiuè, dici interdum de eo quod est, & nō apparet, tuncque idein valet quod tacitè, ac denotat quod non est manifestum, sed eget interpretatione, nec voci, verè; sed voci, expressè, opponitur: in hoc sensu dicitur, licentia interpretatiua, id est, tacita, non expressa: aliàs verò eadem vox de eo dicitur, quod apparet, & non est, vt si dicatur non salutare interpretatiuè, esse contemptum, id est, videri contemptum, quamuis fortè non sit, & hoc modo interpretatiuè, opponitur voci verè. Nescio quem Gersonis textum habuerit Interpretès, sed in meo edito anno 1494. sub finem huius considerationis hæc habentur formalia verba, [& isto modo reperitur cōtemptus in omni peccato, præsertim mortali, directè, vel indirectè, verè, vel interpretatiuè] Si igitur verè, opponitur, interpretatiuè, non potest interpretatiuum esse quod

non apparet, sed est, vt ait Author : nam quod non apparet, sed est, in seipso verum est. Et quamuis hoc ad fidem & integritatem declarandam sufficiat, addam tamen Gersonem dicere in tertia consideratione, contemptum tertiæ speciei, qui est interpretatiuus, non semper excommunicationem Ecclesiæ mereri: si non semper excommunicationem meretur, eam igitur aliquando meretur, sed quod est, & non apparet, nullo modo censuris Ecclesiæ potest esse obnoxium, vt affirmant Theologi & Canonistæ omnes, ergo interpretatiuum non est illud quod non apparet, & est. Credo equidem his Authori satisfactum esse, ac proinde solutam esse malę fidei obiectionem ab ipso factā Interpreti: quam dum in Authoris proœnio legerem, existimabam visurum me in progressu multa loca, quæ malę fidei arguerentur, sed postquàm totum perlegi, aliud non inueni quàm hoc solum nomen, cum additione hac: sed parùm facit hic error ad negotium de quo hîc sermo est: miratus sum quidem redargui quempiam malę fidei, propter vocem quæ parui sit momenti, & in qua notanda peccatum sit homonymiâ, quę in eo ipso loco à Gersone declaratur:

3. Tertia consideratio est, contemptum clauium primo & secundo modo rationabiliter mereri excommunicationem, ac proinde irregularitatem: tertio verò modo non semper Ecclesiæ, sed Dei quidem excommunicationem mereri, qui enim lethaliter peccat, à Deo excommunicatus est. In hac consideratione mali nihil continetur, quàm in vltimis verbis: nam propriè loquendo de excommunicatione, non verum est eum, qui lethali-

liter

liter peccat, à Deo excommunicatum esse : aliàs enim peccatores absque nouo peccato non possent interesse Missæ, aut aliis diuinis officiis, quod falsum esse omnibus constat.

In tertia consideratione videre est immodicum reprehendendi appetitum non minùs alio quouis affectu homines transuersos agere : non enim reprehendit quod Gerson hîc concludit, imò totù pro vero admittit: sed verbo cuidam per accidens dicto adherens eum reprehendit quòd malè loquutus sit, quia dixerit eum qui lethaliter peccat, à Deo excommunicatum esse : & ait non verum hoc esse, propriè loquendo de excommunicatione, aliàs non possent peccatores absque nouo peccato interesse Missæ. At respondeo propriè dici omnem peccatorem esse à Deo excommunicatum, nam excommunicatio nomen est genericũ, quod omnem Communionis priuationem significat: sed duæ sunt Christianorum communiones, altera interior in charitate cum Deo & Sanctis, & hæc est Communio propria, ideòque priuatio eius est excommunicatio propria : altera Communio est inter membra Ecclesiæ militantis, quæ necessariò charitatem non requirit, atque huic communioni opponitur excommunicatio, quæ Censura est Ecclesiastica: & iuxta hanc, omnis peccator non est excommunicatus, ac ideò Missæ potest interesse, quod necessariò charitatem non requirit : non dixit Gerson. excommunicatum esse excommunicatione censuræ Ecclesiasticæ: D. Augustinus 12. Genes. ad literam, cap. 40. dixit, [Adā ab esu ligni vitæ excōmunicatus fuit, & Gratianus 11. quæst. 3. post. c. ad mēsam dicit: scilicet & Adā ab

est ligni vitæ excommunicatus est:] & post cap. [non solum,] dicit: [quare ex reatu adulterij iamdiu apud Deum excommunicatus fuerat:] quod formaliter est iuxta Gersonis verba. Sed prætereà, quomodo Græce dicitur excommunicatio, nisi anathema? imò nostri excommunicationem maiorem ab anathemate non distinguunt: & D. Paulus dicit, [Cupiebam anathema esse à Christo,] & alibi, [Si quis nō amat Dominum nostrum Iesum Christum, sit Anathema.] Iam igitur qui D. Paulū volet reprehendere, dicat ipsum improprie loqui: siquidem omnis peccator quia non amat Dominū Iesum, est anathema: tuncque licebit dicere Gersonem malè loquutum esse: non oportebat, quamuis aliqua improprietas adfuisset, vero Gersonis sensu percepto, qui de excommunicatione quæ est censura Ecclesiastica, non loquebatur, nullōque in re ipsa existente dissidio, verbis vim inferre in rebus hīsce nullius momenti. Atque hoc mihi suffecisset: verum ex D. Augustini, Gratiani, & D. Pauli citatione, ostendere volui authorē id ipsum reprehendere quod in Gersone laudandum erat.

4. Quarta consideratio est, contemptum claviū neutro modorum prædictorum dicendum esse interuenire, quando manifestè & notoriè prælatus abutitur potestate clauium. Hęc consideratio est vera de abusu clauium in re essentiali, qualis esset, si Prælatus potestatem suam excederet, aut non præmissa admonitione vlla excommunicaret, aut præciperet sub pœna excommunicationis, res diuino præcepto contrarias. Tunc enim cum D. Petro dicendum esset, [Obediendum est magis Deo quàm hominibus,] Actor. 5. Sed licet vera sit
doctri-

doctrina Gersonis, nihilominus Interpretis scopus multum esse potest venenosus, quia forte persuadere vult hominibus ut credant, excommunicationem latam à sanctissimo domino nostro, abusum esse notorium clauium, cum è contrario legitimus & sanctissimus sit, ut clarè demonstrari posset, si de hoc agendum foret.

Hæc consideratio ab Authore admitti poterat, siquidem nihil habet quod in ea notet: limitatio quam affert, quod abusus clauium manifestus & notorius, fidelem à contemptu vindicet, dicendo id verum esse si abusus sit in re essentiali, superflua est: quis enim vult dubitare sic intelligendum esse? Vox ipsa, abusus, significat: quum verò addit author, Sed licet vera sit doctrina Gersonis, nihilominus Interpretis scopus multum esse potest venenosus.

Hoc sanè est aduersus umbras pugnare, scilicet rebus tantum possibilibus sese opponere, ac solis duci coniecturis. Estne hoc D. Pauli præceptum de non iudicando proximo, donec ipse Dominus cordis arcana reuelet? estne hæc ea charitas quæ non cogitat malum? Doctrina Gersonis bona est: Interpres eam non applicat, non vltius loquitur, nil addit de suo: interim tamen dicitur Interpretis scopum multum venenosum esse posse: quum aduisset vox aliqua, quæ in dextram aut sinistram partem inflecti potuisset, Christianæ charitatis erat eam in bonam partem interpretari: sed excogitare quod potest esse, ut quis accusetur ac notetur, officij limites excedit. Scopum venenosum quem habere potest Interpres, declarat, quum ait, velle ipsum fortè ut

MMm j

homines credant excommunicationem à Domino nostro latam, notorium esse clauium abusum, cum è contrario vsus legitimus & sanctissimus sit, vt clarè demonstrari posset, si de hoc agendum foret.

Nescio qua de re agatur: scio tamen de hoc agendum esse, tanquam de eo quod in cōtrouersia, quòdque litem terminaret, quæ sine hoc teminari nequit. Immo vellem de hoc author egisset, aliâque omnia ceu parum ad rem facientia, seposuisset.

§. Quinta consideratio est, Prælatum abutentem potestate clauium, magis spernere claues, & grauius peccare, quàm subditum non obediens suo Prælato, atque hinc colligi, opus quandoque meritorium esse in eiusmodi negotiis Prælato in faciem resistere, vt Paulus S. Petro resistit. In hac consideratione multa dicenda essent, sed quia ad rem nostram faciunt, duo tantum dicemus. Primum est, doctrinam Gersonis parum securam videri, vt enim relinquuntur comparationes, quæ secundum varias circūstantias variari possunt, ex quibus oriri potest, vt modò Prælatus malè sua potestate vtens, modò subditus non obediens peccat, si consideretur solum, ipsum malè vti potestate, & ipsum non obedire potestati, grauior noxa est obedire nolle, quàm vti malè potestate: qui enim abutitur potestate, facit peccatum iniustitiæ, & hominem sibi subditum offendit: qui autem obedire non vult Prælato iuste præcipienti, & eius excommunicationem spernit, peccatum rebellionis committit, & in ipso Vicario diuinam Maiestatem offendit. Ita enim dicit Chri-

Christus Qui vos spernit, me spernit, Lucæ 10. & Apostolus 1. ad Thessal. c. 4. Qui hæc spernit, non hominem spernit, sed Deum. Et hic contemptus Dei in persona Vicarij à Samuele Propheta 1. 1. Regum c. 15. species quædã idololatrię appellatur.

Ad hoc quòd multa dicenda essent, nec ab auctore dicta sunt, respondere non possum, nec vti coniecturis ac temerario iudicio peccare debeo. Duo opponit: primum est doctrinam Gersonis parùm securam videri, nam secundum varias circumstantias fieri potest, vt modò plus peccet Prelatus sua potestate abutens, modò subditus non obediens.

Nunquam author inueniet vllum Theologum, qui quum inter duo peccata comparisonem instituit, maius quærat ex circumstantiis, sed duxat ex genere: cõsideratio ex circumstantiis est infinita, & nullus sapiens philosophatur super eo quod infinitè variari potest: & D. Thomas 2. 2. q. 39. art. 2. formaliter ait. [Dicendum quod gravitas peccati dupliciter potest cõsiderari, vno modo secundum suam speciem, alio modo secundum circumstantias. Et quia circumstantię peculiare sunt infinitæ, ita & infinitis modis variari possunt, cum quæritur in communi de duobus peccatis, quod sit gravius, intelligenda est quæstio de gravitate, quæ attenditur secundum genus peccati.] Hęc propositio verissima est & maximè formalis: homicidiũ peius est furto: poterit tamen homicidium circumstantias habere tam alleuantes, furtum verò tam aggrauantes, vt furtũ euadat maius: qui doctrinã authoris pro vera sequeretur, difficulter posset inter duo peccata comparationẽ instituire.

MMm ij

Præterea Gerson ipse declarauit sibi non propositum esse comparare ex circumstantiis, sed ex genere, quum ait, comparationem faciendo ex abusu tantum: Author proculdubio verba hæc non animaduertit: non enim obiectionem suam proposuisset. Egreditur ipse demum & contrarium affirmat, dicens, si in se hæc considerentur, abusus potestatis, & inobedientia potestati, grauius esse peccatum obedire nolle, quam abuti potestate.

Et rationem adfert, qui enim abutitur potestate, hominem sibi subditum offendit: qui autem obedire non vult Prælato iuste præcipienti, & eius excommunicationem spernit, peccatum rebellionis committit, ac in suo Vicario diuinam Maiestatem offendit, nam qui vos spernit, me spernit &c. Et qui hæc spernit, non hominem spernit, sed Deum: & Samuel hunc Dei contemptum in suo Vicario, speciem Idololatriæ appellat. Hic duos authores oppositos habemus, alterum à prauis affectibus, liberum, cum obdormiuerit in Domino iam ante 150 annos, alterum qui etiamnum uiuit, & qui ex hac controuersia compendium quærit.

Videamus igitur vtriusq; & primum authoris rationes. Verba [qui vos spernit, me spernit] superius ostendimus dicta esse Prædicatoribus, qui doctrinam Christi annuntiant: Lector locum videat, & planè discet quomodo id intelligatur: sed annectat illud quod iudicij die Christus dicet reprobis, [Quandiu non fecistis vni de minoribus his, nec mihi fecistis.] Vnde scripturæ etiam authoritate ostenditur Christum injuriam sibi fa-
ctam

etā reputare, eam quæ fit vnicuiq; fideli: hoc verò Domini dictū in Euangelio, Quādiu non fecistis, nō citatus est extra sensum suū literalem: est enim charitatis opus, admonitio & correctio, vt è contrario, cum austeritate imperare, & cum potentia, est contra charitatem. Illud diui Pauli, [Qui hæc spernit, non hominem spernit, sed Deum, videre non possum quomodo ad rem faciat: quum D. Paulus ait, [Qui hæc spernit,] loquitur de rebus à se dictis, & idèd qua ratione potest hoc applicari præceptis Prælati? Rogat D. Paulus Thessalonicenses, vt operentur & progressum faciant iuxta Dei præcepta: scitis, inquit, quæ præcepta Christi nomine vobis dederim, eaque recenset, vt sint mundi, vitent fornicationem, ac fraudem proximi, & ita concludit, [Qui hæc spernit, non hominem spernit, sed Deum, qui etiā dedit Spiritum sanctum in nobis:] Vnusquique ex verbis D. Pauli manifestè intelliget ipsum significare hoc voluisse, Deus hæc præcepit, & ego ipsius præcepta declaravi, qui ea spernit, Deum spernit, qui Spiritum sanctum mihi dedit, vt præcepta illa vobis declararem: hoc iam rebus nostris applicemus, etiam si applicatio hîc non scribatur & concludamus, Pontificem, quum Dei præcepta significabit, posse adiungere, Qui hæc spernit, non hominem spernit, sed Deum. At sanè aliquem huius seculi cum diuo Paulo comparare, & hominis cuiuslibet decretum, cum scriptura Canonica, nescio quā æquum piæ conscientiæ id iudicaturæ sint: poterat diuus Paulus scripturam Canonicam scribens, ac certum exploratūque ha-

M M m iij

bens, Deum sibi adesse in particulari illo negotio, ne vel minimum errorem committere posset, liberè dicere, [Qui hæc spernit, non hominem spernit, sed Deum: sed alius qui certò sciet Spiritum sanctum sibi adesse, nisi quum determinat materiam de fide ex Cathedra, non poterit de aliquo suo decreto, extra materiam de fide, liberè dicere, Qui hæc spernit, non hominem spernit, sed Deum. Magna est etiam animositas supradictæ similis, huc adferre Samuelis dictum, 1. Regum 15. [Quasi peccatum ariolandi est repugnare, & quasi scelus Idololatriæ nolle acquiescere.] Samuel vt Propheta, Sauli iuxta expressum Diuinum præceptum iniunxerat, ne Amalechitarum vllum in viuis relinqueret, & omnia quoque ipsorum animantia occideret: Saul Regem Agag exemit, & armenta pro sacrificiis: dixit Samuel, Deum malle vt obediretur ipsius præcepto, quàm sibi offerrentur sacrificia, & esse quasi peccatum Idololatriæ, diuino præcepto non acquiescere. Audebitne iam author noster præceptum humanum erroribus obnoxium, cum expresso præcepto diuino conferre, quod Canonica est authoritatis? Si adesset hîc aliquis authoritate Prophetæ & scriptoris Canonici munitus, qui Dei nomine quippiam diceret, esset quasi scelus idololatriæ nolle acquiescere: sed non ferunt aures piæ, res hoc modo diuinis æquiparari. Periculosum est hominem aliquem æquare. Deo debitam Præsulibus obedientiam persuadere, sanctum est: eam extra suos terminos extendere, & scripturis canonicis æquare,

quare, & eandem potius deprimit quàm extollat. Quis hîc poterit non valdè mirari? Samuel annis plus 1100. ante quàm ullus esset papa, dicit, non obedire expresso Dei præcepto per os suum propheticum dato, esse quasi Idololatriam: & author noster ait, Dei contemptum in ipsius Vicario, vocari à Samuele propheta, 1. Regum, 15. speciem Idololatriæ.)

Non negabit author diuum Petrum fuisse primum Dei Vicarium: Deum in Veteri Testamento Vicarium non habuisse: prophete authoritatem in veteri Testamento, etiam in rebus minimis, erroris expertem fuisse: Christi Vicarium in Nouo Testamento errare posse, exceptis rebus de fide, ac de moribus in genere, ex Cathedra: igitur quî potest author dicere absque nostri subsannatione, Samuelem prophetam vocare hunc Dei contemptum in ipsius Vicario, speciem idololatriæ? Inter tot res graues, ad leuem aliquam trahor. Interpretatur hîc author noster, [Quasi scelus idololatriæ,] Speciem idololatriæ, ac si quis ita inferret, nonaginta nouem sunt quasi centum, ergo nonaginta nouem sunt species centum.

Hoc sanè non dixissem, nisi ipse vbi non opus est, rigidum nimis censorem se exhiberet aduersus Gersonis Interpretem: sed ad sensum reuertamur. Ecce, Lector, artificium: omnia peccata sunt contra Deum, sed quedam immediatè maiestatem diuinam lædunt vt nominis sui blasphemia, idololatria, & eiusmodi: alia sunt contra proximum immediatè, & mediatè contra

Deum, cuiusmodi sunt adulterum, homicidium, furtum: huius generis sunt duo illa peccata de quibus agimus: nam inobedientia subditi suo Superiori, immediate est contra hominem, sed tandem in Deum desinit: imperium tyrannicum Superioris, est immediate contra subditum, sed mediate contra Deum: Author noster ut simplicitatem nostram deludat, quum loquitur de potestatis abusu dicit esse contra subditum, quum verò de inobedientia, dicit eam offendere Maiestatem divinam in ipsius Vicario. Si quis contra, sic diceret, Presul sua potestate abutens, Deum offendit in ipsius creatura: qui contemnit excommunicationem, offendit hominem: quid esset dicturus? sed nos sincere agentes, res equemus. Inobedientia Deum offendit in superiori: qui potestate abutitur à Deo concessa, Deum offendit in subdito. Nunc videamus utram harum in Deum offensarum maior sit. D. Thomas qui peccata sæpe inter se confert, semper ait, peccatum esse boni priuationem, ideoque peccatum esse maius quò maius est bonum cuius priuatio sequitur: lector itaque in 2.2. quest. 150. art. 3. 154. ar. 3. 39. art. 2. & alibi passim hæc videre potest: bonum quo priuat inobedientia, est particulare bonum subditi, nempe virtus propria obedientiæ: bonum quo priuat potestatis abusus, est bona Ecclesiæ gubernatio: hoc bonum est multò maius, tum quia bonum publicum maius est particulari, tum quia bene imperare, maior est virtus, quàm bene obedire: & hæc est ratio qua Gerson nititur, quæ solida est, nec ab authoritatibus extra proprium sensum allatis depen-

dependet. Qui vellet etiam ex malo quod sequitur, peccati gravitatem pendere, vel ex persona quæ illud committit, quamvis hæ sint accidentales considerationes, ac primæ sit adhærendum, non his: tamen maius præbet omnibus scandalum, ac maius affert exitium simplex potestatis abusus, quàm centum inobedientiæ: & persona superioris, ut eminentior, officium facere, magis apud Deum tenetur.

Alterum est, quòd licet in casu aliquo meritum esse possit resistere in os Prælati, nihilominus ordinariè res est scandali plena & gravis noxa. Adducere verò hanc considerationem ad præsens negotium, ut subditi ad spernendum Vicarij Christi decreta incitentur, res amandanda est. D. Paulus enim non restitit D. Petro in materia obedientiæ, sed in materia certæ cuiusdam observantiæ legalis, & ita placuit Deo, ut innotesceret omnibus D. Petri humilitas, permittere ut in vno aliquo articulo legalis observantiæ, D. Paulus magis illuminaretur, quàm diuus Petrus: & ea de causa D. Petrus fraternam D. Pauli correctionem libenter tulit, præsertim cum D. Paulus esset Apostolus, nec minùs repletus Spiritu sancto quàm D. Petrus: verùm in materia obedientiæ & reuerentiæ, scimus D. Paulum subditos semper admonuisse ut Præsulibus suis obedirent, quin & ipse Ierosolymam venit visitare D. Petrum, & conferre cum ipso Evangelium quod prædicabat: licet id ipsum quoque ex revelatione haberet, ut de se ipso testatur Paulus in epist. ad Galat. c. i. Quenam igitur erit hæc consequentia: D. Paulus Apostolus, vas c-

lectionis, ausus est D. Petrum admonere : ergo meritoriè operabuntur laici resistentes in os summo Pontifici, quum aliquid illis præcipit sub pœna excommunicationis ? Hæc consequentia non esset boni Dialectici, sed peruersi schismatici.

Nescio cur hoc secundæ obiectionis loco Gersoni adferatur, quòd quamuis aliquando sit meritorium Præsuli resistere, ordinariè tamen res sit scandali plena: siquidem Gerson dicit, quandoque meritorium esse, ac in honorem cedere potestatis Ecclesiasticæ, ut resistatur in faciem cuiusmodi Præsulis, cum moderatione quæ legitimæ defensionis limites non excedat, sicut D. Paulus restitit D. Petro: author mihi videtur idem quod Gerson dixisse, nisi quòd Gerson id totum declaravit, quod ad hoc propositum dici oportebat, limitationem addens irreprehensæ defensionis, ita namque clarius explicari videtur Gersonis dictum, cum appositione inculpatæ tutelæ. Cum defensio sit inculcata, quid amplius requirit author? quis audebit dicere, scandalum esse vel excessum in inculcata defensione? nec author huc proferat suum, ordinariè est scandalum: nos enim pace ipsius dicemus in genere, quum in Præsule manifestus erit abusus potestatis, & inculcata tutela in subdito, semper verum fore, quòd resistere sit meritorium. Atque hic est casus quem Gerson intelligit, dum ait, [quandoque] & aureis verbis limitat, ut videre est, quémque author exprimit his verbis, [in casu aliquo meritorium esse potest: ac mihi videtur illud hoc loco Gersoni

obiici

obiici quod eiusdem sententiam confirmat. Verum pergit author his verbis : Proferre hanc considerationem ad præsens negotium , res amandanda est. Hoc non est contra Gersonem , sed contra Interpretem : quasi cum ipse attulerim duodecim illas Gersonis considerationes , simul etiam dixerit , omnes has duodecim ad præsens negotium facere : erat sanè libellus integer afferendus : ad lectorem verò spectat id applicare quod congruum est. Igitur quia in consideratione noua Gerson ait : Si Pontifex Ecclesiæ thesauros vellet rapere , aut hereditatem vsurpare , aut totum Clerum cum suis bonis in seruitutem adigere , aut eum sine causa iure suo spoliare : Author Interpreti obiicere poterit , ipsum hoc attulisse ad præsens negotium , ac innuere velle , Pontificem rapere thesauros Ecclesiæ , &c. Non ita est , sed fortasse cum author optime viderit rationes ob quas quinta hæc consideratio ad rem faciat , eas audacter etiã tribuit Interpreti. An verò D. Pauli exemplum benè à Gersone citetur , nec-ne , non dicam aliud , nisi Cardinalem Gaetanum illud etiam ad rem eandem citare in suis opusculis : Cardinalis verò Bellarminus Gaetanum ad hanc rem citat lib. suo secundo de Roman. Pontif. qui locus videri potest : & hoc etiam exemplum ad hanc rem citatum est à Dominico Soto , à Francisco Victoria , & aliis celeberrimis doctoribus. Verum est quod author ait , D. Paulum non restitisse D. Petro ratione excommunicationis , tunc enim eiusmodi fulmina in vsu non erant , ac D. Paulum contra Corinthium incestuosum egisse omnino iuxta Christi institutionem : sed

verum est etiam, D. Petrum in facto de quo loquimur, tacite exemplo suo, præceptum dedisse omnibus iis qui illicaderant, idque dicit D. Paulus, [Et simulationi eius consenserunt cæteri Iudæi, ita ut & Barnabas duceretur ab eis in illam simulationem:] tacito huic præcepto restitit D. Paulus, nec dicat author, non agi de præcepto & obedientia, nam plus satis hac de re agitur, imò valet optimè consequentia, si resisti possit superiori in aliquo præcepto, quod tacite dat exemplo suo, multò magis expresso & fulminatorio resisti posse.

Nescio cur post hæc adducat author historiam, quòd D. Paulus venerit visitare D. Petrum, & cū eo conferre Euangelium quod prædicabat: scio quidem Scripturam non ita loqui: hæc sunt verba: [Deinde post annos tres veni Ierosolymam videre Petrum, & mansi apud eum diebus quindecim. Alium autem Apostolorum vidi neminem, nisi Iacobum fratrem Domini: quæ autem scribo vobis, ecce coram Deo, quia non mentior, deinde veni in partes Syriæ &c.] Extat quidem in alio capite, [Deinde post annos quatuordecim iterum ascendi Ierosolymam cum Barnaba, assumpto & Tito: ascendi autem secundum revelationem, & contuli cum illis Euangelium quod prædico in gentibus.] In primo itinere sermo fit de visitatione D. Petri, sed nihil de conferendo cum ipso: in secundo, nihil de visitatione, sed de conferendo agitur, non cum D. Petro, sed cum illis, verum est inter illos fuisse D. Petrum: Author pro unico posuit duo itinera D. Pauli à se inuicem plus annis 14. distantia, & illud, contuli cum illis, quod intelligitur cum tota Ecclesia Ierosolymitana, vel si
mauis,

mauis, cum tribus Apostolis, Iacobo, Cepha, & Iohanne (quos D. Paulus hoc ordine recenset) author verò intelligit, conferre cum Petro. At scire vellem, cur de hac agens collatione , non subiurgat: [mihi enim qui videbantur esse aliquid, nihil contulerunt. Sed contrà, cum vidissent, quòd creditum est mihi Euangelium preputij, sicut petro circumcisionis : qui enim operatus est Petro in Apostolatam circumcisionis , operatus est & mihi inter gentes, & cum cognouissent gratiam , quæ data est mihi, Iacobus , & Cephas , & Iohannes, qui videbantur columnæ esse , dexteras dederunt mihi, & Barnabæ, societatis, vt nos in gentes , ipsi autem in circumcisionem , tantum vt pauperum memores essemus:] quia fortè ex his verbis consequentiam deduxisset. Duas Scriptura commemorat D. Petri actiones , ob quas post acceptum Spiritum S. reprehensus fuit, alteram in epist. ad Galatas, secundam, cap. II. Actorum Apostol. quū Iudei conuersi aduersus D. petrū rixati sunt quòd Gentiles in Ecclesiam recepisset. In prima, culpa aliqua fuit in D. Petro : in secunda , reprehensus fuit immeritò. D. Paulus de Veteri Testamento dixit: Quęcunque scripta sunt, ad nostram doctrinam scripta sunt : id nos tum de Veteri, tum de Nouo dicere possumus, ideòque in secundo exēplo docetur superior qua charitate & doctrina subitum instruere debeat, sibi resistentem, etiam præter rationem: D. Petrus Hebręos illos non excommunicauit, sed reuelationum diuinarū auctoritate instruxit: Author verò aliquo Scripturę exēplo probet aliter agendum fuisse cum Republ. Veneta, & acquiescimus. In altero exēplo epist. ad Ga

latus, cum non exprimatur quid Petrus responderit sed id tantum quod D. Paulus opposuit, non est Præsuli documentum, sed inferiori, ut gerere se debeat quum superior potestate abutitur. Et hoc ipsum ostendit quam alienum sit à vero Scripturæ sensu, quod Deus successum hunc ita disposuerit, ut D. Petri humilitatem ostenderet: illius enim sancti responsum addere oportuisset, verum è contrario Scriptura id reticet quod D. Petrus dixit, & gravem tantum D. Pauli reprehensionem refert, ut ostendat exemplum hoc dari non ob D. Petri humilitatem, sed ut subditi edoceantur, quo pacto se erga suos superiores gerere debeant: cumque nullius scandali propterea apud ullum orti mentio fiat, si quod etiam oriatur hoc tempore, illud acceptum fore, non datum, sperare possumus. Si author alium quempiam scripturæ locum habet, ubi Superior aliquis suos terminos excesserit, nec inferior sese, ut par est, opposuerit, cum ostendat, nam itidem acquiescimus. Hanc facimus consequentiam formalem & optimam, D. Petrus erravit, ergo omnis Pontifex errare potest. D. Paulus humillimus ei resistit, ergo resistantiam non damnavit in aliquo minoris humilitatis. Verum ut vim huius consequentiæ videat, dicam ei Gaietanum in tract. de authoritate Papæ, & Concilij, asserendo resistendum esse in faciem Pontifici, potestate abutenti, post multum sermonem, ita loqui: [Abusui namque potestatis, qui destruit, obuiam eant congruis remediis, non obediendo in malis, non adulando, non tacendo, arguendo, aduocando illustres ad increpandum, exemplo Pauli &c. Ergo Cardinalis Gaietanus non bonus Logicus, sed peruersus

sus schismaticus fuit, qui eiusmodi consequentiam fecerit. Sed hanc aliam consequentiam, D. Paulus subditos hortatur ad obediendum suis praelatibus, & venit visitare D. Petrum, ergo obediendum est quum potestatis est abusus: Auctori nominanda ut voluerit, relinquo: quod si dicat, se non de abusu loqui, sed de legitimo potestatis usu, Gerson de solo abusu, non de usu loquebatur, & omnes eos damnamus qui non obediunt suis superioribus praeipientibus ex eius praescripto qui potestatem ipsis concessit, quemadmodum superiores damnamus qui eam abutuntur.

6. Sexta consideratio est, Interuenire posse eiusmodi casum, ut aliquis non obediendo praelato sit contemptor clauium, ubi & quando alius in eadem sententia non obediens, nullo modo contemptus sit reus: Vnus enim reputat sententiam praelati iustam esse, aut quomodolibet obediendum illi: alius autem non, sed scit certo, aut probabilitate sufficienti, suum praelatum male uti potestate clauium.

In hac consideratione nil aliud dicendum occurrit, quam non sufficere qualemcumque probabilitatem, nec probabilitatem qualiscunque abusus potestatis clauium, ad hoc ut ad obediendum praelato obligati non simus. Quinimodo iuxta communem doctrinam, ut aliquis non sit obligatus obedire, oportet ut certum sit & notorium, praelatum in re, essentiali sua potestate abuti. Est enim regula vniuersalis D. August. l. 22. contra Faustum capit. 75. & ab aliis recepta; obligatum esse subditum ad obediendum, non solum quando constat superiorem nihil Deo contrarium iubere, sed etiam quando non est certus cum

aliquid præcipere quod Deo sit contrarium: in casu namque dubio obsequendum est iudicio superioris, & non proprio: & tunc solum obediendum non est, quando certum est, eum Deo contraria præcipere: est enim, ut supra diximus, Deo obediendum magis quam hominibus.

In sexta consideratione non nisi mirari possum, quod author contradicendi studio, limitationem afferat, quam Gerson itidem paucioribus & clarioribus verbis exprimit. Nam Gerson ait, contingere posse ut in eodem casu aliquis esset inobediens per contemptum, alius verò minimè, quando ille sententiam iustam reputat, vel alia de causa Præsuli obedientiam deberi, hic verò talem eam non reputat, sed certò scit; aut sufficienti probabilitate, Prælatum suum male uti auctoritate sua in præiudicium clauium: sic author limitat, non sufficere quamlibet probabilitatem: non dicit Gerson quamlibet probabilitatem, sed probabilitatem sufficientem: ipse autem dico, affirmo & assevero sufficientem probabilitatem sufficere, & in rebus humanis ac moralibus, maiorem hac certitudinem haberi non posse, nec ullum dicturum puto, id quod sufficiens est, non sufficere, quin sibi contradicat. Propterea quicquid author dicit multis verbis, vno eoque perspicuo verbo à Gersone dicitur, simulque conueniunt. At nollem ut quis ex eo deciperetur quod subiungit author: in casu dubio obsequendum esse iudicio Superioris, & non proprio: nam casus dubius bifariam accipitur, vel ei dubius est qui certò illud scire neglexit: vel dubius ei qui post debitam diligentiam, non potuit certam eius habere

habere notitiam : primo modo , qui dubitat an aliquod præceptum Deo repugnet , tenetur id omnibus modis , & per se , & aliorum ope explorare , aliàs in Deum peccat , exponens sese periculo resillendi legi diuinæ. Qui verò post omnem diligentiam dubius adhuc manet , is iuxta Doctorum sententiam Superioris iudicium sequi debet. Credo equidem hanc authori esse mentem : sed vitandæ homonymiæ , omnes enim falsæ doctrinæ bonarum titulo velatæ subeunt. Ac tam sæpe nobis inculcat , subditum obedire teneri , non solum quando certus est Superiorem nil contra Deum præcipere , sed etiam quando dubitat an aliquid contra Deum præcipiat : nam in casu dubio , Superioris iudicium , non proprium sequi debet , tuncque solum obedire non debet , quum certò scit ipsum rem Deo contrariam præcipere : tam sæpe , inquam , id inculcat , vt cogamur ei regerere , non esse veram eius assertionem , nisi quum subditus , post sufficientem consultationem , non est certus Superiorem contra Deum aliquid iubere : & in casu dubio , post consultationem , ei sequendum esse iudicium Superioris : tuncque obedire non debere , quum certus est ipsum contra Deum aliquid iubere , at si dubius sit eo quòd rem non considerarit , eam attentè considerare teneri priusquàm obediat.

Nollem tamen author conclusionem hanc inde inferret , quòd quemadmodum subditus obedire tenetur in re insuperabilis ambiguitatis (sic enim loquar ad homonymiam vitandam) ita superior in re eiusmodi iubere possit : semper enim peccat , quum iubet illud quod non certò scit esse obligatorium : sic concludit & probat Adrianus Quod I. quia Su-

NNn j

perioris authoritas ad res dubias non extenditur, estque contra legem naturalem (ait Adrianus) affirmare, clauium authoritatem ad res dubias extendi: verum subditus in re insuperabilis ambiguitatis obedire tenetur, sibi namque persuadere debet, id quod sibi dubium est, non esse dubium Superiori: at si constet subdito, dubium id etiam esse Superiori obedire planè non tenetur. Non superfluum erit repetere, dubium illud quod subditum obligat, duas condiciones necessariò requirere, alteram vt sit dubium ipsi insuperabile, alteram vt nesciat Superiorem id etiam habere pro dubio.

Septima consideratio est, Contemptum clauium inuestigandum esse ex potestate legitima, & vsu legitimo potestatis illius, atque ideò glossa indigere dictum illud commune: Sententia Pastoris vel Iudicis etiam iniusta timenda est. Hæc est optima consideratio, & glossa huius dicti communis reperitur in sacris Canonibus, in quibus illud ipsum dictum extat, in decreto scilicet Gratiani II. quæstion. 3. per multa capita, & summa est, sententiam Pastoris timendam esse, quando iniusta quidem, sed valida est, quum scilicet nulla pars essentialis deest, sed solùm accidentaria: exempli gratia, legitimus Prælatas excommunicat suum subditum iustam ob causam, præuia admonitione, non ex zelo puræ iustitiæ, sed odio particulari, quo illum prosequitur, aut omiſsa trina præmonitione, aut declarata sententia in scriptis, eiusmodi excommunicatio iniusta est, sed valida, atque ideò timenda. Quando etiam reipsa inualida esset, talis autem non haberetur, similiter timenda est. Nec laboro in probatione horum, sunt enim

enim luce clariora , vt nec ipse Gerson ea negare possit. Et ex hac consideratione colligere quisque poterit, sententiam sanctissimi Domini nostri Pauli V. in capita Reipublicæ Venetę intortam, requisita omnia habere tam essentialia quàm accidentalialia, ideóque timendam, cùm non modò valida, sed etiam iustissima sit. Si namque potestatem legitimam desideres, suprema ea est à Deo data, vniuersalissima in omnes qui se oues ouilis Christi, & membra mystici corporis Ecclesiæ, & ciues ciuitatis Dei, & domesticos domus Dei appellari volunt. Potestatem vniuersalem esse, liquidò constat his verbis: [Quodcunque ligaueris, & quodcunque solueris.] Matth. 16. Esse in omnes, ex illis verbis colligitur, [Pascere oues meas,] Ioh. 21. vbi non restringitur potestas ad has aut illas oues, sed includuntur omnes quæ ipsius sunt, & qui hoc non credit, non est orthodoxus. Si vsum legitimum requiris, inuenies non defuisse multas præmonitiones, nec aliquid eorum quæ ad iudiciarium ordinem requiruntur: Si causam: fuit hæc defensio immunitatis Ecclesiasticæ, quam sacrum Concilium Tridentinum sess. 25. capit. 20. fundatam esse dicit in ordinatione diuina, & in sacrorum Canonum constitutionibus, pro quibus scimus multos Præsules usque ad mortem decertasse: ac Deus S. Thomam Cantuariensem multis ideò miraculis illustrauit, & verum Martyrem suum declarauit, vt eum postea talem Ecclesia declarauit, quòd sanguinem pro eiusdem Ecclesiæ libertate profuderit.

In septima consideratione, visum est Authori
 NNn ij

Glossam adferre vulgati huius dicti: Sententia Prælati aut Iudicis, etiam iniusta timenda est: quam Gerson, ceu notissimam, & ab omnibus Doctorebus propositam, omittendam censuit. Quinimò non solum authoris verbis subscribo, sed addo quoque sententiam euidenter inuvalidam, certo quodam modo timendam esse, id est non superbè contemnendam, sed cum modestia & reuerentia executionem eius impediendam esse. Verùm licet adducta Glossa bonam doctrinam contineat, non bona tamen est consequentia quam inde vult elicere sententiam scilicet Pontificis, de qua est controuersia, omnia requisita habere, tam essentialia, quàm accidentalia, & non modò validam esse, sed etiam iustissimam. Hoc ipse sic probat: Si potestatem legitimam desideres, suprema ea est à Deo data, vniuersalissima, quod ostenditur his verbis, [Quodcunque ligaueris,] Matth. 16. & illis alijs, [Pasce oves meas,] Ioh. 21. Quoad sensum, Catholici de hac propositione non dubitant, sed noua hæc vox, vniuersalissima, inter ambiguas numeratur, quæ ubi legitimum sensum receperit, limitata scilicet ad res quæ Regnum cælorum respiciunt, & iuxta regulas Euangelicas, ad ædificationem Ecclesiæ, tunc etiam ad res mundanas extendetur. Hæc ipsa vox maximè suspecta fuit S. Gregorio libro septimo epistola 30. quum Papa vniuersalis proclamaretur, dixitque superbum esse titulum, & idem significare ac si solus esset Episcopus, & alius nemo præter se: sic etiam habere authoritatem vniuersalissimam, idem est (si valet ratio Diui Gregorij) ac authoritatem habere

re solum. Episcopus vniuersalis tollit alios Episcopos : ergo autoritas vniuersalissima tollit alias auctoritates : attamen de voce non contendimus, modo rectè intelligatur. Audiamus quomodo probetur autoritas hæc vniuersalissima: dictum est Diuo Petro, & in eius persona omnibus Pontificibus, [Quodcunque ligaueris &c. quodcunque solueris] &c. ergo potestas est vniuersalis: sed Matth. 28. dictum est omnibus discipulis, & in eorum persona successoribus, [Quæcunque ligaueritis &c. quæcunque solueritis &c.] Ergo plures essent auctoritates vniuersalissimæ, quod implicat contradictionem. Hoc, [quodcunque] est vniuersale, sed limitatum per superiora verba, [clauēs Regni cælorum.] Quicquid ad Regnum Cælorum attinet, Diuo Petro subiacer, quis dubitat? quod Regna terrena respicit, Christus ei nō cōmisit: alia probatio ex his verbis, Pasce oues meas, vniuersaliter quidem concludit, quo ad [oues meas:] sed Deus negat per Ezechiel. capit. 34. induere se lana ouis, esse pascere: negat, imperare cum auctoritate & cum potentia, esse pascere: negat, aquam limpidam bibere, & reliquam turbare pedibus, esse pascere. Subdit author vt æquitatem sententiæ probet, non solum adesse potestatem legitimam, quam nos etiam ipsi concedimus, sed etiam legitimum usum, sic dicendo, Inuenies non defuisse multas præmonitiones, nec quicquam eorum quæ ad iudicarium ordinem requiruntur: hoc affirmare non sufficiebat, sed probandum erat iuxta pollicita. Quisquis autem Reipublicæ iura videbit, manifestò deprehendet multos & maxi-

NNn iij

mè necessarios terminos essentielles defuisse , & constabit causam non fuisse, immunitatis Ecclesiasticæ defensionem, vt asserit author absque probatione: quòd si res adeò sint perspicuæ, vt ipse profitetur, cur in lucē non proferuntur rationes Ecclesiasticæ in facto & in iure? cur prohibetur ne ab omnibus Reipublicæ iura videantur vt hac ratione conuicta maneat? Scriptorum prohibitio non videtur ad hoc conducere, sed potius vt veritas occultetur, ac omnibus causa laruata offeratur, vt omnino facit author hoc loco, dum ait, sententiam Pauli V. intortam in Capita Reipublicæ Venetæ, omnia requisita habere, cum tamen vtraque sententia denunciata, altera Natali die, altera 25. Februarij Rempublicam excommunicet, non vero Capita, vt suo loco dicitur.

Non possum quin hoc loco magnam authoris subtilitatem considerem, qui Concilium introducit sess. 25. capite 20. dicens immunitatem Ecclesiasticam fundatam esse in ordinatione diuina, & in sacrorum Canonum Constitutionibus: hic non erat locus de hoc agendi, nec decebat paucis verbis ambiguus disseminare doctrinam quæ multo sermone eget, ne ad perturbandum tranquillum Sanctæ Ecclesiæ statum vsurpetur. Verùm vt iam dicatur id solum quod lectori pro antidoto futurum sit, notandum est Dom. Cardinalem Bellarminum libr. 1. de Clericis, capit. 28. nonnullas huiusce rei theses proponere. Prima est, in causis Ecclesiasticis, de iure diuino liberos esse clericos à potestate Principum secularium. Quinta, clericorum immunitatem in rebus politicis, tum ratione personarum,

sonarum, tum ratione bonorum; lege humana, non diuina, introductam esse: ecce igitur, ut Concilium intelligatur, quod ait constitutam esse immunitatem Ecclesiasticam iure diuino, id est, in causis Ecclesiasticis, sic enim debuerat author vertere, Constitutam ordinatione diuina, non autem fundatam, quia primum illud vocabulum significare videtur Canones potestatem habere à Deo, eam constituendi, & hoc fundamento eam niti, sed non ita res habet: Immunitas in spiritualibus causis, est omnino & expressè de iure diuino, in aliis, est omnino & expressè de iure humano. Ad exemplum D. Thomæ, dicam ipsum quidem pro iurisdictione Ecclesiastica obiisse, sed pro ea, quæ verè talis est, non autem ut prohiberet quominus delinquentes punirentur, nec ut Ecclesiastici plura bona possiderent, quàm par sit. Verùm si quis loco illius consequentiæ quam author educit, contrariam faceret eodem modo, dicendo: Et ex hac consideratione quilibet colligere poterit, sententias Papæ Pauli V. in Ducem, Senatum, Rempublicam Venetam, totumque ipsius Dominium intortas, carere multis requisitis essentialibus, omittendo accidentalibus, idèoque timendas non esse, cum non modò inuvalidæ, sed etiam iniustæ sint: non magis probata esset ab authore contraria consequentia quàm hæc probatur hoc loco: sed hoc non est opportunum, cum hîc de sola Gersonis defensione agatur: dicere modò sufficit, vnumquemque esse quem Christi, sed Deum naturalem ipsi defensionem concessisse, si Pastor supremi Pastoris institutum non sequatur.

Octava consideratio est, Abusum clauium plus habere periculi in summo Pontifice, quàm in inferioribus. Quoniam ab abusibus inferioribus patet recursus ad Papam per appellationis subsidium, ab abusibus autem Papæ recursus non est nisi ad Concilium generale, quod non absque difficultate congregari potest. Et quamuis in initio Concilij Constantiensis multi putauerint, non licet à Papa ad Concilium appellare: nihilominus illud ipsum Concilium declarauit expressè hæresin esse, negare superioritatem Concilij supra Pontificem. Hæc consideratio continet errorem quendam apertissimum & grauissimum, & qui hunc errorem ad præsens negotium adducit, parum se Catholicum exhibet.

In octaua consideratione aliquantulum immorari necessum erit, non quòd ipsa postulet, sed quoniam author valdè prolixo & artificioso sermone usus est, cuius artificia detegere necesse est, ne quis hæc legens ab authoris subtilitate sinat se abduci. Gerson in hac consideratione sic loquitur: Contemptus clauium plus habet periculi erga personam summi Pontificis, quàm erga inferiores: Author verba sic inuertit: Abusus clauium plus habet periculi in summo Pontifice, quàm in inferioribus. An istud est sententias impugnandas fideliter referre? Gerson loquitur de contemptu subditi ratione præceptorum summi Pontificis, & ait, cuiusmodi contemptum plus habere periculi, quàm habeat contemptus præceptorum inferiorum Præsulum: ei tribuit author, ut dicat, peccatum summi Pontificis in abusu clauium, plus habere periculi, quàm habeat contemptum Præsulum inferiorum in earundem abusu. Atque

Atque ideò vnus loquitur de actione subditi erga Superiorem , alter de actione Superioris erga subditum: vnus loquitur de contemptu, qui est subditi, aliter de abusu clauium, qui est Superioris. Gersonis consideratio fauet Sedi Apostolicæ , & ostendit maiori cum reuerentia agendum esse cum ea, dicendo, plus habere periculi contemptum illius, quam aliarum. Author planè contrarium Gersoni tribuit, vt nempe dicat abusum Pontificis plus habere periculi , quam habeat abusus inferiorum, vnde colligitur , minùs reuerentiæ huic Sedi deberi, quam aliis Præsulibus. Est-ne hoc disputare , an verò imponere vt cōtradicens materia paretur? Nescio quid hîc sit author dicturus. Præcipuus Gersonis scopus in hac consideratione, non aliud est quam vt ostendat in oppositionibus ad præcepta aut Censuras; Præsulû, maiori circûspectione digna esse præcepta vel Censuras Pontificis, & rationem adfert, quia ab inferioribus recursus est ad Papam. Quòd si quis obiiciat, posse etiam à Papa appellari ad Concilium: respondet Gerson , olim hanc obiectionem non valuisse, quum dicebatur, Papam esse supra Concilium , sed quamuis (ait ipse) hoc iam dici nequeat, ob rationes quas adfert , nihilominus hoc etiam stante, periculosius est, ob aliam causam, Pontifici resistere: quia non potest , nec debet celebrari Concilium ita facile, & leuibus de causis, vt ad audiendum appellationes. Ecce Considerationis sensum , à quo si auferas, lector, articulum illum Superioritatis, nihil inuenies , quod Author iuxta propriam sententiam, possit reprehendere, hic verò est obiter adscriptus. Sed author scopis suis hîc intentus, aliud non respiciens eum articu-

lum pro præcipuo Considerationis capite accepit, unde ait, hanc Considerationem continere errorem quendam apertissimum & grauissimum: & qui hunc errorem ad præsens negotium adducit, parùm Catholicè facere. Ipse satis nouit Serenissimâ Remp. non iudicasse conueniens vti appellatio nis beneficio: nã Princeps & Senatus apertè declararunt, quid prætendant: ergo nullus est qui hoc ad præsens negotium adducat. Quid sibi proposuerit Gersonis Interpres, ante hanc Reipubl. declarationem, conici non potest, nec patitur charitas vt de hoc iudicetur. Sed quum ait eum qui hoc adduxit, parùm Catholicè fecisse, fieri ne potest vt doctrinam Domini Cardinalis Bellarmini obliuioni mandari? qui lib. 2. de authoritate Concilij, cap. 13. cui titulus est, [An concilium sit supra Papam, ait, Et quamuis postea in Concilio Florentino, & Lateranensi vltimo, videatur quæstio diffinita, tamen quia Florentinum Concilium non ita expressè hoc diffiniuit, & de Concilio Lateranensi, quod expressissimè rem diffiniuit, nonnulli dubitant, an fuerit verè generale. Idcò vsque ad hanc diem quæstio superest inter Catholicos.] Eum rogo vt hanc doctrinam, scriptam ante nimiam quam patitur ob res præsentis animi perturbationem, denuò inspicat: nam vt illum ab hac contradictione vindicem, non video quid aliud dici possit, nisi ipsum cap. 17. aliter loqui dum sic de Concilio Lateranensi ad hanc rem scribit: [Quod verò Concilium hoc rem istam non diffinierit propriè, vt Decretum de Fide Catholica tenendum, dubium est, & idcò non sunt propriè hæretici, qui contrarium sentiunt, sed à temeritate magna excusari non possunt.] Hæc sanè duo

duo loca tam vicina parùm inter se consentiunt, non enim videtur à multa charitate oriri, temerarios eos appellasse, quos hîc non Catholicos vocat: quamuis si vltimo tantùm huic loco adhæreat, non inde tamen omnino probare possit, Interpretê parum esse Catholicum: opinio namque temeraria, vera etiam esse potest: olim communis erat opinio Angelos esse corporeos, ac temerarium putabatur eos incorporeos vocare: nunc eorum incorporalitas, communiter admittitur nec ampliùs temeraria censetur: idem de re præsentì iudicandum: sed Martinus Nauarrus in capit. Nouit, de iudiciis, allatis verbis Iohan. Maioris, optimè declarat quæstionem esse controuersam: nec Romæ licet doctrinam sequi Panormitani, qui Concilij superioritatem tuetur, nec Parisiensis Academia fert, vt opinio contraria locum habeat.

Quid dicemus de Iohanne Mariana recenti Iesuita, qui in libro suo de Rege, publico Iesuitarum examine probato, & alio item examine Regis Hispaniarum autoritate instituto, apertè dicit, authores grauissimos vtramque huius quæstionis partem tueri. At sanè minùs etiam opinio temeraria dici debet: nam temeraria opinio, vt ait Melchior Canus, qui exactè agit de eius definitione, ea est quæ sine ratione & autoritate habetur, vel ea quæ cum audacia asseritur. Sed opinio quæ non pauciores minùsve celebres Doctores habet, quàm huic contraria, & cui par, si non maior, Vniuersitatum, Regionum, & Regnorum numerus fauet, dici non potest absque ratione & autoritate, vel audacter asseri, charitas non ita facillè temerarij nomen tribuit:

veruntamen si author affectum suum prodere volebat, paucis verbis sensum suum ostendere sufficiebat, non trium foliorum disputationem introducere, ad ostendendum Gersonis opinionem non esse veram, & ad cogendum eos qui tantum Scriptorem magnificiunt, de eo loqui, à quo sunt alienissimi, siquidem. ut solenniter quællionem tractet, ait:

Et ut initium capeffamus à Concilio Constantiensi, tria dicenda sunt. Primum est, hoc Concilium nullibi declarasse, hæresin esse, negare superioritatem Concilij supra Papam; voluatur & reuoluatur integer Concilij codex, tale quid non inuenietur. Secundum est, quod supradictum Concilium sess. 4. decretum faciat, quo declarat hoc ipsum Concilium Constantiense repræsentare Ecclesiâ vniuersalem & habere potestatem immediatam à Christo, cui potestati quilibet, etiam ipse Papa, sit obligatus obedire. Et hoc decretum etiam à viris doctissimis non putatur intelligendum esse de quolibet Papa, sed de Papa dubio, qualis tunc erat, cum tres diuersi Pontifices esse volebant, habebantque suos affectus, & hoc verissimum est, Ecclesiam habere potestatem declarandi, quis sit verus Papa, eosque qui tempore schismatis de pontificatu certant, obligatos esse auscultare & obedire Ecclesiæ, Concilioque generalis decreto. Quod autem Papa canonicè electus, & indubiè pro Papa agnitus, obedire debeat Ecclesiæ, & Concilio, ex eo decreto minime colligitur. Tertium est, istud decretum aliam vim non habere, quam ut succurratur schismati, cum enim eo tempore Papa Concilio non interfuerit, erat Concilium illud acephalum, atque ideo

ideo non habebat authoritatem declarandi res fidei, nec res alias maioris momenti. Et quamvis postea Martinus Papa V. approbaverit Concilium Constantiense, id solum approbavit quantum ad decreta facta per modum Concilij, ut fuerunt illa aduersus hæresin Iohannis VVicleffi, & Iohannis Hufs: decretum autem superioritatis Concilij super Papam, non factum est per modum Concilij hoc est præuiis examine, discussione, & disputationibus, nec per Patrum vota & suffragia, sed fuit decretum simpliciter institutum ad medendum schismati, quantum videbatur necessarium. Vnde paulò post Pius II. in Concilio Mantuano excommunicauit eos qui à Papa ad Concilium appellabant, eandemque excommunicationem renouauit Papa Iulius II. teste Syluest. verbo Excommun. vii. num. 93. & eandem modò confirmant omnes Pontifices in Bulla Cœnæ Domini. Demum Papa Martinus V. cum suffragiis eiusdem Constantiensis Concilij declarat hæreseos suspectos, circa multos articulos interrogandos esse, speciatim verò num credant Pontificem habere supremam potestatem in Ecclesia Dei: certum autem est, si suprema Potestas in Papa est, hoc esse non posse, si Concilium sit supra Papam, aliàs enim suprema Potestas esset penes Concilium, non penes Papam. Ex quibus constat Concilium Constantiense in decreto sess. 2. iuxta modum à nobis explicatum intelligendum esse, aliàs enim sibi ipsi contradiceret: & si admittenda est contrarietas, plus credendum est decreto secundo à Papa & à Concilio simul facto, quam primo à Concilio sine Papa facto, id est à corpore sine capite.

Nolo affirmare Gersonis opinionem esse veram, nec ipsius doctrinam & rationes in hac Apologia proferre, dicam tamen rationes ab authore contra ipsum allatas, à Gersone vel ab aliis eiusdem post ipsum opinionis, animaduersas & solutas fuisse: atque harum solutionum quasdam hîc recensabo, non ut quicquam diffiniam, sed tantum ut ostendam solidioribus fundamentis quæstionem hanc tractandam esse, nec adeò facilè scriptores sanctitate & doctrina præstantes, damnandos. De Concilio Constantiensi, cuius meminit Gerson, author noster tria dicit: primum est, quòd illud Concilium nullibi declarauerit, hæresin esse, negare superioritatem Concilij supra Papam. Si Author intelligit, non uti Concilium hac loquendi formula, Negare authoritatem Concilij supra Papam, est hæresis, verum dicit: si vult etiam Concilium Constantiense ita non dixisse, Qui negabit superioritatem Concilij, sit anathema, verum quoque dicit: sed negat Gerson, quòd Concilium opinionem eam non determinarit (non meam, sed Gersonis opinionem dico) eo modo quo res fidei determinantur, adeò ut contrarium credere, hæresis habeatur: hoc apparet in sess. 4. vbi vitur his verbis: [ordinat, disponit, statuit, decernit, & declarat,] & in sess. 5. vbi doctrinam eandem repetens, vsurpat hæc verba, [ordinat diffinit, decernit, & declarat: & quia Gerson dicit in hac consideratione, hæresin esse, damnatam per constitutionem expressissimam, & practicatam in Concilio prædicto Constantiensi, prout alibi diffusius est ostensum: potuisset author loca à Gersone in ipsius operibus citata legere, vbi videlicet quid hisce obiectionibus respondeatur: Concilium

lium

lium Tridentinum proculdubiò tanquam hæresin damnauit, negare Purgatorium: attamen non inuenientur in ipso hæc verba, Negare purgatorium, est hæresis, vel Qui negabit purgatorium, anathema sit: verùm doctrina de purgatorio satis exprimitur sess. 25. & 22. adeò vt constet, determinatam esse vt rem de Fide, si quis verò ipso authoris nostri verbo, ad id aptaret, hoc modo, Concilium Tridentinum nullibi declarauit hæresin esse, negare Purgatorium, voluatur & reuoluatur integer Concilij codex, tale quid non inuenietur: is se, relicto sensu, nimis addictum esse verbis ostenderet: eodem modo de Gersone dicitur. Secundum, quod author adfert contra Gersonem, est, homines doctissimos, Concilij Constantiensis decretum intelligi velle de Papa dubio, quod (inquit) verissimum est, non de Papa certo.

Secunda hæc obiectio primæ penitus contradicit: nam si decretum qualecunque id fuerit, hæreticum non iudicat eum qui contra ipsum sentit decretum verò intelligitur de Papa dubio, ergo non erit hæresis negare, Papam dubium subiacere Concilio: atqui asserere, Papam dubium non subiacere Concilio, manifestò est hæresis: ergo qui vult decretum intelligi de Papa dubio, fateri cogitur decretum illud statuere quòd contrarium sit hæreticum: & qui vult non esse hoc decretum huius generis, fateri cogitur, ipsum de Papa certo intelligi. Verum est quod dicit author, homines doctissimos decretum illud accipere de Papa dubio, Sed verum est etiam homines doctissimos, id de Papa certo intelligere: quanquam inter hos omnes istud est discriminè, quod qui de Papa dubio id intelligunt,

ei Concilio non interfuerunt, sed inter eos qui de Papa certo intelligunt, numerantur ij omnes qui dicto Concilio interfuerunt, & scripta quædam nobis reliquerunt, ac cum his ij omnes qui viuentes adhuc & non impediti, Concilio Basiliensi interfuerunt, quos multos fuisse oportet, cum ab hoc ad illud, quindecim circiter annorum spatium elapsum fuerit.

Insuper Authori notandum erat, Gersonem non modò dicere damnatam, sed practicatam, seu ad vsum reuocatam; atque idcò ipsius erat videre vsum qui viguit in Concilio Constantiensi, & considerare an Concilium illud dubiis tantum; aut certis etiam Pontificibus imperauerit. Legat sess. 17. vbi inueniet, Concilium statuere, ne futurus vllus Pontifex Angelum Corrarium, iam tunc Gregorium XII. dictum, Cardinalatu possit deponere, aut Legatione in Picenum, quam ipsi committit Concilium, nec in eum animaduertere, vel eum punire possit, ob causam cuiuslibet administrationis in Papatu ab ipso exercitata. Legat etiam sess. 39. post dubios omnes Pontifices depositos, vbi Concilium iubet futuros Pontifices Concilia generalia certis temporibus præfixis celebrare, & verba notet, quibus singulos Pontifices ad illius mandati executionem obligat; ac deinde videat sess. 44. vbi Martinus V. iam electus istud exequitur, & notet author vocem (teneatur) quæ est in Concilij decreto, & in eius executione. Demum in vltima sessione, Legati Poloniæ & Lituaniæ, supplicarunt humiliter Pontifici, vt ante finem Concilij publica sessione dampnaretur liber cuiusdam Monachi, Iohannis Falkenbergi, alioquin Dominorum suorum nomine prote-

protestantes [de grauamine, & de appellando ad futurum Concilium; neque ob hanc protestationem Pontifex se vlllo modo lædi putauit, nec etiam idèd Concilium miratus est: & ab hoc vsu discet author, optimè colligi ex hoc decreto ad vsum reuocato, Pontificè canonicè electū, & indubiè pro Pontifice habitum, Ecclesię & Concilio obedire teneri: quam conclusionem author ipse affirmat ex dicto Concilio Constantiensi posse colligi: propterea iungat ipse modò decretum cum vsu allegato, & Gersonem optimè locutum esse agnoscer.

Tertiò dicit author, decretum illud vim aliam non habere quàm medèdi schismati, quoniam prædictum Constantiense Concilium erat corpus sine capite: sed videns obiectionem quæ fieri poterat, ob eius Cōcilij confirmationē à Martino V. notat illud quidem à dicto Papa probatum fuisse, quantum ad decreta facta per modum Concilij, sed hoc decretum non ita factum fuisse, præuiis nempe disputationibus, & acceptis Patrum suffragiis. Vbi, quæso, reperit author, hoc decretum factum esse sine examine, disputationibus, & suffragiis? An fortè quia scripto id non constat? Sed in Concilio Tridentino disputationum, aut suffragiorum nusquam fit mentio; Ergo nihil factum est per modum Concilij: ita quamuis in actis Concilij Constantiensis scripta non reperiantur præuia disputatio & eius decreti examen, nihilominus credendum omnino est, hæc facta fuisse: cum alia multa præstantissimorum virorum scripta in eo Concilio speciatim prodierunt, ac Gerson eo ipso tempore doctissimum illum librū scripsit De potestate Ecclesiastica, & origine iuris, & legum vt lector quili-

bet videre poterit. Gerson etiam in hac consideratione satis comprobatur quot habitæ fuerint de hac materia disputationes, cum dicat ortum eas habuisse in Concilio Pisano, quod quinque annis Constantiense præcessit. Quis autem dubitare potest quin & in Pisano, & in Constantiensi, & per illud quinquennium ventilatum sit prædictum dubium, & in eo determinando lata sint suffragia? verum si quis eam Martini V. confirmationem legere volet, aperte videbit, [conciliariter,] non significare quod author dicit, eritque hoc etiam aliud [interpretatiue.] In sess. 45. & vltima Concilij, habetur, Missa, & Litanis finitis, Cardinalem S. Viti, de mandato & Papæ & Concilij dixisse, [Domini ite in pace,] & responsum fuisse, [Amen,] cumque postea Episcopus quidam ex Pontificis præscripto concionem sub finem Concilij habere vellet, petiisse Regis Poloniae & Magni Lituaniæ Ducis legatos, ut superius dictum est, Dominorum suorum nomine, ut publica sessione liber quidam Ioh. Falkemberchi damnaretur, qui prius à viris constitutis in causa Fidei, à Concilij nationibus, & à Cardinalium Collegio dānatus fuerat, tuncque respondisse Pontificem, se omnia probare quæ determinata erant & conclusa in materia fidei, à Concilio, [conciliariter,] & non alio modo: hinc apparet illud [conciliariter] ei opponi quod dixerunt Legati, scilicet librum esse damnatum à constitutis illis viris, à nationibus, & à Collegio seorsim, idemque esse [conciliariter] ac in publica sessione. Sed plus dicimus. Si responsum illud à Pontifice datum fuit, per occasionem propositionis improvise, post finem Concilij factæ, ergo Concilium nec prius erat probatum, nec directo scopo illud probavit Pontifex: & si Poloni illi hanc

hanc instantiam, magna opportunitate non attulissent VVicleffi & Husli condemnatio authentica non haberetur: hinc sequetur Concilium Generale per accidens confirmatum esse. Nec minori eget commendatione modus loquendi Authoris, dum ait, Concilium illud fuisse corpus sine capite, ut concludatur, vacante Sede Apostolica, semper Ecclesiam imperfectam censi debere, utpote cui essentialis quidpiam desit, Ecclesia post Marcellini obitum mansit annos septem cum dimidio, sine Romano Pontifice, vigentibus Diocletiani persecutionibus, ut Damasus testatur: quis ideò dixerit, in eo tantæ perfectionis tempore, essentialis quidpiam Ecclesiæ defuisse? Scio quosdam aliqua rationum suarum verisimilitudine motos, adeò diuturnum interregnum non credere: sed probabilius credimus Damasum, qui Pontifex fuit anno post obitum Marcellini sexagesimo nono, natus paulò post dictum interregnum rei veritatem melius novisse, quàm nos cum nostris coniecturis. Verùm ut ut sit, de certis loquamur, anno 1270. Ecclesia post Clementis IV. obitum, mansit tres ferè annos absque Pontifice, an ideò dicetur Ecclesiam tunc acephalam, id est, sine capite fuisse? adhærendum doctrinæ D. Cypriani, & D. Augustini 24. quæst. 1. cap. quodcunque & cap. loquitur.

Author sermonem suum claudit de inualiditate Decreti prædicti Concilij Constantiensis sic dicens, Vnde paulò post, Pius II. in Concilio Mantuano excommunicavit eos qui à Papa ad Concilium appellabant. Primò vox illa, *Vnde*, fallax est, apponitur enim ac si Papa Pius II. eiusmodi appellantes excommunicarit, quòd esset Papa

supra Concilium, sed in Bulla Pij non sic habetur: eiusmodi quidem appellatio prohibetur, quoniam ad eum iudicem appellatur qui non est, & quando futurus sit ignoratur: pauperes à potentibus opprimuntur, impunia delicta manent, rebellio contra primam Sedem fouetur, peccandi licentia conceditur, disciplina omnis Ecclesiastica, & Hierarchicus ordo confunditur, in quibus verbis apparet Pium II. pro causa non allegasse Superioritatem suam, quæ viua erat & perspicua ratio, cum non nisi ad superiorem appellari possit. Nec dicat aliquis, hoc posse ex verbis colligi: nemo enim quod essentialiale est, omittere, & exactè adeò quæ accidentalia sunt persequi solet. Præterea antequàm prædictas causas adferat, ait se nonnullas omittere, corruptelæ huic manifestò contrarias, quod iudicio est, prædictas causas esse præcipuas, omissas verò minoris momenti: ideoque Caput Superioritatis nullum habet locum. Insuper voces illæ authoris nostri, [in Concilio Mantuano,] sunt fallaces: nec enim tunc fuit Concilium generale, nec provinciale, nec vlllo modo Concilium Notum est Pium II. in transitu fuisse Mantuæ, & quidem cum solo Aulæ comitatu, quod disertè ostendunt hæc Bullæ verba, Consilio & assensu Venerabilium nostrorum fratrum Cardinalium Sanctæ Ecclesiæ Romanæ, omnium Prælatuum, & iuris Diuini ac humani Interpretum qui Aulam sequuntur: At peius est quod author subdit, Pium II. excommunicasse eum qui à Papa ad Concilium appellabat, & Iulium II. idem confirmasse, omnesque deinde Summos Pontifices in Bulla Cœnæ. Si Bullæ Pij I. Iulij I. aliæque omnes in Cœna, non extarent, ad hoc responderi non posset: ve-

set: verum nullus vnquam Pontifex, cum excommunicauit qui appellat ad Concilium, sed eum qui appellat ad futurum Concilium: videri omnes ac legi possunt, & quia Pœnæ sunt restringendæ, nullus Canonista dicet, appellantes ad præsens Concilium (quamuis particula hæc adesset) per illas Bullas excommunicari: idcirco nec per eas Concilij superioritas probatur. Nescio cur author omiserit vocem illam, *futurum*. Si Gersonis Interpres ita peccasset, qua censura dignus fuisset? valet ratio Pij II. appellari ad eum iudicem qui non est, nec scitur quando futurus sit, dum dicitur, ad futurum Concilium, sed non valet in appellatione ad præsens, ideoque Pontifices omnes, excommunicarunt appellantes ad futurum Concilium: ne igitur omittamus vocem illam *futurum*, quamuis nostri animi affectus eam abscondant.

Author denuò post hanc digressionem redit Constantiam, & ait Papam Martinum V. Concilij suffragio, præcipere, vt hæreseos suspecti interrogentur, num credant Summum Pontificem supremam in Ecclesia Dei potestatem obtinere, atque hinc concludit, Concilium respexisse ad Superioritatem Pontificis, & quartæ sessionis Decretum de Papa dubio intelligendum esse, iuxta suam expositionem, aliàs Concilium, inquit, sibi met aduersaretur.

Sed vt intelligatur interrogatio de qua Pontifex & Concilium verba faciunt, dignetur author sessionem octauam inspicere, vbi inter quadragintaquinque articulos VVicleffi damnati, quadragesimus primus habet: [Non est de necessitate salutis credere Romanam Ecclesiam esse supremam in-

ter alias Ecclesias: subdit Concilium. Error est, si per Romanam Ecclesiam intelligat vniuersalem Ecclesiam, aut Concilium generale, aut pro quanto negaret primatum Summi Pontificis super alias Ecclesias particulares.] Ex huius tantum articuli lectione omnibus innotescet, quomodo Concilium Constantiense intellexerit Superioritatem Pontificis esse supra omnes Ecclesias disiunctas, non simul vnitas. Hinc author Concilio Constantiensi relictò, transit ad probandum Gersonis opinionem esse manifestò erroneam, idque Scripturæ & Conciliorum authoritate, ac rationibus, dicens:

Sed relinquamus Concilium Constantiense: opinionem Gersonis erroneam esse, paucissimis verbis probari potest, authoritate nimirum Scripturæ, & Conciliorum, & ratione. Scriptura sacra nusquam dat authoritatem Ecclesiæ aut Concilio supra suos Pastores, multò minùs supra Summum Pastorem, sed contrariù potius dicit D. Paulus in Actis Apost. c. 20. Deus posuit Episcopos regere Ecclesiam Dei. Et Vicario suo dicit Christus, Matth. 16. Super hanc petram ædificabo Ecclesiam meam: vbi Christum constituere Petrum fundamentum Ecclesiæ, idem fuit ac facere caput mysticum: quod enim in domo fundamentum, hoc caput est in corpore. Videmus autem caput præesse & potestatem habere in reliquis corporis partes, non è contra. Ita quando Christus Ioh. 21. Petro dixit: Pasce oues meas: constituit illum pastorem totius ouilis, & dubium non est, ouile non habere potestatem in Pastorem, sed potius Pastorem in ouile. Demum quando Dominus ait Lucæ 12. Quis est fidelis dispensator & prudens, quem constituit

constituit Dominus super familiam suam ? dubio procul declarat Episcopum in Ecclesia particulari, & Papam in vniuersali, esse veluti Palatinos, & domus Præfectos quosdam in familia Dei. Et quemadmodum domus Præfectus familiæ dominatur, non contrà: ita & Episcopus dominium habet in suam Diæcesin, hæc autem dominium non habet in Episcopum, nec Ecclesia etiam congregata in Concilio, dominium & potestatem habet in Papâ: atque ideò etiam in eo ipso loco subiūgit Saluator: Quòd si dixerit seruus ille in corde suo, moram faciet Dominus meus venire, & cœperit percutere seruos & ancillas, edere, & bibere, & inebriari, veniet Dominus serui illius in die qua non sperat, & diuidet eum, partemque eius cum infidelibus ponet. Ex quibus colligitur quando Præfectus domus perperam agit, Deum nolle, vt à familia puniatur, sed eum iudicandi & puniendi potestatem sibi reseruasse. Cùm igitur neque Ecclesia, & consequenter neque Concilium, quod Ecclesiam repræsentat, vllam in Papam potestatem habeat, rectè sequitur non posse à Papa ad Concilium appellari, sed à Concilio ad Papam.

Minimè opus erat tot scribere super hac materia, quam Gerson paucis adeò verbis attigit, & ipse hæc non adferreim quod Gerson, aliq; eiusdem sententiæ respondent, nisi vereretur interrompere cœptum styllum, tractandi scilicet omnia eodem ordine quo ab authore proponuntur. Primò dicit Scripturam diuinam nullibi authoritatem Ecclesiæ dedisse in suos Pastores, multò minùs in summum Pastorem: ad hoc respondet Gerson, Christum Dominum nostrum misisse D. Petrū ad

Ecclesiam, quum ei dixit, [dic Ecclesiæ,] nam Gerson ætate sua legebat, non iuxta Missale correctum, sed iuxta antiquum, [respiciens Iesus in discipulos suos, dixit Simoni Petro, si peccauerit,] & c. ut videre poterit author in eius operibus, præter Scripturæ loca, quæ Gerson ad hanc rem citat. Author postea, ut probet contrariū reperiri in Sacris literis, locum citat D. Pauli Act. 20. dicentis, Deū posuisse Episcopos regere Ecclesiā Dei. Demus ita illum dicere, nā sanè [posuit vos Episcopos,] habet alium sensum, quā [posuit Episcopos,] nihilominus ita sit: ex hoc tamen loco non magis colliget Papam esse supra Ecclesiam, quàm quemlibet Episcopum: sed non malè quis inde collegerit, omnes Episcopos habere authoritatem immediatam à Deo, quod authori minimè arrideret.

Quis vnquā eiusmodi consequentiā deducere poterit, Deus posuit Episcopos regere Ecclesiam Dei, ergo Papa est supra Concilium: sed valet hæc, Deus posuit Episcopos regere Ecclesiam Dei, ergo si eam non rexerint, id non facient ad quod ipsos Deus constituit. Hæc vera est propositio: Deus posuit Regem regere Regnum, quod si concludatur, ergo Rex est toto Regno simul vnito superior, Author paulò inferiùs dicit id non valere, ac sanè non valet iuxta ipsius & Ioh. Marianæ Iesuitæ sententiam, sed dicā quidem id non sequi in omnibus Regnis.

Secundò citat Matth. 16. [Super hanc petram ædificabo Ecclesiam meā,] ubi dicit, Christum cōstituere Petrum fundamentū Ecclesiæ, non id Gerson negauerit, cum dicat D. Paulus, Ecclesiam fundatā esse super fundamentū Apostolorū & Prophetarū, & in Apoc. Ciuitatis Dei murus duodecim habeat fun-

fundamenta, cū nominibus duodecim Apostolorū: non ideò tamen Gerson crediderit, authorem damnare velle aliam expositionem, quæ interpretatur, [super hanc petram,] super Christum, & super confessionem fidei Christi: maximè cū D. Augustinus utrāque expositionem admittendo, secundam magis probet: igitur ex eo loco qui duas admittit bonas expositiones, author alterā sumere voluerit pro absoluto fundamēto alicuius articuli. Sed quia, ut dictum est, Petrus est fundamentum: Ergo superior est toti fabricæ? Gerson dicet id non sequi, nam fundamentum est non principale, sed fundatum ipsū super Christum, nec totale, sed duodecima eius pars, iuxta sensum Apocalypsimò vigesima quinta pars, in xta D. Pauli mentē: & Authoris cōparatio, quòd constituere Petrum fundamentum, idem sit, ac facere caput, quia quod in domo est fundamentum,, hoc caput est in corpore, non quadrat: nam licet verum sit Petrum esse caput, obscura tamē est analogia, eādē esse proportionē fundamēti ad fabricam, quæ est capitis ad corpus, nec dicere possem, in quo proportio consistat: Si quis dicat, Sicuti fundamentum domum sustinet (hoc enim est eius proprium) ita caput sustinet corpus, non verum est: Si quis dicat, Quemadmodum caput, sensum & motū corpori cōmunicat, ita fundamentum domui communicat, quid nam? Propositiones quæ ceu dogmata ponūtur, nō sunt super similitudines similitudinū fundandæ: sed ne laboremus in probandis illis propositionibus, siquidem in conclusione convenimus, D. Petrū esse caput: verū si dicā Illustrissimus Dominus Cardinalis Pinellus, est caput Congregationis Sancti Officii, ergo est supra Congre-

gationem non videtur hoc sequi, quemadmodum nec Gerson admiserit hanc propositionē, Reliquum corpus non habet potestatem in caput, & maximè quod ab ipso corpore sit constitutum, sed articulos supra similitudines fundare non oportet.

Tertiò adfert illud, [Pasce oues meas:] ac tandem citat, cap. 10. D. Lucæ, [Quis est fidelis dispensator ac prudens] ad quæ simul responderet Gerson non posse ex vlllo Scripturæ loco colligi, Saluatorem eo quòd Pastores in Ecclesia constituerit, eos exemisse ab obedientia ipsius Ecclesiæ, communis Christianorum omnium, Ecclesiasticorum & Secularium Matris: nam temporibus incorruptis, quum Sancti Martyres erāt Episcopi, hic vsus obtinebat, vt Pastor Ecclesiæ iudicio subiectus esset, quod D. Cyprianus disertè testatur libr. 1. epist. 4. de Plebe sic loquens: [Quando ipsa maximè habeat potestatem, vel eligendi dignos Sacerdotes, vel indignos recusandi, quod & ipsum videmus de Diuina authoritate descendere, vt Sacerdos plebe præsentē sub omnium oculis deligatur. [&c. Author noster dicit, Christum dubio procul declarasse, Episcopum in Ecclesia particulari, & Papam in vniuersali, esse velut domus Præfectos quosdam in familia Dei, ipsosque in familiam habere potestatem, non contrà: at D. Cyprianus dicit, plebem maximè potestatem habere, vel eligendi Sacerdotes dignos, vel indignos recusandi. Author locum legat, & videbit de Episcopis speciatim verba fieri, quamuis in citatis verbis vo-centur Sacerdotes, & addat: Epistolam non esse Cypriani solius, verum 36. Episcoporum, eamq. scriptā ad incolas Leonis, Alturiæ, & Emeritæ in Hispania, & iungat etiā, si libuerit, ep. 14. l. 3. nā inde certior

tior adhuc fiet : & hæ sunt authoritates quas adferre oportet, non autē prodire cū sensu mystico, præsertim extorto: vt hoc itidē loco, debuerat author integrū textū adferre D. Lucæ, [Quis, putas, est fidelis dispensator & prudēs, quē constituit Dominus super familiā suā: vt det illis in tēpore tritici mensurā : ita enim contra authorē facit, cū hic seruus nō possit esse Generalis quidam dispensator bonorū omniū Domini, à quo munus aliud nō habet quàm triticū dispēsandī, supersunt adhuc cibi, potus, vestes, aliāq; administranda, quorū omniū curā Dominus ei dabit, si in particulari illo ministerio benè se gesserit, sic enim ait: [Beatus ille seruus, quē cū venerit Dominus, inuenerit ita facientem, verè dico vobis, quoniā super omnia quæ possidet, constituet illum.] Legatur locus, & videatur an aliū sensū admittat. Si Pōtifex, aliūsvē Generalis dispensator, esset seruus hic fidelis, super omnia constitutus, quānā deinde erūt ea quibus præponetur, si rectè hoc munere fūgatur? Si dixerit Paradisum, hīc nullus dispensatoris partes sustinet, quàm Christus & Angeli: Sancti Pontifices intrātes in Regnū Cœlorū, præmiū accipiunt à Deo, laborū suorū, nec aliud ipsis agendū incumbit, nec eò veniūt cū vllō regiminis titulo : & quod etiā sequitur, [Quod si dixerit seruus ille in corde suo] &c. ex quo vult colligere, quando præfectus domus Dei, malè se gerit, nolle Deū vt à familia puniatur, sed hoc sibi soli reseruare, nō benè concluditur in genere de omni Oeconomo: vt nec Proregis exemplum ab Authore allatum, ad rem facit: nam aliud est, Patrem familiās, absolutum eius dominum, ipsi præponere dispensatorem, aut ipsi familiæ mandari vt illum sibi eligat, cum ea potestate in bona Do-

mini, quam ipsemet præscribit, & Regem Regni dominum, & ab eo non pendentem, Proregem ipsi præponere, vel eum Regno potestatem facere Proregem sibi eligendi cum autoritate limitata. In primo casu, familia ius nullum habet in Oeconomum, neque Regnum in Proregem: at in secundo, cum familia possit Oeconomum sibi eligere, eadem etiam de ipsius, & Regnum de Proregis actionibus iudicare potest. Quemadmodum Dominus Cardinalis ait, Ecclesiam, eò quòd autoritatem habeat Papam eligendi, aliud non posse, quàm vt personæ potestatem applicet: ita Gerson ait in suo libro de hac materia, Ecclesiam quando Pontificem iudicat, nil aliud facere, quàm quòd autoritatem ab ea persona semoueat. Si Christus constituisset Pontificem aliquem cum potestate successorem constituendi, & hunc etiam alium, in perpetuum, sequeretur fortè quòd author ait, Ecclesiam in Pontificem ius nullum habere: sed qui dicit, Deum Ecclesiæ potestatem dedisse applicandi personæ autoritatem; tenetur etiam ostendere Ecclesiam non posse eandem autoritatem remouere, Sed communis doctrina, quòd Pontifex sibi non possit eligere successorem, apertè monstrat, ipsum non esse Oeconomum primæ illius speciei, à Patrefamilias constitutum, sed secundæ, electum à familia, ex Patris præscripto: & ex hac doctrina Gerson soluit illud, [Pasces oues meas,] aliàq; eiusmodi omnia Scripturæ loca, videlicet pastorem ouibus à domino præpositum, eis non subiici, at si darentur oues cum potestate sibi eligendi pastorem, hic esset eis subiectus. Fideles in Christo, oues referre debent humilitate & innocentia, non stoliditate & ignauia,

ignavia, ad bonum pastorem, authoritate domini, sibi eligendum, malum verò iudicandum. D. Augustinus optima cum ratione declaravit, è solo literali sensu, non ex interpretatione vlla mystica, posse colligi dogmata: qui caput integrum perlegerit, is & Christi, & Euangelij literalem sensum videbit: dixit suis discipulis, ac proinde omnibus Christianis, incipiendo ab iis verbis quæ sunt in medio capite, [dixitq; ad discipulos suos,] ne mundana curarèt, quòd ipsis Deus aliud Regnū præparasset, ideóq; vigilantes essent in bonis operibus, nesciētes qua hora Dominus sit ad eos vēturus: quòd si sciret paterfamiliàs qua hora fur veniret, vigilaret vtique, ideóque & ipsi parati essent, quòd sit Christus venturus, qua hora non putabimus: tunc respondit Petrus: Domine, ad nos dicis hanc parabolam, an & ad omnes? dixit autem Christus: [Quis putas est fidelis dispensator & prudens, &c.] Innuens se cum omnibus loqui: quòd si de solo Christi Vicario hñc verba fiant, oportet eidem soli præcepta dari vigilandi, mundana non curadi, aliud Regnum, & improuisum Christi aduētum expectandi: verum quia eiusmodi præcepta fidelibus omnibus dantur, hic est sensus literalis, omnes nempe esse dispensatores illos, quibus Deus exercendam dedit charitatem erga totam familiam de ea bonorum parte, aut virtute, quā Deus dedit singulis, & hæc est [mensura tritici,] & qui ministerium hoc rectè exequetur, ei plura Deus adiiciet. Hæc est literalis omnium expositio, quamuis nonnulli post generalem expositionem cum argumento à minori, locum hunc ob peculiarem aliquā considerationem referant ad pastores: hoc præterit author, quod patres omnes cum referunt illum ad

pastores, addūt, [quòd si cœperit percutere seruos, & ancillas, edere, bibere, & inebriari, &c.] & prolixas faciunt digressiones circa eiusmodi errores, & peccata: èltque hoc, [percutere seruos & ancillas], id ipsum fortè quod præsētibus hisce occasionibus videmus: proptereà Gerson haud negabit, hanc parabolam sicuti omnibus dicitur, & specialem ob causam ad Pastores refertur, posse etiam ob causam specialissimā applicari Summo Pastori, vt ita illi quoque dicatur quòd si crapulæ se dederit, & proximū lædere cœperit, venturus sit Dominus, quando non putabit, cūque castigaturus: ex quo proinde concludi non potest, Pontificem alteri iudicio subiectū non esse, alioqui sequeretur, nullum fornicariū vel adulterum, iudicari posse ab hominibus, quia Hebræor. 15. scriptum est, [fornicarios & adulteros iudicabit Dominus:] imò nullum delictum ab hominibus iudicari posset, quia scriptū est,] Iustū & impiū iudicabit Dominus,] Ecclesiast. 3. nec Iudicē vllū oporteret constituere, quia Ioh. 5. Saluator dicit, [Omne iudiciū dedit Filio.] Non sunt ita detorquenda Scripturæ loca: accipiuntur prædicta hæc omnia de supremo futuri seculi iudicio, cui nō repugnat, vt sint humana iudicia, tū politica, tū Ecclesiastica, nec vllus è vulgō nō intelligit, communes has loquendi formulas Deus iudicabit, Deus castigabit, &c. iudicia & pœnas humanas non excludere. Quāobré videmus hūc locū nil planè facere ad probādū Sūmū Pōtificē ab Ecclesiæ, & cōsequenter à Cōcilij iudicio immunē esse. Gerson autē libenter mittens parabolas, literalī sensu adhæret. Nunc, ad alia argumenta transeamus: dicit Author:

Hanc eandem veritatem ex Scriptura deductam,
 ipsa

ipsa etiam sacra Concilia confirmant. Cùm Papa Marcellinus, formidine mortis, grauissimū illū errorē, sacrificando Idolis, cōmisisset, congregatū fuit Cōciliū Sinuessanū, vt ea de causā disputaretur, totū autē Conciliū fassū est, nō esse in sua potestate iudicare Papā, Prima sedes à nemine iudicatur. Et huius Concilij meminit Nicolaus primus in epist. ad Michaelē Imperatorē. Itidē Cōciliū Romanū à S. Syluestro conuocatū, can. vlt. declarat, Primā Sedē, quæ Papæ est, à nemine iudicari posse. Cōciliū Calcedonēse, vnū ex 4. primis Cōciliis generalibus, in tertia actione dānat Dioscorū Patriarchā Alexandrinū, vnā cū toto Concilio Ephesino, quod Papā Romanū iudicare ausus sit. Si igitur primus Patriarcharū post Romanū, vnā cū toto Concilio generali, nō poterat iudicare Papā, manifestē sequitur, Conciliū nō esse supra Papā, aliās enim ipsum iudicare posset. Paulō pōst, Cōciliū V. Romanū sub Papa Symmacho approbat, ceu propriū Decretū, sententiā illā Ennodij. Aliorum hominū causas Deus voluit per homines terminari: Sedis istius Præsulem suo sine quæstione reservauit arbitrio. Voluit Petri Apostoli successorē scælo tantū debere innocentiam. In Concilio octauo generali, actione 7. ita legimus: Romanum Pontificem de omnium Ecclesiarum Præsulibus iudicasse, de eo verò neminem iudicasse legimus. Paulus Æmylius libr. 3. Historiæ suæ scribit, cū magnum Concilium præsentē Carolo Magno, ob res quasdam Papæ Leoni III. obiectas, congregatū fuisset, omnes Episcopos vna voce clamasse, nemini licere Summū Pontificē iudicare. Generale Conciliū Lateranenſe sub Alexandro III. dum leges de eligendo Pontifice statuendæ essent, ait, in hac electione

ti die quatuordecim alios qui ab Episcopis interrogati, idē dixerūt: ac tertia die examinarint adhuc testes quadraginta duos, vt ita testium numerus esset septuaginta duorum, dictus [libra occidua.] Certum est, examen testium, esse actum iudiciale Superioris, & certum est, post examen horum septuaginta duorum, Marcellinum in terram, prostratum, peccatum suum falsum esse, & habet textus, Episcopos subscripsisse in eius dānationē, & dānasse eū, & quendam ex ipsis dixisse, [Iustē ore suo condemnatus est, & ore suo Anathema suscepit Maranatha, quoniam ore suo condemnatus est, nemo enim vnquam iudicauit Pontificem, nec Præsul Sacerdotem suum, quoniam prima Sedes non iudicabitur à quoquam.] Verissimū est, sæpius dixisse illos Episcopos, [Iudica causam tuam, nostro iudicio non condemnaberis. Sed quomodo hæc verba debeant intelligi, lectoris iudicio committitur: factū ipsum repugnare verbis videtur. Pontifex negat, Concilium testes audit contra ipsum, in eius damnationem subscribit, quid dicendum est? Sed quia res qua de agebatur, ad infidelitatem attinebat, non vident Parisienses quomodo iuxta præsentem doctrinam, ad Concilium non spectaret: & si illud [Prima sedes à nemine iudicabitur], intelligatur in materia hæresis, præsentī doctrinæ aduersatur, sin intelligatur in aliis causis, non conueniet illi Concilio. Magnum aliud dubium ex illis actis oritur. Diocletianus ipse Marcellinum ad sacrificandum inducit, septuaginta duo testes ad ferendum hac de re testimoniū conueniunt, Concilium Sinuessanum conuocatur, durat per triduum, tandēque dicitur, cū Diocletianus esset in bello Persico, monitus fuit 300 E-

piscopos, 30. Presbyteros, & tres Diaconos simul conuenisse, & in subscribenda sententia, Marcellinū primum omnium Anathema suū subscripsisse: magna celeritate Diocletianus iuit in Persiam: & eò magis augetur dubium quòd ex mandato speciali Diocletiani videatur interiisse.

Præterea Marcellinus excommunicatus fuit, actis ita referentibus, fuitque subscriptum à se anathema, & ab Episcopis. A quo fuit excommunicatus? à seipso minimè: Scholastici hoc Pontifici non concedunt. A Cōcilio minimè, quod non iudicauit ipsū, ait Author: à quo igitur? Si quis dicat à iure, quis Canonem constituit? Pontifex, an Cōcilium? nemo Canonem constituere potest, ob cuius transgressionem ipsemet excommunicetur, nec potest inferior aliquis Canonem statuere, qui Superiorem obliget: Marcellinum sententiam Anathematis subire constat, id verò non à seipso, quis eam in ipsum tulit, si Concilium hac in re saltem, Superioris vicem non gerat? contradictionem quæ inter rem ipsam & verba conspicitur, tollere nequeo. Duo ex illis actis certa esse videntur, alterum Episcopos dixisse Marcellino, se ipsum iudicaret: alterum, Marcellino errorē suum recusante, ipsos introduxisse, vocasse, & examinasse testes, ac deinde Marcellinum excommunicatum fuisse: res quas non facilè quis composuerit, sed tamen quæ, cū non fuerit Concilium generale, vt vt se habeant, Parisiensibus non aduersantur.

Adfert secundo loco Concilium Romanum sub Syluestro, vbi can. vltimo declaratur primam Sedē, quæ est Papæ, à nemine iudicari posse: huc prædictū Canonem integrum adferri necessum erat, ostendit enim quomodo intelligatur, primā sedē à nemine iudicari

indicari posse, siquidem ait: [Nemo iudicabit primā sedem, quoniam omnes sedes à prima sede iustitiam desiderant temperari: neque ab Augusto, neque ab omni clero, neque à Regibus, neque à populo iudex iudicabitur:] in hunc Canonē dicunt Theologi Parisienses, neminē ideò iudicaturum primam sedem, quia omnes aliæ sedes ab ipsa iustitiam expectāt: sed omnes sedes simul congregatę, videlicet Concilium generale, non potest de iustitia disceptare cū alia sede, ergo iustitiam à prima nō expectat: verū sedes omnes ab inuicem seiunctę, litē inter se habere possunt, cuius ratione prima sedes intelligitur esse suprā omnes alias sedes particulares, & non simul congregatas, iuxta illud, quod Conciliū Cōstantiense præallegatū dicit articulo 41. cōtra Viclefū: & aiūt Parisienses, vbicunque reperitur, [Prima sedes à nemine iudicatur,] intelligi [à nulla alia sede particulari:] alij magis præcisē respōdent, Canonē illū nō intelligi de Sede Romana, sed de sedibus omnibus Patriarchalibus, quia Nicolaus primus Pontifex in epist. ad Michaelē Imperatorē, eum citat pro Ecclesia Ierosolymitana: atque hæc epistola multæ fidei debet esse apud Authorem, qui citat eā in hoc textu: ideòque non debuerat author cōtra mentem Nicolai primi, nominare primam sedē, ac de suo addere verba illa, [quæ est Papæ,] Nicolaus enim intelligit esse sedem cuiuslibet Patriarchæ. Author ipse non dubitabit quin Patriarchæ à Concilio generali iudicari possint, ergo Canon ille non obstat quominus Pontifex Concilio subiectus esse possit, vt Gerson censuit. Insuper alij quoque mirantur, cur in Actis eius Concilij, dicatur illud à Sancto Sylvestro conuocatum fuisse, Constantini consilio, qui primus

baptizatus fuit, & sub finem, post Canonem præallegatum, dicatur, hoc contigisse tertio ipsius Consulatu. Tertio igitur consulatu Cōstantinus baptizatus fuit: sed in cap. Constantinus 96. distinct. baptizatus Constantino adscribitur quarto eius consulatu, quæ sibi contradicere videntur.

Addunt præterea, Illustrissimum Cardinalem Baronium, falsitatis conuicisse dictum ca. *Constantinus*, quod refert celebratum fuisse illud Concilium quarto Constantini consulatu cum Gallicano, idque authoritate Ammiani Marcellini, cum tamen Constantinus nunquam consul fuerit cum homine priuato: quæ ratio facit contra hoc Concilium, quod sub finem celebratū esse dicitur, Constantino Augusto tertio, & Prisco Consule: ergo ex ratione Cardinalis Baronij, Concilium illud Romanū pro vero habendum non erit, Notant etiam particularia quædā in eo Concilio licet minoris momenti v.g. quod Cōstantinus vocetur Dominus vocabulo non nisi post aliquot annorum centena vsitato: atque etiam videatur dici quòd [prima sedes non iudicabitur neque à Regibus,] ac si Rex aliquis timendus fuisset iis temporibus, qui obtinuisset Imperiū in Italia, siquidem erant omnes trans Danubium, & Euphratem, & minimè Christiani: præterea in secundo eius Concilij Canone, in præscriptionibus Ecclesiasticis, à lectore ad Sacerdotem spatium constituitur annorum quinquaginta quinque.

Tertio loco profert authoritatem Concilij Calcedonensis, quod in actione tertia Dioscorum damnat, quia sibi arrogauerit yna cum toto Concilio secundo Ephesino, vt Pontificem Romanum iudicaret: inferens, Si primus Patriarcha, post Romanum,

num, vnà cum Generali Concilio, Pontificem nequit iudicare, Concilium non esse supra Pontificem. Ad hoc paucis respondent Parisienses, secundum illud Concilium Ephesinum, quod author noster Concilium generale vocat, conciliabulum fuisse, & voce admodum infami, Prædatorium cognominatum: idè in tertia illa actione Concilij Calcedonenſis ab authore citata, non modò condemnatur Dioscorus, quòd Leonem excommunicarit, sed quòd Eutichen ab Episcopo suo excommunicatum ad Communionem admiserit, quòd Flauiano Constantinopolitano vim intulerit, & ob multa alia delicta, sed maximè ob contumaciam quam eà ipsa die aduersus Concilium patefecit.

Si quis hinc inferret, Concilium igitur non posse condemnare Patriarcham Constantinopolitanum, minimè sequeretur: at valet hæc illatio, Ergo nullū Concilium Prædatorium damnare potest Patriarcham Constantinopolitanum, quòd veram fidem Catholicam profiteatur: itidem, Ergo nullum Conciliū potest pro heresi cōtra Pontificem agere, quòd doceat Fidem Catholicā. Alij quidā notant, multas querimonias contra Dioscorū. actione illa tertia adductas fuisse, tam voce ab his qui aderant quàm scripto ab absentibus, cū interim Dioscorus à Concilio quidem, sed non à ciuitate abesset: idè Concilium ter illum citauit, ipsoque Dioscoro semper renuente, tandem condemnatus fuit. In eo condemnando Episcopi 186. suffragia sua tulerunt, quæ omnia formaliter extant in Actis scripti illius Concilij. Legati Pape Leonis dixerunt, Dioscorum, sibi cōtra regulas primatum arrogando, Eutichem admisit-

PPp iij

se, nec Leonis epistolam voluisse prælegi Flauiano, ipsumque ob hæc errata veniam posse consequi: verum quòd Leonem magnæ Romæ Archiepiscopum ausus esset excommunicare, quòdque accusationes complures multorum scelerum aduersus eundem in hoc Concilio adductæ essent, nec ipse ter citatus obedire voluisset, ideò Papam Leonem sua ipsorum & Sanctæ Synodi operâ, vnà cum B. Petro Apostolo, Dioscorû Episcopali dignitate abdicare, Anatolius Episcopus Constantinopolitanus dixit: Eiusdem & ego sum sententiæ, ac Dioscori condemnationi subscribo, quia contumax fuit aduersus citationem, sed de Leonis excommunicatione nihil dixit. Maximus Antiochenus, Assentior, inquit, exaugurationi Dioscori, cum Leone Romano, & Anatolio Constantinopolitano, quòd præter alia citatus non comparuerit. Sequuntur postea 184 Episcoporum sententiæ, quorum alij dicunt: Condemno Dioscorum quia fuit contumax: alij, Condemno Dioscorum iuxta suffragia trium Patriarcharum: alij, Condemno Dioscorum iuxta suffragiû Anatolij, ex his colligût Parisienses Dioscorum exauguratum fuisse à Concilio, propter commissâ multa delicta, ob quæ citatus non comparuit. Romanos verò Papæ Leonis excommunicationem inter causas attulisse, ac suffragium illud à nonnullis probatum fuisse, non est hæc generalis Concilij sententia, & hoc, vt ipsis videtur, euidentiùs probant: quia denunciatio sententiæ Dioscoro facta; non reperitur in actis eius Cōcilij, sed Euagrius eam refert l. 2. cap. 18. vbi condemnationis causæ recensentur, absque vlla excommunicationis Leonis mentione: verba sunt Euagrii: [De his per literas à Conci-

Concilio referebatur ad Martianū, & abdicatio per idem Concilium missa fuit Dioscoro, quæ ita se habet: scito te, tum quòd diuinos Ecclesiæ Canones contempseris: tum quòd Sancto huic & Generali Concilio minimè obtemperaueris: tum propter alia multa crimina præterea, quæ commisisse deprehensus es, tum quòd tertio vocatus à Sancto hoc & celebri Concilio, vt illis quæ sunt tibi obiecta, responderes, non veneris: scito, inquam, te propter ista omnia à Sancto & Generali Concilio, tertio Indus istius mensis Octobris, Episcopatu abdicatum esse, & ab omni iure Ecclesiastico penitus abalienatum. Quibus verbis in commentarios relatis, missisque &c.] Addunt præterea Parisienses, vt probent Concilium Calcedonense aliud sensisse quàm Author ipsi tribuat, in prima actione, congregatis Senatoribus, & Episcopis, coram Imperatrice, sedente Imperatore, & Senatu in medio Ecclesiæ, & à parte sinistra Legatis Pontificis cum Anatolio, & Episcopis sibi subiectis: à dextra, Dioscoro Alexandrino, Iuuenali Ierosolymitano cum propriis Episcopis: Legatos Pontificis in medium Concilij produisse, dixisseque se in mandatis habere à Pontifice Ciuitatis Romanæ, quæ est omnium Ecclesiarum caput, ne Dioscorus interesset Concilio, petere itaque vel vt Dioscorus exiret, vel se exituros. Iudices & Senatum petiisse quid obiiceretur Dioscoro: respondisse vnum Legatorum, ipsum conuocasse Concilium sine autoritate Sedis Apostolicæ: aliū legatū dixisse, se mandata Beatissimi Papæ transgredi nō posse: aliū itē eorū, se tantā iniuriā ferre nō posse, vt sederet is quem iudicari oportebat. Iussisse Iudices, vt sederet Dioscorus, omnesque sua loca

PPæ iijj

occuparent. In vltima item actione sedentibus omnibus Patribus ac Iudicibus, referunt Legatos Papæ Leonis à Iudicibus loquendi veniam petiisse, qua concessa, sic loquutos esse: Heri, postquam exiistis, vósque subsecuti fuimus, quædã in Concilio acta fuere, quæ putamus esse cõtra Canones, disciplinamque Ecclesiasticam, vnde petimus hæc denuò legi, vt videant omnes an iusta sint: tunc iussisse Iudices vt legerentur, ac fuisse lectum Canonem, vbi habetur, antiquos Patres Sedi Romanæ veteri magna priuilegia concessisse, ob Ciuitatis illius Imperium: ac idedò etiam secundum Concilium Constantinopolitanum similia priuilegia concessisse Sedi Constantinopolitanæ, nouæ Romæ, quòd nempe equum esset Ciuitatem Imperio & Senatu ornata, iisdem frui priuilegiis quibus Roma vetus, eandemque in rebus Ecclesiasticis Maiestatem obtinere: esseque secundam ab ea: perlecto verò Canone cum subscriptionibus, dixisse vnum Legatorum, Videte qua astutia cum Sanctis Episcopis actum sit, vt Canones commemoratos, non exhibitis eorum exemplis, subscribere coacti sint: tunc Episcopos exclamasse, neminem fuisse coactum, & progressa cõtentione, Iudices determinasse vt vtraque pars Canones proponeret. Lecto Canone sexto Concilij Niceni à Constantinopolitanis, lectionem diuersam fuisse, cò quòd in illo quod Romani legerunt, adfuerint initio verba hæc, [quod Ecclesia Romana semper habuit primatum,] quæ in alijs exemplis nò reperiuntur: lecto postea Canone Concilij Constantinopolitani, Episcopos sermones varios habuisse: ac tandem Iudices sententiam petiisse ab Episcopis, qui ceu iustum, quod determinatum erat, probarunt.

vnum.

vnum verò Legatorum Romanorum cum protestatione postulasse, vt vel decretum illud abrogaretur, vel contra hoc ipsius protestatio notaretur. Iudicet itaque Lector, quid sentiret Concilium Calcedonense de superioritate Pontificis.

Quod attinet ad Cōciliū Romanū Symmachi, nō negāt Parisienses, Romanos Pōtificēs existimasse se à nemine iudicari debere: & Concilia Prouincialia Romæ ab ipsis celebrata, idē cōfirmasse: at verò dicunt nullū vnquā Romanū Conciliū, neque hoc V. neque aliud, speciatim pronūciasse, Pontificē à Cōcilio generali iudicari nō posse: & quū aiūt Pōtificem à nemine iudicari posse, sic intelligere, vt à nemine iudicari possit, qui generalem authoritatem in Ecclesia non habeat: cū enim Pontifex authoritatē generalē obtineat, æquū non esse vt ab aliquo priuatę authoritatis iudicetur: qua etiam ratione respondent ad historiā quā author citat de Leone III. Verū hīc addere cogor aliquid de meo: Paulus Æmylius lib. 3. suæ historiæ, hoc factum narrat, vbi tamen nō inuenietur eū dicere, [cū magnū Episcoporū Conciliū congregatū esset,] quod author ipsi tribuit. Simpliciter ait, primò Carolū misisse Romā Leonē, cum multis Episcopis, nobilibusque secularibus, se verò alibi commoratū esse ob negotia publica: deinde iuisse Romam, & illic audiuisse accusationes contra Pontificē, iisque diligenti examine perpēsis, petiisse sententiā ab Episcopis, qui responderunt, æquū esse, Pontificē semetipsū iudicare, tūmque lætatū Carolū quòd ab eo iudicio ferēdo liberatus esset. Legat author locū diligētius, & videbit nullā Cōciliij mentionē fieri, ac fuisse id potius conuocationē Curię Imperialis, in qua erāt & seculares

& Episcopi, ipsosque Episcopos Pontificis causę fauuisse. Meminerit etiā Author, se Decreto Constantiensi obieciisse, quod præuia discussio facta non fuerit, nec tanti faciat quod à nonnullis Episcopis pro facto quodam peculiari, improuiso conuocatis, dictum fuit: nam fortè cū ipsis nota esset Pontificis innocentia, hyperbolicè loquuti sunt, non tamen (inquit Gerson) in præiudicium Conciliorū generalium, quæ vniuersalē Ecclesiā referunt, & vniuersalē auctoritatem obtinent. Sed videas lector, authoris nostri artificium, sic dicentis: Concilium Romanum V. sub Papa Symmacho, approbavit, cū proprium Decretum, illam Ennodii sententiam, [Aliorum hominum causas &c.] Nusquam in eo Concilio reperietur illam sententiam speciatim probatam, imò nec memoratam fuisse: reperietur quidem iussisse Concilium vt afferretur libellus ab Ennodio scriptus contra eos qui aduersus quartam Romanam Synodum murmurauerant, eoque lecto, Concilium dixisse, Habeatur hic liber ab omnibus [integerrimè synodaliter,] & reponatur inter actiones nostrarum Synodorum, quartæ & quintæ, & habeatur vt alia decreta Synodaliū actionum, quia scriptus est, & confirmatus auctoritate Synodali, Papam verò Symmachum respondisse, Fiat secundum voluntatem vestram, & numeretur inter Apostolica decreta, ac pro tali habeatur. Hic dicunt Parisienses, sciendum esse, per Decreta Synodalia, vel actiones Synodales, vel Decreta Apostolica, non intelligi Canonem, qui articulum determinet, tanquam de fide: sed omnes Pontificis alicuius epistolas digestas in Cōmentarios, decreta vocari illius Pontificis, & in Conciliorum libro,

vni-

vnique Pontifici inscribi, *Decreta PP. N.* deinde referri electionem eius, vitam, & Epistolas, si quæ fuerint: imò & in ipsis Conciliis, eorum actiones multa colloquia etiam improuisa continere, & interdum epistolas diuerforum, quæ omnia non sunt de fide, nec ab vlllo talia habentur. Nullus est qui Pontificum epistolas dicat esse de fide, præsertim ante Siricium, nec id omne quod continetur in tot narrationibus actorum Ephesini Concilij Calcedonensis, aliorumque sequentium. Recipiuntur Conciliorum determinationes, quæ in antiquis, sunt ad summum vna aut altera, cum actiones ipsæ quadraginta, vel quinquaginta folia contineant. Quod spectat ad Pontificia Decretalia, res tantum continent, vt plurimum, ad fidem non attinentes: interdum in magna epistola vnicus erit articulus, vt in celebratissima & sanctissima epistola Diui Leonis ad Flavianum. Quocircà magnum est discrimen dicere approbatam fuisse aliquam Ennodij propositionem, quod significaret eam approbatam fuisse vt articulum fidei: & approbatum fuisse librum Ennodij, quod nil aliud significat, quàm bonum esse librum, & in bonum finem conscriptum, non autem quicquid in eo continetur esse de fide: & ad huius responsi confirmationem obiici posset auctori, hunc librum constare multis foliis impressis & ultra ducentas propositiones continere, inter quas ea est quam auctor adfert: petitur itaq; an velit vt omnes sint de fide, & aliqua ostendatur ei minimè talis: quòd si nō omnes admitat tanquam de fide, cur vult hanc esse de fide, non

autem alias? credidit se vitare obiectionem, dicendo vnicam Ennodij sententiam approbatam fuisse: loquamur ingenuè, approbatus fuit libellus, in quo reperitur inter multas hæc sententia, ideoque non magis aliis approbata, non igitur magis hæc erit de fide quàm totus liber.

Notant quidam, Concilium illud quartum, Palmare dictum, conuocatum fuisse vt finis imponeretur accusationibus contra Papam Symmachum, quæ non erant de rebus ad ipsius dominium attinentibus, sed de rebus propriis personalibus, de adulteriis Ec. vt rectè deducit Dom. Cardinalis Baronius, vnde Ennodius intellexit eiusmodi delicta iudicio Diuino committi debere, quod etiam admittit Gerson, & quisquis ipsius opinionem sequitur: hoc autem esse verum, inde constat quòd in iis ipsis Actis Concilij V. vbi liber Ennodij fuit approbatus, Papa Symmachus, post gratias actas Patribus pro suscepta sui defensione, sequitur ipsum præcipere vt in posterum eiusmodi res obseruentur, non solùm in Præsule Sedis Apostolicæ, sed etiam in omnibus Episcopis Christianis: qua de re constituenda non sunt noua Decreta cùm extent antiqua, ne scilicet oues Pastorem suum possint arguere, nisi in Fide errare deprehendatur, nec eum vllius rei quàm iniustitiæ accusare. Ennodij sententia nimis latè patet, ex ea namq. Pontifex videretur humano iudicio minimè subiectus, etiam propter hæresim, cùm absolutè dicat, eum in omnibus causis ad Dei iudicium reservari. Ideoque prudenter Papa Symmachus, postquàm dixisset se idem Episcopis tribuere, iuxta Canones antiquos, hæresis & iniustitiæ casus excepit: & ne pluribus agamus, Ennodij liber in-

ber inter Apostolica Decreta relatus, ita inscribitur, [In Nomine Patris, & Filij, & Spiritus S. præfatio Ennodij &c.] & *infra*, [Compositus est autem aduersus eos qui contra Synodos scribere præsumpserant, ut nec de Apostolicæ sedis præfule, aut quouis alio Episcopo, talia à quoquam præsumantur, qualia de Papa Symmacho præsumpta fuerunt.]

Hac de causa Parisienses dicunt, hunc locum facere ad probandum Gersonis doctrinam, nec vlllo modo ei aduersari. Credendum omnino est Authorem ceu doctissimum, argumenti debilitatem agnouisse, nam aut historiæ, aut Synodi Palmaris, aut approbationis totius libri Ennodij, aut extensionis causæ Symmachi ad omnes Episcopos planè non meminit, imò nec vllam conclusionem è citato loco deducere voluit. Quod ad Octauum Concilium, expediret Authorem ad hæc verba, (legimus in actione septima) addidisse cuius fuerint verba illa quæ legit: etenim verba sunt Adriani Papæ Romani, in Romana Synodo prolata, & vnà cum aliis multis prælecta, super quæ tamen Concilium nihil determinat: sed in Canonibus eiusdem Concilij 8. à dicto Papa determinatis, legimus hæc verba: [porrò si Synodus vniuersalis fuerit congregata, & facta fuerit etiam de Sancta Romanorum Ecclesia quædam ambiguitas, & controuersia, oportet venerabiliter, & cum conuenienti reuerentia de proposita quæstione sciscitari, & solutionem accipere, aut proficere, & profectum facere, non tamè audacter sententiam dicere contra summos senioris Romæ Pontifices.]

Sequitur aliud argumentum ex Concilio Lateranensi, sub Alexandro tertio desumptum, cap.

[licet de electione ,] vbi cùm Decretum ferendum esset de modo eligendi summum Pontificem habetur, in hac electione peculiari quadam diligentia esse opus: nam si erretur, non posse deinde recursum haberi ad vllum Superiorem, quòd nullus sit in terris Papa Superior. Addidit author de suo hæc verba, [quòd nullus sit in terris Papâ Superior,] quæ sunt nimis significantia: dicit tantum caput Concilij non posse haberi recursum ad Superiorem: nuda Concilij verba referre sufficiebat, nihilque addere de suo, cùm illud ipsum dicat Concilium quòd est in controversia. Sed hic locus facit contra authorem nostrum, superius enim toties dixit, Papam dubium Concilio subiectum esse, multoque magis subiectus erit Papa intrusus: quum itaque dicitur, si erretur in electione, nullum esse Superiorem ad quem recurratur, non intelligitur, Concilium non esse superius, imò tum ex ipsius authoris, tum ex communi sententia, quoties in electione adest difficultas, iudicium est penes Concilium: hoc igitur innuit dictum *cap. licet*, non esse aliquem Superiorem actu & re ipsa, quia nempe Concilium non semper est congregatum; ex hoc videre est, authorem contra mentem propriam addidisse, [quòd nullus sit in terris Papâ Superior:] nam quando erratum est, vel periculum est ne erretur in electione, ipsemet affirmat esse aliquem in terris Papâ Superiorem, hoc est Concilium.

Ad Lateranense Concilium Dominus Cardinalis Bellarminus lib. 2. de author. Concil. cap. 13. dicit, illud hanc controuersiam disertissime diffiniuisse;

niuisse: at quia nonnulli dubitant an fuerit generale, ideò manere adhuc quæstionem inter Catholicos: & cap. 17. (ignoratur. an vt sibi contradicat, vel vt idem confirmet) ait, dubium esse, an prædictum Concilium rem hanc diffinierit, ceu decretum de Fide Catholica. Propterea superfluum videtur, authoritatem adferre contra Gersonem, quæ tot ambiguitates (ex ipsamet illius doctrina qui hanc citat) patiat, cumque de authoritate illius Concilij atque etiam de diffinitione dubitetur. Sed Dominicus Sotus perspicuè loquitur, siquidem l. 6. de iust. & iur. q. 1. a. 6. disputat contra Montes Pietatis, quos in eo Concilio approbari constat, his verbis, [Sacro approbante Concilio declaramus, & diffinimus, Montes Pietatis, &c.] iubetque sub pœna excommunicationis latæ sententiæ ne quis verbis, scriptisve contra eos disputare audeat: videns autem prædictus Sotus quantum hoc aduersaretur suæ opinioni eos damnanti, respondet, non omnia eius Concilij acta vel admitti vel in usu esse. Sed prætereà dicunt Parisienses, ei Concilio nunquam interfuisse 100 Episcopos, speciatim verò in 2, illa sess. quam author hîc citat, comprehensis Aulicis, & aliis titulum habentibus sine diœcesi adfuisse 64. Episcopos, omnes ferè è locis Romæ circumiacentibus. Addunt insuper non posse Concilij cuiuspiam determinationem appellari, quicquid incidenter in aliquo decreto dicitur extra rem præcipuam diffinendam. Verùm Bulla, de qua sermo est, vult solùm pragmaticam abrogare, & hæc est Decreti summa: quòd autem in ea abroganda, respondeatur iis

qui hanc tuebantur^r ope Concilij Basiliensis, dicat^rque Concilium illud ab Eugenio translatum fuisse, ideóque nullius esse momenti, quòd Pontifex transferre possit Concilia, vt qui in hac authoritatem habeat, hoc ad illius Bullæ essentiam non attinet, sed est rationis contrariæ solutio, ac propterea diffinitio non est: vnde rectè Dom. Cardinalis Bellarminus, in secundo loco allegato, id reuocauit quod in primo dixerat, nempe Concilium illud differtissime diffinisse, dixitque, dubium esse an sit illa diffinitio. Communis est omnium Theologorum sententia, rationes ipsas quæ in aliqua diffinitione adducuntur, non intelligi diffinitas esse. Et mirum hoc esset, si in decreto constituendo de re particulari, cuiusmodi est pragmaticæ reuocatio, quæ non est res de fide, incidenter diffiniretur articulus fidei, adeò vt præcipuus articulus non esset de fide, accessorius verò necessariò esset de fide.

Addunt præterea Parisienses eo loco ad probandum Pontificem Romanum authoritatem habere supra Concilia, plusquam 15. historias, ac tandem Aimari librum de Synodis, ideóque dicendum omnes illas historias esse de fide: cum apertè ostendant Parisienses, nonnullas ex illis historiis bona fide relatas, contrarium asserere: sed prolixum nimis esset tot particularia huc adferre. Nonnulli etiam respondent, Bullam non dicere Pontificem habere authoritatē supra Concilia, sed constare ex diuinis literis, & ex dictis Patrū, Pontificū Romanorum, Canonum & Conciliorū, Pontificem Romanū authoritatem habere supra Concilia generalia: vnde non præsumitur hoc esse verum, nisi quatenus
inde

inde constat : quare necesse est priùs vt id constet, sacrarum literarum , dictorumque Patrum sensum videre: cùm id non asserat Concilium ex se ipso, sed quatenus constat ex sacris literis, & aliis allegatis.

Alius quidam Doctor dubium mouet multò maius , haberi scilicet in initio illius Bullæ Concilij, quòd Christus [Petrum eiusque successores Vicarios suos instituit, quibus ex libri Regum testimonio, ita obedire necesse est , vt qui non obedierit, morte moriatur:] quod si sit articulus fidei, valdè seuerum est omnem ad mandata Pontificis inobediẽtiam morte puniri: ac sanè Mundus articulum hunc non admisit, nec fortè admittet vnquam. Subdit postea idem Doctor, se non posse capere quomodo tot annis antequàm esset Papa, de ipso in libris Regum fiat mentio, addens se totos quatuor libros Regum perlegisse, nec tale quid vnquam inuenisse. At mittamus authoritatem huius Concilij , siquidem doctores qui Gersonem sequuntur : eam non admittunt: & octo responsionum allatarum vnaquæque ex se ipsa soluit argumentum.

Postremò author adfert, Achillis loco , rationem in verbo Dei fundatam, dicens:

Sed videamus an ipsa ratio in verbo Dei fundata, hanc eandem veritatem confirmet. Ecclesia sancta, non est Reipub. Venetæ, Genuensi, aut civitati cuiuspiam similis, quæ Duci suo Imperium quod placet, indulget, vnde nascitur vt Respublica Principe superior sit. Nec similis est Regno terreno, in quo populus authoritatem transfert in Monarchas , vt tamen à dominio Regio quibusdam in casibus liberari queat, & redire ad regimen Consulare, Romanorum exemplo, qui à dominio Regio ad regi-

QQq j

men Consulare deueniunt. Est enim Ecclesia Christi, Regnum perfectissimum, Monarchia absoluta, & à populo nec dependens, nec originem trahens, soli voluntati & imperio diuino subiecta. Ego autem, ait Christus Psalmo 2. constitutus sum Rex super Sion montem sanctum eius. Et Angelus sanctus, ait ad Beatam virginem Lucæ 1. Dabit ei Dominus sedem David Patris eius, & regnabit in domo Iacob in æternum, & Regni eius non erit finis. Et sexcentis aliis in locis habetur id ipsum. Hoc regnum independens esse ab hominibus, ostendit Christus, quum ait: Non vos me elegistis, sed ego elegi vos, Ioh. 15. Et hoc ipsum nos aliquando profitebimur, dicentes, Fecisti nos Deo nostro Regnum, Apocal. 5. Et hæc est causa, quòd hoc regnum in scripturis familiæ assimilatur: Quis est seruus, & prudens, quem constituit Dominus super familiam suam, Matth. 24. Paterfamilias enim non dependet à familia, neque ab ipsa. authoritatem acquirit. Cum igitur hæc verissima sint, necessaria consequentia concluditur, Vicarium generalem Christi, non dependere ab Ecclesia, sed à solo Christo, à quo omnis eius authoritas deriuatur: quomodo videmus in terrenis regnis Proregem non habere potestatem à regno, sed à Rege, nec iudicari aut puniri posse à populo, sed solum à Domino. Vides igitur quanto opere deceptus sit Gerson, & qui eum sequitur, se ipsum decipit, & sacris literis, Conciliis, nec non manifestis rationibus aduersatur.

Videbis hinc, Lector, mirabile artificium, quo author te à Christo Summo Pontifice æterno, deducere vult ad Summum Pontificem temporalem, & ubi relationem stabilierit, S. Ecclesiæ ad Diuinam Maiestatem a-

Maieſtatem,concludet poſtea de relatione ad Pa-
 pam.Reſpondent Pariſienſes,hanc eſſe Catholico-
 rum doctrinam,Deum nempe vocaſſe ad fidem &
 cultum ſuum Eccleſiam,eique Chriſtum,caput per
 petuum præpoſuiſſe,qui primò mortalis, in terris
 eam reget præſentia corporali,ſed in Cœlum e-
 uectus eam reget interiore quodam influxu & in-
 uiſibili præſentia ad finem uſque Mundi: hoc ſigni-
 ficat,[ego autem.conſtitutus ſum rex ab eo:] hoc
 item[Dabit ei dominus ſedem &c. & regnabit in
 æternum:]& illud,[nō vos me elegiſtis,ſed ego ele-
 gi vos.]Hoc regnum eſt Apocalypſ. [& feciſti nos
 Deo noſtro regnum,] is Chriſtus eſt Paterfami-
 lias,qui dominus eſt familiæ,ipſa verò illius filia &
 famula,quam,quia ex hominibus viſibilibus com-
 ponitur, voluit ipſe Pater ab homine quoque viſi-
 bili regi,cuius authoritatem limitauit,& vnum et-
 iam conſtituit antequàm Eccleſia fundata eſſet: ſed
 reliquo tēpore poſt eam fundatā, reliquit in terris
 poteſtatē eligendi ſucceſſorem.Nunc autem ex hac
 doctrina,quā author,ſcio,admittet, imò ſine hac ne-
 minē eſſe Catholicum dicet,reſponderetur ad eā ra-
 tionem, quòd ſcilicet Eccleſia non ſit vt Reſpub.
 Veneta,aut Genuenſis, quæ duci ſuo authoritatem
 quā vult,indulget:neq; Regnū,quod regiminis for-
 mā immutare poſſit,aut inuiſibiliter aut viſibiliter,
 Chriſtus.n.formā præſcripſit:neq; etiā Galliz Re-
 gno ſit ſimilis in quo Reges ob regiū ſanguinem
 hæreditario iure ſuccedunt, nec, vt alia quædam
 Regna, quæ transferuntur teſtamento: ſed quod
 ad regimen interius ac merè ſpirituale, nulli eſt ſi-
 milis, habet enim Regem perpetuum, & immor-
 talem:in regimine viſibili, miniſtrū habet quo ad

auctoritatem, à Christo institutum, & independen-
 tem ab Ecclesia, quo ad applicationem auctoritatis
 ad personam, electivum, & ab Ecclesia dependen-
 tem: quum igitur citat [Ego autem constitutus sum
 Rex ab eo: dabit ei Dominus: non vos me elegistis:
 fecisti nos Deo nostro regnum:] hæc omnia loca,
 & eiusmodi alia de Regno intelliguntur inuisibili,
 spirituali & interiore, ubi Papa nullum obtinet impe-
 rium, sed Saluator solus, qui corda nouit, & in ea
 potest infundere, eisque concedere dona, ob quæ
 homines cœlestis Ierosolymæ ciues fiunt. Christus
 etiam est ille Paterfamilias, qui ab ea non dependet:
 Summus Pontifex est seruus familiæ, præpositus à
 Patre quo ad auctoritatem, sed quem familia sibi-
 met præposuit quo ad electionem personæ: & au-
 thoritas quidem est à Christo, applicatio verò ab
 Ecclesia. Sed author Ecclesiam facit familiam à Pa-
 tre dependentem, quem fatetur esse Christum, &
 postquam hoc posuit, concludit Patrem non pen-
 dere à familia, nec ab ipsa propriam auctoritatem
 habere, igitur (inquit) Papa subiectus esse non po-
 test Ecclesiæ: & à Patrefamilias, qui Christus est, trā-
 sit ad dispensatorem electum ab ipsa familia, qui
 Papa est. Maneat in similitudine, nunquam enim
 reperiet in Euangelio, Patremfamilias alium dici,
 quàm Deum Patrem, aut Christum naturalem ipsius
 filium. Minister est seruus, quod Deo proprium a-
 liis non est tribuendum, propterea exemplum ma-
 gnoperè Gersoni inseruit, ut etiam valde eidem fa-
 uet Proregis exemplum, quod ab authore adfertur:
 Si quis Galliæ Rex, ut puta S. Ludouicus Nonus, iret
 ad Terram Sanctam conquirendum, & Regno di-
 ceret, Linquo vobis cognatum meum, Proregem
 cum

cum authoritate iustitiam administrandi , non autem leges condendi, aut Comitia conuocandi &c. & quum is officio deesset, alium eligite cum eadem authoritate : tunc authoritas electi, esset à Rege & Domino, persona quam Regnum eligeret, Regno subiecta esset. Hoc ipsum est, quod Gerson in omnibus suis operibus docet, ubi sanè apparet rationis vim pro ipso concludere.

Ex prædictis, nolo concludere Gersonis opinionem hoc in articulo de suprema potestate Ecclesiastica, veram esse aut falsam: sed tantum Authoris conclusionem, quod Gerson sit deceptus, & qui eum sequitur, decipiatur, & sacris literis, sacris Conciliis, & manifestæ rationi aduersetur, aliis probationibus, quàm supradictis, indigere. Pergit Author:

Et si quispiam obiiceret, quod ipse Gerson quoque solebat, scriptum esse Matth. 18. Dic Ecclesiæ, & si Ecclesiam non audierit, sit tibi sicut Ethnicus & Publicanus: Responderem, in eo loco nomine Ecclesiæ intelligi Prælatum, qui caput est Ecclesiæ, quem in modum exponit hunc locum S. Ioh. Chrysostomus, homil. 61. in Matth. & Papa Innocent. III. capit. Nouit. de iudiciis, & hoc docet vniuersalis Ecclesiæ totius Mundi praxis, omnium ætatum & temporum cōsensus, qui enim ad Ecclesiam vult peccatorem deferre, & obseruare hoc præceptum, non conuocat Concilium, sed ad Episcopum, aut eius Vicarium recurrit.

Authori non sufficit contra Gersonem disputasse, sed etiam rationes ipsius soluit: verum pro multis quas Gerson adfert ac deducit, authori unicam proponere, eamque soluere satis est: atque hæc elicitur ex authoritate D. Matthæi, [Dic Ecclesiæ,] ad

quam responderet, [Ecclesiæ, id est Prælato,] & huius expositionis authorem facit Chrysostomum, quamvis dicant Parisienses, Chrysostomum hoc non dicere: sed in more est, ut quum quid citari solet, id unusquisque inconsulto etiam authore citet. Chrysostomus exponit, [Dic Ecclesiæ, præsulibus scilicet, ac præsidentibus:] & hoc ait Gerson his verbis, [Ecclesiæ, repræsentatiuè:] quia cum non possit tota congregari, à præsulum & præsidentum congregatione repræsentatur, ideoque addunt non posse nomine Ecclesiæ personam aliquam intelligi, nam inane esset subdere: [Si duo ex vobis consenserint super terram, de omni re quamcunque petierint, fiet illis à Patre meo, qui in cœlis est. ubi enim sunt duo vel tres congregati in nomine meo, ibi sum in medio eorum.] Ad huius expositionis confirmationem aiunt D. Paulum, ubi accusationem contra incestuosum recepisset, [Omnino auditur inter vos fornicatio &c.] subdere: [Ego quidē absens corpore, præsens autem Spiritu, iam iudicaui ut præsens, eum qui sic operatus est, in nomine Domini nostri Iesu Christi, congregatis vobis, & meo Spiritu cum virtute Domini Iesu, tradere huiusmodi hominem Satanæ:] Vbi notant D. Paulum, qui tunc erat Philippis, non scripsisse alicuius monitorij formā, Ego hunc excommunico, verū ad Ecclesiam scripsisse, ut eum ipsius Spiritu congregata id faceret: propterea contra Chrysostomum non facit ut hæc voces, [Præsulibus & præsidentibus,] intelligantur etiam de Concilio generali. Superius propositum etiam fuit dubium, an, [Dic Ecclesiæ,] significaret, [Dic tibi ipsi.] Quod ad usum spectat, qui ostendit illud [Dic Ecclesiæ] intelligi [Prælato,] quia

to,] quia recurritur ad Episcopum, vel ad eius Vicarium: de vsu veteri iam dixi ex autoritate D. Pauli, de hodierno autem, verum est Episcopum & Vicarium, hoc tempore excommunicationem ferre, nemine in consilium assumpto, non rarò etiam ipsum Notarium duntaxat, & quod maius est, auctoritate concessa clericus infularum minorum, in particulari quapiam causa valdè leui iudex datus, Sacerdotem excommunicat: quinetiam Leo X. in Lateranensi Concilio sess. 11. decreto quodam perpetuo potestatem dedit seculari, excommunicandi etiam Episcopos, & quod magis interest, Navarrus cap. 27. num. 11. ait, quòd si quis impetrata in quempiam excommunicatione ab aliquo Præsule, non tamen velit illum excommunicari, non excommunicabitur: Prætereà idem author cap. 23. numer. 104. dicit: excommunicationem latam ipso iure, in eum qui pensionem non soluit, verbi gratia ad Natalis vigiliam, non valere aduersus eum qui hanc non soluit, etiam post multos menses, & annos, si eius creditor excommunicationem illam valere nolit: quòd si post multos menses, vel annos, creditor velit excommunicationem habuisse locum, ea valida reputetur à die debiti, nempe à Natalis vigilia, & hæc est Curix formula; hic est vsus qui inualuit, de quo aliud non dico, nisi eum ab Interpretatione oriri quam author approbat.

Nona consideratio est, non incurri contemptum clauium, quando Papa enormissimè & scandalosissimè abutitur sua potestate.

Hæc consideratio in se est vera, sed iniuriosissima Sanctissimo Domin. N. & Sanctæ Sedi Apostolicæ, ac si hoc modo clauibus regni cœlorum abuti

QQq iiij

soleat. Simili astu & fraude hæretici nostri temporis, vt omnibus exosam reddant Pontificiam potestatem, infamia in eam conuicia spargunt, quæ caput eorum Satanas suggessit: & ipsi Veneri defensores eiusmodi abhorrere, & punire deberent.

Hic facillimum est Gersonem defendere, nam qui rem proponit possibilem, & quæ etiam contingit, bonis iniuriam non facit, sed eos notat qui malè faciunt: quapropter hæc consideratio iniuriosa non est Sanctæ Sedi Apostolicæ, quæ nunquam malè facit, licet quis in ea constitutus, humana fragilitate peccatum aliquod commiserit. Qui scribunt vitas Pontificum, (speciatim verò Platina) tot recensent, vt incipiendo ab anno 820. difficile sit dictu, vter maior sit numerus, bonorum ne Pontificum an malorum. Secundum dici posset, personæ Papæ Gregorij II. & Sedi Apostolicæ valde iniuriosum esse Bonifacij Martyris can. *Si Papa*, vbi dicit, Si Papa negligens fuerit fraternæ salutis, inutilis, & remissus in suis operibus, ad bonum taciturnus, & innumeros populos catervatim in Inferos ducat, nemo eum reprehendat: quasi Bonifacius ideò dicat solere Sedem Apostolicam eiusmodi peccata committere: quod non sequitur. Nec etiam verum est solos hæreticos actiones prauas arguere, sed multò magis hoc præstant Scriptores Ecclesiastici, & Historici & Catholici: Omitto Platinam qui in eo rotatus est: verum omnes historici Germani, Reginus, Luithprandus, Sigebertus Ottho: è Gallis, Aymonius, Addus, atque etiam Itali omnium temporum, & ne antiquos quæramus, Franciscus Guicciardinus omnium manibus teritur, & quamuis

quamuis multa ab eo dempta sint, videre licet vt loquatur. Alia est hæreticorum dicendi ratio, quàm Gersonis : ipsi doctrinam carpunt, Gerson abusus notat : qui D. Bernardum legerit de Consideratione ad Eugenium, ne vel minimum quid in Gersonne reprehenderet, maximè cum eius considerationes sint in causa necessaria : liceat unicuique tantam contradictionem mirari, Gersonis videlicet considerationem in se veram esse, sed iniuriosissimam Sedi Apostolicæ, quasi Sedes Apostolica lædatur à veritate : istantum à veritate lædi potest, qui falsitate nititur. Itidem, in se veram esse, at similem artibus hæreticorum nostri temporis : ac si Gerson iam ante annos centum & quinquaginta discere quid potuerit ab hæreticis nostri temporis : hoc idem est ac Sacrarum literarum usum prohibere, quia his vtuntur hæretici : esse veram in se considerationem, & Venetos debere eam abhorrere : non videtur satis bona doctrina, quæ docet abhorrere veritatem : & quidem veritatem necessariam ad conservationem libertatis, ac potestatis ipsis à Deo concessæ. Demum ultima pars, in qua dicit author, Venetos punire debere eiusmodi defensores, obscurior videtur : Ego iam defendo Gersonis innocentiam, sed quum author scriberet, nescio qui nam essent eius defensores : præterea defensores veritatis, opportunè & in causa necessaria expositæ, puniri non solent à iusto & pio vlllo Principe, speciatim verò à Republica, quæ semper Catholicam veritatem professæ est. Dici equidem potest cui veritas necessaria displicet, Qui malè facit, odit lucem, Et non hallucinaretur, qui dice-

ret Authoris doctrinam iniuriolissimam esse toti Clero, ac toti Ecclesiæ, cum nolit eum reprehendi [qui vellet Ecclesiarum thesauros diripere, aut hæreditates vsurpare, aut in seruitutem abiectam Clerum cum suis bonis redigere, & iuribus suis spoliare sine causa:] hæc enim sunt Gersonis verba, quæ authorem hæc retulisse præstitisset.

Decima consideratio est, non incurrere eos contemptum clauium, qui per potestatem sæcularem, aduersus tales prætenfas sententias tueri se procurant, lex enim naturalis dicitur vim vi repelli posse.

Hæc doctrina perniciosa est, à qua infinita scandala oriri possunt. Licet enim sententia hæc verissima sit, vim vi repelli posse: nihilominus limitationes multas admittit: vt nimirum vis sit iniusta, nullum præter vim extet remedium, vt continuo resistentia fiat, & alias quas Syluester verbo Bellum 2. alique Doctores qui agunt de hac materia, declarant: propterea nisi magna cautela hæc sententia in particularibus casibus adhibeatur; grauissimarum perturbationum causa est. Dum apparitores captum vinciunt, certum est capto violentiam inferri, nec tamen licita est in lictores violentia, eade causa, quod vis vi repelli possit. Qui per vim ad scamna triremium alligatur, loris & verberibus ad remigandum compellitur, violentiam proculdubio sustinet, nec tamen vllus qui iudicio præditus sit, affirmabit præfecto triremium sub eodem prætextu, quempiam violenter obsistere posse. Similiter cogitur quispiam à Superiori seu Ecclesiastico, seu civili, restituere rem alienam aut famam, se ruare fidem & promissum, dici tamen nequit, cum

eum qui hoc modo cogatur,violenter resistere posse, aut insurgere aduersus suum Superiorem. Et vt sexcenta alia exempla relinquamus: quum interdum Magistratus aut Principes, plebi grauissimas exactiones & onera imponunt, ac eam ad soluendum impellunt coguntque, non credo vllum esse cui placeat is qui motus & seditiones in plebe excitaret, eò quòd liceat vim vi repellere. Et quæ nam confusio in priuatis ædibus, vrbibus, & Regnis foret, si omni vi vis opponi posset, ea de causa tantum, quòd lumen naturale vim vi repellendam dicat? Verum si de vi sermo sit, qua Præsules vtuntur, dum censuris Ecclesiasticis subditos ad obediendum cogunt, certum est eis non licere vi resistere: si enim qui non audit Ecclesiam, iuxta Dei præceptum, pro Ethnico & Publicano habendus est, sanè deterior censendus qui violenter Ecclesiæ resistit. Quantum verò ad recursum attinet ad Principes sæculares in materia Excommunicationis, à Sacro Concilio Tridentino sufficienter prospectum est, dum sess. 25. & 13. Principibus sæcularibus prohibet, ne Præsules ab excommunicatione impendant, neque iubeant vt iam latæ excommunicationes reuocentur, cum hoc ad officium eorum non spectet. Si demum ad negotium, de quo nunc instituta est quæstio, accedamus, principium quod adducit, vim vi repellere licet, ad rem nil facit: vis enim quam Dominus noster infert Reipublicæ Veneræ, vis est paterna, iusta, & sacris literis, sacrisque Canonibus consona, & omni tempore Sanctæ Ecclesiæ Præsulibus vñitata: adest in & promptum remedium, absque vi vlla, & Principum auxilio, obedientia nempe & humilitas, sine quibus

alia omnia remedia vana sunt.

Circa decimam considerationem, si is qui dicit vim prætenfarum sententiarum posse iuxta legem naturalem, vi repelli, perniciosam doctrinam tradit, ergo Cardinalis Bellarminus perniciosam doctrinam tradidit in suo libro de Romano Pontifice, à nobis præcitato, ubi disertissimis verbis hanc eandem sententiam confirmat, eiusdemque perniciæ authores sunt Cardinales Turrecremata, & Caietanus, ab ipso citati, & Dominicus Sotus, Franciscus Victoria, alique recentiores innumeri, qui unanimi consensu hanc sententiam confirmant: nec verum est tot scandala ex hac doctrina oriri posse: quin potius dicendum contrariam opinionem scandala hæc allaturam, etenim tyrannis in Ecclesiam introduceretur, quæ ceu publicum delictum perniciem adfert longè maiorem: quemadmodum nec etiam verum est, ob hanc doctrinam fore confusiones in priuatis ædibus, & Ciuitatibus, quia posset vnusquisque resistere lictoribus, præfecto trimenium, & Principi qui tributa exigit. Enimvero duo inter se disceptantes, nequeunt ambo iustitiam simul tueri, sed necesse est vt si qui alterum cogit, legitimè id faciat, alterius defensio sit illegitima, & contra si defensio est legitima, vis illata erit illegitima. Author non ignorat, quamuis hoc loco dissimulet, legem, quam ait licere vim vi repellere vim iniuste illatam intelligere, propterea non vera est vniuersalis propositio, quam elicit, dicens, Si ad omnem vim posset vis opponi: cum neque lex: neque Gerson, nec alius quispiam dixerit, Omnem vim vi repellere licet, vnde non valet
confe-

consequentia de lictoribus, de triremium Præfecto, de Principe qui iusta tributa exigit, ac de Magistratu, qui cogit rem alienam aut famam restituere, vel servare fidem & promissum, hæc enim omnia pendent à vi legitima: ad rem quidem facit consequentia quam deducit de vi, qua utitur Ecclesiasticus, dum cogere vult quempiam ad restituendum rem alienam aut famam, & fidem servandum, quæ omnia sunt sæcularia, quibus se immiscere non debet Ecclesiasticus nisi in foro pœnitentiali. Sed quando author dicit, si de vi sermo sit, qua Præsules utuntur, quum subditos censuris cogunt ad obediendum, certum esse, non licere vi resistere, quia si qui non audit Ecclesiam, pro ethnico & publicano habendus est, deterior censendus qui violenter Ecclesiæ resistit: Hic vel in genere de omnibus censuris, comprehendendo etiam inualidas, vel de validis tantum sermo est: si de omnibus loquatur author, ac velit eum qui censuris nullis resistit, ethnico peiorem esse, doctrina est absurda, falsa, erronea, & legi naturali, ac prædictorum Cardinalium, ipsiusque Bellarmini doctrinæ contraria: verum si validas tantum intelligat optima est doctrina, & Gersoni minime contraria, imò ab ipso met confirmata, nam Gerson in sua consideratione de censuris prætensis loquitur, quæ non sunt iuridicæ, at violentæ, & si quæ congregatio censuras eiusmodi adhibet, Christi nomine non est convocata, neque Christus præsens adest, & qui hanc non audit, bonus est Christianus, & Canones, quos Gratianus citat 1. 1. quæst. 3. hoc ipsum docent. De Ecclesia Dei, quæ errare non potest, semper verum manet eum

qui hanc non audit, pro ethnico habendum esse, & qui resistet ei, peiorem fore, nam resistantia aduersus tam iustum præceptum, iniusta erit, cum prædicta Ecclesiâ nihil vnquam præcipiat, quàm quòd ipse Christus: verùm si Ecclesiæ nomine, potestas erroribus obnoxia intelligatur, maximè quæ non modò ratione talis appareat, sed etiam in qua quotidiani errores conspiciantur: quam illa in ferendis præceptis errabit, quisquis ei resistet, vi vtetur legitime, nec Deum offenderet, quia nõ obsistet Ecclesiæ, sed errori humano, qui abducit à doctrina Ecclesiæ. Author verò enunciata propositione vera in censuris validis, eam sub vniuersalis nota, ad invalidas retulit: artificium iam notum, & in omnibus hisce sermonibus vsitatum. Manet itaque firma propositio, quum aggressor vim illegitimam adhibet: ipseque Author id fatetur, in distinguenda namque propositione tres adfert limitationes: prima est, vt vis sit iniusta: secunda, vt remedium aliud non adsit: tertia, vt subito id fiat: circa vltimam dicendum aliquid, ne vocis homonymiâ, pro more, hallucinemur: nam subito, nõ est indiuisibile quid, sed intelligitur pro subiecta materia: si enim alicui Principi arx si occupata, is eâ subito recuperabit, licet ad parandũ exercitum annus requiratur, imò id exequetur subito quamuis fœdera aliâsq; pactiones facere opus habuerit, vbi plures annos consumet. Est etiam quòd à secundæ limitationis homonymia nobis caueamus, nempe, vt non adsit aliud remedium: etenim si per aliud remedium intelligit legitimum remedium, conceditur, & ita limitatio hæc in ipsa propositione continetur: nam quisquis ait, [vim repellere licet, subdit,] vel subintelligit, cum moderami-

derami-

deramine inculpatæ tutelæ: at si per aliud remedium, author intelligat remedium damnosum ei qui iniuriam accepit, vis omnis iniusta aliud habet remedium quàm resistentiam: atque hoc est, iniuriam æquo animo ferre: verùm nemo tenetur vti hoc remedij genere, quinimò sapiùs in eius vsu peccaretur, quando scilicet remedium non modò in proprium, sed in alienum quoque damnum cederet. Ecce, lector, quomodo artificiosâ homonymiâ abducere te author volebat: primò dicit veram esse propositionem cum hac limitatione, vt non adsit aliud remedium: postea multis prolixisque verbis interpositis, ait Rempublicam Venetam in promptu habere remedium, absque vlla, vel Principum auxilio, & istud esse, obedientiam. Rectissimè. Hoc est remedium, sed non modò huius Reipub. libertati, sibi à Deo concessæ, verùm etiam vitæ, bonis, & famæ subditorum suorum damnosum. Ideoque remedium illud adhibere non tenetur, & ob alienû præiudiciû peccaret, si adhiberet. An verò aliud omne remedium vanum sit, vt author ait, Dei est illud determinare & ipsius eventus id comprobare. Rogandus venit author ne præmatûrè iudicet, vt ei non dicatur, [mihi autem pro minimo est, vt à vobis iudicer, aut ab humano die: an autem vis qua vtitur Pontifex, iusta sit & paterna, quod ad primam limitationem attinet, status est controuersiæ, de quo agendum esset, in primis, cum tamen author per nudam affirmationem eum proponat.

Videre non possum cui Scripturæ dicat author hanc vim Pontificis esse consonam: non quidem est iuxta cap. 13. ad Rom. neque iuxta capit. 3. epist. ad

Timoth. aut cap. 2, primæ D. Petri, aut 22. D. Matt. neque iuxta duodecim Canones qui agunt de hac materia, II. quæst. 31. fuisse autem in usu omni tempore in Ecclesia, id non videmus ante annum salutis nostræ millesimum: à quo tempore verum est Pontifices Romanos ea vi nonnunquam usos esse, at semper eis restitutum est, ut par erat, quum legitima potestate abusi sunt. Considerari non debet quæ fuerit posterorum opinio de actionibus illorum temporum, ea namque ex affectu Scriptorum sæpe oritur, ac Deus occultissimis suis iudiciis interdum permittit, ut iusta causa in animis hominum inferior maneat. Porro factum, quo Philippus Pulcher Bonifacio octauo restitit, & Ludouicus duodecimus Iulio secundo, simile resistentiæ qua Respublica nunc utitur, laudatur à Richelomo Iesuitarum Prouinciali, in suo Apologetico, cap. 25. & ceu exemplum dignum imitatione proponitur: quinetiâ cap. 24. declaratur, quum aliquis Romanus Pontifex Galliarum Regem læderet, ut Reges illi à dictis Pontificibus læsi fuerant, Iesuitas eo casu, id facturos, quod illis temporibus Galli fecerunt, qui se cum Rege suo ad Maiestatem suam defendendum coniunxerunt. Nescio qua loquendi formula respondeam vltimæ particulæ, in qua dicit, Rempublicam aliud habere remedium, quàm resistentiam: iis enim verbis spem magnam mihi fecerat, tantum tumultum ilicò sedatum iri: sed vbi ad illorum verborum explicationem venit, non potui non mirari, siquidem hoc etiam est remedium pro eo, cui vellet aliquis armorum vi, propria bona eripere, ut nempe cedat, & aggressori det quicquid voluerit. Obedientia est ex iis vocibus,

quas

quas ambiguas diximus, atque hîc sui specie & decentia fallax est. Obedientia res sancta videtur, & est, quum præcepto iusto honestoque præstatur, sed quando refertur ad præceptum tyrannicum aut abusiuum, non bona est, verum naturalis defensio tunc ei succedit. Deus libertatem concessit reipub. Venetæ, eidemque iniunxit ut eam custodiat, propriosque subditos protegat, nec eos ab aliis lædi patiatur: si quis iuberet eam reuocare leges ad hæc munia necessarias, eamque non tueri vitam, bona, famamque suorum subditorum, nisi aduersus eos quos ille veilet, & Respublica cederet, obedientia quidem esset nomine tenus, sed re ipsa, extrema erga Deum inobedientia. Respublica semper in rebus iustis Ecclesiasticæ potestati obediit, eam semper reuerita est, iuuat, & auxit, speramusque in Deo, fore ut in eisdem, diuina iuuante gratia, perseveret indefinenter, ipsumque Deum omnipotenti sua virtute effecturum ut præsens hic turbo in serenitatem, euadat, cum ampla Sanctæ sedis Apostolicæ, ipsiusque Reipublicæ satisfactione. Ceterum prætereunda non est Interpretatio decreti sancti consilij sess. 25. cap. 3. à vero sensu valde aliena. Concilium præcipit, ut seculares Magistratus non prohibeant Ecclesiastico ullius excommunicationem nec eum latam excommunicationem reuocare cogant, sub prætextu quod omnia in eo decreto contenta, non seruentur: author verò dicit, à Sacro concilio Tridentino prospectum esse, dum Principibus secularibus expresse prohibet, ne Præsules ab excommunicatione impedian, neque iubeant ut

RRr j

iam latæ excōmunicationes reuocentur: at hīc nō est concilij sensus: primò quia reticetur sequens conditio, nempe, sub prætextu quòd præsens decretum non obseruetur, quod, vt superius probatum est, non prohibet quin aliam ob causam fiat: deinde quia concilium dicit, cuilibet [Magistratui seculari,] quod Author noster mutat, dicēs, [Principibus secularibus:] sed quilibet Iuriscōsultus dicet, in exosa materia Principem sub nomine Magistratus non comprehendit: tertio quia concilium loquitur de prohibitione & præcepto iudiciali, & author noster id applicat naturali defensionī quam ipsemet loco cit. lib. 2. de Rom. Pont. cap. 29. negauit esse opus iurisdictionis: hunc itaque concilij locum huc adferre, est ei tres falsos sensus tribuere.

II. Vndecima consideratio est, Iuristarum aut Theologorum aliquē nō incurrere contemptam clauium Ecclesię, dū in præmissis casibus iuxta cōscientiā suam dicit, quòd huiusmodi sententię non sint timendę vel tenendę, & hoc præsertim, si obseruetur informatio seu cautela debita, ne sequatur scādalum pusillorū, qui æstimant Papam esse Deū aliquem, qui habet potestātē omnem in cœlo & in terra, &c. Hęc consideratio, vt loquar de ea modestē, parūm considerata est, suffecisset enim Gersonē dixisse, indoctum in re dubia posse se iudicio Theologi aut iuriconsulti cuiuspiam doctrina & bonitate clari cōmittere. Vt autem Theologus aut Iuriscōsultus quilibet, in materia præsertim obedientię summo Pontifici debita, consulatur, summa est temeritas: neq; enim dubium, sed certissimum

num est, in rebus dubiis superiori obediendum esse, quando dilucidum & manifestum est Superiorem res diuinis legibus oppositas præcipere: deinde quot Theologos ac Iurisconsultos reperire est, qui aut ex ignorantia, aut malitia decipi possunt? Et si hic te isto, alius autem alio modo instruat, quem sequeris? Principes profectò sæculares nunquam permittent, ut reus lata semel sententia reclamet, ac dicat ad obedientiam se non teneri, ea de causa, quòd Theologorum aut Iurisperorum aliquis in conscientia sua eum docuerit, sententiam obseruandam non esse: quanto minus ferendum hoc est, ubi agitur de obedientia Vicario Christi debita, cui Christiani omnes iure diuino tenentur obedire?

In vndecima hac consideratione Author modestè in Gersonem inuehitur, cupiens ut saltem dixisset, indoctum in re dubia, posse se iudicio Theologi aut Iurisconsulti cuiuspiam, doctrinæ & bonitate clari committere: quasi quis vnquam alium de re certa consulat: nullus enim quâtuvis imperitus, de re certa & indubitata consilium quæret. Author postea non manens intra modestiæ terminos, quam erat initio pollicitus, ait summam temeritatem asserere, iudicio Theologi aut Iurisconsulti cuiuslibet dari posse: ac si in interpretatione: vel in ipso Gersonis textu, dicatur, [cuiuslibet,] cum utrobique habeatur, [aliquis:] illa vox, [quilibet,] significare videtur, qualiscunque fuerit, doctus, vel indoctus, bonæ fidei, vel malæ: quod non ita est accipiendum, qui enim aliquem mittit ad querendum consilium, cum semper eligit qui rem de qua

agitur, probe calleat : & hoc Gerson diserte significat, his verbis, [aliquis Iuriconsultus aut Theologus iuxta conscientiam suam:] conscientia (maximè apud Gersonem) peritiam & bonitatem cōplectitur, & eiusdem hac de re tractatus videri potest. Eapropter, quum Gerson ait, indoctum committere se debere conscientiæ Iuriconsulti alicuius aut Theologi, eum intelligit qui vir probus ac prudens habeatur : neque hoc auctori displicere debet, cum recentiores etiam doctissimi idem sentiant : atque hinc Nauarrum citare sufficiet, qui in cap. cum contingat, de rescript. Rom. 2. num. 30. formaliter ait, [Nono interitur Canonicos Ecclesiæ B. securi, si ne potuisse ac debuissent communicare præfato E. in diuinis, ea ratione quo qui vnus doctoris eruditione, ac animi pietate celebris, autoritate ductus fecerit aliquid, excusatur, etiam si fortè id non esset iustum, & alij contrarium tenerent. Citat hinc multos doctores, & subdit : Quod etiam ad excusationem à violatione censurarum procedere speciatim, satis fatetur.] & in hoc alios multos citat. Hinc addere non omittam, ea verba, [quum aliquis Theologus aut Iuriconsultus, &c.] accipi debere vel singulariter, vel collectiue pro materiæ dignitate : aded vt in casu quopiam sufficiat vnus consilium, in alio, à duobus, tribus, vel quatuor, & in alio fortè à centum viris consilium quærat : in præsentì controuersia (licet ratione materiæ, ea sit facilis & perspicua) Respublica multos, & in Italia, & extra Italiam consuluit : vnde in ea voce, aliquis hærendum non est. Sed Auctor vult probare, consilium quærendum non esse, vbi agitur

tur de obedientia debita Pontifici , eò quòd in rebus dubiis , Superiori sit obediendum : quæ ratio probat nunquam in illo casu quærendū esse consilium , dum in casu dubio tuta pars eligenda est , & qui hanc elegerit , non errabit , ergo nunquam consilium quærendum est. Hic cauendum ne homonymia huius vocis , dubium , decipiamur : siquidem , ut iam ostendimus , dubium bifariam intelligitur , vel quod ante consilium , dubium est , vel quod post diligentem omnem consultationem , dubium manet. Primo modo , peccatum est obedire Superiori , quia periculum adest transgressionis diuinæ legis : at secundo modo , concedo in re dubia Superiori esse obediendum : quod non tollit consilium , sed illud præsupponit. Et subsequentes rationes , quibus author idem probat , eodem defectu laborant , cùm dicat : [Quot Iurisperiti reperiuntur , qui ex ignorantia , vel malitia possunt decipi ? Hoc non solum in casibus obedientiæ summo Pontifici debitæ , sed in dubiis omnibus occurrit , ita ut consilium quærendum nunquam foret. Subdit , [Et si hic te isto , alius autem alio modo instruat , quem sequeris ?] In materiis omnibus contingere potest , ut diuersa sint consilia , cui tunc adherendum ? quæcunque rationes plus concludunt , quàm quod proponitur , sunt fallaces. Theologi respondent , se bona fide scribere : quod si quis post omnem quam potuerit , diligentiam adhibitam , errauerit , excusabitur , manente insuperabili ipsius ignorantia , fieri potest ut Iurisperitus , aut Theologus aliquis quem consulam , ex ignorantia vel malitia

R R r. iij

me decipiat: si probaliter eum reputauero probum virum ac peritum, venia dignus ero. Si quis consilium alteri consilio contrarium mihi dederit, vel authorem illum sequat quem maioribus animi dotibus præditum iudicauero, vel consilium quærere pergam, donec ipse probè extricatus, & apud me certior factus fuerim.

Videre non possum vt valeat authoris ratio, quum ait, Principes sæculares nunquam permisso, vt reus lata sc̃mel sententia reclamet, ac dicat se ad obedientiam non teneri, eò quòd Iurisperitus vel Theologus aliquis, ipsum iuxta suam conscientiam docuerit, sententiam eam obseruandam non esse: quanto minùs, inquit, ferendum hoc est, vbi agitur de obedientia Vicario Christi debita?

Hic ante omnia notandum est, Gersonem non dicere in genere, Christianum contemptum clauum non incurrere, quoties Theologus aliquis aut Iurisperitus iuxta conscientiam suam dixerit sententiam obseruandam non esse: sed Gerson hoc tantum intelligit quum casus est dubius, atque ita dubius vt quis se ipsum extricare nequeat: propterea si quod iubet Præsul de his fuerit quæ perspicua sunt, vel citra magnum laborẽ dilucidari possunt, non opus erit consilio, vt si præsul iubeat, fugiendam esse blasphemiam, vel adulteriũ, dubitandum non est quin obedientia debeat: quemadmodum etiam quum Ditio quæpiam est Interdicta ob causam manifestò iniustam (vt hic præsupponimus, & alibi probauimus, eam esse ob quam nunc vult Pontifex vt Ditio Veneta sit Interdicta)
consilio

consilio minimè opus est, sed constat neminem ad obedientiam teneri. Sed si de casibus tantùm dubiis loquamur, authoris argumentum à sententiis Principum secularium ad sententias Præsulis Ecclesiastici, non procedit à pari, nec à minori: nā diuina scriptura quæ de vtraque illa potestate locuta est, idem de vtraque non dixit, verùm de obedientia Præsulibus Ecclesiasticis debita, dixit ad Hebr. Obedite præpositis vestris, ipsi enim peruigilant, quasi pro animabus vestris rationem reddaturi: sed de obedientia debita Principibus, dixit ad Rom. Necessè est subiectos esse, non solum propter iram, sed propter conscientiam. Nullum aliud Præsul meus imperium in me habet quàm eorum quæ ad animæ meæ salutem attinent: idèò namq; peruigilat: sed licèt aliquis pro anima mea vigilet, non tamen obdormire debeo, sed vigilare quantū in me est, Christo id iubente, mihiq; videndum incumbit, ne Præsul alteri rei quàm animæ meæ inuigilet, vel ne dormiat, aut vigilare se putans somniet: & si vigiliæ meæ non sufficiant, rogabo proximum, quē pro somnolento non habeo, vt me iuuat, ac mecum simul vigilet, & si interdum dubitauero an Præsul meus vigilet, aut dormiat, consilium quæram. Sed Princeps vigilat, vt cœu Dei minister, iustitiam exerçeat: nec ea quæ ad animam attinent, sed tēporalia tractat: quapropter non inuigilabo, neque ad hæc attendam, sed obedientiam ei, primò propter iram, deinde propter conscientiam: verumtamen si Princeps, ordine inuerso, aliquid eorum quæ ad animæ salutem attinent, imperare mihi vellet, vt verbi gratia, arti-

R R r iiii

culum aliquem crederem, aut non crederem, hoc iuxta legem Dei perpendere, & si dubitarem esse hoc damnosum animæ meæ, Theologos confulerem, idque Princeps mihi concedere deberet: sin minus, dicam, obedire oportet Deo magis quàm hominibus: atsi iubeat ut certum aliquod mercium genus in urbem adducam, vel non educam: ut tributum aliquod solvam, aut vestigal: ut urbis mœnia custodiam: denique si iubeant aliquid pro pace ac tranquillitate Reipub. conservanda, & ad arcendos tumultus, aliàsque novitates, quæ scandalum aut perturbationem adferre possunt, (quæ omnia spectant ad curam publicam, & in quibus non debet privatus aliquis suum interponere iudicium, sed sui Principis iudicium sequi) cùm hæc non sint de rebus ad animam attinentibus, sed temporalia, iis à me non perpensis ac sine mora obediam, & propter iram, & propter conscientiam.

Cura publicæ tranquillitatis tota pertinet ad Principem, privatus autem non nisi de obedientia & executione cogitare debet. Cura salutis animæ uniuscuiusque ad solum Præsulem non attinet, verùm subito potissimum incumbit, ideoque de ea sollicitus in primis esse debet. Atque hinc manifestum euadit discrimen inter præcepta Præsulum & Principum: his enim obediendum est, quamvis de causa non constet, in illis, animadversione opus est: quum Princeps imperat, id præcipit quod suarum est partium, quodque habet solus à Deo, ad me autem hoc nihil attinet, nisi passivè: quum Præsul imperat, de re agit quæ mea potius est quàm sua, ideoque de ea ma-

gis esse debeo sollicitus quàm ipse Præsul: Principi autem obedire teneor absolutè, quum agit de rebus temporalibus, non considerando an illæ sint contra proprium commodum meum temporale: publicum enim bonum privato antepondere necesse est: sed Præsuli obedire non teneor, si quid contra salutem animæ meæ iubeat, quamvis id in maximam Præsulis mei vtilitatem cederet.

Totus error est, velle Præsuli concedere potestatem in res temporales, & ministerium Ecclesiasticum in Forense iudicium mutare: seculari enim potestati Deus publicæ tranquillitatis curam commisit, eidemque fecit authoritatem imponendi poenas temporales, quarum metu subiectos illi esse oportet, quod his verbis designatur, [propter iram,] præter diuinum præceptum quod huic potestati obediendum sit, estque hoc [propter conscientiam:] at Ecclesiastico ministerio Deus animarum curam cōmisit, quæ nihil commune habet cum pœnis tēporalibus directè, ideoque non iussit vt obediatur [propter iram.] De potestate temporali D. Paulus dicit, [non enim sine causa gladium portat:] sed de ministerio Ecclesiastico, [exercetur per gladium spiritus, quod est verbum Dei.]

His ita se habentibus, Authoris conclusio, scilicet omnes Christianos iure diuino teneri subiectos esse ac obedire Vicario Christi, debet intelligi in rebus spiritualibus, & ad animarum salutem facientibus, & in foro diuino, & quum iuxta legem diuinam imperat: sed in rebus temporalibus Principes absoluti, aliis subiecti nō sunt quàm Deo, à quo immediatè potestas ipsorum manat.

Teneant pusilli & simplices Papam Deum quendam esse, & potestatem omnem habere in cœlo & in terris, Deo plus placet eorum infirmitas & simplicitas, quàm firmitudo eorum qui prudentes sibi videri volunt, proindeque auctoritatem Vicarij Christi, vt omnes ætatis nostræ hæretici consueuerunt, deprimere conantur. Exiguum quid est, Papam pro Deo in terris haberi, cùm de omnibus Principibus in Psalm. dicatur: Ego dixi dii estis. Nec inconueniens est dicere, Papam potestatem omnem habere in cœlo, & in terra; cùm Christus ipse dixerit, Quodcunque ligaueris super terram, erit ligatum & in cœlis. Quod tamen à veris & doctis Catholicis sanè & rectè intelligitur. Et, vt rem paucis complectar, credo dici posse & rectè, tam eximiam esse summi Pontificis dignitatem & potestatem, vt pauci sublimitatem eius ac splendorem capiant & assequantur: potest enim omne illud facere quod ad deducendas in Paradysum animas necessarium est, remouere omnia obstacula, quæ Mundus & Dæmon dolosè ac fraudulenter apponunt. Hinc D. Cyrillus, à D. Thoma in opusculo de primatu Petri citatus, asserit, quemadmodum Christus à Patre plenissimam habuit auctoritatem, ita Christum quoque D. Petro, eiusque successoribus, amplissimam in vniuersam Ecclesiam concessisse.

Quia Gerson dicit, edocendos esse conscientia debiles, & scrupulosos, qui putant Papam Deum esse, omnemque in cælo & in terris potestatem habere: respondet author, Deo magis placere hanc eorum infirmitatem: quàm hereticorum firmitudinem, qui sibi sapere videntur, Vica-

rij Christi auctoritatem contemnendo : non secus ac si cui avaritiam damnanti contradicere vellemus, dicentes, Deo magis placere avaritiam, quam bonorum profusionem: quasi non adsit verum medium, nempe liberalitas: verus loquendi modus hic esset, minus Deo displicet avaritia, quam bonorum profusio in luxus, sed vtrumque displicet. Gravissimè peccat qui veram negat auctoritatem, à Christo datam suo Vicario, sed non est laudanda eius ignorantia qui plus equo ipsi tribuit: Deo grata est veritas: ignorantiam, quando est insuperabilis, non probat, sed excusat: magnoperè sibi contradicit, qui asserit Deo falsum quid placere. Author qui aptè loqui consuevit, sic dicere poterat, minùs Deo displicet hæc eorum infirmitas, quam hæreticorum firmitudo, & probaretur: hac enim ratione verum explicaret, neutrum scilicet prædictorum exteriorem placere: nec author absurdum putet, si quis dicat, vtile esse simplices & imperitos monere, ne Pontifici auctoritatem legitima & vera maiorem tribuant: nam id ipsum dicit D. Gregorius 2. quæst. 7. eiusq; causam reddit: Admonendi sunt subditi ne plusquam expedit sint subiecti, ne cum studet plusquam necesse est hominibus subiecti, cõpellantur etiam vitia eorù venerari. Poterátne hic Sãctus disertè magis confirmare Gersonis doctrinã? Ipse ait, scrupulosas cõscientias, quæ credût Papã esse Deũ, à simplicitate sua liberãdas esse: D. Gregorius ait, admonèdos esse subditos, ne plusquã expedit, sint subiecti: sed, quod maius est, causã huius reddit, quia cõpelluntur etiã eorù vitia venerari, quibus plus æquo subiecti sunt: Non errabis deinde, si addas solere homines res veneratas imitari, & concludas admodum expedire, falsas has

tollere suggestiones: Quod subdit Author, non magnum esse quid, Papam pro Deo habere, cum omnes Principes, dii vocentur: id, inquam, nullum absurdum continet, modò homonymiâ non decipiamur: sed dum ex hac propositione, quæ bonum sensum recipit, elicere has voluerimus, Papa & Deus constituunt idem Tribunal: Papæ, & Dei idem Consistorium: eam diuinitatis speciem papæ tribuimus, quam Gerson improbat. Non absurdū ducit author asserere, papam omnem habere potestatem in cœlo & in terris, quia dictum sit, [Quodcunque ligaueris super terram, erit ligatum & in cœlis, ex quo loco videretur alicui eiusmodi conclusio non benè deduci, propterea quòd potestas ad virtutem actiuam, [quodcunque] ad materiam referatur. Si dicam, parochus omnia matrimonia cōiungit, non sequitur eum omnem habere potestatem in matrimonia: Quodcunque ligaueris super terram, erit ligatum & in cœlis, Ergo quocunque modo ligaueris: non sequitur, & hoc ipsum est quod Gerson improbat. atque ita credo velle etiam authorem intelligere, quum ait, hoc à veris & doctis Catholicis sanè & rectè declarari ac intelligi. Hęc enim propositio, papa omnem habet potestatem in cœlo & in terris, absolute falsa est, càmque ad verum sensum contrahendo, plures sunt potestates, quas Papa non habet in cœlo & in terris, quàm ex quas habet: ideòque propositio, quæ ob vnicam instantiam falsa esset, plures habens instatias, quàm terminorum probationes, (vt aiunt Logici) est falsissima. Author ait existimare se quòd verissimè dici queat, tantam esse potestatem summi Pontificis, vt pauci eam capere ca-

re ca-

re capiant: quod & ipse credo, siquidem verum v-
num est, falsum autem infinitum : multi minus ei
tribuunt quàm par sit, multi plus, vnde supersunt
pauci qui quod æquum est, ipsi tribuant. Amplum
instituit sermonem Dom. Cardinalis Bellarminus
in suis operibus de Romano Pontifice, limitando
summi Pontificis authoritatem, multaque propo-
nendo quæ non sunt penes Pontificem, ac totus
hic eius sermo verus esset, nisi potestatis excessum
includeret. Quod autem dicit, posse Pontificem
omne id facere, quod necessarium est ad animas
deducendas in Paradysum, & remouere omnia
obstacula, quæ Mundus ac Dæmon dolose
& fraudulenter opponunt: speciosa quidem est
propositio, sed falsa: Ad ducendam in Paradysum
animam foetus in vtero materno degentis, qui vi-
uus edi non possit, necessarius esset modus aliquis
gratiam ei concedendi, ergo-ne Pontifex id facere
potest? minimè: Sacramentum enim instituere nō
potest in hunc finem, nec ventris grauidæ ad aper-
tione in iniungere: ergo papa rem facere non po-
test necessariam ad animam in Paradysum dedu-
cendam: Si quis post mortale peccatum actuale æ-
mens factus sit, saluari nequit, nisi ad bonam men-
tem redeat, & pœnitentiam agat: an igitur papa
sanam illi mentem restituere potest? non credo,
attamen hoc ad illius salutem necessarium est. Ni-
hil magis est ad salutem necessarium quàm sint
interni motus animi, in quos potestatem vllam
habere Pontificem, negat D. Thomas. Innumera
possem ostendere ad animas in Paradysum ducen-
das necessaria, quæ non sunt sub potestate Pon-

tificis , atque vtiā is (vt ait Author) remouere posset obstacula omnia quę Mundus ac Demon dolosē ac fraudulenter opponunt , Turcis enim & Hereticis careremus : infinita sunt obstacula quę Regni Christi hostes quotidie opponunt , aduersus quę satis sit Pontifici nil aliud posse quā illud precari , [& ne nos inducas in tentationem , &c.] Non modō Deus , auctoritatem non concessit , obstacula omnia remouendi , quę Mundus & Satan opponunt , verū etiam vtile iudicauit Ecclesię , eorum multa concedere . Facile est lectori videre quanta cum ratione Gerson moneat , vt rudes doceantur , cū hīc vno halitu quatuor propositiones manifestō falsę afferantur à viro doctissimo ad potestatem Pontifici à Deo datam extendendam vltra limites à diuina Maiestate constitutos .

Duodecimam considerationem paucis expediemus , cū & breuis sit obiectio : Author ait :

12. Duodecima consideratio est , Contemptum clauium magis foueri , quā tolli , dum ij qui abusi clauium resistere debent , diuiduntur inter se , & impediunt se mutuō . Veritas est , quod omnis via fauorabilis & humilis tentanda sit cum summo Pontifice , dum malē informatus , fert iniustas sententias , sed si nihil prodest humilis sedulitas , arripienda est virilis & animosa libertas . Hęc consideratio multū faciebat ad rem , Gersonis ætate , cū enim tunc trium Pontificum schisma esset , & horum quisque excommunicationes fulminaret aduersus sequaces alterius , expediebat vt id tem-

id temporis fideles inter se vnanimis schisma tollere conarentur , & eas excommunicationes parui facerent , cùm quis eorum Christi Vicarius esset , ignoraretur , atque vt iis non obstantibus ad negotium vnionis Ecclesiæ attenderent. Iam autem cùm diuino beneficio vnus solùm Papa indubitatus ac certus sit, nihil ad rem facit hæc cōsideratio, nisi ad nouum schisma membrorum aduersus caput excitandum.

Si Author existimet Gersonem doctrinam eiusmodi scripsisse schismatis tempore, Considerationem octauam legendo denuò, manifestè videbit, scriptum esse hunc tractatum post Constantiense Concilium & quo tempore vnicus erat & indubitatus Pontifex: verum an Author alium habeat sensum magis artificiosum , conici non potest, quamuis tamen aliqua sit eius suspicio: non enim verisimile est ipsum tempus ignorasse quo hic tractatus conscriptus est. At verò quomodo hæc consideratio à Gersone scripta fuerit , vt ad præcedens aliquod tempus referatur , videre non licet. Constat etiam referri non posse ad schisma, quod fortè Gerson futurum suspicaretur , non enim de vnione Ecclesiæ, sed tantùm de tollendis abusibus fit sermo: præterea quando Pontifex non est certus & indubitatus, huic non debetur ea reuerentia quam suadet Gerson viæ fauorabilis & humilis titulo , sed hæc summo Pontifici indubitato competit: & absque prolixiori disceptatione, Lector Gersonem legens vnà cum authoris obiectione & considerans an extra Schismatis tempus contingere possit abusus clauium , atque

ut ij, qui resistere deberent, diuidantur inter se, ac mutuò sese impendant, vel ob imprudentiam, vel ob ignauiam, & quidam abusibus faueant, quos alij tollere volunt. videbit qua de re præcisè ac verè agatur, & an obiectio valeat.

Verùm quod adfert sub finem, hanc nempe considerationem ad aliud non facere, quàm ad nouum schisma excitandum asseri non potest, quin simul dicatur D. Gregorij doctrinam in cap. [Admonendi,] suprà citato, falsam esse, & ad excitandum schisma facere; quum ait, admonendos esse subditos, ne plusquam expedit, subiecti sint, ne cum student plusquam necesse est hominibus subici, compellantur etiam vitia eorum venerari: Sed hæc duodecima consideratio facit ad abusum ab Ecclesia Dei remouendos, quod iam à tot sæculis optant auidè fideles, facit ad Sanctæ Ecclesiæ quietem & pacem conseruandam, quinimo facit ad impediendum diuisiones & schismata, multæ namque Prouinciæ & Regna prægressis sæculis, non ob aliam causam ab Ecclesia Romana descuerunt, quàm quia Romani Pontifices rebus eorum temporalibus sese immiscere voluerunt. Pro certo habere debemus Sanctitati Pauli v. optimum esse animum mendendi abusibus ad hæc vsque tempora introductis, licet eorum vis tanta sit, vt mirum videri non debeat, si qui rectæ sunt mentis, ab eiusmodi abusibus, contra propriam inclinationem ad illud ipsum rapiantur, quod vitare sibi proponunt.

R E-


RESPONSIO

AD ALTERVM

GERSONIS OPVS-

culorum, cuius titu-
lus est:

DISCVSSIO ILLIVS *Ab-*
sertionis, Sententia Pastoris, etiam
iniusta, timenda est.



VENETIIS.

Apud Robertum Meietum.

M. D. CVI.

Cum licentia Superiorum.

013740

1777



RESPONSIO AD AL-
TERVM GERSONIS O-
pusculum, cuius titulus est: DISCVS-
SIO ILLIVS ASSERTIONIS, Senten-
tia Pastoris, etiam iniusta, timēda est.



IN secundo opusculo idē Ioh. Gerson refert, commissarium quendam Apo-
stolicum in processu quodam publi-
co posuisse assertionem quę sequitur,
Sententię nostrę, etiam si essent iniustę, sunt te-
nendę & timendę. Supra hanc assertionem, censu-
ram profert in plures propositiones diuisam, &
sunt sequentes:

Prima, hæc assertio falsa est. Secunda, hæc asser-
tio est impossibilis. Tertia, hæc assertio est erro-
nea, cōtra bonos mores. Quarta, hæc assertio red-
dit authorē suū suspectū in fide, & ita consequen-
ter ad iudicium fidei euocandū, & compellēdum,
vt vel se exponat, vel sententiam suam reuocet, vel
si pertinax fuerit, iustitię seculari committatur.

Hæc est summa iudicij Gersonis, quod quā-
rigidum sit, ex sequenti sermone patebit. Commis-
sarius ille seu verus sit seu fictitijs, non contentus
fuit dicere, sententias suas, etiam iniustas, timen-
das, iuxta S. Gregorij dictum, sed etiam adiunxit
obseruandas esse: & quamuis potuisset hæc verba
non addere, nihilominus censuram adeo rigidam,
qualis est ea Gersonis, non demeruit, qui in ma-

lum sensum verba , quæ in bono accipi poterant, traxit. Duo Gerson in Commissario reprehendit, ac de vtroque paucis agemus. Primò reprehendit quodd sine distinctione dixerit, sententias suas etiam iniustas timendas esse, videtur enim voluisse dicere sententias omnes iniustas timendas esse, cùm tamen constet, nō omnes iniustas, sed solùm illas, quæ iniustæ quidem, at validæ sunt, timendas esse, vt ex Gratiano colligitur 11. q. 3. per totum. Ad hoc respōdetur, Commissarium locutum esse eo sensu, quo D. Gregorius, & sacri Canones. Et quemadmodū D. Gregorius quum dicit, Sententiam Pastoris, siue iustam, siue iniustam, timendam esse, etiamsi indistinctè loquatur, non tamen censendus est dicere omnem Pastoris sententiam timendam esse, sed eam tantūm quæ non est nulla, licet iniusta sit. Ita nec ex commissarij verbis deducendum est, omnes sententias timendas esse, sed tantūm manifestè non inualidas, licet iniustas. Dicam paucis, calumnia quæ commissarij verbis impingitur, D. etiā Gregorij verbis affingi posset. In responsione ad secundū Gersonis opusculū, in quo multa sunt, quæ iustitiam causæ Reip. Venetæ, ac censurarū aduersus ipsam promulgatarū nullitatem patefaciūt, Author iis omnib. dissimulatis, disputationē instituit contra ipsum Gersonē, ac probare aggreditur assertionē à quodam Papæ cōmissario pronuntiatā, his verbis, [Sententiæ nostræ, etiā si iniustæ essent, sunt tenendæ ac timendæ, in bono sensu posse accipi: ideóq; Gersonē rigidū nimis cēsorem fuisse, qui in malū sensum traxerit quod in bono accipi poterat: immemor ipse author se responsione sua ad primū Opusculū, nō mo-

dò semper in peiore sensu Gersonis verba accepit
 se: verū etiā, quū idē Gerson se ipsum exposuisset,
 (dissimulata expositione) eidē sese opposuisse in
 prauo sensu, iā à Gersone distincto & remoto. V-
 bi autē coactus fuit ipse author fateri Gersonis do-
 ctrinā absolute verā esse, excogitauit iniuriosam es-
 se alicui, vt in consideratione nona videre est: aut
 etiam per temporis transpositionem simulauit
 credere Gersonis opusculum ante concilium Cō-
 stantiense scriptū esse, quod tamen post illud scri-
 ptum est, vt & hoc secundum, cū in eo prædicti
 etiam concilij mentio fiat, quinimò Regētem ap-
 pellat Caroli Sexti filium, qui titulum illum ante
 annum 1418. non assumpsit: quod obiter monere
 volui, vt ostenderem vtrumq; hoc opusculum cō-
 positum fuisse sub Pontificatu Martini quinti, vni-
 ci & indubitati Pontificis: quapropter effugium
 quo author vtitur, dum vult Gersonis doctrinam
 ad schismatis tempora referri, cum à vi argumēto-
 rum minimè liberabit. Gerson haud negat asser-
 tionem commissarij bonū aliquem sensum admit-
 tere, cū dicat cogendum esse commissariū vt sen-
 tentiam suam vel exponat, vel reuocet: at Gerson
 negat assertionē in eo sensu formali quo proponi-
 tur, verā esse. Ac certū est eum qui assertionē ali-
 quam examinat, quū Thesis est, nempe vniuersa-
 lis ad particularem casum non relata, examinare
 illā in formali verborū sensu: at vbi ad hypothesin
 accedit, eandē examinare iuxta sensum, quē habet
 à casu particulari: ideóq; rectē author noster asser-
 tionē eā vtroq; modo examinat: & primo quidem
 sumpta ea pro Thesis, inquit: ex ea nō sequi, sentē-
 tias oēs iniustas timēdas esse, vt Gerson affirmat,

Sed concludendum esse hoc de illis tantum, quæ licet iniustæ sint, non tamen sunt nullæ: siquidem posset idem colligi ex diui Gregorij assertione, sententiam scilicet Pastoris, iustam, iniustamve timendam esse, cum indistinctè proferatur, & nihilominus de iniusta sed valida intelligatur ab omnibus: ac tandem concludit calumniam quæ commissarij verbis affingitur verbis etiam diui Gregorij adscribi posse: sufficiebat interpretationem dicere, nam hac voce calumniæ uti cum D. Gregorio, videtur parum conueniēs. Porro Author, quum ait D. Gregorij dictum eidem interpretationi obnoxium esse, hoc intelligit, prout legitur vel apud ipsum D. Gregorium, vel apud Gratianum, vel ut ita absolutè & seorsim enunciatur à quolibet abuti volente hoc dicto. Si ut legitur apud D. Gregorium, dictum illud eum sensum non admittit, nam eo loci loquitur de sententia Pastoris iniusta quovis modo, vel cum validitate, aut citra hanc, vel cum nullitate, aut citra hanc: sed vox, [timento,] eadem est, ac non per contemptum spernenda, & quilibet affirmat, omnem sententiam etiam iniustam, etiam nullam, ut est sententia pastoris, non esse contemnendam. Verba D. Gregorij sunt, [Is autem qui sub manu Pastoris est, ligari timeat, vel iniuste, nec Pastoris sui iudicium temerè reprehendat, ne si iniuste ligatus est, ex ipsa tumida reprehensionis superbia, culpa, quæ non erat, fiat.] Et subdit: [sed quia hæc breuiter per excessum diximus, ad dispositionem ordinis redeamus. Timere] igitur diuus Gregorius opponit his vocibus, temerè, tumidè, & superbe reprehendere] iuxta quem modum, omnis

mnis sententia etiam iniusta & nulla, timenda. Sed iuxta hunc sensum pro timere, dici non poterat, obseruare, vt Commissarius dixit, siquidem sententia superioris peccatum præciens, iuxta modum à D. Gregorio dictum timenda est, at nequaquam obseruanda, atque hanc expositionem author apud Gersonem videre poterat, vbi inferius dicit, Gregorij dictum admittere posse bonum sensum, non qualem ei tribuit Commissarius qui addidit, & obseruanda. Quòd si Author de hoc dicto loquatur, vt extat in Decretis, audiat, si lubet, quomodo loquatur Compiler post cap. [si Episcopus, s. præmissis autoritatibus, Gregorius non dicit sententiam iniuste latam esse seruandam, sed timendam, sicut & Urbanus, timenda est ergo, id est non ex superbia contemnenda.] Si Gratianus Monarchus hodie viueret, & Gersonem defendendum susciperet, non posset aptius loqui quàm vt ante quadringentos annos loquutus est. Verùm si author, D. Gregorij assertionem seorsum & absolutè sumat, eam cum assertionem Commissarij conferre nõ potest, verbum enim, timere, sensum habet quem verbum, obseruare, non admittit: præterea nullus vir doctus citat aliquid quin illud in proprio fonte viderit, ac verum eius sensum habeat: & nullus qui syncerè scribat, illud extra proprium sensum adducit. Quapropter quantum discrepet sanctus & modestus loquendi modus D. Gregorij, à tyrannica & absurda Commissarij locutione, constat. Transeamus itaque ad secundam partem.

Secundò reprehedit Gerson Commissariũ, quòd

SSf. iij

dixerit sententias, quamuis iniustas, timendas esse & obseruandas. Alia enim inquit res est obseruare, alia timere. Iniquitas tyranni timenda, neutiquam tamen obseruanda est, & qui dicit eam obseruandam esse, falsum adstruit, & in errore versatur. Ad hoc respondetur: Commissarium, quantum quidem credi potest, non locutum esse de obseruatione rei iniustæ, sed de sententia excommunicationis, quatenus poena quedam est, ac priuat hominem participatione Sacramentorum, & conuersatione fidelium: & in hoc sensu rectè dicitur sententiam excommunicationis timendam & obseruandam esse: non sunt enim res diuersæ, timere excommunicationem, & eandem obseruare: nam qui hanc timet, ab usu Sacramentorum, & à commercio fidelium abstinet, & ita eam obseruat: qui verò sic non obseruat, sed cum fidelibus communicat & Sacramentis utitur, eam nequaquam timet. Atque Gerson æquiocat in sententia quæ aliquid præcipit, & sententia quæ re quapiam priuat, cumque super his æquiocis totum suum sermonem fundauerit, mirum non est quòd cum in aëre struxerit.

Author vt Commissarij assertionem defendat, in hypothesi ad casum relatam, ait primò, commissarium, quantum quidem credi potest, non locutum esse de obseruatione rei iniustæ, sed de sententia excommunicationis, quatenus poena quedam est: ac declarato discrimine, concludit Gersonem æquiocasse in sententia quæ aliquid præcipit, & sententia quæ re quapiam priuat, cumque super his totum suum sermonem fundauerit,

rit, mirum non esse, quòd cum in aëre struxerit. Ecce, lector, vt author noster, ignorans quæ de sententia locutus sit commissarius, coniiciat, dicens, quantum credi potest, non locutum eum esse de obseruatione rei iniustæ, sed de sententia excommunicationis, quatenus pœna est, deinde affirmatè concludat Gersonem iussisse homonymia. Hoc tamen Gerson non ferat, sed è materia subiecta, vt ostendam, sciuit agi de obseruatione rei iniustæ, eamque hoc in libello etiam expressit. Verùm Author ex se ipso in aëre struxit, qui præsupposita re incerta, his verbis, quantum credi potest, Gersonem homonymia vti absolutè affirmat: ac si verba illa quantum credi potest his equipolleant, reuera ita est: Author tamen erroris partem agnoscens, eum corrigit his verbis.

Verùm ponamus ita se rem habere, locutus sit commissarius, de sententia quæ aliqua re priuat sub pœna excommunicationis, neque hoc modo malè locutus est: vel enim ea sententia præcipit rem manifestè bonam, vt est alienæ rei restitutio: aut rem manifestè malam, vt sunt furari, blasphemare: aut rem dubiam an mala sit, nec-ne, vt est, ad bellum proficisci, de quo iustum ne an iniustum sit, dubitatur. Si rem manifestè bonam præcipit, obseruanda & timenda est, obseruanda est scilicet, id facièdo quod præcipitur, ne incurratur excommunicatio, & fieri potest eiusmodi sententiam iniustā esse, quū nempe tres admonitiones nō præcesserint, & tamē validā ob rem bonā quæ præcipitur, ob authoritatē præcipientis, & ob præuiā vnā saltē admonitionē. Si sentētia dubia est, malane an nō mala res præcipiatur, obseruāda & timēda est: in

peccaret: atque hinc patet veritas eius quod citat, [Nolite timere eos qui occidunt corpus:] verum ad secundam partem, abstinere scilicet à Communionem, subditus non est obligatus, quod si hoc observare voluerit, modò alteri cuiuspiam præcepto non aduersetur, non peccabit: hoc Gerson dicit his verbis, quæ verisimile est authorem legisse, Quia timeri possunt à timidis conscientiis in casu quopiam, licet ideò non debeant observari: magnum quippe discrimen est dicere: sententias observandas esse, & eas timendas: observari sententiam excommunicationis intelligit Gerson, quum quis præceptum exequitur ne in eam incidat, vel ut ab ea iam lata liberetur: timeri excommunicationem Gerson intelligit cum quis abstinet à communione. Excommunicationem cum præcepto rei iniuste iuncta, qui observarit, peccabit; qui timuerit, non peccabit, quavis eam timere non teneatur. Multum igitur differt, si ita dicamus, sententiæ nostræ, etiam si iniustæ, timeri debent: hoc enim significat abstinere à Communionem, ob earum reverentiam: & sic loquens Commissarius, non errasset nisi dicēs, debent, pro, possunt: at quando dixit eas observari debere, gravius erravit, quia non modò non debent, sed etiam non possunt observari citra peccatum, quæ tamen timeri possunt, licet nemo ad hoc teneatur: atque hoc est quartum membrum discrete à Gersone declaratum, quod author ait non reperiri, cum interim & apud D. Gregorium, & apud Gratianum reperitur ab eo qui res considerat sine contradicendi studio. Quamvis autem superius author certò non sciret qua de re Commissarius loqueretur, hinc tamen quasi certus est,

set, ait, neque in hoc errasse Commissarium, eò quòd semper de iniusta sententia, sed valida locutus sit, quæ peccatum non iubet: atque hoc me cogit vt digressiuncula vt rem declarem, quæ est huius opusculi materia.

Ante Concilium Constantiense, anno circiter 1399. Carolus v. Galliarum Rex Concilium Præfulum ac Vniuersitatum sui Regni conuocauit, in quo præter alia, determinatum fuit, admittendas non esse Bullas Romanæ Curiae de reservationibus, & beneficiis expectatiuis sed vt electiua beneficia conferrentur electione, & aliorum collationes fierent ab Ordinariis: quod decretum vt obseruaretur, viginti annis sequentibus sæpius renouatum fuit, tum per alia decreta Regni Præfulum, tum per Arresta supremæ Curiae iterata vel renouata, quamuis Romana Curia sæpius eorum obseruationem cum scriptis executoriis & Commissariis impedire conaretur.

Gersonem de Commissario loqui ob aliquam eiusmodi causam, in Galliam misso, liquidò apparet, in secunda propositione: ipsum verò tempore Pontificatus Martini V. scripisse, constat ex eadem propositione, vbi dicit Regem viginti ab hinc annis, Concilium Præfulum conuocasse: quod Concilium, vt Guagninus refert, primò congregatum fuit anno prædicto 1399. In tertia verò propositione quando Gerson loquitur de Regis Caroli v. filio, his verbis utitur, [Legitimo suo filio, nunc Regenti,] quem titulum assumpsit anno 1418. vt testatur Franciscus Bellaforestius: vnde ex prædictis omnibus colligitur, hoc Gersonis opusculum scriptum esse post annum

1918 MO

1918 MO

1918 MO

1918 MO

1918 MO

1918 MO

1918 MO

1918 MO

1918 MO

1918 MO

1918 MO

1918 MO

1918 MO

1918 MO

1918 MO

1918 MO

1918 MO

1918 MO

1918 MO

1918 MO

1918 MO

1918 MO



RESPONSIO AD AL- TERVM GERSONIS O- pusculum, cuius titulus est: DISCVS- SIO ILLIVS ASSERTIONIS, Senten- tia Pastoris, etiam iniusta, timēda est.

IN secundo opusculo idē Ioh. Gerson refert, commissarium quendam Apo-
stolicum in processu quodam publi-
co posuisse assertionem quę sequitur,
Sententię nostrę, etiam si essent iniustę, sunt te-
nendę & timendę. Supra hanc assertionem, censu-
ram profert in plures propositiones diuisam, &
sunt sequentes:

Prima, hęc assertio falsa est. Secunda, hęc asser-
tio est impossibilis. Tertia, hęc assertio est erro-
nea, cōtra bonos mores. Quarta, hęc assertio red-
dit authorē suū suspectū in fide, & ita consequen-
ter ad iudicium fidei euocandū, & compellēdum,
vt vel se exponat, vel sententiam suam reuocet, vel
si pertinax fuerit, iustitię seculari committatur.

Hęc est summa iudicij Gersonis, quod quā-
rigidum sit, ex sequenti sermone patebit. Commis-
sarius ille seu verus sit seu fictitijs, non contentus
fuit dicere, sententias suas, etiam iniustas, timen-
das, iuxta S. Gregorij dictum, sed etiam adiunxit
obseruandas esse: & quamuis potuisset hęc verba
non addere, nihilominus censuram adeo rigidam,
qualis est ea Gersonis, non demeruit, qui in ma-

lum sensum verba, quæ in bono accipi poterant, traxit. Duo Gerson in Commissario reprehendit, ac de utroque paucis agemus. Primò reprehendit quòd sine distinctione dixerit, sententias suas etiam iniustas timendas esse, videtur enim voluisse dicere sententias omnes iniustas timendas esse, cum tamen constet, nō omnes iniustas, sed solū illas, quæ iniustæ quidem, at validæ sunt, timendas esse, ut ex Gratiano colligitur 11. q. 3. per totum. Ad hoc respōdetur, Commissarium locutum esse eo sensu, quo D. Gregorius, & sacri Canones. Et quemadmodū D. Gregorius quum dicit, Sententiam Pastoris, siue iustam, siue iniustam, timendam esse, etiamsi indistinctè loquatur, non tamen censendus est dicere omnem Pastoris sententiam timendam esse, sed eam tantū quæ non est nulla, licet iniusta sit. Ita nec ex commissarii verbis deducendum est, omnes sententias timendas esse, sed tantū manifestè non inualidas, licet iniustas. Dicam paucis, calumnia quæ commissarii verbis impingitur, D. etiā Gregorij verbis affingi posset.

In responsione ad secundū Gersonis opusculū, in quo multa sunt, quæ iustitiam causæ Reip. Venetæ, ac censurarū aduersus ipsam promulgatarū nullitatem patefaciūt, Author iis omnib. dissimulatis, disputationē instituit contra ipsum Gersonē, ac probare aggreditur assertionē à quodam Papæ commissario pronuntiatā, his verbis, [Sententiæ nostræ, etiā si iniustæ essent, sunt tenendæ ac timendæ, in bono sensu posse accipi: ideòq; Gersonē rigidū nimis cēsores fuisse, qui in malū sensum traxerit quod in bono accipi poterat: immemor ipse author se responsione sua ad primū Opusculū, quō mo-
do

dò semper in peiore sensu Gersonis verba accepisse: verū etiā, quū idē Gerson se ipsum exposuisset, (dissimulata expositione) eidē sese opposuisse in prauo sensu, iā à Gersone distincto & remoto. Vbi autē coactus fuit ipse author fateri Gersonis doctrinā absolute verā esse, excogitauit iniuriosam esse alicui, vt in consideratione nona videre est: aut etiam per temporis transpositionem simulauit credere Gersonis opusculum ante concilium Cōstantiense scriptū esse, quod tamen post illud scriptum est, vt & hoc secundum, cū in eo prædicti etiam concilij mentio fiat, quinimò Regētem appellat Caroli Sexti filium, qui titulum illum ante annum 1418. non assumpsit: quod obiter monere volui, vt ostenderem vtrumq; hoc opusculum cōpositum fuisse sub Pontificatu Martini quinti, vni-ci & indubitati Pontificis: quapropter effugium quo author vtitur, dum vult Gersonis doctrinam ad schismatis tempora referri, eum à vi argumētorum minimè liberabit. Gerson haud negat assertionem commissarij bonū aliquem sensum admittere, cū dicat cogendum esse commissariū vt sententiam suam vel exponat, vel reuocet: at Gerson negat assertionē in eo sensu formali quo proponitur, verā esse. Ac certū est eum qui assertionē aliquam examinat, quū Thesis est, nempe vniuersalis ad particularem casum non relata, examinare illā in formali verborū sensu: at vbi ad hypothesin accedit, eandē examinare iuxta sensum, quē habet à casu particulari: ideōq; rectē author noster assertionē eā vtroq; modo examinat: & primo quidem sumpta ea pro Thesis, inquit: ex ea nō sequi, sententias oēs iniustas timēdas esse, vt Gerson affirmat,

Sed concludendum esse hoc de illis tantum, quæ licet iniustæ sint, non tamen sunt nullæ: siquidem posset idem colligi ex diui Gregorij assertione, sententiam scilicet Pastoris, iustam, iniustamve. timendam esse, cum indistinctè proferatur, & nihilominus de iniusta sed valida intelligatur ab omnibus: ac tandem concludit calumniam quæ commissarij verbis affingitur verbis etiam diui Gregorij adscribi posse: sufficiebat interpretationem dicere, nam hac voce calumniæ uti cum D. Gregorio, videtur parum conueniēs. Porro Author, quum ait D. Gregorij dictum eidem interpretationi obnoxium esse, hoc intelligit, prout legitur vel apud ipsum D. Gregorium, vel apud Gratianum, vel ut ita absolutè & seorsim enunciatur à quolibet abuti volente hoc dicto. Si ut legitur apud D. Gregorium, dictum illud eum sensum non admittit, nam eo loci loquitur de sententia Pastoris iniusta quocvis modo, vel cum validitate, aut citra hanc, vel cum nullitate, aut citra hanc: sed vox, [timento,] eadem est, ac non per contemptum spernenda, & quilibet affirmat, omnem sententiam etiam iniustam, etiam nullam, ut est sententia pastoris, non esse contemnendam. Verba D. Gregorij sunt, [Is autem qui sub manu Pastoris est, ligari timeat, vel iniuste, nec Pastoris sui iudicium temerè reprehendat, ne si iniuste ligatus est, ex ipsa tumida reprehensionis superbia, culpa, quæ non erat, fiat.] Et subdit: [sed quia hæc breuiter per excessum diximus, ad dispositionem ordinis redeamus. Timere] igitur diuus Gregorius opponit his vocibus, temerè, tumidè, & superbe reprehendere] iuxta quem modum, omnis

mnis.

mnis sententia etiam iniusta & nulla, timenda. Sed iuxta hunc sensum pro timere, dici non poterat, obseruare, vt Commissarius dixit, siquidem sententia superioris peccatum præcipiens, iuxta modum à D. Gregorio dictum timenda est, at nequaquam obseruanda, atque hanc expositionem author apud Gersonem videre poterat, vbi inferius dicit, Gregorij dictum admittere posse bonum sensum, non qualem ei tribuit Commissarius qui addidit, & obseruanda. Quòd si Author de hoc dicto loquatur, vt extat in Decretis, audiat, si lubet, quomodo loquatur Compiler post cap. [si Episcopus. §. præmissis autoritatibus, Gregorius non dicit sententiam iniuste latam esse seruandam, sed timendam, sicut & Urbanus, timenda est ergo, id est non ex superbia contemnenda.] Si Gratianus Monarchus hodie viueret, & Gersonem defendendum susciperet, non posset aptius loqui quam vt ante quadringentos annos loquutus est. Verum si author, D. Gregorij assertionem seorsim & absolute sumat, eam cum assertionem Commissarij conferre non potest, verbum enim, timere, sensum habet quem verbum, obseruare, non admittit: præterea nullus vir doctus citat aliquid quin illud in proprio fonte viderit, ac verum eius sensum habeat: & nullus qui sincere scribat, illud extra proprium sensum adducit. Quapropter quantum discrepet sanctus & modestus loquendi modus D. Gregorij, à tyrannica & absurda Commissarij locutione, constat. Transeamus itaque ad secundam partem.

Secundò reprehendit Gerson Commissariū, quòd

SSf. iiii

dixerit sententias, quamuis iniustas, timendas esse & obseruandas. Alia enim inquit res est obseruare, alia timere. Iniquitas tyranni timenda, neutiquam tamen obseruanda est, & qui dicit eam obseruandam esse, falsum adstruit, & in errore versatur. Ad hoc respondetur: Commissarium, quantum quidem credi potest, non locutum esse de obseruatione rei iniuste, sed de sententia excommunicationis, quatenus poena quædam est, ac priuat hominem participatione Sacramentorum, & conuersatione fidelium: & in hoc sensu rectè dicitur sententiam excommunicationis timendam & obseruandam esse: non sunt enim res diuersæ, timere excommunicationem, & eandem obseruare: nam qui hanc timet, ab usu Sacramentorum, & à commercio fidelium abstinet, & ita eam obseruat: qui verò sic non obseruat, sed cum fidelibus communicat & Sacramentis utitur, eam nequaquam timet. Atque Gerson æquiucat in sententia quæ aliquid præcipit, & sententia quæ re quapiam priuat, cumque super his æquiucis totum suum sermonem fundauerit, mirum non est quòd eum in aëre struxerit.

Author vt Commissarij assertionem defendat, in hypothesi ad casum relatam, ait primò, commissarium, quantum quidem credi potest, non locutum esse de obseruatione rei iniustæ, sed de sententia excommunicationis, quatenus poena quædam est: ac declarato discrimine, concludit Gersonem æquiucasse in sententia quæ aliquid præcipit, & sententia quæ re quapiam priuat, cumque super his totum suum sermonem fundauerit,

rit, mirum non esse, quòd eum in aëre struxerit. Ecce, lector, vt author noster, ignorans quade sententia locutus sit commissarius, coniciat, dicens, quantum credi potest, non locutam eum esse de obseruatione rei iniustæ, sed de sententia excommunicationis, quatenus pœna est, deinde affirmatè concludat Gersonem Iussisse homonymia. Hoc tamen Gerson non ferat, sed è materia subiecta, vt ostendam, sciuit agi de obseruatione rei iniustæ, eamque hoc in libello etiam expressit. Verùm Author ex se ipso in aëre struxit, qui præsupposita re incerta, his verbis, quantum credi potest, Gersonem homonymia vt absolute affirmat: ac si verba illa quantum credi potest his equipolleant, reuera ita est: Author tamen erroris partem agnoscens, eum corrigit his verbis.

Verùm ponamus ita se rem habere, locutus sit commissarius, de sententia quæ aliqua re priuat sub pœna excommunicationis, neque hoc modo malè locutus est: vel enim ea sententia præcipit rem manifestè bonam, vt est alienæ rei restitutio: aut rem manifestè malam, vt sunt furari, blasphemare: aut rem dubiam an mala sit, nec-ne, vt est, ad bellum proficisci, de quo iustum ne an iniustum sit, dubitatur. Si rem manifestè bonam præcipit, obseruanda & timenda est, obseruanda est scilicet, id facièdo quod præcipitur, ne incurratur excommunicatio, & fieri potest eiusmodi sententiam iniustā esse, quū nempe tres admonitiones nō præcesserint, & tamē validā ob rem bonā quæ præcipitur, ob authoritatē præcipientis, & ob præuiā vnā saltē admonitionē. Si sentētia dubia est, malane an nō mala res præcipiatur, obseruāda & timēda est: in

casu namque dubio, subditi est iudicio stare superioris, nō proprio inniti, vt suprà dictum, & communis sanctorum Patrum est sententia. Quòd si sententia rem præcipit quæ manifestè peccatum est, tunc neque timenda, neque obseruanda est, & qui obseruandam esse diceret, erraret: atque de assertionem huiusmodi verè sunt quinque propositiones à Gersone positæ: nam sine dubio falsum est sententiam, quæ ad peccatum obligat, obseruandam esse, & fieri non potest vt sententia peccatum præcipiens, ad obseruantiam obliget, sed & erronea est quod ad mores attinet, quia docet malum facere, & contra fidem, dicens enim licere malè operari, hæreticus est, & impœnitens tradendus est iustitiæ seculari, vt pœnas luat pro meritis: & eiusmodi sententia non modò non obseruari, sed nec timeri debet: ait enim saluator, Noli timere eos qui occidunt corpus: & præstaret mortem subire quempiam, quàm eiusmodi legem obseruare. Vnde quartum illud membrum à Gersone positum non inuenitur, aliquam nimirum sententiam debere aut posse timeri, sed non obseruari, loquendo de timere qui obseruantiam inducit: licet naturali quodam timore Tyrannus malum præcipiens, timeri possit. Nec etiam in hoc commissarius deliquit, semper enim locutus fuit de sententia iniusta, sed valida, qualis non est illa quæ peccatum præcipit, ac euidenter nulla est.

Vides igitur totam Gersonis machinam in aëre fabricatam esse, & quisquis eam transtulit & in lucem misit, vt Venetos inducat ad contemnen-

dum iustam validamque summi Pontificis sententiam, ostendit se plus habere malitię quàm iudicij.

Ad sententię Gersonis & veritatis explicationem, præter iam dicta, nimirum omnino dari sententiam timendam, sed non observandam, necesse est eadem, qua author, uti distinctione, ut dicamus sententiam aut rem præcipere manifestè bonam, aut manifestè malam, aut dubiam: & quod ad primum membrum, quando res quæ præcipitur manifestè iusta est, cum authore convenimus obediendum esse: circa tertium, quum res est dubia, magnoperè metuentes nobis ab authoris æquiocationibus, ipsum dubium, ut superius à nobis factum est, distinguemus in illud quod debitum consilium præcedit, & illud quod hoc sequitur: primū nō obligat ad observationem, sed ad consultationem, quando res dubia post consultationem manet insuperabilis, cum ipso cōvenimus, teneri subditum superioris iudicium, nō verò proprium, sequi: ignoscat mihi lector, quòd sapius hanc doctrinam repetem, siquidē author toties homonymiam in medium attulit, ut nēpe Christiani cæcorum instar, prauos aliorum affectus sequantur. Quod spectat ad secundum membrum, quando malum quid præcipitur sub pœna excommunicationis, certo huius ferendæ tempore præscripto, quo elapso prolata habeatur: cuiuscemodi sententia duas habet partes, alteram quæ iniungit ut præcepto obediatur intra certum terminum, alteram quæ abstineri vult à communionē, nisi post illum terminum obediatur. Quod ad primam partem, peccatum est eam timere iuxta Authorem, & qui hanc ita timeret,

peccaret: atque hinc patet veritas eius quod citat, [Nolite timere eos qui occidunt corpus:] verum ad secundam partem, abstinere scilicet à Communionem, subditus non est obligatus, quòd si hoc observare voluerit, modò alteri cuiuspiam præcepto non aduersetur, non peccabit: hoc Gerson dicit his verbis, quæ verisimile est authorem legisse, Quia timeri possunt à timidis conscientiis in casu quopiam, licet ideò non debeant observari: magnum quippe discrimen est dicere: sententias observandas esse, & eas timendas: observari sententiam excommunicationis intelligit Gerson, quum quis præceptum exequitur ne in eam incidat, vel ut ab ea iam lata liberetur: timeri excommunicationem Gerson intelligit cum quis abstinet à communione. Excommunicationē cū præcepto rei iniuste iunctā, qui observarit, peccabit; qui timuerit, nō peccabit, quāvis eā timere non teneatur. Multum igitur differt, si ita dicamus, sententiæ nostræ, etiā si iniustæ, timeri debent: hoc enim significat abstinere à Communionem, ob earum reverentiam: & sic loquens Commissarius, non errasset nisi dicēs, debent, pro, possunt: at quando dixit eas observari debere, gravius erravit, quia non modò non debent, sed etiam non possunt observari citra peccatum, quæ tamen timeri possunt, licet nemo ad hoc teneatur: atque hoc est quartum membrum differre à Gersone declaratum, quod author ait non reperiri, cum interim & apud D. Gregorium, & apud Gratianum reperitur ab eo qui res considerat sine contradicendi studio. Quamvis autem superius author certò non sciret qua de re Commissarius loqueretur, hinc tamen quasi certus esset,

set, ait, neque in hoc errasse Commissarium, ed quòd semper de iniusta sententia, sed valida locutus sit, què peccatum non iubet: atque hoc me cogit vti digressiuncula vt rem declarem, quæ est huius opusculi materia.

Ante Concilium Constantiense, anno circiter 1399. Carolus v. Galliarum Rex Concilium Præfulum ac Vniuersitatum sui Regni conuocauit, in quo præter alia, determinatum fuit, admittendas non esse Bullas Romanæ Curia de reseruationibus, & beneficiis expectatiuis sed vt electiua beneficia conferrentur electione, & aliorum collationes fierent ab Ordinariis: quod decretum vt obseruaretur, viginti annis sequentibus sæpius renouatum fuit, tum per alia decreta Regni Præfulum, tum per Arresta supremæ Curia iterata vel renouata, quamuis Romana Curia sæpius eorum obseruationem cum scriptis executoriis & Commissariis impedire conaretur.

Gersonem de Commissario loqui ob aliquam eiusmodi causam, in Galliam misso, liquidò apparet in secunda propositione: ipsum verò tempore Pontificatus Martini V. scripsisse, constat ex eadem propositione, vbi dicit Regem viginti ab hinc annis, Concilium Præfulum conuocasse: quod Concilium, vt Guagninus refert, primò congregatum fuit anno prædicto 1399. In tertia verò propositione quando Gerson loquitur de Regis Caroli v. filio, his verbis vtitur, [Legitimo suo filio, nunc Regenti,] quem titulum assumpsit anno 1418. vt testatur Franciscus Bellaforestius: vnde ex prædictis omnibus colligitur, hoc Gersonis opusculum scriptum esse post annum

illum 1418. & ante 1422. quum Carolus vi. obiit. Quamobrem si Martinus v. electus fuit anno 1417. suprà dictum librum sub ipsius Pontificatu scriptum esse constat, præterea Gerson ipse in quarta propositione Concilij Constantiensis, ceu anterioris, meminit: igitur necesse est vt Papæ Commissarius expectatiui alicuius beneficij executionem iusserit, contra prædictarum congregationum determinationes; quod erat iuxta Gersonem, iubere rem iniustam, ac proinde error intolerabilis committebatur contra ius publicum, & qui in illegitimam vsurpationem tenderet, ex ipsius opinione: hæc si author noster animaduertisset, non dixisset Commissarium loqui de iniusta sed valida sententia, eum sit manifestum in quarta propositione, huius Commissarij sententiam esse assertionem aduersus decreta & arresta prædicta, quam ob causam Gerson eam pro valida non habuit.

Commissarius, si religiosus erat, sententias suas pro iniustis habere non poterat: sed velut is, qui obedientiam quouis modo volebat, vt laborem probandi æquitatem sui ipsius præcepti vitaret, scripsit in causa publica, sententias suas siue iustas, siue iniustas, obseruandas esse: si iniusta sententia in validam & non validam distincta fuisset, manebat difficultas, agendum fuisse de validitate: propterea Commissarius vniuersalem assertionem introducere tentauit, esse nempe necessarium suas omnes sententias obseruare, sic enim obtinebat illius obseruationem quàm volebat: non aliter ac nonnulli in præsentī controuersia (existimantes se iustitiam præceptorum quæ Pontifex dat Reipub. ostendere non posse) dicunt, Pontifici, etiam iniusta præcipienti, obediendum esse. Sanè obstupeo,

cū de quæſito agatur quod factō innititur, Authorem contra hiftoriam ita ſermonem ſuum cōcludere. Vides igitur totam Gerſonis machinam in aëre fabricatam eſſe. Poſteà, quaſi Gerſon ſequentibus oſto propoſitionibus alia de re loqueretur, vagareturque, dicit author.

Huic conſiderationi adiungit Gerſon propoſitiones aliquot ad docendum Regem Chriſtianiſſimum, quid poſſit ac debeat facere pro Eccleſiæ Gallicanæ libertate, de quibus propoſitionibus non eſt opus vt agamus hoc loco. Primò, quia nituntur omnes hoc principio, Concilij poteſtatem eſſe ſupra Papam, nec enim aliam ob cauſam Gerſon autumat, Papam immutare non poſſe anti quos Canones, in quibus tunc Eccleſiæ Gallicanæ libertas fundabatur, quàm quòd à Concilio decreti fuerint, ideòque arbitrio & poteſtati Pontificiæ amplius ſubiecti non ſint. Modò autem docuimus hoc principium falſum eſſe, neque hoc à Venetis pro vero adſtrui nobis perſuademus. Secundò, quia poſt Gerſonis tempora, in Concilio Lateranenſi, à Leone x. derogatum fuit pragmaticis, quibus Eccleſiā Gallicana defendebatur, & Concordata inter Leonem Pontificem & Regē Chriſtianiſſimum pacta fuerunt: atque ita libertas Gallicana contra ſummum pontificem non amplius nominatur, quinimò Rex Chriſtianiſſimus, & omnes Galliarum Epiſcopi, cum Matre ſua, quæ eſt Eccleſia romana, & Patre qui Papa eſt, Chriſti Vicarius, at ſucceſſor D. petri, pacem & concordiam colunt. Tertiò, quia libertas Gallicana, de qua Gerſon, commune nihil habet cum libertate, quam modò Reſpublica Veneta præten-

dit, illa enim antiquis decretis & Canonibus fulciebatur, hæc autem & antiquis & modernis aduersatur.

Cùm Gersonis scopus esset octo propositionibus ostendere quid Rex Christianissimus facere deberet pro Ecclesiæ Gallicanæ libertate, in occasionibus similibus illi à Commissario datæ: Ecclesiam defendendo à reservationibus, beneficiis expectatiuis, aliisque illorum temporum Curia Romanæ abusibus, ideo octo propositiones adfert: quas author subtiliter iudicauit satius esse dissimulare, quàm attingere, apertè cognoscens earum confutationem aggredi, esse eas confirmare, ac illud stabilire quod superius oppugnauit, Principes nimirum posse ac debere Præsulum præceptis enormibus & abusiuis sese opponere. Tres causas excusationis loco adfert, ob quas de octo his propositionibus non agit: prima est, quia nituntur hoc principio, Concilij potestatem esse supra Papam: atque hoc principium ait se superius declarasse falsum esse: addere tamen poterat, non obstante sua declaratione, hoc defendi ac pro vero haberi ab Vniuersitatibus Galliæ, & pro testibus citari Nauarrum, & alios. Secunda causa est, quia in Concilio Lateranensi sub Leone, derogatum fuit pragmaticis, vt ita non amplius libertas gallicana contra summum Pontificem nominetur. Hic author nos adeò rudes & historiæ imperitos putat, vt nesciamus aliud esse libertatem Ecclesiæ gallicanæ, de qua Gerson, & aliud pragmaticam: illa est ante Gersonem, sed pragmatica à Rege Carolo septimo circa annum 1440. constituta fuit, multò post conscriptum hoc opusculum, in quo

quo Carolus sextus eius pater, adhuc viuus nominatur. Sed cur nō dicere vniuersitatē Parisiensem ad futurū conciliū appellasse, quōd Leo pragmaticā abrogauisset? Putat etiā nos ignorare quid sit pragmatica, & quid concordatū, & an hoc illā tollat vel omnino, vel aliqua tantū ex parte. Sed hoc omnem superat animositatem dum nos incarceratos esse putat, qui nesciamus etiam quid fiat hoc tempore, & an in Gallia quotidie appelletur ad supremas Curias ab Ecclesiasticorū sententiis, tanquam ab abusu, & an de his Curia iudiciū ferat: tales sanè vellet nos esse author noster, atque vt de mundanis nihil sciremus, nisi quod Ecclesiasticis conducit, vtque in supina ignorantia degentes, ipsos ceu numina & oracula admiraremur. Tertia causa ob quam author octo Gersonis propositiones præterit, est, quia gallicana libertas, de qua Gerson, antiquis Canonibus fulciebatur, Veneta autem antiquis & modernis aduersatur. De veritate vltimi huius dicti nolo verba facere. Gallia nō est Iaponū regnū, vt anniuersoria nūtia sint expectanda, quōd aliquid de illius Regni administratione audiatur. Libertatem illius Ecclesiæ gallicæ omnes scriptores meminerunt, omnesque simul collectæ habentur in libro quodam Parisiis edito anno 1594. ex quo nonnullas huc referam, liberum Lectori iudicium relinquens. Ita formaliter habetur in prædicto libro, præter alia multa particularia.

Pontifices non possunt imperare, aut præscribere, nec in genere, nec in specie, quicquam eorum quæ res temporales attinent in Prouinciis ac ditionibus obedientiæ & superioritatis Regis

TTt i

Christianissimi: & si iubeant, vel statuunt aliquid, Regis subditi quamuis clerici fuerint, ei non tenentur obedire hac in parte.

Quamuis Pontifex supremus habeatur in rebus spiritualibus: in Gallia tamen potestas absoluta & infinita nullatenus locum habet, sed restricta est & limitata à Canonibus & regulis Antiquorum Conciliorum Ecclesiæ, in hocce Regno receptorum: Et in hoc maximè consistit libertas Ecclesiæ gallicanæ.

Reges Christianissimi pro temporum occasione & Prouinciarum suarum necessitate, semper conuocarunt, aut conuocari iusserunt Synodos aut concilia Prouincialia, & Nationalia, in quibus, præter alia ad Regni status conseruationem facientia, de rebus etiam ad ordinem disciplinamq; Ecclesiasticam earundem Prouinciarum attinentibus, actum est, & in hisce Conciliis Reges ipsi Regulas, Capita, Leges, Ordinationes, & sanctiones pragmaticas, statui curarunt sub suo nomine & authoritate, multaque horum etiam hoc tempore loquuntur in collectionibus Decretorum ab Ecclesia Catholica receptorum & quorundam à Conciliis generalibus approbatorum.

Pontifex nullo modo in Galliam mittit legatos à latere, cum facultate reformandi, & dispensandi, conferendi, & similium quæ in Bullis facultatis ipsorum designari solent, nisi hæc petente vel his assensum præbente Rege Christianissimo: ipsæque legatus facultatibus suis non vtitur, nisi postquam scripto promiserit Regi supra pectus suum, per sacros suos Ordines, quod facultatibus illis in Regno, Prouinciis, ac Ditionibus ipsi
sub-

subiectis non vtetur, nisi quamdiu Regi placuerit, quódque vbi primùm legatus ipse contrariam esse Regis voluntatem rescierit, desistet ac cessabit: itidem quód iis tantùm facultatibus vtetur, quibus Rex voluerit ipsum vti, nihil moliendo, nec faciendo quicquam in præiudiciũ sanctorum Decretorum, conciliorum generalium, Immunitatum, libertatum, & Priuilegiorum Ecclesiæ Gallicanæ, ac Vniuersitatum & Academiæ huius Regni.

Et in hunc finem offeruntur Legatorum facultates supremæ Curia, vbi videntur, examinantur, approbantur, promulgantur, & in tabulas referuntur, cum limitationibus, quas Curia regno conducere iudicauerit: atque etiam iuxta has limitationes, & non aliter, iudicatur lites omnes & cōtrouersia, quæ ob legati actiones oboriuntur.

Præsules Ecclesiæ gallicanæ, licet à Pontifice qualibet de causa citentur, è regno tamen sine iussu aut venia Regis exire nequeunt.

Clausulæ quæ insertæ sunt Bullæ in Cœna Domini, speciatimverò quæ tempore Iulij Papæ I I. & aliorum post ipsum appositæ fuerunt, in Gallia locum non habent, quantum ad libertates, & priuilegia Ecclesiæ Gallicanæ, ac Regis aut Regni rationes.

Non potest Pontifex iudicare aut delegare cognitionem eorum quæ ad rationes, præeminencias, & priuilegia Coronæ Regni Galliarum, eiusque appendicum spectant, nec vnquam Rex de suis rationibus ac prætentionibus agit, nisi coram propria Curia.

Ecclesia Gallicana semper credidit, quód quauis

TTt ij

ex regula Ecclesiastica, vel (vt ait D. Cyrillus, scribens ad Papam Celestinum) ex antiquo omnium Ecclesiarum more, Concilia Genaralia conuocari & celebrari non debeant absq; Papa, Clauē non errante, agnito pro capite, ac totius Ecclesiæ militantis principe, & patre communi omnium Christianorū: nihilq; concludi aut determinari debeat, sine ipso eiusdemq; authoritate: nihilominus tamen nunquam iudicatum sit aut creditum, Pontificem esse supra concilium vniuersale, sed potius decretis ac determinationibus vniuersalis ipsius concilij subiectum esse, tanquam Ecclesiæ præceptis, Domini nostri Iesu Christi sponsæ, quam in primis eiusmodi concilium repræsentat.

Bullæ, aut literæ Apostolicæ, citationum literæ item excutoriales, fulminatoriæ aliæve; effectum suum in Gallia non sortiuntur, absque Pareatis Regis, vel ipsius Ministrorū, & executio quæ post permissionem fieri potest, sit ab ordinario Iudice Regis, & Regis authoritate, non verò Apostolica, vt iurisdictionis confusio permixtioque vitetur.

Non potest Pontifex pensiones imponere Sacerdotiis huius Regni animarum curam habentibus, nec aliis etiam, nisi fortè hoc fieret beneficiis consentientibus, & iuxta sancta decreta conciliorum & constitutionum Canonicarum, vel in utilitatem resignantium, qui expressa hac conditione resignauerint, vel ad pacificandum partes quæ de litigiosis beneficiis contendunt.

Libertates Ecclesiæ gallicanæ conseruatae sunt, diligenter obseruando vt omnes Bullæ, & expectationes, à Romana Curia prodeuntes viderentur

tur & examinarentur, an scilicet aliquid contine-
rent, rationibus & libertatibus Ecclesiæ gallica-
næ, & Regis authoritati vlllo modo damnosum:
cuius rei reperitur etiam expressa constitutio à
Rege Ludouico x. facta, quam imitati sunt Im-
peratoris Caroli v. antecessores, tunc Regni Gal-
liarum Coronæ clientes, quàmque ipsemet in
quodam suo Edicto confirmauit Madriaci facto,
anno 1543. eamque in Hispania, & aliis Regioni-
bus sibi subiectis vsurpauit, seuerius ac minus re-
uerenter, quàm in hoc Regno.

Et propter appellationes interiectas ad futu-
rum concilium, quarum multa exempla, etiam vl-
timis temporibus, reperiuntur, vt appellationum
interiectarum pro Vniuersitate Parisiensi à Pon-
tificibus Bonifacio octauo, Benedicto vndecimo,
Pio secundo, Leone decimo, & aliis.

Nisi legitima huius Apologiæ breuitas prohi-
beret, huc adferrem, etiam arresta Curiarum in
materia iudiciorum criminalium, vbi determina-
tur, in gallia clericos cuiuslibet Ordinis, non so-
lùm posse capi à Magistratibus, & Ecclesiastico
iudicio tradì ob delicta communia, sed à laico
iudicari posse ob delicta enormia, vel priuilegia-
ria: & quum quis etiam ob delictum commune,
Ecclesiastico bis traditus fuerit eum tertio ceu in-
corrigibilem à seculari iudicari. Arresta videre est
in gallis omnibus Iurisconsultis, speciatim in col-
lectionibus Ioh. Papon. l. i. t. 5. art. 4. 9. 30. 31. 33. 34.
35. 44. 45. 46. 47.


Ex his quilibet videre potest, verissimum esse
quod ait Author, nempe libertatem gallicarum
in antiquis Canonibus fundatam esse, quam

nis non verum sit eam his tantum niti, verum etiam lege naturali, & omni æquitate ac ratione constare etiam potest, non esse quod ait Author, nempe hoc tempore non amplius de Gallicanæ Ecclesiæ libertatibus, in Gallia sermonem fieri: quin potius floridissimum illud ac potentissimum Regnum, sicut eas hactenus conseruauit, ita nunc eas omni studio conseruat. Has autem conferendo cum libertate quam Respublica Deo fert acceptam, ac totis suis viribus conseruare nititur, apparebit, eam non differre ab illis, nisi quantum postulat regionum diuersitas: imò etiam constabit, Rempub. multis naturalibus suis libertatibus non uti, quibus posset, vt maiorem erga sanctam sedem reuerentiam præbeat: idèq; vnusquisq; deteget immediatè, quàm sit vltima authoris nostri conclusio à vero aliena, libertatem scilicet quam vult Respublica, antiquis & nouis Canonibus aduersari.

Ephesi 3. Ei autem qui potens est omnia facere superabundanter quàm petimus, aut intelligimus secundum virtutem quæ operatur in nobis, ipsi gloria in Ecclesia, & in Christo Iesu, in omnes generationes sæculi sæculorum.

Amen.

EXEM-



E X E M P L A R E P I S T O -
L Æ S C R I P T Æ A D D O -
minum nostrum Papam
Paulum V.

*A Zefiriolo Thoma Bonio Ve-
ronensi.*



P A T E R S A N C T E: Finis præceptorum est Charitas ex puro corde & conscientia bona, & fide non simulata. Hac charitate ductus scripsi multoties Ducibus, Regibus, Imperatoribus, Episcopis, Cardinalibus, Pontificibus. Ago enim octogesimum sextum ætatis annum. Eiusdem charitatis impulsu has nunc scribo ad Sanctitatem vestram. Magnates isti quum mea consilia executioni mandarunt, honorem inde ac laudem reportarunt, quum ea spreuerunt, non nisi damnum & dedecus in hoc Mundo subierunt, in altero à Iudice supremo pro meritis excepti, quemadmodum Achab spreto Micheæ consilio: contrà David recepto Nathanis consilio salutem consecutus est. Clemens VIII. grætiæ memoriæ, consilium meum de absoluendo Galliarum Rege, executioni mandavit, ac voluit me Episcopatu insignire, ego verò nolui, multaq;

T T t . iij

alia quæ mihi obtulit, recusavi, memor eius quod scribit Petrus de Natalibus Monachus Domini-
canus, & Episcopus Equilinus in suo Sanctorum Catalogo, quum nempe Leo 11. Pontifex cœpisset singulis diebus Missam celebrare, ac D. Petrum rogare ut pro ipso vellet intercedere, & à Domino Deo peccatorum suorum veniam impetrare, contigisse ut ille Sanctus die quadragesima visibiliter ipsi apparuerit, dicens: Officium feci, & diuina Maiestas tibi veniam concedit: at sibi reseruat ut in morte tua rationem illi reddas administratę impositionis manuum: ego igitur hac de causa quæcunque à Pontifice oblata recusavi. Quamobrem Sanctitas vestra attentè perpendat quid agendum, & has meas literas semel atque iterum legat, postea faciat quod illi Spiritus sanctus dictabit, ut ego feci priusquam scribere has cœperim. Basis & fundamentum Catholicę nostrę Religionis iis nititur scriptis quæ nobis reliquerunt sacri Evangelistę ac D. Paulus, præco, Apostolus, & doctor gentium, præscripto Domini & Saluatoris nostri Iesu Christi, filij Dei, & Marię Virginis, qui conceptus fuit de Spiritu sancto, & regnabit in æternum super domum Israel, & Regni eius non erit finis, ut scribit Lucas, & Matthæus subiungit, Ipse saluum faciet populum suum à peccatis eorum. Neque hîc disputandum eius Regnum fuisse temporale & spirituale, quòd esset filius Dei Creatoris & Moderatoris rerum omnium: is enim qui est ipsissima veritas dixit ore proprio, Regnum meum non est de hoc mundo: & de suo regno loquens dixit

dixit Apostolis suis , vos qui in tentationibus meis mansistis mecum , & ego dispono vobis sicut disposuit mihi Regnum meum Pater meus , vt edatis & bibatis super Mensam meam , in regno meo , & sedeatis super thronos duodecim , iudicantes duodecim tribus Israel. Et apud Lucam petenti cuidam vt præciperet fratri suo vt hereditatem secum diuideret , respondit, Quis me constituit Iudicem super vos? Et apud D. Iohannem, Sic Deus dilexit mundum vt filium suum vnigenitum daret, vt omnis qui credit in eum non pereat, sed habeat vitam æternam , non enim misit Filium suum in mundum vt iudicet mundum , sed vt seruetur Mundus per ipsum. Similiter apud D. Iohannem, Si quis verba mea audierit , & non crediderit, ego non iudico eum , non enim veni vt iudicem mundum, sed vt seruem mundum. Et cum vellent Iacobus & Iohannes ignem è cœlo impetrare , vt quondam Elias , supra ciuitatem Samarię quę cibum illis denegauerat, dixit eis Dominus noster , Filius hominis non venit ad perdendas animas hominum , sed ad saluandas. Et apud D. Marcum dixit, Filius hominis non venit vt sibi ministretur , sed vt ministraret, & daret animam suam pro multis : Et apud eundem dixit Petro qui de his temporalibus & mundanis agere volebat , Abi post me Satan , quia sapis ea quę sunt hominum , non quę sunt Dei. Et apud D. Iohannem quum populum illum pauisset quinque panibus ac duobus piscibus, videretque se Regem ab eis constitui , Secessit in montem solus, Christus itaque non fuit Rex in

hoc mundo : & ne Regibus esset inobediens , si-
uit se crucifigi falsa accusatione quod Regis ti-
tulum usurpasset , & ideo Pilatus vt Sacerdoti-
bus illis gratum faceret , eum condemnauit vt
crucifigeretur , atque vt sententiam suam fuko te-
geret , inscriptionem addidit , Iesus Nazarenus
Rex Iudæorum : qua de re postea iussu Cæsaris
pœnas dedit. Christus itaque non fuit rex : nec le-
gitur enim vnquam Reges de Regni ipsorum ad-
ministratione reprehendisse , imò rogatus an tribu-
tum Cæsari Ethnico esset persoluendum , respon-
dit , Reddite quæ sunt Cæsaris , Cæsari , & quæ
sunt Dei , Deo : cum omnis potestas à Deo sit :
quocirca ipsemet didramma persoluit. Cum i-
gitur ipse non fuerit rex , nec mundanis hisce
rebus se immiscuerit , & Apostolis suis dixerit ,
Quæ sursum sunt sapite , non quæ sunt deor-
sum : Petro autem ter dixerit , Pasce agnos meos ,
Pasce oues meas , non ei dedit authoritatem il-
lam quam ipsemet negauit habere , & quam
nullo vnquam tempore exercuit : imò in Euan-
gelio sancti Iohannis , dixit , Non est seruus ma-
ior domino suo , nec legatus maior eo qui le-
gauit eum : dixit etiam , Qui vult venire post
me , abneget semetipsum , & tollat crucem suam ,
& sequatur me : Itidem nobis dixit , Quemad-
modum ego feci , ita & vos faciatis. Quod
si dixit Apostolis suis & Petro , Quæcunque li-
gaueritis super terram , erunt ligata & in cœlis ,
& quæcunque solueritis super terram , erunt so-
luta in cœlis , dixit etiam per Apostolum , Mo-
destia vestra nota sit omnibus hominibus : i-
tem , si frater tuus peccauerit in te , vade & cor-
ripi

ripe cum, quod si correctiones non admisérít, inquit, sit tibi tanquam ethnicus & publicanus. Et D. Paulus ad Titum dicit, Hæreticum hominem post vnam aut alteram admonitionem deuota. Quapropter nec Dominus noster Christus, nec Paulus vas electionis, dicunt opus esse excommunicare, recidere, disperdere. Sed quorsum nos etiam subditos velle disperdere qui nulla in re sanctam Ecclesiam offendimus, Bonus ille Pastor Euangelicus tantoperè lætatur ob inuentam ouiculam prius amissam? & vestra Sanctitas vult perdere tot populos innocentes, quod seruiant illis Principibus quos Deus eis Dominos constituit? cum in lib. sapientiæ scriptum sit, data est à Domino potestas vobis: & apud D. Paulum, omnis anima potestatibus præcellentibus subdita sit. Dicit Ieremias cap. 23. Veh Pastoribus, qui perdunt, disperdunt pecudes pascuæ meæ, dicit Dominus. Ideo sic dicit Dominus Deus Israel ad Pastores qui pascunt populum meum, vos perdidistis pecudes meas, & eiecistis eas, non visitastis eas: Ecce visito super vos malitiam operum vestrorum, dicit Dominus. Pater sancte, inuitus dico, imò non ego, sed Dominus noster Iesus Christus dicit, D. Matth. id referente, me autem spiritu bono idem scribente, Qui scandalizauerit vnum de pusillis istis, qui in me credunt, expedit ei vt suspendatur mola asinaria in collo eius, & demergatur in profundum maris. Veh mundo à scandalis, necesse est vt veniant scandala, veruntamen veh illi per quem scandalum venerit. Actio hec sanctitatis

vestrę contra Venetos, & contra tot eorum sub-
ditos, non est contra vnum de pusillis istis, sed est
contra omnes Christianos, & forsan etiam con-
tra mundum vniuersum. Possem non sine causa
prolixior esse, multoque plura in medium afferre,
sed quia probè intelligenti verba facio, hęc

stylum abrumpo. Et Sanctitati ve-

strę omni cum reuerentia

deosculor Sanctos

pedes.

* * *

Veni Sancte Spiritus.

CAN-



CANZON.

*Se Papa Paolo Quinto è intra in sto ballo
De voler molestar questa Città,
Per odio natural, o per humor,
No ghe xè pena vgnal à si gran fallo:*

La xè vna crudeltà,

No atto de pastor,

Voler scommunegar Venetiani,

Cò se fusse Caluini, o Luterani.

II. *Ve par a vu d'hauer discretion,
Ello bel tiro, ello giusto vadagno,
Volere in cao de mille anni, ed oscento,
Con berta d'hauer bona intention,*

De spogiar el compagno

Cò si fatto spauento.

Se no ve dona tutto quel ch' i ha in cà

In venti zorni i xè scomunegà.

III. *Quando me penso s'è vegnu da vu
Cussi stranio pensier che vu haue in cao,
Che mai Papa ni sun se l'ha pensa
M'imagino cho siè sta messo su.*

Consegie da recao

Con chi no è interessà.

Perche per Dio cò xè mosso l'humor

L'è facil cosa che l'offenda'l cor.

IV. *Ma, se ve consegie, toie suggetti,
Che no ve grata, ne habbia timor,
Che no habbia interesse con nissun,
Che no ghe manca al mondo homeni schietti,*

De dottrina, e d'honor:

E lassè che ciascun

Ve possa dir a vu lilleramente

Quanto che Dio gl'inspira, o quel che sente.

V. *Da chi haueu tiolto questa lettion.*

ex regula Ecclesiastica, vel (vt ait D. Cyrillus, scribens ad Papam Celestinum) ex antiquo omnium Ecclesiarum more, Concilia Genaralia conuocari & celebrari non debeant absq; Papa, Clauē non errante, agnito pro capite, ac totius Ecclesiæ militantis principe, & patre communi omnium Christianorū: nihilq; concludi aut determinari debeat, sine ipso eiusdemq; autoritate: nihilominus tamen nunquam iudicatum sit aut creditum, Pontificem esse supra concilium vniuersale, sed potius decretis ac determinationibus vniuersalis ipsius concilij subiectum esse, tanquam Ecclesiæ præceptis, Domini nostri Iesu Christi sponsæ, quam in primis eiusmodi concilium repræsentat.

Bullæ, aut literæ Apostolica, citationum literæ item excutoriales, fulminatoriæ aliæve, effectum suum in Gallia non fortiuntur, absque Pareatis Regis, vel ipsius Ministrorū, & executio quæ post permissionem fieri potest, fit ab ordinario Iudice Regis, & Regis autoritate, non verò Apostolica, vt iurisdictionis confusio permixtioque vitetur.

Non potest Pontifex pensiones imponere Sacerdotiis huius Regni animarum curam habentibus, nec aliis etiam, nisi fortè hoc fieret beneficiis consentientibus, & iuxta sancta decreta conciliorum & constitutionum Canoniarum, vel in utilitatem resignantium, qui expressa hac conditione resignauerint, vel ad pacificandum partes quæ de litigiosis beneficiis contendunt.

Libertates Ecclesiæ gallicanæ conseruatae sunt, diligenter obseruando vt omnes Bullæ, & expeditiones, à Romana Curia prodeuntes viderentur

tur & examinarentur, an scilicet aliquid contine-
rent, rationibus & libertatibus Ecclesiæ gallica-
næ, & Regis authoritati vlllo modo damnosum:
cuius rei reperitur etiam expressa constitutio à
Rege Ludouico I. X. facta, quam imitati sunt Im-
peratoris Caroli V. antecessores, tunc Regni Gal-
liarum Coronæ clientes, quàmque ipsemet in
quodam suo Edicto confirmauit Madriaci facto,
anno 1543. eamque in Hispania, & aliis Regioni-
bus sibi subiectis vsurpauit, seuerius ac minùs re-
uerenter, quàm in hoc Regno.

Et propter appellationes interiectas ad futu-
rum concilium, quarum multa exempla, etiam vl-
timis temporibus, reperiuntur, vt appellationum
interiectarum pro Vniuersitate Parisiensi à Pon-
tificibus Bonifacio octauo, Benedicto vndecimo,
Pio secundo, Leone decimo, & aliis.

Nisi legitima huius Apologiæ breuitas prohi-
beret, huc adferrem, etiam arresta Curiarum in
materia iudiciorum criminalium, vbi determina-
tur, in gallia clericos cuiuslibet Ordinis, non so-
lùm posse capi à Magistratibus, & Ecclesiastico
iudicio tradì ob delicta communia, sed à laico
iudicari posse ob delicta enormia, vel priuilegia-
ria: & quum quis etiam ob delictum commune,
Ecclesiastico bis traditus fuerit eum tertio ceu in-
corrigibilem à seculari iudicari. Arresta videre est
in gallis omnibus Iurisconsultis, speciatim in col-
lectionibus Ioh. Papon. l. i. t. 5. art. 4. 9. 30. 31. 33. 34.
35. 44. 45. 46. 47.

Ex his quilibet videre potest, verissimum esse
quod ait Author, nempe libertatem gallicarum
in antiquis Canonibus fundatam esse, quam

nis non verum sit, eam his tantum niti, verum etiam lege naturali, & omni æquitate ac ratione constare etiam potest, non esse quod ait Author, nempe hoc tempore non amplius de Gallicanæ Ecclesiæ libertatibus, in Gallia sermonem fieri: quin potius floridissimum illud ac potentissimum Regnum, sicut eas hactenus conseruauit, ita nunc eas omni studio conseruat. Has autem conferendo cum libertate quam Respublica Deo fert acceptam, ac totis suis viribus conseruare nititur, apparebit, eam non differre ab illis, nisi quantum postulat regionum diuersitas: imò etiam constabit, Rempub. multis naturalibus suis libertatibus non uti, quibus posset, vt maiorem erga sanctam sedem reuerentiam præbeat: ideòq; vnusquisq; deteget immediatè, quàm sit vltima authoris nostri conclusio à vero aliena, libertatem scilicet quam vult Respublica, antiquis & nouis Canonibus aduersari.

Ephes. 3. Ei autem qui potens est omnia facere
superabundanter quàm petimus, aut intelligimus
secundum virtutem quæ operatur in nobis,
ipsi gloria in Ecclesia, & in Christo
Iesu, in omnes generationes
sæculi sæculorum.

Amen.

EXEM-



E X E M P L A R E P I S T O -
L Æ S C R I P T Æ A D D O -
minum nostrum Papam
Paulum V.

*A Zefirio Thoma Bouio Ve-
ronensi.*

PATER SANCTE: Finis præceptorum est Charitas ex puro corde & conscientia bona, & fide non simulata. Hac charitate ductus scripti multoties Ducibus, Regibus, Imperatoribus, Episcopis, Cardinalibus, Pontificibus. Ago enim octogesimum sextum ætatis annum. Eiusdem charitatis impulsu has nunc scribo ad Sanctitatem vestram. Magnates isti quum mea consilia executioni mandarunt, honorem inde ac laudem reportarunt, quum ea spreuerunt, non nisi damnum & dedecus in hoc Mundo subierunt, in altero à Iudice supremo pro meritis excepti, quemadmodum Achab spreto Michæ consilio: contrà David recepto Nathanis consilio salutem consecutus est. Clemens VIII. græ memorie, consilium meum de absoluendo Galliarum Rege, executioni mandavit, ac voluit me Episcopatu insignire, ego verò nolui, multaq

T T t iii

alia quæ mihi obtulit, recusavi, memor eius quod scribit Petrus de Natalibus Monachus Dominicanus, & Episcopus Equilinus in suo Sanctorum Catalogo, quum nempe Leo II. Pontifex cœpisset singulis diebus Missam celebrare, ac D. Petrum rogare ut pro ipso vellet intercedere, & à Domino Deo peccatorum suorum veniam impetrare, contigisse ut ille Sanctus die quadragesima visibiliter ipsi apparuerit, dicens: Officium feci, & diuina Maiestas tibi veniam concedit: at sibi reseruat ut in morte tua rationem illi reddas administratæ impositionis manuum: ego igitur hac de causa quæcunque à Pontifice oblata recusavi. Quamobrem Sanctitas vestra attentè perpendat quid agendum, & has meas literas semel atque iterum legat, postea faciat quod illi Spiritus sanctus dictabit, ut ego feci priusquam scribere has cœperim. Basis & fundamentum Catholicæ nostræ Religionis iis nititur scriptis quæ nobis reliquerunt sacri Evangelistæ ac D. Paulus, præco, Apostolus, & doctor gentium, præscripto Domini & Saluatoris nostri Iesu Christi, filij Dei, & Mariæ Virginis, qui conceptus fuit de Spiritu sancto, & regnabit in æternum super domum Israel, & Regni eius non erit finis, ut scribit Lucas, & Matthæus subiungit, Ipse saluum faciet populum suum à peccatis eorum. Neque hîc disputandum eius Regnum fuisse temporale & spirituale, quòd esset filius Dei Creatoris & Moderatoris rerum omnium: is enim qui est ipsissima veritas dixit ore proprio, Regnum meum non est de hoc mundo: & de suo regno loquens dixit

dixit Apostolis suis , vos qui in tentationibus meis mansistis mecum , & ego dispono vobis sicut disposuit mihi Regnum meum Pater meus , vt edatis & bibatis super Mensam meam , in regno meo , & sedeatís super thronos duodecim , iudicantes duodecim tribus Israel. Et apud Lucam petenti cuidam vt præciperet fratri suo vt hereditatem secum diuideret , respondit, Quis me constituit Iudicem super vos? Et apud D. Iohannem, Sic Deus dilexit mundum vt filium suum vnigenitum daret, vt omnis qui credit in eum non pereat, sed habeat vitam æternam , non enim misit Filium suum in mundum vt iudicet mundum , sed vt seruetur Mundus per ipsum. Similiter apud D. Iohannem, Si quis verba mea audierit , & non crediderit, ego non iudico eum , non enim veni vt iudicem mundum, sed vt seruem mundum. Et cum vellent Iacobus & Iohannes ignem è coelo impetrare, vt quondam Elias, supra ciuitatem Samarię quę cibum illis denegauerat, dixit eis Dominus noster , Filius hominis non venit ad perdendas animas hominum, sed ad saluandas. Et apud D. Marcum dixit, Filius hominis non venit vt sibi ministretur, sed vt ministraret, & daret animam suam pro multis : Et apud eundem dixit Petro qui de his temporalibus & mundanis agere volebat, Abi post me Satan, quia sapias ea quę sunt hominum, non quę sunt Dei. Et apud D. Iohannem quum populum illum pauiisset quinque panibus ac duobus piscibus, videretque se Regem ab eis constitui, Secessit in montem solus, Christus itaque non fuit Rex in

hoc mundo : & ne Regibus esset inobediens , si-
 uit se crucifigi falsa accusatione quòd Regis ti-
 tulum usurpasset , & ideò Pilatus vt Sacerdoti-
 bus illis gratum faceret , eum condemnauit vt
 crucifigeretur , atque vt sententiam suam fuko te-
 geret , inscriptionem addidit , Iesus Nazarenus
 Rex Iudæorum : qua de re postea iussu Cæsaris
 pœnas dedit. Christus itaque non fuit rex : nec le-
 gitur enim vnquam Reges de Regni ipsorum ad-
 ministratione reprehendisse , imò rogatus an tribu-
 tum Cæsari Ethnico esset persoluendum , respon-
 dit , reddite quæ sunt Cæsaris , Cæsari , & quæ
 sunt Dei , Deo : cùm omnis potestas à Deo sit :
 quocirca ipsemet didramma persoluit. Cùm i-
 gitur ipse non fuerit rex , nec mundanis hisce
 rebus se immiscuerit , & Apostolis suis dixerit ,
 Quæ sursum sunt sapite , non quæ sunt deor-
 sum : Petro autem ter dixerit , Pasce agnos meos ,
 Pasce oues meas , non ei dedit authoritatem il-
 lam quam ipsemet negauit habere , & quam
 nullo vnquam tempore exercuit : imò in Euan-
 gelio sancti Iohannis , dixit , Non est seruus ma-
 ior domino suo , nec legatus maior eo qui le-
 gauit eum : dixit etiam , Qui vult venire post
 me , abneget semetipsum , & tollat crucem suam ,
 & sequatur me : Idem nobis dixit , Quemad-
 modum ego feci , ita & vos faciatis. Quòd
 si dixit Apostolis suis & Petro , Quæcunque li-
 gaueritis super terram , erunt ligata & in cœlis ,
 & quæcunque solueritis super terram , erunt so-
 luta in cœlis , dixit etiam per Apostolum , Mo-
 destia vestra nota sit omnibus hominibus : i-
 tem , si frater tuus peccauerit in te , vade & cor-
 rige

ripe eum, quòd si correctiones non admiserit, inquit, sit tibi tanquam ethnicus & publicanus. Et D. Paulus ad Titum dicit, Hæreticum hominem post vnam aut alteram admonitionem deuota. Quapropter nec Dominus noster Christus, nec Paulus vas electionis, dicunt opus esse excommunicare, recidere, disperdere. Sed quorsum nos etiam subditos velle disperdere qui nulla in re sanctam Ecclesiam offendimus, Bonus ille Pastor Euangelicus tantoperè lætatur ob inuentam ouiculam prius amissam? & vestra Sanctitas vult perdere tot populos innocentes, quòd seruiant illis Principibus quos Deus eis Dominos constituit? cùm in lib. sapientiæ scriptum sit, data est à Domino potestas vobis: & apud D. Paulum, omnis anima potestatibus præcellentibus subdita sit. Dicit Ieremias cap. 23. Veh Pastoribus, qui perdunt, disperdunt pecudes pascuæ meæ, dicit Dominus. Ideò sic dicit Dominus Deus Israel ad Pastores qui pascunt populum meum, vos perdistis pecudes meas, & eiecistis eas, non visitastis eas: Ecce visito super vos malitiam operum vestrorum, dicit Dominus. Pater sancte, inuitus dico, imò non ego, sed Dominus noster Iesus Christus dicit, D. Matth. id referente, me autem spiritu bono idem scribente, Qui scandalizauerit vnum de pusillis istis, qui in me credunt, expedit ei vt suspendatur mola asinaria in collo eius, & demergatur in profundum maris. Veh mundo à scandalis, necesse est vt veniant scandala, veruntamen veh illi per quem scandalum venerit. Actio hæc sanctitatis

CANZON.

*Se Papa Paolo Quinto è intra in sto ballo
De voler molestar questa Città,
Per odio natural, o per humor,
No ghe xè pena ugual à si gran fallo:*

La xè vna crudeltà,

No atto de pastor,

Voler scommunegar Venetiani,

Cò se fusse Caluini, o Luterani.

II. *Ve par a vu d'hauer discretion,*

Ello bel tiro, ello giusto vadagno,

Volere in cao de mille anni, ed oscento,

Con berta d'hauer bona intention,

De spogiar el compagno

Co si fatto spauento.

Se ro ve dona tutto quel ch' i ha in cà

In venti zorni i xè scomunega.

III. *Quando me penso s'è vegnu da vu*

Cussi stranio pensier che vu haue in cao,

Che mai Papa ni sun se l'ha pensa

M'imagino cho siè sta messo su.

Consegie da recao

Con chi no è interessà.

Perche per Dio cò xè mosso l'humor

L'è facil cosa che l'offenda'l cor.

IV. *Ma, se ve consegie, toie' suggetti,*

Che no ve grata, ne habbia timor,

Che no habbia interesse con nissun,

Che no ghe manca al mondo homeni schietti,

De dottrina, e d'honor:

E lassè che ciascun

Ve possa dir a vu lilleramente

Quanto che Dio gl'inspira, o quel che sente.

V. *Da chi haueu tiolto questa lettion.*

Chi v'ha dà sto Latin per i passini?
 Della mia robba in casa mi no posso
 Par quel che voggio mi, che son Paron?

S'i homeni è cattivi,

S'el diauol ghè adosso,

Dell' anima vu sè fatto paron,

Ma della robba no: qualche minchion.

VI. Se al mondo vu tegni el luogo de Christo,

Come seua San Piero, è tanti altri

Papi santi, ch'è stà dopo de loro,

Pen sè che nissun d'essi ha fatto acquisto

Delle possession d'altri,

Ne de quantità d'oro.

Iha hauudo va sol fin, con la bontà

De dar esempio alla Christianità.

VII. Lechiaui vn hauc in custodia dal Signor,

Per auerzer le porte in paradiso,

E vn in cambio d'auerzer, le ferrè:

No podè zà scusar vn tal error.

Mi ve dago vn anniso,

Fè quel che vu douè:

Che se guastassi l'opere, ho paura

Che no auerzissi mai piu sta ferraia.

VIII. Ma per veder sta vostra nauesella

Ch'è in mezo al mar senz'alcun sospetto

Affattà (o cussì non vogia Dio)

Da Corsari, da mar, è da procella

Tornar al so despetto

Subitamente indrio.

Et alla fin se ben sè tanto accorto,

No habbie mucdo de condur la in porto.

IX. Non è dubbio che sè noſtro Pastor

Ma pastor d'otto di, pastor che non ha

Mai

Mai visto grege, & in cussi puochi di
Al grege vu metti tanto terror.

Saneu quel che sarà?

Ve'l voggio dir, aldi,

Se sbandarà le piegore da vu
Done che i loui le chiapperà su.

X. N'è stà ditto che sè tanto Dottor,

Filosofo, Teologo, mi'l credo;

Cussi credo che no hauè mai piu

Gouernà stado, ne sè stà Pastor.

Che sia'l vero, me credo

Che n'è sanio colu

Che no diga, La xè malignità

Che'l Papa vogia far quel che no'l sa.

XI. Se sauesse cò se gouerna el stado

Certo no mouesse sti tanti humori,

Mi ve vedo imparar a vostro costo,

Ve'l digo, Vu ve trouare intrigado.

Tremo che sti romori,

Sti conti senza l'hosto,

Metta la sedia su una punta d'ago

E che de Papa vu deuentè Zago.

XII. Hauèu mai letto quel che gl'intrauenne

Ad Alessandro Papa con Ferigo

Che hauena la barba rossa quel tremendo,

Che ghe bogiua el sangue in te le vene,

Quel sò mortal nemigo,

Che fese cussi horrendo

Proclama, che chi al Papa hauesse dao

Agiuto, el gh' hauerane rotto el cao.

XIII. V'è stato mai ditto che Doze Ziani

Trouè che el Papa faua la cosina

De' nostri fradi della Caritàe

E che con tanto sangue, e nostri danni

In Istria una mattina

Combattè le dò armae,

Doue alla fin fu preso, e rotto Otton,

E tutto sangue fu fatto preson?

XIV. Chi messe il Papa in sedia con sò honor

Chi in cao ghe messe il Regne? dixel vu,

Et adessone paghe de sta monea

Desmentiga un si fatto saior?

Che ne haue fatto a nu

Quel che ni sun credea.

Si è pure insula vostra, stè sul duro,

Che Zuro a Dio, ve petteremo ac muro.

XV. Faremmo vn' altro Papa, cò su fatto

Papa Guido da Crema là in Borgogna,

Chiamaremo Concilie in qualche liogo,

Et a dirla, vu sarè tegnù da matto.

Perche saria vergogna

S'haue impizza stò fuogo,

No veder de brusar la vostra cà.

Credelo pur la ve intranegnerà.

XVI. L'è passà el tempo da vender fenochi

Ve'l digo chiaro, tegniuelo a mente

Ognun sa con che v'haue mosso,

Sappiè che i gattesin ha auerti i occhi.

Ne cusi facilmente

S'ha da rosegar st'osso.

Che se ghe mette'l i oltrun montani,

Saria megir esser morsegà da cani.

F I N E.

INT. 12/18638

